






1126  
M. VLLI  
CICERONIS  
EPISTOLÆ  
FAMILIARES

Cum Auctoris Vita

A PAVLLO MANVTIO EDITA.


*t Argumentis sicut in eodem Textu Manvtiani  
leguntur, usq; adhuc prætermisiss, & in alijs Im-  
press. nibus non fideliter descriptis*

MAIORE, QUAM HACTENUS DILIGENTER CASTIGATA



VENETIIS. M. DC. LX.

Apud Baba.







M. TULLII  
CICERONIS  
VITA

EDITA A PAULO MANVTIO



de de de de



*Q*UAE *VITA* ad Epistolarum primi Libri cognitionem non parum conduxerit, *Vita* & Casuum Auctoris cognitio; eam complectar paucissimis. M. Tullius Cicero Arpinus natus; Romae, quò puer perductus fuerat tantum in discendo profecit; ut in causis dicendi primum locum consecutus sit: tantumque veritatis, & Reip. studio potuit, ut omnes honores suo ordine obtinuerit. In Consulatu autem illi se gessit, ut non minus verae gloriae in toga meruerit, quam alius quispiam in armis; liberavit enim Urbem ab incendio, & ciuitatem à cæde coniuratorum, Catilina duce: in quos cum animaduertisset: & Catilina iam in prælio cecidisset; primus in toga triumphauit: primusque Pater Patriae appellatus est, erectis eius gloriae perpetuis monumentis: Quae res illi inuidiae non paràm peperit, praesertim apud Caesarem, & paulò post apud Clodium, virum op-  
prime

prime nobilem : qui captus amore Pompeiæ uxoris Cæsaris in domo eius in veste muliebri deprehensus est temerasse festa Bonæ (maribus non adeunda) Deæ ; ob quam rem in ius vocatus, negavit se tunc in Urbe fuisse ; citatus autem Cicero in eum testis, adseruit Clodium, eo die secum Romæ fuisse ; quod idem & alij præclari viri testati sunt ; Clodius tamen, iudicibus corruptis pecunia, absolutus est. Cæsar autem uxorem repudiavit, quod diceret : Domum Cæsaris non solum crimine, sed etiam suspicione criminis vacare deberet, in Clodium, ut Ciceroni incommodet, nihil gravius egit. At Clodius, ultionis auditate, à Patribus ad plebem per adoptionem transiit : factusque Tribunus plebis, Ciceroni diem dixit, quod nobilissimos ciues necasset indicta causa. Erant autem tunc Consules L. Piso, Cæsaris socer, & P. Gabinus ; qui provinciarum spe, Clodij conatibus fauebant. Quod intelligens Cicero, cum neque à Pompeio, neque ab alijs amicis satis tutaretur, aufugit ; absensque damnatus est à Clodio ; ut, bonis eius publicatis, quadringentis millibus passuum ab Italia igni, & aqua illi interdiceretur ; qui verò eum hospicio suscepisset, exul esset, & sua amitteret omnia : additumque Ciceroni est, ne quid de eo reducendo referret, disputaretve, aut sedibus in sententiam iret : quæ omnia populus sciuit, atque approbavit, maxima, ut semper fuit, animorum mutabilitate. Clodius ita exulis villas diripuit, & incendit : domum in palatio à fundamentis demolitus est, & in area templum Libertatis construxit : fortunâs omnes hastæ subiecit, nec tamen in tota illa auctione sector quispiam repertus est. Cicero in Macedoniam aufugit, ubi à Planco benignè exceptus est. Clodius autem ob victoriam insolentior factus, etiam Pompeium in publica concione contumelys proscidit ; quarens ut populus quod Pompeius is esset, responderet : Quis vno digito caput scaberet ? quis vir virum quæreret ; & similia. Qua

3

contumelia irritatus Pompeius, fretusque Lentuli auctoritate, ad quem proxima sunt Epistola, & qui Ciceroni amicissimus fuit, auctor fuit Tito Annio, Tribuno pleb. ut rogationem ad populum ferret de Cicerone reuocando. Quæ res ingentes turbas concitauit: Clodius enim cum factione sua tribunitiæ obstitit rogationi: coque obtinente, aliquamdiu nihil agi potuit: certatumque est interim in publico armis, tribunitiaque potestas violata est: multi quoque interfecti, adeo ut Quintus Cicero, Marci frater, inter cadauera: latitans, sit seruatus. Postremò Pompeius ingenti bonorum manu, ad hoc ipsum ex tota Italia collecta, Clodium fore expulit: auxilioque fuit, ut populus sine aliquo maiore motu rogaretur. Nunquam maior populi Romani de aliqua re consensus fuisse dicitur. Neque tam magnum alias totius Italiae studium, quæ ad hoc ipsum Romam confluxerat: ut non magis eleganter, quam verè Cicero postea gloriatus sit: Italiae se humeris ab exilio reportatum. Senatum charitate & beneuolentia cum populo certauit: decreuitque ut publice laudarentur ciuitates, quæ Ciceronem humaniter accepissent; ut domus, & villæ eius publico instaurarentur sumptu. Reuertit sexto decimo Mense, postquam Vrbe eiektus fuerat: in Senatuque aliquantulum floruit: quo tempore ad Lentulum primi Libri Epistolas scripsit, Deinde Ciliciam, post Lentulum, & Appium Claudium Pulchrum, Prouinciâ obtinuit: vnde reuersus bella ciuilia inter Cæsarem, & Pompeium offendit orta; quæ res effecit, ut triumphare non potuerit. Diu autem ad concordiam vtrumque frustra hortatus, Pompeium tandem secutus est. Quo victo, & occiso, per Dolabellam generam suam Cæsari reconciliatus, cum in foro locus non esset, ad philosophiam se contulit. Tandem, Cæsare occiso, cum libertatis publicæ gratia, eius percus-

ores tutaretur ; & in Marcum Antonium Caesaris vindicem , Philippicas habuisset , postquam Antonius , Lepidus , & Augustus Triumviratum inissent , ab Antonio , alijs conniuentibus , proscriptus est ; & in fuga deprehensus , capite & manu , qua Philippica scripserat truncatus est .



7  
M. TVLLII  
CICERONIS

Epistolarum

AD LENTVLVM.

LIBER PRIMVS.

BIBLIOTHECA NA.  
ROMA  
BRIO. EMANUE.

ARGVMENTVM

Epistolæ Primæ Ciceronis

AD LENTVLVM.



Artēs Argumenti duæ sunt, vna & extrinsecus, & satis longe petita, quæ ad regem Ptholomæum proprie pertinet; altera, quæ sumitur ex ipsa Epistola, & & regiæ causæ statum explicat; prior non aliena, posterior etiam necessaria.

Rex Egypti Ptolemæus, Auletes dictus, quia tibijs canere, præter dignitatem regiam, solitus esset, pater Cleopatæ, notissimæ sceminæ, & eius Ptolemæi, cuius est iussu interfectus Pompeius Magnus, societatem, & amicitiam populi Romani diu expetitam impetrauit aliquando, Cæsare & Bibulo Cos. quæ de re sic ipse Cæsar lib. iij. de bel. ciu. Controuersias regum ad populum Romanum, & ad se, quod esset consul, pertinere existimabat, atque eo magis officio suo conuenire, quod superiore consulatu cum patre

Ptolemæo & lege, & S. C. societas erat facta. Et in oratione pro Postumo: Non ei regi pecuniam credidit, qui alienus ab hoc imperio esset, sed ei, qui cum fœdus feriri in Capitolio viderat. Eam autem societatem diu exoptatam esse à Ptolemæo, nec nisi Cæsare consule obtineri potuisse, intelliget, opinor, qui perpendet illud in ep. 16. lib. 2. ad Atticum: De rege Alexandrino, placuisse sibi, aliquando confici. Nam verbum, aliquando, negatam antea Ptolemæo societatem, satis, ut opinor, ostendit. Nec verò minimam eius impetrandi honoris difficultatem Suetonius demonstrat, cum ait in Cæsaris vita: Societates, ac regna pretio dedit, ut qui vni Ptolemæo prope sex millia talentorum suo Pompeijque nomine abstulerit. Porro cupiditas Ptolemæi tanta societatis, & amicitiae populi Romæ, non solum ex eo nata, quia superiores fere omnes Ægypti reges, eundem honorem adepti, præsidium aduersis temporibus in fide, ac tutela Romanorum sæpe maximum inuenerant; verum etiam, quod ipse, nisi socius, amicusque populi Romani appellaretur, stabile sibi, atque tutam regni possessionem non putabat: idque duabus causis, primum quod Alexandri regis, qui proximus regnauerat, testamento Ægyptus Romanis relicta dicebatur: itaque ait Cicero in oratione prima in Rullum: Dicent decemviri, id quod dicitur à multis, & sæpe dictum est, regis Alexandrini testamento regnum illud populi Romani esse factum. Et in secunda in eundem: Quis vestrum ignorat, dici illud regnum testamento regis Alexandrini populi Romani esse factum? Et paulò post: Video, qui testamentum factum esse confirmat: auctoritatem senatus exstare hereditatis aditæ sentio, tum, quando, Alexandro mortuo, legatos Tyrum misimus, qui

ab illo pecuniam depositam nostris recuperarent. Hac igitur de causa, ne sibi regnum populus Romanus adimeret, Ptolemæus timebat. accedebat altera, quod ipse, non modo Alexandri regis mortui filius, verum nec è regio esse genere putabatur. itaque subiungit ibidem Cicero: Eum, qui regnum illud teneat hoc tempore, neque genere, neque animo regio esse, inter omnes fere video conuenire. Ptolemæum designat: de quo etiam paulò post: Qui sunt, inquit, isti decemviri, quos perspicimus regnum Alexandriæ Ptolemæo gratis adiudicatu-? Honor igitur ille societatis, & amicitie populi Romani, vehementer operatus confirmandi regni causa, magnoque emptus, necessitatem quandam Ptolemæo attulit Egyptios offendendi. nam, cum ab eis intolerabilia tributa exigeret, incurrit in eorum odia: ex quo multitudine concitata, vite sue timens, è regno Romam profugit, Lentulo Spinthere, Metello nepote Cos. idest biennio post, quam in societatem, amicitiamque populi Romani receptus erat. Questus iniuriam, petijt, vt restitueretur, impetrauitq; non magno negotio, vel Pompeij gratia, eius causam adiuuatis, ob amicitiam Mithridatico bello contractam; vel suffragante pecunia, clam multis data; vel etiam, quod regis bene de re meriti, (nam vt Plinio referente cognoscitur, Pompeio, circa Iudæam rem gerenti, octo equitum millia, Ptolemæus suo sumptu miserat) & eius regis, quem senatus populusque Romanus biennio ante, Cæsare & Bibulo Cos. socium atque amicum appellasset, iniurias vlcisci, non modo iustum, sed exemplo etiam utile, speciosumque videbatur. His causis factum est S. C. referente consule P. Lentulo, vt fortirentur consules, vter eorum regem reduceret, idest, vt is reduceret, cui

tui Cilicia prouincia obtigisset: quæ obtigit Lentulo.  
 nam, si Ciliciam Lentulus antea sortitus esset; conijci  
 postea in sortem reductionem regis oportuit, quip-  
 pe cum ea Ciliciæ proconsuli, cui prope in conspe-  
 ctu Ægyptus esset, ob facultatem rei perficiendæ  
 prorsus deferenda videretur. Hispania verò, quæ ob-  
 uenit Metello, vt in Appiano legimus, longissime ab  
 Ægypto remota, omnino cum reductione regis Ale-  
 xandrini coniungenda non fuit. Huius & S.C. & for-  
 tis in oratione in Pisonem mentio fit his verbis: Au-  
 deret Gabinius, si non acerrime fureret, quam pro-  
 uinciam P. Lentulus, cum & auctoritate Senatus, &  
 forte haberet, interposita religione, deposuisset, eam  
 sibi tum adsciscere, cum, etiam si religio non impe-  
 daret, mos maiorum tamen & exempla, & grauissime  
 legum pœnæ vetarent? Et in ea pro Postumo: Non  
 latroni, sed regi credidit; nec regi inimico populi  
 Romani, sed ei, cuius reditum consuli datum à Senatu  
 videbat. Et in eadem: Non ad Gabinij, cuius id ne-  
 gotium non erat, sed ad P. Lentuli, clarissimi Viri,  
 auctoritatem, à Senatu profectam, & consilio certo,  
 & spe non dubia Romam contenderat. Accedit hu-  
 ius Epistolæ testimonium, satis apertum, his verbis:  
 Hortensij & mea, & Luculli sententia, ex illo S.C. quod  
 te referente factum est, tibi decernit, vt regem redu-  
 cas. Et in ep. 7. Nullum exstat S. C. quo reductio  
 regis Alexandrini tibi adempta sit. Quæ confirmat  
 lib. xxxix. historia Dionis. Exeunte anno, cum Len-  
 tulus nondum in prouinciam iuisset, per C. Catonem  
 tribunum pleb. obiecta Senatui religio est, prolato è  
 Sibyllinis versibus oraculo, ne rex cum multitudine  
 reduceretur; si fieret, malo publico futurum. Tum  
 factum est alterum S. C. referente de religione Mar-  
 cellino



cellino consule ; regem cum multitudine reduci , periculofum Reip. videri . De hoc S. C. sic in ep 2. lib. 11. ad Q. Fr. De rege Alexandrino factum est S. C. cum multitudine cum reduci , periculofum Reipub. videri . Atque illam epistolam cum videam xiv. Kal. Febr. scriptam esse , facile possum suspicari , hoc S. C. antequam hæc ad Lentulum mitteretur , esse factum . nam neque idibus , quo hæc die scripta est , neque postridie , idest xvi. Kal. neque xvi. factum esse , ex duabus constat epistolis , secunda & quarta . Quod si quis xv. Kal. idest pridie quam illam ad fratrem Cicero scripserit , decerni potuisse dixerit : antiqua consuetudine reuelletur . Senatum enim haberi per dies comitiales non licuit . comitiales autem fuisse diem , xv. Kal. Ian. non solum fasti dierum veteres , sed etiam Cicero ipse in quarta docet epistola . nam , cum de Senatu ad xvi. Kal. habito locutus esset , subiunxit : Senatus haberi ante Kal. Febr. per legem Pupiam , id quod scis , non potest . In ea etiam ad fratrem , cuius proxime sum , vsus exemplo , extractam ait rem obrectatorum Lentuli calumnia , deinde comitiales dies esse consecutos : cum de Senatu xvi. Kal. habito loquatur , vt in quarta significat huius libri : vbi , iisdem fere verbis vtens : Res , inquit , ab aduersarijs nostris extracta est varijs calumnijs . Ergo , vt redeam vnde diuerſi , S. C. de religione ante hanc epistolam , idest ante Idus Ianuar. factum erat . Tertium S. C. cum fieret , ne quis omnino regem reduceret ; id quod , vt hæc docet epistola , P. Seruilius Isauricus censuerat ; intercessum est . Senatus tamen voluntas perscripta , quod , impedito S. C. fieri solitum est ; vt memoriæ traderetur , atque exstaret in publicis tabulis , quid senatus , nisi obstitisset intercessio , fieri voluisset . Hac  
dere

de re sic in epist. 7. Nullum exstat S. C. quo reductio regis Alexandrini tibi adempta sit, eaque, quæ de ea scripta est, auctoritas, cui scis intercessum esse, vt nequis omnino regem reduceret, tantam vim habet, vt magis iratorum hominum studium, quam constantis senatus consilium esse videatur. Sublato igitur à religione exercitu, cum de rege reducendo deliberaretur, & alij eum honorem Lentulo, quem iam antea & S. C. & fortis beneficio acceperat, conseruarent, alij Pompeio mandandum, alij aliter censerent; varietas opinionum rem extraxit; Catonis deinde tribuni pl. audacia disturbauit penitus, atque peruertit. nam & ab initio tribunatus, vt Fenestella docet apud Noniũ, concionibus assiduus inuidiam regi, ac Lentulo concitauit; & mox, lege etiam de abrogando Lentulo Ciliciæ imperio promulgata, animos eorum, qui Lentulo fauebant, à minore cura ad summum timorem traduxit: Pompeium verò, in senatu aspere, & acerbè accusatum, eo redegit, vt consilium reducendi regis abijceret. itaque rex, desperato senatus auxilio, confugit ad Gabinium, Syriæ proconsulem: à quo, promissis ei decem talentorum millibus (ea sunt HS. bis millies quadringenties: vt ostendit Cicero in oratione pro Postumo) Pompeio etiam, qui cum Crasso tum consulatum gerebat, admodum pro eo contendente, facile impetrauit, vt restitueretur. Ex eo postea Gabinius maiestatis accusatus, quod prouinciæ suæ finibus, contra legem Corneliam, excessisset, corruptis iudicibus absolutus est; mox tamen de repetundis in iudicium vocatus, defendente, Pompeij rogatu, Cicerone, qui priore iudicio accusauerat, odio maxime prioris iudicij damnatus, publicatis bonis, in exilium abiit: quem postea dictator Cæsar restituit.

Hinc

Hinc illa in eum oblique coniecta in oratione contra  
 Pisonem. Seipsum, fasces suos, exercitum populi Ro-  
 mani, numen, interdictumq. deorum immortalium, re-  
 sponsa sacerdotum, auctoritatem senatus, iussa populi,  
 nomen, ac dignitatem imperij regi Ægyptio veditit:  
 in Ægyptum venit: signa contulit cum Alexandrinis:  
 cepit Alexandriam. atque hoc loco scdam Appiani  
 negligentiam dissimulare non possum, qui Gabinium  
 Pompeio tertium consule, de maiestate damnatum pu-  
 tat. in quo dupliciter peccat, primum temporis, de in-  
 de criminis in scientia. nam Gabinius biennio ante  
 Pompeij tertium consulatum, Domitio, & Appio Cos.  
 non de maiestate, sed de repetundis damnatus est.  
 vtrumq; docet Dionis historia: cui si fides abrogatur;  
 ipse certe non refelletur Cicero; quo ego, praesertim  
 in rebus illius ætate gestis, locupletiores testes non  
 quaero, is in epist. 16. ad Atticum lib. 1v. & in ep. 4. ad  
 Q. Fr. lib. iij. prorsus patefacit *ἀνισοπρεπείαν* Appiani. Sed,  
 ut redeam ad Auletē, pecuniæ tantam vim Cæsari primū  
 ab eo datā, ut societatem pop. Rom cōsequeretur, de-  
 inde Gabinio, ut eiectus restitueretur, forsitan mirari  
 aliquis possit, qui si eius regis annua vectigalia nouerit;  
 non dubito, quin mirari desinat. capiebat enim ex  
 Ægypto, ut in quadā oratione Ciceronē scripsisse gra-  
 uis auctor Strabo lib. xvii. memoriæ tradidit, talenta  
 annua duodecim millia quingēta. In tātis opibus ma-  
 gni negotij nō fuit, aut Cæsari sex millia talentorum, aut  
 Gabinio decē millia largiri, aut etiā, id quod à Varro-  
 ne proditū Plinius narrat, octona millia equitū, Pom-  
 peio circa Iudæā res gerēte, sua pecunia tolerare, mil-  
 le conuiuas, totidē aureis pectorijs, mutantē vasa cum  
 serculis faginare. Haecenus de Ptolomæo. Nunc, quæ  
 sit epistolæ sententia, quo principio inducta, quibus  
 distin-

distincta partibus, quo fine conclusa, videamus. Ac  
 primum; quod ijs, qui aliena negotia curant, amouen-  
 da in primis negligentiae suspicio est; orditur Cicero  
 ab officio suo, operamque à se in regio negotio na-  
 uatam ita significat, ut eximiam in Lentulum bene-  
 uolentiam praeferat. mox regis, & eius amicorum  
 studium, consulis, & consularium sententias, Pompeij  
 familiarium contentionem, perfidiam amicorum ex-  
 ponit. quae qui attendat, rei difficultatem, ex Lentuli  
 sententia conficiendae, maximam videat. nam ad re-  
 gis voluntatem, qui reduci à Pompeio, ciuitatis prin-  
 cipe, cupiebat, Hammonius eius legatus, clam pecu-  
 nia data, Senatorum animos traducere conabatur.  
 Senatorum autem alij, illius largitionis inuidia, regē  
 oderant, reducendumque prorsus negabant, ut Mar-  
 cellinus, Seruilius, senatus maior pars: alij Pompeio  
 rem deferri malebant, ut Volcatius, Afranius, Lupus,  
 Libo, Hypsæus, omnes præterea Pompeij familiares,  
 quos pro summa eius auctoritate, & gratia, plurimos  
 fuisse par est: nonnulli, ut Crassus, reducendum qui-  
 dem regem, sed sine exercitu, Sibyllæ versibus admo-  
 niti, censebant. Horum tria video genera fuisse. nam  
 cum omnes in tuenda religione consentirent; non ta-  
 men omnium in ratione reducendi sensus idem erat.  
 Placebat Crasso consulari, à tribus legatis, vel pri-  
 uatis, vel ijs etiam, qui cum imperio essent, regem  
 restitui: ita neque Pompeius, neque Lentulus,  
 qui cum imperio erant, excludebantur. Place-  
 bat Bibulo, item consulari, à tribus priuatis: ita  
 Pompeio, & Lentulo locus erat. Contra Hor-  
 tensius, Lucullus, Cicero, ipsi quoque consulares, ab  
 vno Lentulo, Ciliciam cum imperio administrante,  
 reducendum censebant: quod anno superiore, ipso

Len-

Lentulo consule referente, senatus decreuerat. Quæ si perpendantur singula: pæne res à Lentulo remota videbitur. nam, si Marcellini, & Seruilij de non reducendo rege valeat opinio: iacet negotium. Si Pompeij familiares vincunt: Lentulo reiecto, Pompeius decernitur. Si de legatis priuatis Bibuli sententia probatur: æque Lentulus, & Pompeius, qui cum imperio erant, reijciuntur. Si Crassus auditur, vt inter legatos locum habeant ij, qui cum imperio sunt: oritur inter Lentulum, & Pompeium de reductione contentio: nec dubium, quin Pompeius obtineat, honoribus, & meritis in Remp. ciuitatis facile princeps. (nicum igitur in Hortensij), Luculli, Ciceronis sententia perfugium. Sed hic etiam aduersantur multa: primum, senatus voluntas, à rege, propter apertam largitionem, alienior; deinde, corrupti ab Hammonio, regis legato, non pauci; qui rem ad Pompeium deferri omnes volebant; postremo, ipsius Pompeij familiares, & in ijs tribuni pleb. aliquot, parati ad intercedendum, si pro Lentulo S.C. fieret. Addo illud quod Ciceronis, quia Lentuli beneficio obstrictus videbatur, in causâ regia minor erat auctoritas; gratia verò eius, vt magna esset, maiore tamen Pompeij gratia vincebatur. Nec verò, adempto exercitu, quod Cicero etiam, Hortensius, Lucullus religionis causâ probare cogeabantur, magnopere erat, cur eam reductionem Lentulus expeteret: quippe qui vereretur, ne, respuentibus regem Alexandrinis, quos cogere sine armis nequiret, infecta re cum aliquo dedecore discederet. Quocirca præclarum in hac epistola Ciceronis artificium licet animaduvertere: qui neque perare Lentulum iubet, cum desperandum potius intelligat; neque tamen prorsus cum abducit à spe, veritus

ritus ne hominis amicissimi, optimeque de se meriti, fortasse etiam, ipsius opera Ciceronis, optatum rei exitum exspectantis, animum offendat. nam in eo loco: In Senatu sic egit causam tuam, ut neque eloquentia maiore quisquam, neque gravitate, nec studio, nec contentione agere potuerit: Pompeium optime animatum erga Lentulum significat. Infra, verò, cum subiungit: Quæ res augeat suspicionem Pompeij voluntatis. Et paulò post: In eam opinionem rem adduxerunt, ut Pompeius cupere videatur. Et in eo: Quod Pompeio se gratificari putant: id sum, quod promiserat, in dubium reuocat. Quod qui erant, qui Pompeij causa nollent; ij nec Lentulo qui antea Pompeium ornauerat, fauebant. Ita Lentulo spes omnis infirmatur: cum vel amicos Pompeij aduersarios habeat; vel, qui alieniores Pompeio sint, amicos ipse habere non possit. Callide autem, ne sua culpa res inclinasse videatur, inducit illa quasi excusationis loco: Ut in rebus multo ante, quam profectus es, ab ipso rege, & ab intimis, ac domesticis Pompeij clam exulceratis, deinde palam à consularibus exagitatis, & in summam inuidiam adductis, ita versamur. Scripta est Epistola, Cn. Cornelio Lentulo Marcellino, L. Marcio Philippo Cos.



## M. T. C I C E R O

S. D. P. L E N T V L O

P R O C O S.

†



Go, omni officio, ac potius pietate erga te, cæteris satisfacio omnibus, mihi ipse nunquam satisfacio. Tanta enim magnitudo est tuorum erga me meritorum: ut, quoniam tu, nisi perfecta re, de me non conquiesci, ego, quia non idem in tua causa officio, vitam mihi esse acerbam putem. In causa hæc sunt. Hammonius Regis legatus, apertè pecunia nos oppugnat. Res agitur per eosdem creditores, per quos, cum tu aderas, agebatur. Regis causa si qui sunt, qui velint, qui pauci sunt; omnes rem ad Pompeium deferri volunt. Senatus religionis calumniam, non religione, sed malevolentia, & illius regiae largitionis invidia, reprobat. Pompeium & hortari, & orare, & iam libentius accusare, & monere, ut magnam infamiam fugiat, non desistimus: sed planè nec precibus nostris, nec admonitionibus reliquit locum, nam cum in sermone quotidiano, tum in Senatu palàm sic egit causam tuam, ut neque eloquentia maiore quisquam, neque gratitate, nec studio, nec contentione agere potuerit, cum summa testificatione tuorum in se officiorum, & amoris erga te sui. Marcellinum tibi esse iratum scis, is, hac regia causa excepta, cæteris in rebus se acerrimum tui defensorem fore ostendit. quod dat, accipimus: quod instituit referre de religione, & sæpe iam retulit, ab eo deduci non potest. Res ante Idus acta sic est: nam hæc Idibus mane scripsi. Hortensij & mea, & Luculli sententia cedit religioni de exercitijs; (teneri enim res aliter non potest).

B

potest).

potest) sed ex illo S. C. quod te referente, factum est, tibi decernit, vt Regem reducas; quod commodò reip. facere possis: vt exercitum religio tollat, te, auctorem Senatus retineat. Crassus tres legatos decernit, nec excludit Pompeium; censet enim etiam ex ijs, qui cum imperio sunt. Bibulus tres legatos ex ijs, qui priuati sunt. huic assentiuntur reliqui Consulares, præter Seruiliū, qui omninò reduci negat oportere: & Volcatium, qui Lupo referente, Pompeium decernit, & Afranium, qui assentitur Volcatio: quæ res auget suspicionem Pompeij voluntatis: nam aduertebatur, Pompeij familiares assentire Volcatio. Laboratur vehementer, inclinata res est. Libonis, & Hypsæi non obscura concursatio, contentio, omniumque Pompeij familiarium studium, in eam opinionem rem adduxerunt, vt Pompeius cupere videatur. cui qui nolunt, iidem tibi, quod eum ornasti, non sunt amici. Nos in causâ auctoritatem eò minorem habemus, quod tibi debemus. Gratiam autem nostram exstinguit hominum suspicio, quod Pompeio se gratificari putant. Vt in rebus multò ante, quàm profectus es, ab ipso Rege, & ab intimis, ac domesticis Pompeij clam exulceratis, deinde palàm à Consularibus agitatis, & in summam inuidiam adductis, ita versamus. Nostram fidem omnes, amorem tui absentis præsentisq. cognoscent. Si esset in ijs fides, in quibus summa esse debebat, non laboraremus. Vale.

## A R G V M E N T V M.

*Tota est negotialis epistola, excepta morali clausula: in qua studium, & officium in agendo, diligentiam in scribendo promittit. Significat, quid actum sit in senatu; quid ipse oratione sua profecerit; quem Bibuli sententia exitum habuerit; consules quid sentiant; quo Pompeius, quo familiares eius animo sint. Et, quoniam Lentulo in regia*



*regia caussa duo maxime tribuni pl. aduersabantur, Cato, & Caninius, quorum alter totam regis reductionem oppugnabat, alter Pompeio studebat: his, ne quid agere cum populo possent, obiecta esse dicit impedimenta auspicioꝝ, & legum.*

CICERO S. D. LENTVLO. 2

**I**Dibus Ian. in Senatu nihil est confectum: propterea quoddies magna ex parte consumptus est altercatione Lentuli Consulis, & Caninij Tribuni pleb. Eo die nos quoque multa verba fecimus, maximèque visi sumus Senatum commemoratione tuæ voluntatis erga illum ordinem commouere. Itaque postridie placuit, vt breuiter sententias diceremus; videbatur enim reconciliata nobis voluntas Senatus esse: quod tum dicendo, tum singulis appellandis, rogandisque perspexeram. Itaque cum sententia prima Bibuli pronunciata esset, vt tres legati Regem reducerent; secunda Hortensij, vt tu sine exercitu reduceres; tertia Volcatij, vt Pompeius reduceret, postulatum est, vt Bibuli sententia diuideretur: quatenus de religione dicebat; cuique rei iam obsisti non poterat, Bibulo assensum est. De tribus legatis frequentes ierunt in alia omnia. Proxima erat Hortensij sententia: cui Lupus Tribunus pl. quod ipse de Pompeio retulisset, intendere cœpit, ante se oportere discessionem facere, quàm Consules. Eius orationi vehementer ab omnibus reclamatum est: erat enim & iniqua, & noua. Consules neque concedebant, neque valde repugnabant: diem consumi volebant: id quod est factum, perspiciebant enim in Hortensij sententiam multis partibus plures ituros: quamquam apertè Volcatio assentirentur. multi rogabantur, atque id ipsum Consulibus inuitis: nam Bibuli sententiam valere cupierunt. Hæc controuersia vsque ad no-

Item ducta, Senatus est dimissus: & ego eo die casti apud Pompeium cœnaui: nactusque tempus hoc magis idoneum, quàm vnquam antea, (quod post tuum discessum is dies honestissimus nobis fuerat in Senatu) ita sum cum illo locutus, vt mihi viderer animum hominis ab omni alia cogitatione ad tuam dignitatem tuendam transducere. Quem ego ipsum cum audio, prorsus eum libero omni suspicione cupiditatis: cum autem eius familiares omnium ordinum video, perspicio id, quod iam omnibus est apertum, totam rem istam iam pridem à certis hominibus, non invito Rege ipso, consiliariisque eius, esse corruptam. Hæc scripsi ad xvj. Kal. Febr. ante lucem. eo die Senatus erat futurus. Nos in Senatu, quemadmodum, spero dignitatem nostram, vt potest in tanta hominum perfidia, & iniquitate, retinebimus. Quod ad popularem rationem attinet, hoc videmur esse consecuti, vt ne quid agi cum populo aut saluis auspicijs, aut saluis legibus, aut denique sine vi possit. De his rebus pridie, quàm hæc scripsi, Senatus auctoritas grauiissima intercesserat: cui cum Cato, & Caninius intercessissent, tamen est perscripta, eam ad te missam esse arbitror. De cæteris rebus, quidquid erit actum, scribam ad te: &, vt quàm rectissimè agantur, omni mea cura, opera diligentia, gratia prouidebo. Vale.

## ARGUMENTVM.

*Commendatiuæ litteræ pertinent ad morale genus. Non enim à gesta, gerenda vè re sumitur argumentum; sed ea scribuntur, quæ magna ex parte suadet humanitas, quæq; in commendando plurimum habere ponderis existimamus. Perfecta autem commendatio tribus fere constat partibus. nam & amicitia cum eo, qui commendatur, & rei æquitas, & studium nostrum ostenditur. Hic amicitia cum Trebonio declaratur in eo loco, Multos.*

*tos annos vtor valde familiariter: rei equitas in eo, quæ  
T. Ampius de eius re decreuerit: studium commendan-  
tis in clausula, Vt intelligat nostram commendationem  
non vulgarem fuisse.*

**A** Trebonio, qui in tua prouincia magna nego-  
tia, & ampla, & expedita habet, multos an-  
nos vtor valdè familiariter. Is cùm antea semper, &  
suo splendore, & nostra, cæterorumque amicorum  
commendatione, gratissimus in Prouincia fuit,  
tum hoc tempore, propter tuum in me amorem, no-  
stramque necessitudinem, vehementer confidit his meis  
litteris se apud te gratiosum fore. Quæ ne spes eum  
fallat, vehementer te rogo, commendoque tibi eius  
omnia negotia, libertos, procuratores, familiam, in  
primisque, quæ T. Ampius de eius re decreuerit, ea  
comprobes; omnibusque rebus eum ita tractes, vt in-  
telligat nostram commendationem non vulgarem fuisse.  
Vale.

## A R G V M E N T V M.

*Negotialis est vsque ad illud, Ego neque de meo studio.  
Narrat, quid actum in senatu, quid promiserint tribu-  
ni pleb. quæ sit opinio populi Romani, qua senatus in eum  
voluntate: quod ad popularem rationem attinet, nihil  
timendum, vitamen excepta: suum studium in regia  
caussa, aliorum iniurias, magistratuum imbecillitatem  
ostendit: postremo de senatu, populoque Romano spem  
optimam affert.*



**A**D xvi. Kalend. Febr. cum in Senatu pulcherrimè staremus, quòd iam illam sententiam Bibuli de tribus legatis pridie eius diei fregeramus: vnumque certamen esset relictum, sententia Volcatij; res ab aduersarijs nostris extracta est varijs calumnijs: causam enim frequenti Senatu, in magna varietate, magnaue inuidia eorum, qui à te causam regiam aliò transferebant, obtinebamus. Eo die acerbum habuimus Curionem, Bibulum multò iustiorē, pene etiā amicum. Caninius, & Cato negarunt se legem vllam ante comitia esse laturos. Senatus haberi ante Kalend. Febr. per legem Pupiam, id quod scis, non potest, neq; mense Febr. toto, nisi perfectis, aut reiectis legationibus. Hæc tamen opinio est populi Romani à tuis inuidis, atque obrectatoribus nomen inductum fictæ religionis; non tam te impedirent, quam vt ne quis propter exercitus cupiditatem, Alexandriam vellet ire. Dignitatis autem tuæ nemo est, quin existimet habitam esse rationem ab Senatu, nemo est enim, qui nesciat, quò minus discessio fieret, per aduersarios tuos esse factum. qui nunc, populi Romani nomine, re autem vera, sceleratissimo latrocinio, si qua conabûtur agere; satis prouisum est, vt ne quid saluis auspicijs, aut legibus, aut iam sine vi agere possint. Ego neq; de meo studio, neq; de nonnullorum iniuria scribendum mihi esse arbitror. quid enim aut me ostentem, qui si vitam pro tua dignitate profundam, nullam partem videar tuorum meritorum assecutus: aut de aliorum iniurijs quærar, quod sine summo dolore facere non possum? Ego tibi à vi, hac præsertim imbecillitate magistratum, præstare nihil possum: vi excepta, possum confirmare, & Senatus, & populi Romani summo studio; amplitudinem tuam retenturum. Vale.

## A R G V M E N T V M.

*Mista est ex negotialis, moralibusque sententijs; sed, si causa, cur scripta sit, animaduertatur; negotialis est. Interdum autem negotij narrationem antecedit, sæpe sequitur officij significatio; quod in his ad Lentulum epistolis perspicuum est. Scribit de C. Catonis legis promulgata, de statu regiae causæ, de suo, Selicioque consilio,*

## CICERO S. D. LENTVLVM.

5

**T**Ametsi nihil mihi fuit optatius, quam ut primùm m  
abs te ipso, deinde à cæteris omnibus quam gratif  
simus erga te esse cognosceret; tamen afficior summo  
dolore, eiusmodi tempora post tuam profectiorem con  
secuta esse; ut & meam, & cæterorum erga te fidem, &  
benevolentiam absens experirere. Te autem videre, &  
sentire eandem fidem, hominum in tua dignitate, quam  
ego in mea salute sum expertus, ex tuis litteris intellexi.  
Nos cum maxime consilio, studio, labore, gratia de caus  
sa regia niteremur; subito exorta est nefaria Catonis  
promulgatio, quæ nostra studia impediret, & animos à  
minore cura ad summum timorem transluceret. Sed ta  
men in eiusmodi rerum perturbatione, quamquam  
omnia sunt metuenda, nihil magis, quam perfidi  
am, timemus; & Catoni quidem, quoquo mo  
do se res habet, profectò resistimus. De Alexan  
drina re, causæque regia tantum habeo polliceri,  
me tibi absenti, tuisque præsentibus cumulatè satisfac  
turum. Sed vereor, ne aut eripiat nobis, aut dese  
ratur: quorum vtrum minus velim, non faciliè possum  
existimare; sed, si res coget, est quiddam tertium,  
quod neque Selicio, nec mihi displicebat: ut neque ia

B 4 cere

ecce Rēgem pateremur, nec, nobis repugnantibus, ad eum deferri, ad quem prope iam delatum esse existimatur. A nobis agentur omnia diligenter: vt neque, si quid obtineri poterit, non contendamus: nec, si quid non obtinuerimus, repulsi esse videamur. Tuæ sapientiæ, magnitudinisque animi est: omnem amplitudinem, & dignitatem tuam in virtute, atque in rebus gestis tuis, atque in tua grauitate positam existimare: si quid ex ijs rebus, quas tibi fortuna elargita est, nonnullorum hominum perfidia detraxerit, id maiori illis fraudi, quàm tibi, futurum. A me nullum tempus prætermittitur de tuis rebus, & agendi, & cogitandi: vtorque ad omnia Q. Selicio: neque enim prudentiorem quemquam ex tuis, neque fide maiore esse iudico, neque amantiorē tui.

Hic quæ agantur, quæque acta sint, ea te & litteris multorum, & nuncijs cognoscere arbitror: quæ autem posita sunt in coniectura, quæque mihi videntur fore, ea puto tibi à me scribi oportere. Postea quam Pompeius apud populum ad viij. Id. Febr. cū pro Milone diceret, clamore, conuicioque iactatus est; in Senatuque à Catone asperè, & acerbè, omnium magno silentio, est accusatus, visus est mihi vehementer esse perturbatus. Itaque Alexandrina causa, quæ nobis adhuc integra est (nihil enim tibi detraxit Senatus: nisi id, quod per eandem religionem dari alteri non potest) videtur ab illo planè esse deposita. Nunc id speramus; idque molimur: vt, cum Rex intelligat sese, id quod cogitabat, vt à Pompeio reducatur, assequi non posse; & nisi per te sit restitutus, desertum se, atque abiectum fore; proficiscatur ad te: quod sine vlla dubitatione, si Pompeius paullū modo ostenderit sibi placere, faciet: sed nostri hominis tarditatem, & taciturnitatem. Nos tamen nihil, quod ad eam rem pertineat, prætermittimus. cæteris iniurijs, quæ propositæ sunt à Catone, facilè, vt spero, resistemus: Amicum ex Consularibus nemi-

neminem tibi esse video, præter Hortensium, & Luculum. cæteri sunt partim obscurius iniqui, partim non dissimulanter irati. Tu fac animo forti, magnoque sis speresque fore, vt, fracto imperu leuissimi hominis, tuam pristinam dignitatem, & gloriam consequare. Vale.

## ARGVMENTVM.

*Moralis tota, excepta prima sententia, quæ negotialis est. Consolationem Cicero adhibet dolori suo, eam scilicet, quam sperat in Lentuli quoque dolore posse aliquid proficere. Et, quia valet ad consolandum amoris significatio; & amoris indicium dolor est: orditur à dolore suo, quia verò consolationis duæ quasi viæ sunt, ratio, & exemplum, non modo vt fieri debere, quod suademus, verum etiam vt factum esse ostendatur: vtraque via progreditur. Argumentatur enim à spe, quam in consilijs amicorum, & in ipsa die ponit: exemplum verò sumit à similitudine suorum temporum. Tertius hortationis locus est: quod ipsum ad minuendum dolorem pertinet: est enim cum laude coniuncta cohortatio. delectamur autem laudibus, & quodam modo languentes excitamur. Conclusio est, quæ spe quadam animum recreat, omnium studiorum, officiorumque promissio.*

## CICERO S. D. LENTVLO: 6

**Q**Væ gerantur, accipies ex Pollione, qui omnibus negotijs non interfuit solùm, sed præfuit. Me in summo dolore quem in tuis rebus capio, maximè scilicet consolatur spes, quod valde suspicor fore, vt infringatur hominum improbitas, & consilijs tuorum amicorum, & ipsa die, qua debilitantur cogitationes & inimicorum, & proditorum. Facile secundo loco me con-

consolatur recordatio meorum temporum; quorum imaginem video in rebustuis, nam, etsi minore in re violatur tua dignitas, quàm mea salus afflicta sit; tamen est tanta similitudo, vt sperem te mihi ignoscere, si ea non timuerim, quæ ne tu quidem vnquam timenda duxisti. Sed præsta te eum, qui mihi à teneris, vt Græci dicunt, vnguiculis es cognitus. Illustrabit, mihi crede, tuam amplitudinem hominum iniuria. A me omnia summa in te studia, officiaque expectata, non fallam opinionem tuam. Vale.

### ARGVMENTVM,

*Respondet ad ea, quæ Lentulus quæsierat. Et, quamquam moralia quædam admiscuntur: tamen, quia reductio regis præcipua scribendi causa fuit, (id enim spectandum est) inter negotiales Epistolas referatur. Diuiditur in partes octo. Prima est, de suo in primis erga Lentulum amore: altera, de amicorum fide; tertia, de Alexandrina causa; quarta, de suis in Rep. capeßenda consilijs, & hominum consularium inuidia: quinta, cohortatio ad gloriam, atque constantiam: sexta, de Reip. statu: septima, de Tullie filie suæ, Crassipedisque nuptijs: octaua, & vltima, de Lentuli filio: Pompeio, & Crasso iterum Coss.*

### CICERO S. D. LENTULO PROCOS.

7

**L**Egi tuas litteras, quibus ad me scribis, gratum tibi esse, quòd crebrò certior per me fias de omnibus rebus, & meam erga te beneuolentiam facile perspicias. Quorum alterum, mihi, vt te plurimum diligam, facere necesse est, si volo is esse, quem tu me esse voluisti: alterum facio libenter; vt, quoniam interuallo locorum, &

tem.



temporum disiuncti sumus, per litteras tecum quam sapissimè colloquar. quod si rariùs fiet, quam tu expectabis; id erit causæ, quod non eius generis meæ litteræ sunt, ut eas audeam temerè committere. quoties mihi certorum hominum potestas erit, quibus rectè dem, non prætermittam. Quod scire vis, qua quisque in te fide sit, & voluntate; difficile dictu est de singulis. Vnum illud audeo, quod antea tibi sæpe significavi, nunc quoque, re perspecta, & cognita, scribere; vehementer quosdam homines, & eos maxime, qui te & maximè debuerunt, & plurimum iuvare potuerunt, invidisse dignitati tuæ: simillimamque in re dissimili, tui temporis nunc, & nostri quondam fuisse rationem. ut, quos tu Reip. causa læseras, palàm te oppugnarent; quorum auctoritatem, dignitatem, voluntatemque defenderas, non tam memores essent virtutis tuæ, quam laudis inimici. Quo quidem tempore, ut perscripsi ad te antea, cognoui Hortensium percupidam tui, studiosum Lucullum: ex magistratibus autem L. Racilius & fide, & animo singulari. Nam nostra propugnatio, ac defensio dignitatis tuæ, propter magnitudinem beneficij tui, fortasse plerisque officij maiorem auctoritatem habere videatur, quam sententiæ. Præterea quidem de Consularibus nemini possum, aut studij erga te, aut officij, aut animi esse testis. Etenim Pompeium, qui mecum sapissimè, non solum à me provocatus, sed etiam sua sponte, de te communicare solet, scis temporibus illis non sæpe in Senatu fuisse. cui quidem litteræ tuæ, quas proximè miseras, quod faciliè intellexerim periucundæ fuerunt. Mihi quidem humanitas tua, vel summa potius sapientia, non iucunda solum, sed etiam admirabilis visa est: virum enim excellentem, & tibi tua præstanti in eum liberalitate deuinctum, nonnihil suspicantem propter aliquorum opinionem suæ cupiditatis, te ab se abalienatum, illa epistola retinui. Qui mihi cum semper tuæ laudis favere visus est, etià ipso suspiciosissimo tempore Caniniano;

piano; tum verò lectis tuis litteris, perspectus est à me, toto anîmo de te, ac de tuis ornamentis, & commodis cogitare. Quare ea, quæ scribam, sic habeto, me, cum illo re sæpe communicata, de illius ad te sententia, atque auctoritate scribere: quoniam S. C. nullum exstat, quo reductio regis Alexandrini tibi adempta sit; eaque de ea scripta est, auctoritas, cui scis intercessum esse, ut ne quis omnino Regem reduceret, tantam vim habet, ut magis iratorum hominum studium, quam constantis Senatus consilium, esse videatur te posse perspicere, qui Ciliciã, Cyprumque teneas, quid efficere, & quid consequi possis: & si res facultatem habitura videatur, ut Alexandriam atque Ægyptum tenere possis: esse & tuæ, & nostri imperij dignitatis, Ptolemaide, aut aliquo propinquo loco, Rege collocato, te cum classe, atque exercitu proficisci Alexandriam; ut cum eam pace præsidijque firmaris. Ptolemæus redeat in regnum: ita fore, ut per te restituatur, quemadmodum Senatus initio censuit, & sine multitudine reducatur, quemadmodum homines religiosi Sibyllæ placere dixerunt. Sed hæc sententia sic & illi, & nobis probabatur; ut ex euentu homines de tuo consilio existimatuos videremus; si cecidisset, ut volumus, & optamus: omnes te & sapienter, & fortiter; sin aliquid esset offensum, eosdem illos & cupide, & temerè fecisse, dicturos. Quare, quid assequi possis, non tam facile est nobis, quam tibi, cuius prope in conspectu Ægyptus est, iudicare. Nos quidem hoc sentimus: si exploratum tibi sit, posse te illius Regni potiri, non esse cunctandum: sin dubium, non esse conandum. Illud tibi affirmo, si rem istam ex sententia gesseris, fore, ut absens à multis; cum redieris, ab omnibus collaudere, offensionem esse periculosam propter interpositam auctoritatem, religionemque video; sed ego te ut ad certam laudem adhortor, sic à dimicatione deterreo: redeoque ad illud, quod initio scripsi, totius facti tui iudicium, non tam ex consilio tuo, quam ex euentu homines esse factu-

facturos. Quod si hæc ratio rei gerendæ periculosa tibi videbitur; placebat illud, vt, si Rex amicis tuis, qui per Prouinciã, atq; imperij tui prouincias ei credidissent, fidẽ suam præstitisset; & auxilijs eum tuis, & copijs adiuuaret: eam esse naturam, & regionem Prouinciæ tuæ, vt illius reditum vel adiuuando confirmares, vel negligendo impedires. In hac ratione quid res, quid causa, quid tempus ferat, tu facillimè, optimèque perspicies: quid nobis placuisset, ex me potissimùm putauit te scire oportere. Quod mihi de nostro statu, de Milonis familiaritate, de leuitate, & imbecillitate Clodij gratularis: minimè miramur, te tuis, vt egregium artificem, præclaris operibus lætari. Quamquam est incredibilis hominum peruersitas; (grauiori enim verbo vti non libet) qui nos quos fauendo in communi causa retinere potuerunt, inuidendo abalienauerunt: quorum maleuolentissimis obrectationibus, nos scito de vetere illa nostra, diuturnaue sententia prope iam esse depullos: non nos quidem vt nostræ dignitatis simus obliti, sed vt habeamus rationem aliquando etiam salutis. Poterat vtrumque præclare, si esset fides, si grauitas in hominibus consularibus: sed tanta est in plerisque leuitas, vt eos non tam constantia in Rep. nostra delectet, quàm splendor offendat. Quod eo liberius ad te scribo, quod tu non solum temporibus ijs, quæ per te suam adeptus, sed iam olim nascenti prope nostræ laudi, dignitati, virtutique præfuiisti: simul quod video, non, vt ante hac putabam, nouitati esse inuisum meæ: in te enim, homine omnium nobilissimo, similia inuidorum vitia perspexi: quem, tamen illi esse in principibus facillè sunt passi, euolare alius certè noluerunt. Gaudeo tuam dissimilem fuisse fortunam. multum enim interest, vtrum laus imminuatur, an salus deferatur. me meæ tamen ne nimis pœniteret, tua virtute perfectum est. curasti enim vt plus additum ad memoriam nominis nostri, quam demptum de fortuna videretur. Te verò moneo, cum beneficijs

tuis,

tuis, tum amore incitatus meo, ut omnem gloriam, ad quam à pueritia inflammatus fuisti, omni cura, atque industria consequare: magnitudinemque animi tui, quam ego semper sum admiratus, semperque amaui, ne unquam inflectas cuiusquam iniuria. Magna est hominum opinio de te, magna commendatio liberalitatis, magna memoria consulatus tui. hæc profectò vides, quanto expressiora, quantoque illustriora futura sint, cum aliquantum ex prouincia, atque ex imperio laudis accesserit. Quamquam te ita gerere volo, quæ per exercitum, atque imperium gerenda sunt; ut hæc multò ante meditere, huc te pares, hæc cogites, ad hæc te exerceas: sentiasque id, quod, quia semper sperasti, non dubito quin adeptus intelligas, te facillimè posse obtinere summum, atque altissimum gradum ciuitatis. Quæ quidem mea cohortatio ne tibi inanis, aut sine causa suscepta videatur; illa me ratio mouit, ut te ex nostris euentis communibus admonendum putarem; ut considerares in omni reliqua tua vita, quibus crederes, quos caneres. Quod scribis, te velle scire, qui sit Reip. status: summa dissensio est, sed contentio dispar. nam qui plus opibus, armis, potentia valent, profecisse tantum mihi videntur stultitia, & inconstantia aduersariorum, ut iam etiam auctoritate plus valerent. Itaque, per paucis aduersantibus, omnia, quæ ne per populum quidem sine seditione se assequi posse arbitrabantur, per Senatum consecuti sunt. nam & stipendium Casari decretum est, & decem legati: & ne lege Sempronia succederetur, facile perfectum est. Quod ego ad te breuius scribo, quia me status hic Reip. non delectat: scribo tamen, ut te admoneam: quod ipse literis omnibus à pueritia deditus, experiendo tamen magis, quam discendo, cognoui tu tuis rebus integris discas; neque salutis nostræ rationem nobis habendam esse sine dignitate, neque dignitatis, sine salute. Quod mihi de filia, & de Crassipede gratularis, agnosco humanitatem tuam: speroque & opto, nobis hanc coniunctionem voluptati

luptati fore. Lentulum nostrum, eximia spe firmæ virtutis adolescentem, cum ceteris artibus, quibus studuisti semper ipse, tum in primis imitatione tui fac erudias: nulla enim erit hac præstantior disciplina. quem nos, & quia tuus, & quia te dignus est filius, & quia nos diligit, semperque dilexit, in primis amamus, curamque habemus. Vale.

## A R G V M E N T V M.

*Desperata iam reductione Regis, queritur de statu rerum communium; ut ex eo Lentulus de sua ratione meditatur. itaque negotialem epistolam esse dicemus: quandoquidem ad Alexandrinum negotium tota fere narratio spectat. quiddam tamen quasi consolationis affert, cum ait: Sunt quidem certè in amicorum nostrorum potestate. & cum subiungit infra: Pompeium tibi valdè amicum esse cognoui. Postremò claudit epistolam spe supplicationum, & officij sui mentione: ut Lentuli dolorem, amissa regis restituendi spe, aliqua saltem ex parte leniat.*

C I C E R O S. D. L E N T V L O  
P R O C O S.

8

**D**E omnibus rebus, quæ ad te pertinent, quid actum, quid constitutum sit, quid Pompeius susceperit, optinè ex Emplatorio cognosces; qui non solum interfuit, his rebus, sed etiam præfuit: neque vllum officium erga te hominis amantiissimi, prudentissimi, diligentissimi prætermisit. Ex eodem de toto statu rerum communium cognosces: quæ quales sint, non facile est scribere: sunt quidem certè in amicorum nostrorum potestate, atque ita, ut nullam mutationem vnquam hac hominum ætate habitura res esse videatur. Ego quidem, ut  
debeo.

debeo, & vt tute mihi præcepisti, & vt me pietas, vtilitasque cogit, me ad eius rationes adiungo, quem tu in meis rationibus tibi esse adiungendum putasti. sed te non præterit, quàm sit difficile, sensum in Rep. præsertim rectum, & confirmatum, deponere. verumtamen ipse me conformo ad eius voluntatem, à quo honestè dissentire non possum: neque id facio, vt forsitan quibusdam videor simulatione. tantum enim animi inductio, & meherculè amor erga Pompeium apud me valet; vt, quæ illi vtilia sunt, & quæ ille vult, ea mihi omnia iam & recta, & vera videantur. neque vt ego arbitror, errarent ne aduersarij quidem eius si cum pares esse non possent, pugnare desisterent. Me quidem etiam illa res consolatur, quòd ego is sum, cui vel maximè concedât omnes, vt vel ea defendam, quæ Pompeius velit; vel taceam, vel etiam, id quod mihi maximè lubet, ad nostra me studia referam litterarum; quod profectò faciam si mihi per eiusdem amicitiam licebit. Quæ enim proposita fuerant nobis, cum & honoribus amplissimis, & laboribus maximis perfuncti essemus, dignitas in sententijs dicendis, liberras in Rep. capeßenda, ea sublata tota, sed nec mihi magis, quàm omnibus, nam aut assentiendum est nulla cum grauitate paucis, aut frustra dissentendum. Hæc ego ad te ob eam causam maximè scribo, vt iam de tua quoque ratione meditare. Commutata tota ratio est, Senatus, iudiciorum, rei totius publicæ: otium nobis exoptandum est, quod ij, qui potiuntur rerum, præstaturi videntur, si quidam homines patientius eorum potentiam ferre potuerint. Dignitatem quidem illam consularem fortis, & constantis Senatoris nihil est, quod cogitemus; amissa est culpa eorum, qui à Senatu, & ordinem coniunctissimum, & hominem clarissimum abalienarunt. Sed, vt ad ea, quæ coniunctiora rebus tuis sunt, reuertar, Pompeium tibi valdè amicum esse cognoui: & eo tu Consule, quantum ego perspicio, omnia, quæ volcs, obtinebis. quibus in rebus  
me

me ille sibi affixum habebit : neque à me vlla res, quæ ad te pertineat, negligetur. neque enim verebor, ne sim ei molestus : cui iucundum erit etiam propter id ipsum, quòd me esse gratum videbit. Tu velim tibi ita persuadeas, nullam rem esse minimam, quæ ad te pertineat, quæ mihi non carior sit, quam meæ res omnes. idque cum sentiam, sedulitate mihi metipse satisfacere possum : re quidem ipsa ideò mihi non satisfacio, quòd nullam partem tuorum meritorum, non modo referenda, sed ne cogitanda quidem gratia, consequi possum : Rem te valdè benè gessisse rumor erat. Expectabantur litteræ tuæ, de quibus eramus iam cum Pompeio locuti : quæ si erunt allatæ, nostrum studium exstabit in conueniendis magistratibus, & Senatoribus. Cætera, quæ ad te pertinebunt cum etiam plus contenderimus, quam possumus, minus tamen faciemus, quàm debemus. Vale.

## A R G V M E N T V M.

*Sine dubio moralis est Epistola, ob eam maxime causam scripta, ut id, quod factum est, rectè factum ostendatur. querenti enim Lentulo, cur cum inimicis, Cæsare, Appio, Vatinio, in gratiam Cicero redierit, atque ita, ut Vatinium, quem accusauerat antea, defenderit, ac laudauerit causas exponit consilij sui. Tota verò eius excusatio quinque potissimum rationibus nititur : primum, quod, cum & Pompeio plurimum debeat, & mirificam Cæsaris erga se, fratremq; suum liberalitatē sit expertus, adeorum se rationes non inuitus adiungat, à quibus honestè dissentire non possit : deinde, quod in eum sensum non tam alligatur beneficijs, quam compellatur iniurijs ; cum ei ciues improbi nocere studeant, boni etiam inuideant :*

C      tertio

tertio loco, quod, habendam esse non modo dignitatis, verum etiam salutis rationem, exilij sui calamitate doctus, intelligat: tum, quod, cum Pompeio, ac Casare, optime utroque de Rep. merito, coniungi, & eorum causa paullisper sententiam mutare, turpe non sit: idque confirmat sapientissimorum hominum auctoritate, qui perpetuam in Rep. gubernanda sententiam nunquam laudauerint; postremo, quod in eo se nihil contra Lentuli voluntatem commississe, crediderit; cuius animum nouerit tum sibi amicissimum, tum nulla in ceteros maleuolentia suffusum. Extrema pars Epistolæ negotia continet, de suis scriptis, de Lentuli rebus domesticis, de Q. Fratris negotio, de Appij cupiditate Ciliciæ administrandæ, de publicanis.

CICERO S. D. LENTULO  
IMPERAT.

9

**P**eriucundæ mihi fuerunt litteræ tuæ: quibus intellexi te perspicere meam in te pietatem: quid enim dicam, beneuolentiam? cum illud ipsum grauissimum, & sanctissimum nomen pietatis leuius mihi meritis erga me tuis esse videatur. Quod autem grata tibi mea erga te studia scribis esse; facis tu quidem abundantia quadam amoris, ut etiam grata sint ea, quæ prætermitti sine nefario scelere non possunt. Tibi autem multo notior, atque illustrior meus in te animus esset, si hoc tempore omni, quo seiuncti fuimus, & vnâ, & Romæ fuissetus, nam in eo ipso, quod te ostendis esse facturum, quodque & in primis potes, & ego à te vehementer expecto, in sententijs Senatoris, & in omni actione, atque administratione Reip. floruissemus, de qua ostendam equidem paulò post, qui sit meus sensus, & status: & rescribam tibi ad ea, quæ quæris. Sed certè &



tè & ego, te auctore amicissimo, ac sapientissimo, & tu, me consiliario fortalsè non imperitissimo, fidei quidem, & beneuolo certè vsus esses. Quamquam tua quidem causa, te esse Imperatorem, Prouinciãque bene gestis rebus cum exercitu victore obtinere, vt debeo, lator: sed certè, qui tibi ex me fructus debentur, eos vberiores, & præstantiores præsens capere potuisses. In eis verò vlciscendis, quos tibi partim inimicos esse intelligis propter tuam propugnationem salutis meæ, partim inuidere propter illius actionis amplitudinem, & gloriam, mirificum me tibi comitem præbuissem. Quamquam ille perennis inimicus amicorum suorum, qui tuis maximis beneficijs ornatus, in te potissimum fractam illam, & debilitatam vim suam contulit, nostram vicem vltus est ipse sese: ea est enĩ conatus, quibus patefactis, nullam sibi in posterum non modo dignitatis, sed ne libertatis quidem partem reliquit. Te autem etsi mallet in meis rebus, expertum, & quàm etiã in tuis; tamen in molestia gaudeo, eandem fidem cognoscere hominum non ita magna mercede, & quàm ego maximo dolore cognoram. de qua ratione, tota iam videtur mihi exponendi tempus dari, vt tibi rescribam ad ea, quæ quæris. Certiorem te per litteras scribis esse factum, me cum Cæsare, & cum Appio esse in gratia: teque id non reprehendere adicribis. Vatinium autem, scire te velle ostendis, quibus rebus adductus defenderim, & laudarim, quod tibi, vt planius exponam, altius paulò rationem meorum consiliorum repetam, necesse est. Ego me, Lentule, initio rerum, atque actionum tuarum, non solum meis, sed etian Reip. restitutum putabam: & quoniam tibi incredibilem quemdam amorem, & omnia in teipsum summa, ac singularia studia deberem; Reip. quæ te in me restituendo multum adiuuisset, eum certè me animus merito ipsius debere arbitrabar, quem antea tantummodo communi officio ciuium, non aliquo erga me singu-

lari beneficio, debitum præstitissem. Hanc me mente  
fuisse, & Senatus ex me, te Consule, audiuit, &  
tu in nostris sermonibus, colloctionibusque ipse vi-  
disti. Etsi iam primis temporibus illis, multis rebus  
meus offendebar animus: cum, te agente de reli-  
qua nostra dignitate, aut occulta nonnullorum odia,  
aut obscura in me studia cernebam. nam neque de  
monumentis meis ab ijs adiutus es à quibus debuisti:  
neque de vi nefaria, qua cum fratre eram domo expul-  
sus: neque herculè in ijs ipsis rebus, quæ quanquam  
erant mihi propter rei familiaris naufragia necessariae  
tamen à me minimi putabantur in meis damnis ex au-  
thoritate Senatus refarciendis eam voluntatem, quàm  
expectaram, præstiterunt. Quæ cum viderem; (neque  
enim erant obscura) non tamen tam acerba mihi hæc  
accidebant, quàm erant illa grata, quæ fecerant. Itaq;  
quanquam & Pompeio plurimum, te quidem ipso præ-  
dicatore, ac teste, debebam; & eum non solum benefi-  
cio, sed amore etiam & perpetuò quodam iudicio meo  
diligebam; tamen, non reputans, quid ille vellet, in  
omnibus meis sententijs de Repub. pristinis permane-  
bam. Ego sedente Cn. Pompeio, cum, vt laudaret  
P. Sextium, introisset in Urbem; dixissetque testis Va-  
tinius, me fortuna, & felicitate C. Cæsaris comotum illi  
amicum esse cœpisse; dixi, me eam Bibuli fortunam,  
quam ille afflictam putaret, omnium triumphis, vi-  
ctorijsque anteferre: dixique eodem teste, alio loco,  
eosdem esse, qui Bibulum exire domo prohibuissent,  
& qui me coegissent. Tota verò interrogatio mea nihil  
habuit aliud, nisi reprehensionem illius Tribunatus: in  
qua omnia dicta sunt libertate, animoque maximo, de  
vi, de auspicijs, de donatione regnorum: neque verò  
hac in causa modò, sed constanter sæpe in Senatu.  
Quin etiam Marcellino, & Philippo Coss. Nonis Apr.  
mihi est Senatus assensus, vt de agro Campano, fre-  
quenti Senatu, Idibus Maij referretur, non potui magis  
in

in arcem illius causæ inuadere, aut magis obliuisci temporum meorum, & meminisse actionum? Hac à me sententia dicta, magnus amicorum motus est factus; cum eorum, quorum oportuit, tum illorum etiam, quorum nunquam putaram. Nam, hoc S. C. in meam sententiam facto, Pompeius, cum nihil mihi ostendisset se esse offensum in Sardiniam, & in Africam profectus est; coque itinere Lucam ad Cæsarem venit, ubi multa de mea sententia questus est Cæsar: quippe qui etiam Rauennæ Crassum ante vidisset, ab eoque in me esset incensus. Sanè molestè Pompeium, id ferre constabat. Quod ego cum audissem ex alijs, maximè ex meo fratre cognoui, quem cum in Sardinia Pompeius paucis post diebus, quam Luca discesserat, conuenisset: *Te, inquit, ipsum cupio: nihil opportunius potuit accidere: nisi cum Marco fratre diligenter egeris, dependendum tibi est, quod mihi pro illo spondidisti.* Quid multa? questus est grauitè: sua merita commemorauit. Quid egisset sapissimè de actis Cæsaris cum ipso meo fratre, quidque sibi is de me recepisset, in memoriam redegit: seque, quæ de mea salute egisset, voluntate Cæsaris egisse, ipsum meum fratrem testatus est: cuius causam dignitatemque mihi, vt commendaret, rogauit; vt eam ne oppugnarem, si nollem, aut non possem tueri. Hæc cum ad me frater pertulisset; & cum ante tamen Pompeius ad me cum mandatis Vibullium misisset, vt integrum mihi de causa Campana ad suum reditum reseruarem: collegi ipse me, & cum ipsa quasi Republica sum collocutus. vt mihi tam multa pro se perpeso, atque perfuncto, concederet, vt officium meum memoremque in benemeritos animum, idemque fratris mei præstarem: eumque quem bonum ciuem semper habuisset, bonum virum esse pateretur. In illis autem meis actionibus, sententisque omnibus, quæ Pompeium videbantur offendere, certorum hominum, quos iam debes

suspicati, sermones referebantur ad me: qui cum illa sentirent in Repub. quæ ego agebam, semperque sensissent; me tamen non satisfacere Pompeio, Cæsaremque inimicissimum mihi futurum, gaudere se aiebant. Erat hoc mihi dolendum, sed multò magis illud, quod inimicum meum, meum autem? immo verò legum, iudiciorum, otij, patriæ, bonorum omnium sic amplexabantur, sic in manibus habebant, sic fouebant, sic, me præsentem osculabantur, non illi quidem, ut mihi stomachum facerent, quem ego funditus perdidij; sed certè ut facere se arbitrarentur. Hic ego, quantum humano consilio efficere potui, circumspectis rebus omnibus, rationibusque subductis, summam feci cogitationum mearum omnium: quam tibi, si potero, breuiter exponam. Ego si ab improbis, & perditis ciuibus Remp. teneri viderem, sicut & me is temporibus scimus & nonnullis alijs accidisse accepimus; non modò præmijs, quæ apud me minimum valent, sed ne periculis quidem compulsus ullis, quibus tamen mouentur etiam fortissimi viri, ad eorum causam me adiungerem, ne si summa quidem eorum in me merita constarent. Cum autem in Rep. Cn. Pompeius princeps esset, vir is, qui hanc potentiam, & gloriam maximis in Rempub. meritis, præstantissimisque rebus gestis esset coniecit, cuiusque dignitatis ab adolescentia fautor, in Prætura autem, & in Consulatu adiutor etiam extitissim; cumque idem auctoritate, & sententia per se, consilijs, & studijs tecum me adiuuisset, meumque inimicum vnum in ciuitate haberet inimicum; non putavi famam inconstantiae mihi pertimescendam, si quibuscumque in sententijs paulum me immutassem, meamque voluntatem ad summi viri, de meque optimi meriti dignitatem aggregassem. In hac sententia complectendus erat mihi Cæsar, ut vides, in coniuncta & causa, & dignitate, hic multum valuit cum vetus amicitia, quam tu non ignoras mihi, & Quinto

Fratri

Fratri cum Cæsare fuisse; tum humanitas eius, ac liberalitas, breui tempore, & litteris, & officijs perspecta nobis, & cognita: Vehementer etiam res ipsa publica monuit: quæ mihi videbatur contentionem, præsertim maximis rebus à Cæsare gestis, cum illis viris nolle fieri, & ne fieret, vehementer recusare. Grauius autem me in hanc mentem impulit & Pompeij fides, quam de me Cæsari dederat, & fratris mei, quam Pompeio. Erant præterea hæc animaduertenda in ciuitate, quæ sunt apud Platonem nostrum scripta diuinitus: *Quales in Repub. principes essent, tales reliquos solere esse ciues.* Tenebam memoria, nobis consulibus, ea fundamenta iacta ex Kalen. Ianuarij confirmandi Senatus, vt neminem mirari oporteret, Nonis Decembris tantum vel animi fuisse in illo ordine, vel auctoritatis. Idemque memineram, nobis priuatis, vsque ad Cæsarem, & Bibulum Coss. cum sententiæ nostræ magnum in Senatu pondus haberent, vnum ferè sentum fuisse bonorum omnium. Postea, cum tu Hispaniam ceterorū cum imperio obtineres, neque Resp. Consules haberet, sed mercatores Prouinciarum, & seditionum seruos, ac ministros, iccit quidam casus caput meum, quasi certaminis causa, in mediā contentionem, dissensionemque ciuilem. Quo in discrimine cum mirifica Senatus, incredibilis Italiæ totius, singularis bonorum omnium consensus in me ruendo extitisset; non dicam quid acciderit; (multorum est enim, & varia culpa) tantum dicam breui, non mihi exercitum, sed duces defuisse. In quo; vt iam sit in ijs culpa, qui non defenderunt; non minor est ijs, qui reliquerunt; & si accusandi sunt, qui pertimuerunt; magis etiam reprehendendi, qui se timere simulauerunt. Illud quidem certè nostrum consilium iure laudandum est, qui meos ciues, & à me seruatos, & me seruare cupientes, spoliatos ducibus, seruis armatis obijci noluerim, declararique maluerim, quanta vis

esse potuisset in consensu bonorum, si ijs pro me stan-  
 te pugnare licuisset, cum afflictum excitare potuis-  
 sent, quorum quidem animum tu non perspexisti so-  
 lum, cum de me ageres, sed etiam confirmasti, atque  
 tenuisti. Qua in causa non modò non negabo, sed  
 etiam semper & meminero, & prædicabo libenter,  
 usus es quibusdam nobilissimis hominibus, fortiori-  
 bus in me restituendo, quàm fuerant ijsdem in tenen-  
 do, qua in sententia si constare voluissent, suam au-  
 ctoritatem simul cum salute mea recuperassent. Re-  
 creatis enim bonis viris Consulatu tuo, & constantis-  
 simis, atque optimis actionibus tuis excitatis; Cn.  
 Pompeio præsertim ad causam adiuncto; cum etiam  
 Cæsar rebus maximis gestis, singularibus ornatus, & no-  
 uis honoribus, ac iudicijs Senatus, ad auctoritatem eius  
 ordinis adiungeretur; nulli improbo ciui locus ad remp.  
 violandam esse potuisset. Sed attende quæso, quæ sint  
 consecuta. Primùm illa furta muliebrium religionum,  
 qui non plaris fecerat Bonam Deam, quam tres foro-  
 res, impunitatem est eorum sententijs assecutus, qui,  
 cum Tribunus pleb. pœnas a seditioso ciue per bonos  
 viros iudicio persequi vellet, exemplum præclarissimum  
 in posterum vindicandæ seditionis de Repub. sustule-  
 runt: ijsdemque postea non meum monumentum,  
 (non enim illæ manubiæ meæ, sed operis locatio  
 mea fuerat, monumentum verò Senatus) hostili no-  
 mine, & cruentis iniustum litteris esse passi sunt: qui  
 me homines quod saluum esse voluerunt est mihi gra-  
 tissimum: sed vellem, non solum salutis meæ, quem-  
 admodum medici, sed etiam, ut aliptæ, virium, & co-  
 loris rationem habere voluissent. Nunc ut Apelles  
 Veneris caput, & summa pectoris, politissima arte, per-  
 fecit, reliquam partem corporis inchoatam reliquit; sic  
 quidam homines in capite meo solum elaborarunt, reli-  
 quum corpus imperfectum, ac rude reliquerunt. In quo  
 ego spem fecelli non modo inuidorum, sed etiam ini-

mico-

amicorum meorum : qui de vno acerrimo, & fortissimo  
 viro, meoque iudicio omnium magnitudine animi,  
 & constantia præstantissimo. Q. Metello L. F. quon-  
 dam falsam opinionem acceperunt: quem post redi-  
 tum dictitant fracto animo, & demisso fuisse. est verò  
 probandum, qui & summa voluntate cesserit, & egre-  
 gia animi alacritate abfuerit, neque sanè redire curaret,  
 cum ob id ipsum fractum fuisse animo, in quo cum  
 omnes homines; tum M. illum Scaurum, singularem  
 virum constantia, & grauitate superasset. Sed, quod  
 de illo acceperant, aut etiam suspicabantur, de me  
 idem cogitabant, abiectiore animo me futurum: cum  
 Respub. maiorem etiam mihi animum, quàm vnquam  
 habuissem, daret: quæ iam declarasset, se se non potuis-  
 se me, vno ciue carere: cumque Metellum vnus Tri-  
 buni pleb. rogatio, me vniuersa Respub. duce Senatu,  
 comitante Italia, promulgantibus omnibus, referente  
 Consule, comitijs centuriatis, cunctis ordinibus,  
 hominibusque incumbentibus, omnibus denique suis  
 viribus recuperasset. Neque verò ego mihi postea,  
 quidquam assumpsi, neque hodie assumo, quod  
 quemquam maleuolentissimum iure possit ostendere.  
 Tantùm enitor, vt neque amicis, neque etiam alie-  
 nioribus opera, consilio, labore desim. Hic meæ  
 vitæ cursus offendit, eos fortasse, qui splendorem, &  
 speciem huius vitæ intuentur; sollicitudinem autem,  
 & laborem perspicere non possunt. Illud verò non  
 obscure queruntur in meis sententijs, quibus ornem  
 Cæsarem, quasi descuiuerim à pristina causa. Ego  
 autem cum illa sequor, quæ paulò ante proposui,  
 tum hoc non in postremis, de quo cœperam expo-  
 nere. Non offendes eundem bonorum sensum, Len-  
 tule, quem reliquisti: qui confirmatus Consulatu  
 nostro, nonnunquam postea interruptus, & afflictus  
 ante te Consulem, recreatus abs te totus est; nunc  
 ab ijs, à quibus tuendus fuerat, derelictus; idque non  
 solum

solum fronte, atque vultu, quibus simulatio facillimè sustinetur, ij declarant, qui tum nostro illo statu Optimates nominabantur; sed etiam sententia sæpe iam, tabellaq; docuerunt. itaq; tota iam sapientium civium, qualem me & esse numerari volo, & sententia, & voluntas mutata esse debet. Id enim iubet idem ille Plato, quem ego auctorem vehementer sequor; *Tantum contendere in Repub. quantum probare ius civibus possis; vim neque parenti, neque patriæ asferre oportere.* Atque hanc quidem ille causam sibi ait non attingendæ Reip. fuisse, quod eum offendiſſet populum Atheniensem prope iam desipientem senectute; cumque eum nec persuadendo, nec cogendo regi posse vidisset; cum persuaderi posse diffideret, cogi fas esse non arbitraretur. Mea ratio fuit alia, quod, neque dissipiente populo, neque integra re mihi ad consulendum, caperem ne Rempub. implicatus tenebat; sed lætatus tamen sum, quod mihi liceret in eadem causa, & mihi vtilia, & cuius bono recta defendere. Huc accessit commemoranda quædam, & diuina Cæsaris in me fratremque meum liberalitas: qui mihi, quascunque rex gereret, tuendus esset; nunc in tanta felicitate, tantisque victorijs, etiam si in nos non is esset, qui est, tamen ornandus videretur, sic enim te existimare velim: cum à vobis meæ salutis auctoribus discesserim, neminem esse, cuius officij; me tam esse deuinctum, non solum confitear, sed etiam gaudeam. Quod quoniam tibi exposui; facilia sunt ea, quæ à me de Vatinijs & de Crasso requiris. Nam de Appio, quod scribis, sicut de Cæsare, te non reprehendere; gaudeo tibi consilium probari meum. De Vatinijs autem, primum reditus intercesserat in gratiam per Pompeium, statim ut ille Prætor est factus: cum quidem ego eius petitionem grauissimis in Senatu sententijs oppugnassem; neque tam illius lædendi causa, quam defendendi, atq; ornandi Catonis; post autem Cæsaris, ut illum defendere,



derem, mira contentio est consecuta. Cur autem laudari, peto à te, vt id à me, neve in hoc reo, neve in alijs requiras: ne tibi ego idem reponam, cum veneris; tametsi possum vel absenti. recordare enim, quibus laudationem ex vltimis terris miseris, nec hoc peritueris. nam à me ipso laudantur, & laudabuntur iidem. Sed tamen defendendi Vatiniij fuit etiam ille stimulus, de quo in iudicio, cum illum defenderem, dixi me facere quiddam, quod in Eunuchio parasitus suaderet militi.

*Vt nominabit Phadriam, tu Pamphilam  
Continuo. si quando illa dicet, Phadriam  
Comestatum intromittamus: tu, Pamphilam  
Cantatum prouocemus, si laudabit hac  
Illius formam; tu huius contra denique  
Par pro pari referto, quod eam mordeat.*

Sic petiui a iudicibus, vt quoniam quidam nobiles homines, & de me optimè meriti nimis amarent inimicum meum, meque inspectante, sæpe cum in Senatu modo seuerè se ducerent, modò familiariter, atque hilarè amplexarentur; quoniamque illi haberent suum Publium, darent mihi ipsi alium Publium, in quo possem eorum animos mediocriter lacesitus, leuiter repungere. neque solum dixi, sed etiam sæpè facio, dijs, hominibusque approbantibus. Habes de Vatino, cognosce de Crasso. Ego, cum mihi cum illo magna iam gratia esset, quòd eius omnes grauissimas iniurias, communis concordiae causa, voluntaria quadam obliuione contriueram; repentinam eius defensionem Gabini, quem proximis superioribus diebus accerrimè oppugnasset; tamen, si sine vlla mea contumelia suscepisset, tulissem: sed, cum me disputantem, non lacescentem, læsisset: exarsit, non solum præsentem, credo, iracundia (nam ea tam vehemens fortasse non fuisset,) sed cum inclusum illud odium multarum eius in me iniuriarum, quod ego effudisse me omne arbitrabar,

reli-

residuum tamen insciente me fuisset, omne repente apparuit. Quo quidem tempore ipso, quidam homines, & iidem illi, quos sæpe nutu, significationeque appello, cum se maximum fructum cepisse dicerent ex libertate mea: meque tum denique sibi esse visum Reipub. qualis fuisset, restitutum, cumque ea contentio mihi magnum etiam foris fructum tulisset: gaudere se dicebant, mihi & illum inimicum, & eos, qui in eadem causa essent, nunquam amicos futuros. Quorum iniqui sermones cum ad me per homines honestissimos perferrentur: cumque Pompeius ita contendisset, ut nihil unquam magis, ut cum Crasso redirem in gratiam: Cæsarque per litteras maxima se molestia ex illa contentione affectum ostenderet: habui non temporum solum rationem meorum, sed etiam naturæ: Crassusque, ut quasi testata populo Rom. esset nostra gratia, pene à meis laribus in provinciam est profectus. Nam cum mihi condixisset, cenavit apud me in mei generi Crassipedis hortis; quamobrem eius causam, quod te scribis audisse, magna illius commendatione suscepam; defendi in Senatu, sicut mea fides postulabat. Accepisti, quibus rebus adductus, quamque rem, causamque defenderim: quique meus in Repub. sit pro mea parte capeßenda status. De quo sic velim statuas, me hæc eadem sensurum fuisse si mihi integra omnia, ac libera fuissent. Nam neque pugnandum arbitrarer contra tantas opes: neque delendum, etiam si id fieri posset, summorum civium principatum: neque permittendum in una sententia, conuersis rebus, ac bonorum voluntatibus immutatis: sed temporibus assentiendum. *Nunquam enim præstantibus in Repub. gubernanda viris laudata est in una sententia perpetua permansio.* Sed ut in nauigando, tempeßtati obsequi artis est, etiam si portum tenere non queas; cum verò id possis, mutata velificatione, assequi, stultum est eum tenere cum periculo cursum quem ceperis, potius quàm eo commutato, quò velis tamen

men peruenire: sic, cum omnibus nobis in administranda Rep. propositum esse debeat, id, quod à me sepiſſimè dictum est, cum dignitate otium: *Non idem semper dicere, sed idem semper spectare debemus.* Quamobrem, vt paulò ante posui, si esset omnia mihi solutiſſima; tamen in Rep. non alius essem, atq; nunc sum; cum verò in hunc sensum, & alliciar beneficijs hominum, & còpellar iniurijs, facilè patior ea me de Rep. sentire, ac dicere, quæ maximè cum mihi, cum etiam Rep. rationibus putem conducere. Apertius autem hæc ago, ac sæpius, quod & Quintus, frater meus, legatus est Cæsaris: & nullum meum minimum dictum, non modo factum, pro Cæsare intercessit, quod ille non ita illustri gratia exceperit, vt ego eum mihi deuinctum putarem; itaque eius omni gratia quæ summa est, & opibus, quas intelligis esse maximas, sic fruor, vt meis nec mihi aliter potuisse videor hominum perditorum de me consilia frangere, nisi cum præſidijs ijs, quæ semper habui, nunc etiam potentium beneuolentiam coniunxissem. His ego consilijs si te præsentem habuisse, vt opinio mea fert essem vsus eisdem: noui enim temperantiam, & moderationē naturæ tuæ: noui animum, cū mihi amicissimū, tum nulla in cæteros maleuolētia suffusum; contraq; cum magnum, & excelsum, tum etiam apertum, & simplicem, vidi ego quosdā in te tales, quales tu eosdem in me videre potuisti: quæ me mouerunt, mouissent eadem te profectò. Sed, quocunq; tempore mihi potestas præsentis tui fuerit, tu eris omnium moderator consiliorum meorum: tibi erit eidē cui salus mea fuit, etiam dignitas curæ, me quidem certè tuarum actionum, sententiarum, voluntatum, rerum deniq; omnium socium, comitemq; habebis: neque mihi in omni vita res tam erit vlla proposita, quam vt quotidie vehementius, te de me optimè meritum esse lætere.

Quod rogas, vt mea tibi scripta mittam, quæ post discessum tuum scripserim, sunt Orationes quædam, quas Menocrito dabo; neq; ita multæ, vt pertimescas. Scripsi  
etiam

etiam (nam etiam ab Orationibus disiungo me ferè, re-  
feroque ad mansuetiores Musas, quæ me maximè,  
sicut iam à prima adolescentia delectarunt) scripsi igitur  
Aristotelico more, quemadmodum, quidem volui,  
tres libros in disputatione, ac Dialogo de Oratore: quos  
arbitror Lentulo tuo fore non inutiles; aborrent enim  
à communibus præceptis, & omnem antiquorum &  
Aristotelicam, & Isocraticam, rationem Oratoriam  
complectuntur. Scripsi etiam versibus tres libros de  
temporibus meis: quos iampridem ad te misissem, si  
esse edendos putassem: sunt enim testes, & erunt sem-  
piterni meritorum tuorum erga me, meæque in te pie-  
tatis. Sed quia verebar non eos, qui se læsos arbitra-  
rentur, (etenim id feci parce, & molliter) sed eos,  
quos erat infinitum, bene de me meritos omnes  
nominare. quos tamen ipsos libros, si quem cui re-  
ctè committam inuenero, curabo ad te perferendos.  
Atque istam quidem partem vitæ, consuetudinisque  
nostræ totam ad te defero; quantum litteris, quantum  
studijs, veteribus nostris delectationibus, consicquî po-  
terimus, id omne ad arbitrium tuum, qui hæc semper  
amasti libentissimè cōferemus. Quæ ad me de tuis rebus  
domesticis scribis, quæque mihi commendas; ea tantæ  
mihi curæ sunt; ut me nolim admoneri, rogari verò si-  
ne magno dolore vix possim.

Quod de Quinti Fratris negotio scribis, te priore  
æstate, quod morbo impeditus in Ciliciam non tran-  
sieris, conficere non potuisse; nunc autem omnia fa-  
cturum, ut conficias; id scito esse eiusmodi, ut frater  
meus verè existimet, adiuncto isto fundo, patrimo-  
nium fore suum per te constitutum. Tu me de tuis re-  
bus omnibus, & de Lentuli tui, nostrique studijs, &  
exercitationibus velim quam familiarissimè certio-  
rem, & quam sæpissimè facias; existimetque hominem cui-  
quam neque carior, neque iucundior, vnquam  
fuisse, quam te mihi: idque, me non modo ut tu sentias,  
sed

sed ut omnes gentes, etiam ut posteritas omnis intelligat, essem facturum. Appius in sermonibus antea dictabar, postea dixit etiam in Senatu palam, se se si licitum esset legem curiatam ferre, sortiturum esse cum Collega Prouinciam si curiata lex non esset, separaturum cum Collega, tibi que successit legem curiatam Consuli ferri opus esse, necesse non esse: se quoniam ex S. C. Prouinciam haberet, lege Cornelia imperium habiturum, quoad in Urbem introisset. Ego, quid ad te tuorum quisque necessariorum scribat, nescio varias esse opiniones intelligo, sunt qui putant, non posse te decedere, quod sine lege curiata tibi succedatur: sunt etiam, qui si decedas à te relinqui posse, qui Prouinciæ præsit. mihi non tam de iure certum est, (quamquam ne id quidem valdè dubium est) quam illud, ad tuam summam amplitudinem, dignitatem, liberalitatem, qua te scio libentissimè solere frui, pertinere, te sine vlla mora Prouinciam successori concedere; præsertim cum sine suspitione tuæ cupiditatis non possis illius cupiditatem refutare. ego utrumque puto meum esse; & quod sentiam, ostendere; & quod feceris, defendere.

SCRIPTA iam Epistola superiores, accepi tuas litteras de publicanis: quibus æquitatem tuam non potui non probare. facilitate autem, quod vellem, consequi potuisses, ne eius ordinis, quem semper ornasti, tem, aut voluntatem offenderes. E quidem non desinam tuam decreta defendere; sed nostri consuetudinem hominum: scis, quam grauitè inimici illi ipsi Q. Scæuolæ fuerint. Tibi tamen sum auctor, ut, quibus rebus possis eum tibi ordinem aut reconcilies, aut mitiges, id etsi difficile est, tamen mihi videtur esse prudentiæ tuæ. Vale.

## ARGVMENTVM.

*V*nam hanc subesse causam video, cur hanc epistolam scripserit, ut certiore faceret Valerium de Gratijs Lentulo, Ciliciæ proconsuli à se per litteras eius nomine diligenter actis. nam cætera iocationes mera sunt, familiarem consuetudinem, & mutuam benevolentiam indicantes. Actio igitur gratiarum, & iocamenta, quibus tota condita est epistola ad morale genus pertinet. nam & iocosa dicta subiecit moribus Aristoteles Rhetoricorum lib. 1. & Cicero in tradenda officiorum doctrina facetias quoque prosecutus est.

M. CICERO S. D. L. VALERIO  
IVRISCONSULTO.

10

**C**ur enim tibi hoc non gratificer nescio: præsertim cum his temporibus audacia pro sapientia liceat uti. Lentulo nostro egi per litteras tuo nomine gratias diligenter: sed tu velim desinas iam nostris litteris uti, & nos aliquando reuistas: & ibi malis esse, ubi aliquo numero sis, quam istic, ubi solus sapere videre. Quamquam qui istinc nunc veniunt, partim te superbum esse dicunt, quod nihil respondeas: partim contumeliosum, quod malè respondeas. Sed iam cupio tecum coram iocari. Quare fac, ut quamprimum venias: neque in Apuliam tuam accedas, ut possimus, saluum, te venisse, gaudere. nam illo, si veneris, tanquam Vlysses, cognosces tuorum neminem. Vale.

M.TVL.

# M. T. CICERONIS<sup>49</sup>

Epistolarum

AD CURIONEM,

Et alios.

LIBER SECVNDVS.



## ARGVMENTVM.

**D**istribuitur hoc Argumentum in quatuor partes, morales omnes. in singulis enim tum officij, tum amoris quadam elucet significatio, negotij prorsus abest mentio. quæ sit autem cuiusque partis sententiæ, videamus. In prima, accusante Ciceronem Curione, quia rarò admodum litteras mitteret, ita se purgat, vt culpam, à se remotam, in eum transferat: officiumque suum si non contemni à Curione senserit, in eo genere pollicetur. In secunda, abesse tamdiu Curionem dolet, quod eius consuetudine carcat; letatur, quod absens maximam laudem consequatur. In tertia, cum in excitando, & acuendo plurimum valeat, si laudes eum, quem cohortere; adiutum sibi aperit ad cohortandum, laudatione præposita. & quoniam naturæ bona summas res gerentibus adiumento maxime sunt, laudandi materiam capit ab animi, ingenijque præstantiæ: quæ cum omnibus cognita sit, expectationem concitatam non tueri turpissimum est: excusantur enim, quibus desunt instrumenta naturæ: at, quibus abunde adsunt, vitio datur, nisi voluntatem cum na-

D

tura

tura contingant, & aliquid magna laude dignum aut gerant, aut contentur saltem. Nec mirum, laudari eum à natura, cum & in libro de claris Oratoribus ita scriptum Cicero reliquerit: Curio, à magistris parum institutus, naturam habuit admirabilem, ad dicendum. In quarta, cum & ipse Curioni, & ei Curio plurimum debeat, modestè petit, ut imitetur suam consuetudinem in præstanda meritorum memoria, seque iam iam senescentem complectatur, ac foueat officijs suis. Scripta videtur, Caluino, & Messalla Coss.

## M. CICERO S. D, CVRIONI.

I.



**Q**UANTO me nomine negligentia suspectum tibi esse doleo; tamen non tam mihi molestum fuit, accusari abs te officium meum, quam iucundum, requiri: præsertim cum in quo accusabar, culpa vacarem; in quo autem desiderare te significabas meas litteras, præferres perspectum mihi quidè, sed tamen dulcem, & optatum amorem tuum. Equidem neminem prætermisi, quem quidem ad te perueniendum putarem, cui litteras non dederim. etenim quis est tam in scribendo impiger, quam ego? à te verò bis, terve ad summum, & eas per breues accepi. quare si iniquus in me iudex; condemnabo eodem ego te crimine: sin me id facere, noles; te mihi æquum præbere debebis. Sed de litteris hætenus. non enim vereor, ne non scribendo te expleam: præsertim si in eo genere studium meum non aspernabere.

Ego, te abfuisse tamdiu à nobis, & doleo, quòd carui fructu iucundissimæ consuetudinis; & lætor, quod absens omnia cum maxima dignitate es consecutus, quodque in omnibus tuis rebus meis optatis fortuna responderet. Breue est, quòd me tibi præcipere meus in-

credi-



credibilis in te amor cogit. Tanta est expectatio vel animi, vel ingenij tui; vt ego te obsecrare, obtestarique non dubitem, sic ad nos confirmatus reuertare, vt, quam expectationem tui concitasti, hanc sustinere, ac tueri possis. Et quoniam meam tuorum erga me meritorum memoriam nulla vnquam delebit obliuio, te rogo, vt memineris, quantæcunque tibi accessiones fient & fortunæ, & dignitatis, eas te non potuisse consequi, nisi meis, puer olim, fidelissimis, atque amantissimis consilijs paruisses. Quare hoc animo in nos esse debebis, vt ætas nostra iam ingrauesceret, in amore, atque in adolescentia conquiescat tua. Vale.

## A R G V M E N T V M.

*De Curionis patris interitu significat, ac se illi parentis loco futurum pollicetur. Verum, cui credibile videatur, ad Curionem in Asiam de patris eius obitu tantulam epistolam esse conscriptam? mihi quidem non fit verisimile. itaque libenter & hanc, & eam, quæ sequitur, epistolam conuinxerim, argumento etiam postulante. nam, ea numera declarari à Rupa Liberto, idest ostendi, & promitti populo, Curio filius exoptabat, quæ ipse postea, in urbem reuersus, patri mortuo daret. in quo tamen veterum librorum consensu deterreor, qui à sententia mea planè omnes discrepant. Eodem anno.*

CICERO S. D. CVRIONI.

2

**G**Raui teste priuatus sum amoris summi erga te mei, patre tuo clarissimo viro; qui, cum suis laudibus, tum verò te filio superasset omnium fortunam, si ei contigisset, vt te ante videret, quam à vita discederet. Sed spero nostram amicitiam non egere testibus. tibi patrimonium Dijs fortunent. me certe ac te habebis, cui carus æque sis, & periucundus, ac fuisti patri. Vale.

D 2 ARGV-

solum fronte, atque vultu, quibus simulatio facillimè  
sustinetur, ij declarant, qui tum nostro illo statu Op-  
timates nominabantur; sed etiam sententia sæpe iam,  
rabellaq; docuerunt. itaq; tota iam sapientium civium,  
qualem me & esse numerari volo, & sententia, & vo-  
luntas mutata esse debet. Id enim iubet idem ille Plato,  
quem ego auctorem vehementer sequor; *Tantum  
contendere in Repub. quantum probare tuis civibus possis;  
vim neque parenti, neque patriæ asferre oportere.* Atque  
hanc quidem ille causam sibi ait non attingendæ Reip.  
fuisse, quod eum offendisset populum Atheniensem  
prope iam desipientem senectute; cumque eum nec  
persuadendo, nec cogendo regi posse vidisset; cum  
persuaderi posse diffideret, cogi fas esse non arbitra-  
retur. Mea ratio fuit alia, quod, neque dissipiente  
populo, neque integra re mihi ad consulendum, ca-  
peiserem ne Rempub. implicatus tenebat: sed lara-  
tus tamen sum, quod mihi liceret in eadem causa,  
& mihi vtilia, & cuius bono recta defendere. Huc  
accessit commemoranda quædam & diuina Cæsaris in  
me fratremque meum liberalitas: qui mihi, quascun-  
que rex gereret, tuendus esset; nunc in tanta felicitate,  
tantisque victorijs, etiam si in nos non is esset, qui est,  
tamen ornandus videretur, sic enim te existimare ve-  
lim: cum à vobis meæ salutis auctoribus discesserim,  
neminem esse, cuius officij; me tam esse deuinctum,  
non solum confitear, sed etiam gaudeam. Quod quo-  
niam tibi exposui; facilia sunt ea, quæ à me de Vatinius  
& de Crasso requiris. Nam de Appio, quod scribis, si-  
cut de Cæsare, te non reprehendere; gaudeo tibi con-  
siliū probari meum. De Vatinius autem, primum re-  
ditus intercesserat in gratiam per Pompeium, statim  
ut ille Prætor est factus: cum quidem ego eius petitio-  
nem grauissimis in Senatu sententijs oppugnassem;  
neque tam illius lædendi causa, quam defendendi, atq;  
ornandi Catonis; post autem Cæsaris, ut illum defen-  
derem,

derem, mira contentio est consecuta. Cur autem laudari, peto à te, vt id à me, neve in hoc reo, neve in alijs requiras: ne tibi ego idem reponam, cum veneris; tamen si possum vel absenti. recordare enim, quibus laudationem ex ultimis terris miseris, nec hoc peritueris. nam à me ipso laudantur, & laudabuntur iidem. Sed tamen defendendi Vatini fuit etiam ille stimulus, de quo in iudicio, cum illum defenderem, dixi me facere quiddam, quod in Eunucho parasitus suaderet militi.

*Vt nominabit Phedriam, tu Pamphilam  
Continuo. si quando illa dicet, Phedriam  
Comestatum intromittamus: tu, Pamphilam  
Cantatum prouocemus, si laudabit hac  
Illius formam; tu huius contra denique  
Par pro pari referto, quod eam mordeat.*

Sic petiui a iudicibus, vt quoniam quidam nobiles homines, & de me optimè meriti nimis amarent inimicum meum, meque inspectante, sæpe cum in Senatu modo seuerè se ducerent, modò familiariter, atque hilarè amplexarentur; quoniamque illi haberent suum Publium, darent mihi ipsi alium Publium, in quo possem eorum animos mediocriter lacescit, leuiter repungere. neque solum dixi, sed etiam læpè facio, dijs, hominibusque approbantibus. Habes de Vatinio, cognosce de Crasso. Ego, cum mihi cum illo magna iam gratia esset, quòd eius omnes grauissimas iniurias, communis concordie causa, voluntaria quadam obliuione contriueram; repentinam eius defensionem Gabinij, quem proximis superioribus diebus accerrimè oppugnasset; tamen, si sine vlla mea contumelia suscepisset, tulissem: sed, cum me disputantem, non lacescentem, læsisset: exarsi, non solum præsentem, credo, iracundia (nam ea tam vehemens fortasse non fuisset,) sed cum inclusum illud odium multarum eius in me iniuriarum, quod ego effudisse me omne arbitrabar,

reli-

residuum tamen insciente me fuisset, omne repentē apparuit. Quo quidem tempore ipso, quidam homines, & iidem illi, quos sæpe nūtu, significationeque appello, cum se maximum fructum cepisse dicerent ex libertate mea: meque tum denique sibi esse visum Reipub. qualis fuisset, restitutum, cumque ea contentio mihi magnum etiam foris fructum tulisset: gaudere se dicebant, mihi & illum inimicum, & eos, qui in eadem causa essent, nunquam amicos futuros. Quorum iniqui sermones cum ad me per homines honestissimos perferrentur: cumque Pompeius ita contendisset, ut nihil unquam magis, ut cum Crasso redirem in gratiam: Cæsarque per litteras maxima se molestia ex illa contentione affectum ostenderet: habui non temporum solum rationem meorum, sed etiam naturæ: Crassusque, ut quasi testata populo Rom. esset nostra gratia, pene à meis laribus in provinciam est profectus. Nam cum mihi condixisset, cenavit apud me in mei generi Crassipedis hortis; quamobrem eius causam, quod te scribis audisse, magna illius commendatione susceptam; defendi in Senatu, sicut mea fides postulabat. Accepisti, quibus rebus adductus, quamque rem, causamque defenderim: quique meus in Repub. sit pro mea parte capeßenda status. De quo sic velim statuas, me hæc eadem sensurum fuisse si mihi integra omnia, ac libera fuissent. Nam neque pugnandum arbitrarer contra tantas opes: neque delendum, etiam si id fieri posset, summorum civium principatum: neque permanendum in vna sententia, conuersis rebus, ac bonorum voluntatibus immutatis: sed temporibus assentiendum. Nunquam enim præstantibus in Repub. gubernanda viris laudata est in vna sententia perpetua permansio. Sed ut in nauigando, tempeßtati obsequi artis est, etiam si portum tenere non queas; cum verò id possis, mutata velificatione, assequi, stultum est eum tenere cum periculo cursum quem cepis, potius quam eo commutato, quò velis tamen

men peruenire: sic, cum omnibus nobis in administranda Rep. propositum esse debeat, id, quod à me sepius dictum est, cum dignitate otium: *Non idem semper dicere, sed idem semper spectare debemus.* Quamobrem, vt paulò ante posui, si esset omnia mihi solutissima; tamen in Rep. non alius essem, atq; nunc sum; cum verò in hunc sensum, & alliciar beneficijs hominum, & còpellar iniurijs, facilè patior ea me de Rep. sentire, ac dicere, quæ maxime cum mihi, cum etiam Rep. rationibus putem conducere. Apertius autem hæc ago, ac sæpius, quod & Quintus, frater meus, legatus est Cæsaris: & nullum meum minimum dictum, non modo factum, pro Cæsare intercessit, quod ille non ita illustri gratia exceperit, vt ego eum mihi deuinctum putarem; itaque eius omni gratia quæ summa est, & opibus, quas intelligis esse maximas, sic fruor, vt meis nec mihi aliter potuisse videor hominum perditorum de me consilia frangere, nisi cum præsidij ijs, quæ semper habui, nunc etiam potentium beneuolentiam coniunxissem. His ego consilijs si te præsentem habuissè, vt opinio mea fert essem vsus eisdem: noui enim temperantiam, & moderationē naturæ tuæ: noui animum, cū mihi amicissimū, tum nulla in cæteros maleuolētia suffusum; contraq; cum magnum, & excelsum, tum etiam apertum, & simplicem, vidi ego quosdā in te tales, quales tu eosdem in me videre potuisti: quæ me mouerunt, mouissent eadem te profectò. Sed, quocunq; tempore mihi potestas præsentis tui fuerit, tu eris omnium moderator consiliorum meorum: tibi erit eidē cui salus mea fuit, etiam dignitas curæ, me quidem certè tuarum actionum, sententiarum, voluntatum, rerum deniq; omnium socium, comitemq; habebis: neque mihi in omni vita res tam erit vlla proposita, quam vt quotidie vehementius, te de me optimè meritum esse lætere.

Quod rogas, vt mea tibi scripta mittam, quæ post discessum tuum scripserim, sunt Orationes quædam, quas Menocrito dabo; neq; ita multæ, vt pertinescas. Scripsi  
etiam

etiam (nam etiam ab Orationibus disiungo me ferè, re-  
feroque ad mansuetiores Musas, quæ me maximè,  
sicut iam à prima adolescentia delectarunt) scripsi igitur  
Aristotelico more, quemadmodum, quidem volui,  
tres libros in disputatione, ac Dialogo de Oratore: quos  
arbitror Lentulo tuo fore non inutiles; aborreat enim  
à communibus præceptis, & omnem antiquorum &  
Aristotelicam, & Isocraticam, rationem Oratoriam  
complectuntur. Scripsi etiam versibus tres libros de  
temporibus meis: quos iampridem ad te misissem, si  
esse edendos putassem: sunt enim testes, & erunt sem-  
piterni meritorum tuorum erga me, meæque in te pie-  
tatis. Sed quia verebar non eos, qui se læsos arbitra-  
rentur, (etenim id feci parce, & molliter) sed eos,  
quos erat infinitum, bene de me meritos omnes  
nominare. quos tamen ipsos libros, si quænt cui re-  
ctè committam inuenero, curabo ad te perferendos.  
Atque istam quidem partem vitæ, consuetudini quæ  
nostræ totam ad te defero; quantum litteris, quantum  
studijs, veteribus nostris delectationibus, consequi po-  
terimus, id omne ad arbitrium tuum, qui hæc semper  
amasti libentissimè cōferemus. Quæ ad me de tuis rebus  
domesticis scribis, quæque mihi commendas; ea tanta  
mihi curæ sunt; vt me nolim admoneri, rogari verò si-  
ne magno dolore vix possim.

Quòd de Quincti Fratris negotio scribis, te priore  
æstate, quod morbo impeditus in Ciliciam non tran-  
sieris, conficere non potuisse; nunc autem omnia fa-  
cturum, vt conficias; id scito esse eiusmodi, vt frater  
meus verè existimet, adiuncto isto fundo, patrimo-  
nium fore suum per te constitutum. Tu me de tuis re-  
bus omnibus, & de Lentuli tui, nostrique studijs, &  
exercitationibus velim quam familiarissimè certiozem,  
& quam sapissimè facias; existimetque hominem cui-  
quam neque cariozem, neque iucundiozem vnquam  
fuisse, quam te mihi: idque, me non modo vt tu sentias,  
sed

sed ut omnes gentes, etiam ut posteritas omnis intelligat, essem facturum. Appius in sermonibus antea dicebatur, postea dixit etiam in Senatu palam, se se si licitum esset legem curiatam ferre, sortiturum esse cum Collega Prouinciam si curiata lex non esset, separaturum cum Collega, tibi que succedendum legem curiatam Consuli ferri opus esse, necesse non esse: se quoniam ex S. C. Prouinciam haberet, lege Cornelia imperium habiturum, quoad in Urbem introisset. Ego, quid ad te tuorum quisque necessariorum scribat, nescio varias esse opiniones intelligo, sunt qui putant, non posse te decedere, quod sine lege curiata tibi succedatur: sunt etiam, qui si decedas à te relinqui posse, qui Prouinciæ præsit. mihi non tam de iure certum est, (quamquam ne id quidem valdè dubium est) quam illud, ad tuam summam amplitudinem, dignitatem, liberalitatem, qua te scio libentissimè solere frui, pertinere, te sine vlla mora Prouinciam successorì concedere; præsertim cum sine suspitione tuæ cupiditatis non possis illius cupiditatem refutare. ego utrumque puto meum esse; & quod sentiam, ostendere; & quod feceris, defendere.

SCRIPTA iam Epistola superiore, accepi tuas litteras de publicanis: quibus æquitatem tuam non potui non probare. facilitate autem, quod vellem, consequi potuisses, ne eius ordinis, quem semper ornasti, rem, aut voluntatem offenderes. E quidem non desinam tuam decreta defendere; sed nostri consuetudinem hominum: scis, quam grauitè inimici illi ipsi Q. Scauolæ fuerint. Tibi tamen sum auctor, ut, quibus rebus possis eum tibi ordinem aut reconcilies, aut mitiges, id etsi difficile est, tamen mihi videtur esse prudentiæ tuæ. Vale.

## ARGUMENTVM.

*Vnam hanc subesse causam video, cur hanc epistolam scripserit, ut certiore faceret Valerium de Gratijs Lentulo, Ciliciae proconsuli à se per litteras eius nomine diligenter actis. nam cetera iocationes merae sunt, familiarem consuetudinem, & mutuam benevolentiam indicantes. Actio igitur gratiarum, & iocosa, quibus tota condita est epistola ad morale genus pertinet. nam & iocosa dicta subiecit moribus Aristoteles Rhetoricorum lib. 1. & Cicero in tradenda officiorum doctrina facetias quoque pròsecutus est.*

M. CICERO S. D. L. VALERIO  
IVRISCONSULTO.

10

**C**Ur enim tibi hoc non gratificer nescio: praesertim cum his temporibus audacia pro sapientia liceat uti. Lentulo nostro egi per litteras tuo nomine gratias diligenter: sed tu velim desinas iam nostris litteris uti, & nos aliquando reuifas: & ibi malis esse, ubi aliquo numero sis, quam istic, ubi solus sapere videre. Quamquam qui istinc nunc veniunt, partim te superbum esse dicunt, quòd nihil respondeas: partim contumeliosum, quòd malè respondeas. Sed iam cupio tecum coram iocari. Quare fac, ut quamprimum venias: neque in Apuliam tuam accedas, ut possimus, saluum, te venisse, gaudere. nam illo, si veneris, tanquam Vlyses, cognosces tuorum neminem. Vale.



# M. T. CICERONIS<sup>49</sup>

Epistolarum

AD CURIONEM,

Et alios.

LIBER SECVNDVS.



## ARGVMENTVM.

**D**istribuitur hoc Argumentum in quatuor partes, morales omnes. in singulis enim tum officij, tum amoris quadam elucet significatio, negotij prorsus abest mentio. quæ sit autem cuiusque partis sententiæ, videamus. In prima, accusante Ciceronem Curione, quia rarò admodum litteras mitteret, ita se purgat, vt culpam, à se remotam, in eum transferat: officiumque suum si non contemni à Curione senserit, in eo genere pollicetur. In secunda, abesse tamdiu Curionem dolet, quod eius consuetudine carcat; letatur, quod absens maximam laudem consequatur. In tertia, cum in excitando, & aciendo plurimum valeat, si laudes eum, quem cohortere; adiutum sibi aperit ad cohortandum, laudatione præposita. & quoniam naturæ bona summas res gerentibus adiumento maxime sunt, laudandi materiam capit ab animi, ingenijque præstantiæ: quæ cum omnibus cognita sit, expectationem concitatam non tueri turpissimum est: excusantur enim, quibus desunt instrumenta naturæ: at, quibus abunde adsunt, vitio datur, nisi voluntatem cum na-

D tura

tura coniungant, & aliquid magna laude dignum aut gerant, aut contentur saltem. Nec mirum, laudari eum à natura, cum & in libro de claris Oratoribus ita scriptum Cicero reliquerit: Curio, à magistris parum institutus, naturam habuit admirabilem, ad dicendum. In quarta, cum & ipse Curioni, & ei Curio plurimum debeat, modeste petit, ut imitetur suam consuetudinem in præstanda meritorum memoria, seque iam iam senescentem completatur, ac foveat officijs suis. Scripta videtur, Caluino, & Messalla Coss.

## M. CICERO S. D, CVRIONI.

I.



**Q**UANTO me nomine negligentiae suspectum tibi esse doleo; tamen non tam mihi molestum fuit, accusari abs te officium meum, quam iucundum, requiri: praesertim cum in quo accusabar, culpa vacarem; in quo autem desiderare te significabas meas litteras, praeterferres perspectum mihi quidē, sed tamen dulcem, & optatum amorem tuum. Equidem neminem praetermisi, quem quidem ad te peruenturum putarem, cui litteras non dederim. etenim quis est tam in scribendo impiger, quam ego? à te verò bis, terve ad summum, & eas per breues accepi. quare si iniquus in me iudex; condemnabo eodem ego te crimine: sin me id facere, noles; te mihi æquum præbere debebis. Sed de litteris hætenus. non enim vereor, ne non scribendo te expleam: praesertim si in eo genere studium meum non aspernabere.

Ego, te abfuisse tamdiu à nobis, & doleo, quod carui fructu iucundissimæ consuetudinis; & lator, quod absens omnia cum maxima dignitate es consecutus, quodque in omnibus tuis rebus meis optatis fortuna responderet. Breue est, quod me tibi præcipere meus in-  
credi-

credibilis in te amor cogit. Tanta est expectatio vel animi, vel ingenij tui; ut ego te obsecrare, obtestarique non dubitem, sic ad nos confirmatus reuertare, ut, quam expectationem tui concitasti, hanc sustinere, ac tueri possis. Et quoniam meam tuorum erga me meritorum memoriam nulla vnquam delebit obliuio, te rogo, ut memineris, quantæcunque tibi accessiones fient & fortunæ, & dignitatis, eas te non potuisse consequi, nisi meis, puer olim, fidelissimis, atque amantissimis consilijs paruisses. Quare hoc animo in nos esse debebis, ut ætas nostra iam ingrauesceret, in amore, atque in adolescentia conquiescat tua. Vale.

## A R G V M E N T V M.

*De Curionis patris interitu significat, ac se illi parentis loco futurum pollicetur. Verum, cui credibile videatur, ad Curionem in Asiam de patris eius obitu tantulam epistolam esse conscriptam? mihi quidem non fit verisimile. itaque libenter & hanc, & eam, quæ sequitur, epistolam conuinxerim, argumento etiam postulante, nam, ea numera declarari à Rupa Liberto, idest ostendi, & promitti populo, Curio filius exoptabat, quæ ipse postea, in urbem reuersus, patri mortuo daret, in quo tamen veterum librorum consensu deterreor, qui a sententia mea planè omnes discrepant. Eodem anno.*

## CICERO S. D. CVRIONI.

2

**G**Raui teste priuatus sum amoris summi erga te mei, patre tuo clarissimo viro; qui, cum suis laudibus, tuum verò te filio superasset omnium fortunam, si ei contigisset, ut te ante videret, quàm a vita discederet. Sed spero nostram amicitiam non egere testibus. tibi patrimonium Diis fortunent. me certè ac te habebis, cui carus æque sis, & periucundus, ac fuisti patri. Vale.

D 2 ARGV-

## ARGVMENTVM.

*Excusat Libertum Rupam, quia munera populo non promiserit: quod ei Curio mandauerat. Totum consilium de dandis muneribus improbat, & quia nihil expediant male affectæ Reipub. & quia diuitias potius, quam virtutem, ostendant. Summam, ait, expectationem de eius virtute, ingenioque concitatam: quam si sustinerit, id fore præstantius omnibus muneribus. Concludit significatione beneuolentiæ suæ. Tota moralis est Epistola. Dissuadet enim à muneribus dandis. Eodem anno.*

CICERO S. D. CVRIONI.

3

**R** Vpæ studium non defuit declarandorum munerum tuo nomine; sed nec mihi placuit, nec cuiquam tuorum quidquam, te absente, fieri, quod tibi, cum venisses, non esset integrum. Meam quidem sententiam aut scribam ad te postea pluribus; aut, ne ad eam meditare, imparatum te offendam: coramque contra istam tuam rationem, meam dicam: vt, aut te in meam sententiam adducam; aut certè testatum apud animum tuū relinquam, quid senserim; vt, si quando, quod nolim displicere tibi tuum consilium cœperit, possis meum recordari. Breui tamen sic habeto, in eum statum temporum tuum reditum incidere; vt ijs bonis, quæ tibi natura studio, fortuna data sunt, facilius omnia, quæ sunt in Repub. amplissima, consequi possis, quam muneribus: quorum neque facultatem quisquam admiratur; (est enim copiarum, non virtutis) neque quisquam est, quin satietate iam defessus sit. Sed aliter, atque ostenderam, facio, qui ingrediar ad explicandam rationem sententiæ meæ, quare omnem hanc disputationem in aduen-

tum tuum differo. Summa scito in expectatione te esse: eaque à te expectari; quæ à summa virtute, summoque ingenio expectanda sunt. Ad quæ si es, vt debes paratus, quod ita esse confido: plurimis, maximisque muneribus & nos amicos, & ciues tuos vniuersos, & Rempub. afficies. Illud profectò cognosces, mihi te neque cariorum, neque iucundiorum esse quinquam. Vale.

## A R G V M E N T V M.

*Epistolarum genera tria ponit; vnum, negotiale, alterum iocosum; tertium seuerum; quorum nullo sibi nunc vti non licere demonstrat, vt ostendat se, cum nullum scribendi suppetat argumentum, facere coactum, quod fecit etiam in superioribus litteris, vt eum hortetur ad amplectendam Rempub. in magnis difficultatibus constitutam: cuius officij causam confert in benevolentiam suam. Nihil habet epistola, quod morale non sit. Eodem anno.*

## CICERO S. D. CVRIONI. 4

**E** Pistolarum genera multa esse non ignoras: sed vnum illud certissimum, cuius causa inuenta res ipsa est, vt certiores faceremus absentes, si quid esset, quod eos scire aut nostra, aut ipsorum interesset. Huius generis litteras à me profectò non expectas: tuarum enim rerum domesticarum habes & scriptores, & nuncios: in meis autem rebus nihil est sanè noui. Reliqua sunt epistolarum genera duo, quæ me magnopere delectant: vnum familiare, & iocosum; alterum seuerum, & graue: utrò me minus deceat vti, non intelligo. Iocor ne tecum per litteras? ciuē mehercule non puto esse, qui temporibus his ridere possit. An grauius aliquid scribā? quid est, quod possit grauius à Cicerone scribi, ad Curionē, nisi

de Repub. ? atq; in hoc genere hæc mea causa est, ut neque ea, quæ non sentio, velim scribere. Quamobrem, quoniam mihi nullum scribendi argumentum relictum est, utar ea clausula, qua soleo: teque ad studium summæ laudis cohortabor. Est enim tibi grauis aduersaria constituta, & parata, incredibilis quædam expectatio: quam tu vna re facillimè vinces, si hoc statueris, quarum laudem gloriam adamaris, quibus artibus eæ laudes comparantur, in ijs esse laborandum. In hanc sententiam scriberem plura, nisi te tua spontè satis incitatum esse confiderem: & hoc, quicquid attigi, non feci inflammandi tua causa, sed testificandi moris mei. Vale.

### ARGUMENTVM.

*Rempub. domesticis malis laborare significat: Curioni gratulatur, quod absit; vel quia ciuiles miseras non videat; vel quod ibi sit; vbi magnam ex rectè factis laudem consequatur. Postremò hortatur eum ad suscipiendam Rempub. eius maxime patrocinio indigentem. Eodem anno.*

### CICERO S. D. CURIONI.

5

**H**Æc negotia quomodo se habeant, ne epistola quidem narrare audeo tibi: etsi, ubicunque es, ut scripsi ad te antea, in eadem es nauis: tamen, quod abes, gratulor; vel quia non vides, ea quæ nos: vel quod excelso, & illustri loco sita sit laus tua, in plurimorum, & sociorum, & ciuium conspectu: quæ ad nos nec obscuro, nec vario sermone; sed & clarissima, & vna omnium voce perfertur. Vnum illud nescio, gratuler ne tibi, an timeam, quod mirabilis est expectatio redditus tui: non quò verear, ne tua virtus opinioni hominum non

non respondeat: sed mehercule, ne, cum veneris, non habeas iam, quod cures: ita sunt omnia debilitata, iam propè & extincta. Sed hæc ipsa, nescio, rectè ne sint litteris commissa. quare cætera cognosces ex alijs. Tu tamen, siue habes aliquam spem de Repub. siue desperas, ea para, meditare, cogita, quæ esse in eo ciues, ac viro debent, qui sit Rempub. afflictam, & oppressam miseris temporibus, ac perditis moribus, in veterem libertatem, ac dignitatem vindicaturus. Vale.

## A R G V M E N T V M.

*Artificiosa commendatio, à summo erga Milonem studio deprompta. Partes multæ sunt, omnes ad impetrandum accommodatæ. Rei magnitudinem ostendit: in Curionem officia modeste commemorat: Curionis in se amplificat, & in referenda gratia parem voluntatem pollicetur. Atque hæc quasi præmij loco sunt. Narratio autem, quæcunque ad impetrandum valent, omnia comprehendit. summa petentis cupiditas ostenditur in eo, Ego omnia mea studia. Cupiditas autem honestæ rei, quæ subiungitur, non officij solum fructum, sed etiam pietatis laudem. Et, quoniam aliena minus, quam nostra nobis curæ sunt, occurrit huic suspicioni, cum inquit: neque verò cuiquam salutem, ac fortunas suas. Petimus interdum, quæ fieri vix possunt. at Cicero, cum dixerit iam, Peto id, quod maxime cupio, quod cupere debeo, quod mihi tanti est, ut in eo omnia mea posita esse decreuerim, subiungit, Posse te intelligo id, quod tantopere cupio. Auget etiam commendationem, cum de consensu, studioque bonorum adiungimus, ideo dixit illa: Habemus hæc omnia, bonorum studium, & quæ sequuntur. Postremo loco neque nos immemores, neque eunt, cui petimus, aut ingrati fore*

fore promittimus, adiuncta eius laude, ut non solum velle amicorum causa, sed etiam posse videatur; quod utrumque attigit Cicero, nam de se ipso cum dixisset, si me memorem, si gratum, deinde posuit, de ipso T. Annio. quod si res non amico tantum, sed nobis etiam dignitatem, aut commodum afferat; plus omnino habet ponderis commendatio. dixit igitur: mihi vero tantum decoris, tantum dignitatis adiunxeris. Conclusio optima, id nobis fore gratissimum, & id eum, a quo petimus, prestare posse. Quæ qui omnia diligenter attendet, profecto artem sibi aliquam ad commendandum componet: quando hæc, si non omnia, pleraque certe, mutarione lenissima, ad varios usus transferri facile possunt. Eodem anno.

## CICERO S. D. CVRIONI.

6

**N**ondum erat auditum, te ad Italiam aduentare, cum Sex. Villium, Milonis mei familiarem, cum his ad te litteris misi. Sed tamen, cum appropinquare tuus aduentus putaretur; & te iam ex Asia Romam versus profectum esse constaret; magnitudo rei fecit, ut non vereremur, ne nimis citò mitteremus, cum has ad te quamprimū perferri litteras magnopere vellemus. Ego, si mea in te essent officia solum, Curio, tanta quantà magis à te ipso prædicari, quàm à me ponderari solent; verecundius a te, si qua magnà res mihi petenda esset, contenderem. GRAVE est enim homini pudenti petere aliquid magnum ab eo, de quo se benemeritum putet ne id, quod petat, exigere magis, quam rogare, & in mercedis potius, quam beneficii loco numerare videatur. Sed quia tua in me, vel nota omnibus, vel ipsa nouitate meorum temporum clarissima, & maxima extiterunt. ESTQUE animi ingenii, cui multum debeas,  
eodem



eidem plurimum velle debere: non dubitavi id à te per litteras petere, quod mihi omnium esset maximum, maximeque necessarium. Neque enim sum veritus, ne sustinere tua in me, vel innumerabilia beneficia non possem: cum præsertim considerem, nullam esse gratiam tantam, quàm non, vel capere animus meus in accipiendo, vel in remunerando, cumulandoq; illustrare possit.

Ego omnia mea studia, omnem operam, curam, industriam, cogitationem, mentem denique omnem in Milonis Consulatu fixi, & locavi, statuique in eo me non officij solum fructum, sed etiam pietatis laudem debere querere. Neque verò cuiquam salutem, ac fortunas suas tantæ curæ fuisse vnquam puto, quantæ mihi sit honor eius: in quo omnia mea posita esse decreui. Huic te vnum tanto adiumento esse, si volueris, posse intelligo; vt nihil sit præterea nobis requirendum. Habemus hæc omnia: bonorum studium, conciliatum ex Tribunatu, propter nostram, vt spero te intelligere, causam: vulgi, ac multitudinis, propter magnificentiâ munerum liberalitatemq; naturæ: iuuentutis, & gratiosorum in suffragijs, propter ipsius excellentem in eo genere, vel gratiam, vel diligentiam nostram suffragationem, si minus potètem, at probatam tamen & iustam, & debitam, & propterea fortasse etiam gratiosam. Dux nobis, & auctor opus est; & eorum ventorum, quos proposui, moderator quidam, & quasi gubernator: qui si ex omnibus vnus optandus esset: quem tecum conferre possemus, non haberemus. Quamobrem, si me memorem, si gratû, si bonum virum, vel ex hoc ipso, quod tam vehementer de Milone laborem, existimare potes; si dignum deniq; tuis beneficijs iudicas; hoc à te peto, vt subuenias huic meæ sollicitudini: vt huic meæ laudi, vel, vt verius dicam, prope salutem, tuum studium dices. De ipso T. Annio tantum tibi polliceor, te maioris animi; gravitatis, constantiæ, benevolentiae erga te, si complecti hominem volueris, habiturum esse neminem: mihi verò tantum decoris,

tan-

tantum dignitatis adiunxeris; ut eundem te facile agnoscam fuisse in laude mea, qui fueris in salute. Ego, ni te videre scirem, cum hæc ad te scriberem, quantum officij sustinerem; quanto opere mihi esset in hac petitione Milonis, omni non modo contentione, sed etiam dimicatione elaborandum; plura scriberem: nunc tibi omnem rem, atque causam, neq; totum commendo, atq; trado. Vnum hoc sic habeto: si à te hanc rem impetrauero; me pone plus tibi, quam ipsi Miloni debitum: non enim mihi tam mea salus cara fuit, in qua præcipue sum ab illo adiutus; quam pietas erit in referenda gratia iucunda: eam autem vnius tui studio me assequi posse confido. Vale.

### ARGUMENTVM.

*Cum esset Cicero Proconsul in Cilicia, ex M. Cælij, aliorumque litteris, tribunum pleb. designatum esse Curionem, cognouit, eique hac epistola, tribunatum pleb. iam ingressu, gratulatus est. Post gratulationem sequitur cohortatio, tum Reipub. tum etiam amicitie debita. timebat enim Cicero, quod euenit, ne Curio, mutata sententia, ab optimatibus deficeret. proponit igitur ei temporum vim, rerum varietatem, incertos exitus, flexibiles hominum voluntates: suadet, ne cuius consilium sequatur, se ipsum audiat, sibi ootemperet. Postremo rogat, ne quid sibi temporis prorogari in prouincia administratione patiatur. Ser. Sulpicio, M. Marcello Coss.*

CICERO PROCOS. S. D.  
CVRIONI TRIB. PL.

7

**S**Era gratulatio reprehendi non solet, præsertim si nulla negligentia prætermissa est: longè enim absum, audio

audire. Sed & tibi gratulor, & ut sempiternæ laudi tibi sit iste Tribunatus, exopto; teque hortor, ut omnia gubernes, & moderere prudentia tua: ne te auferant, aliorum consilia. nemo est, qui sapientius tibi suadere possit te ipso, nunquam labere, si te audies. Non scribo hoc temerè: cui scribam video. novi animum, novi consilium tuum: non vereor; ne quid timidè, ne quid stultè facias, si ea defendes, quæ ipse recta esse senties. Quod in id Reipub. tempus non incideris, sed veneris (iudicio enim tuo, non casu, in ipsum discrimen rerum contulisti Tribunatum tuum) profectò vides, quanta vis in Reipub. temporum sit, quanta varietas rerum, quàm incerti exitus, quàm flexibiles hominum voluntates: quid insidiarum, quid vanitatis in vita; non dubitò, quin cogites. Sed amabo te, cura, & cogita, nihil novi; sed illud idem, quod initio scripsi: tecum loquere: te adhibe in consilium: te audi, tibi obtempera. alteri, qui melius dare consilium possit, quam tu, non facilè inueniri potest: tibi verò ipsi certè nemo melius dabit. Dij immortales; cur ego non adsum, vel spectator laudum tuarum, vel particeps; vel socius, vel minister consiliorum? tamen si hoc minimè tibi deest: sed tamen efficeret magnitudo, & vis amoris mei, consilio te ut possem iuuare. Scribam ad te plurà alias: paucis enim diebus eram missurus domesticos tabellarios: ut, quoniam sanè feliciter, & ex mea sententia Remp. gessimus, vnis litteris totius ætatis res gestas ad Senatum perscriberem.

De Sacerdotio tuo quantam curam adhibuerim, quàmque difficili in re, atque causâ; cognosces ex ijs litteris, quas Thraseo liberto tuo dedi.

Te, mi Curio, pro tuâ incredibili in me beneuolentia, meaque item in te singulari, rogo, atque oro; ne patiari mihi quidquam ad hanc provincialem molestiam temporis prorogari. Præsens tecum egi; cum te Tribunum plisto anno fore non putarem: itemq; petiti  
 sæpius

sepius per litteras: sed tum quasi à Senatore nobilissimo, & adolescente gratiosissimo; nunc à Tribuno pleb. & à Curione Tribuno; non vt decernatur aliquid noui, quod solet esse difficilius: sed vt ne quid noui decernatur: & vt S. C. & leges defendas; eaque mihi conditio maneat, qua profectus sum hoc te vehementer etiam, atque etiam rogo. Vale.

### ARGVMENTVM.

*Acceptis Cælij litteris, quæ lib. IIX. primæ leguntur, et cum litteris commentario rerum urbanarum, in quem omnia, sine delectu operarius nescio qui à Cælio conductus retulerat, ineptam Cicero sedulitatem reprehendit in colligendis leuissimis rebus. Tum de sermonibus cum Pompeio habitis, quod Cælius quæsierat, cum Pompei laude respondet: atque, vt ei se det, hortatur: addit de suo in prouinciam itinere. Clausula commendatio est rerum suarum; in quibus hoc præcipue laborat, ne sibi annum prouinciæ tempus prorogetur; sed ea conditio maneat, qua profectus est.*

CICERO PROCOS. S. D. M.  
COELIO RVFO.

8

**Q**uid? tu me hoc tibi mandasse existimas, vt mihi gladiatorum compositiones, vt vadimonia dilata, & Chrestii compilationem mitteres, & ea quæ nobis cum Romæ sumus, narrare nemo audeat? Vide, quantum tibi meo iudicio tribuam: nec mehercule iniuria: πολιτικὰ τέρα enim te adhuc neminē cognoui, ne illa quidem curo mihi scribas, quæ maximis in rebus Reip. geruntur quotidie, nisi quid ad me ipsum pertinebit; scribent alij, multi nuntiabunt, perferet multa etiam ipse rumor. Quare ego nec præterita, nec præsentia abs te, sed

sed, vt ab homine longè in posterum prospiciente, futura expecto: vt ex tuis litteris cum formam Rei. viderim, quale ædificium futurum sit, scire possim. Neque tamen adhuc habeo, quod te accusẽm: neque enim fuit, quod tu plus prouidere posses, quàm quiuis nostrum, in primisque ego: qui cum Pompeio complures dies nullis in alijs, nisi de Rep. sermonibus versatus sum: quæ nec possunt scribi, nec sunt scribenda. Tantum habeto, ciuem egregium esse Pompeium, & ad omnia, quæ prouidenda sunt in Repub. & animo, & consilio paratum. Quare de te homini: complectetur, mihi crede. iam, iidem illi & boni, & mali ciues videntur, qui nobis videri solent.

Ego, cum Athenis decem ipsos dies fuisset, multumque mecum Gallus noster Caninius; proficiscebar inde pridie Nonas Quinct. cum hoc ad te litterarum dedi. Tibi cum omnia mea commendatissima esse cupio, tum nihil magis, quam ne tempus nobis Prouinciæ prorogetur. in eo mihi sunt omnia, quid, quando, & quomodo, & per quos agendum sit, tu optimè constitues. Vale.

## A R G V M E N T V M.

*Gratulatur de parta ædilitate, Hirro deiecto; in quem facete iocatur: suam in Cælum beneuolentiam, eius in se merita demonstrat. Moralis epistola. Eodem anno.*

CICERO PROCOS. S. D. M. COELIO RVFO  
ÆDILI CVR. DES. 9

**P**rimum tibi, vt debeo, gratulor: lætorq; tum præsentis, tum etiam sperata tua dignitate serius, non negligentia mea, sed ignorãtia rerum omnium. In is enim sũ locis, quò & propter longinquitatẽ, & propter latrocinia cardissimè omnia per feruntur. Et cũ gratulor; tum verò, qui-

quibus verbis tibi gratias agam, non reperio: quod ita factus sis, ut dederis nobis quemadmodum scripseras ad me, quem semper ridere possemus. Itaque cum primum audiui, ego ille ipse factus sum (scis quem dicam) egiq; omnes illos adolescentes, quos ille iactitat. difficile est loqui. te autem contemplanis absentem, & quasi tecum coram loquerer: *Non adopl quantam egeris rem, neque quantum facinus feceris*: quod quia præter opinionem mihi acciderat, referebam me ad illud, *Incredibile hoc factu obijciitur*. repente vero in cessi omnibus latitijs, in quo cum obiurgarer, quod nimio gaudio pene desiperem; ita me defendebam: *Ego voluptatem animi nimiam*. quid quæris? dum illum rideo, pene sum factus ille. Sed hæc pluribus, multaque alia & de te, & ad te, cum primum ero aliquid otij nactus. Te verò mi Rufe, diligo: quem mihi fortuna dedit amplificatorem dignitatis meæ, ultorem non modò inimicorum, sed etiam invidorum meorum: ut eos partim scelerum suorum, partim etiam ineptiarum pœniteret. Vale.

## A R G V M E N T V M.

*Queri videtur de tabellarijs, litteris non perferentibus: re vera Cælium negligentia leniter accusat: deinde res à se in Amano monte gestas, & Pindenissi oppugnationem exponit: rogat, ne quid sibi temporis ad provinciale munus prorogetur. de Repub. tum præsentia, tum futura etiam expectare se dicit. Eodem anno.*

CICERO IMP. S. D. COELIO RVFO  
ÆDILI CVR. DES.

19

**T**V vide, quam ad me littæ non perferantur, non enim adduci possum, ut abs te, postea quam Ædilis factus es, nullas putem datas; præsertim cum esse tantam

tanta res, tantæ gratulationis, de te; quia, quod sperabam de Hillo, (balbus enim sum) quod non putaram. Atqui sic habero, nullam me epistolam accepisse tuam, post Comitia ista præclara, quæ me lætitia extulerunt. ex quo vereor, ne idem eueniat in meas litteras. Equidem nunquam domum misi vnâ epistolâ, quin esset ad te altera: nec mihi est te iucundius quidquam, nec carius. Sed balbi non sumus; ad rem redeamus.

Vt optasti, ita est, velles enim, ais tantum modo vt haberem negotij, quod esset ad laureolam satis. Parthos times; quia diffidis copijs nostris. Ergo ita accidit, nam, Parthico bello nunciato, locorum quibusdam angustijs, & natura montium fretus, ad Amanum exercitum adduxi. satis probè ornatum auxilijs, & quadam auctoritate apud eos, qui me non norant, nominis nostri, multum est enim in his locis; *Hic me est ille, qui Vrbem? quem Senatus?* nosti cetera. Cum venissem ad Amanum, qui mons mihi cum Bibulo communis est, diuisus aquarum diuortijs? Cassius noster, quod mihi magnæ voluptatis fuit. feliciter ab Antiochia hostem reiecerat. Bibulus prouinciam acceperat. Interea cum meis copijs omnibus vexaui Amanienſes; hostes sempiternos. multi occisi, capti: reliqui dissipati. castella, munita, improviso aduentu capta, & incensa. Ita victoria iusta Imperator appellatus apud Iſum (quo in loco sæpe, vt ex te audiui, Clitarchus tibi narrauit, Darium ab Alexandro esse superatum,) abduxi exercitum ad infestissimam Ciliciæ partem. ibi quintum & vicesimum iam diem aggeribus, vineis, turribus oppugnabam opidum munitissimum Pindenissum, tantis opibus, tantoque negotio, vt mihi ad summam gloriam nihil desit, nisi nomen opidi. quod si, vt spero, cepero; tum verò litteras publicè mittam. Hæc ad te in præſenti scripsi, vt spes te assequi id, quod optasti.

Sed vt redeam ad Parthos; hæc æstas habuit hunc exitum satis felicem: ea, quæ sequitur, magno est in timore. Quare,

Quare, mi Rufe, vigila, primum vt mihi succedatur. Sin id erit, vt scribis, & vt ego arbitror, spissius; illud quod facile est, ne quid tibi temporis prorogetur. De Rep. ex tuis litteris, vt antea tibi scripsi, cum presentia, tum etiam futura magis expecto. Quare, vt ad me omnia quam diligentissime perscribas, te vehementer rogo. Vale.

## ARGVMENTVM.

*Ita sollicitus est, quidnam de successione prouinciarum Romæ decernatur, vt omnino sibi deesse verba confirmet. Miro enim Urbis desiderio tenetur. Pantheras ludorum causa promittit. De statu Reipub. diligentissimas à Cælio litteras postulat. L. Paullo, C. Marcello Coss.*

## CICERO IMP. S. D. COELIO ÆDILI CVR.

II

**P**Vtares ne vnquam accidere posse, vt mihi verba deessent; neque solum ista vestra oratoria, sed hæc etiā leuia nostratia? desunt autem propter hanc causā, quod mirificè sum sollicitus. quidnam de Prouincijs decernatur. Mirum me desiderium tenet Urbis, incredibile meorum, atque in primis tui, satietas autem Prouinciæ, vel quia videmur eam famam consecuti, vt non tam accessio quærenda, quam fortuna metuenda sit; vel quia totum negotium non est dignum viribus nostris, qui maiora in Repub. onera sustinere & possimus, & soleamus; vel quia belli magni timor impendet: quod videmur effugere, si ad constitutam diem deceamus.

De Pantheris per eos, qui venari solent, agitur mandato meo diligenter: sed mira paucitas est: & eas, quæ sunt.



sunt, valde aiunt queri, quòd nihil cuiquam insidiarum in mea Prouincia, nisi sibi, fiat. Itaque constituisse, dicuntur in Cariam ex nostra Prouincia decedere. Sed tamen sedulò fit, & in primis à Patifcho. quidquid erit, tibi erit, sed quid planè esset, nesciebamus. Mihi mehercule magnæ curæ est Ædilitas tua. ipsa dies me admonerat: scripsi enim hæc ipsis Megalensibus. Tu velim ad me de omni Reip. statu quam diligentissimè perscribas: ea enim certissima putabo, quæ ex te cognouero. Vale.

## A R G V M E N T V M.

*Sollicitudinem suam demonstrat ob res vrbanas. litteras à Cælio petit de omni statu Reip. addit de Diogenis, & Platonis itinere. hortatur ne prouinciales honores vrbanis magistratibus præferat. suam indicat ad urbem redeundi cupiditatem. Eodem anno.*

CICERO IMP. S. D. COELIO  
Æ D I L. C V R.

12

**S**ollicitus equidem eram de rebus vrbanis: ita tumultuosæ conciones ita molestæ. Quinquatrus afferebantur: nam citeriora nondum audiebamus. Sed tamen nihil me magis sollicitabat, quam in his molestijs non me, si qua ridenda essent, ridere tecum. sunt enim multa, sed ea non audeo scribere. Illud molestè fero, nihil me adhuc de rebus habere tuarum litterarum. Quare, etsi, cū tu hæc leges, ego iam annum munus confecero, tamen obuiæ mihi velim sint litteræ tuæ, quæ me erudiant de omni Repub. ne hospes planè veniam hoc melius, quàm tu, facere nemo potest. Diogenes tuus, homo modestus, à me cum Philone Pessimunte discessit. iter habebant ad latorem: quamquam omnia nec benignia, nec copiosa cognorant.

E Vrbem

Urbem, mi Rufe, cole, & in ista luce viue: omnis enim peregrinatio (quod ego ab adolescentia iudicaui) obscura, & sordida est ijs, quorum industria Romæ potest illustris esse, quod cum probè scirem. vtinam in sententia permansissem. Cum vna mehercule ambulationiuncula, atque vno sermone nostro, omnes fructus Prouinciæ non confero. spero me integritatis laudem consecutum. non erat minor ex contemnenda, quam ex conseruata Prouincia. Spes triumphi, inquis? satis gloriose triumpharem, si non essem tamdiu quidem in desiderio rerum mihi carissimarum. Sed, vt spero, propediem te videbo. tu mihi obuiam mitte epistolas te dignas. Vale.

### ARGVMENTVM.

*De litterarum infrequentia quasi molli brachio Cælium reprehendit: eundem excusat, culpa in tabellarios translata: laudat etiam ob carum, quas proxime accepit, prudentiam, & humanitatem. Amicitiam cum Ap. Claudio, & amicitie causas commemorat. quod Cæsarem Curio, qui cum optimatibus antea sentire videbatur, cæpit defendere, exitum agnoscit coniecturæ suæ. Decedere è prouincia, expleto anno, sibi ait esse constitutum; miroque se teneri desiderio vrbis, suorum, Cælij potissimum; quem adilem videre cupiebat. Negotialis ferè tota est epistola: morale principium, & quod concludit. nam, quæ narrat de Appij erga se, suaque in illum beneuolentia, propter occasionem inducta sunt. Appij à Dolabella accusati: de quo vide epist. 9. lib. 8. cui Cicero respondet. Eodem anno.*

CICERO IMP. S.D. COELIO ÆDILICVR. 13

**R** Atas tuas quidem, (fortasse enim non perferuntur) sed suaues accipio litteras: vel quas proximè accede-

ceperam, quam prudentes, quam multi, & officij, & consilij. Etsi omnia si constitueram mihi agenda, vt tu admonebas; tamen confirmantur nostra consilia, cum sentimus prudentibus, fideliterq; suadētibus idem videri. Ego Appium, vt sæpe tecum locutus sum, valde diligo: meq; ab eo diligi statim cœptum esse, vt similitatem depoluimus, senti. nam & honorificus in me Consul fuit & suavis amicus, & studiosus studiorum etiam meorū. Mea verò officia ei non defuisse, tute es testis: quoniam *καμικὸς μάρτυρ*, vt opinor, accidit Phania, & mehercule etiam pluris eum feci, quod te amari ab eo sensi. Iam me Pompeij totum esse scis. Brutum à me amari intelligis. quid est causæ, cur mihi non sit in optatis, completi hominem florentem ætate, opibus, honoribus, ingenio, liberis, propinquis, affinibus amicis? Collegam meum præsertim & in ipsa Collegij laude, & scientia, studiosum mei? Hæc eo pluribus scripsi, quod mihi significabant tuæ litteræ, subdubitare te, quæ essent erga illum voluntate. credo te audisse aliquid. falsum est, mihi crede, si quid audisti. Genus institutorum, & rationum mearum dissimilitudinem nonnullam habet cum illius administratione Prouinciæ: ex eo quidam suspicari fortasse sunt, animorum contentione, non opinionum dissensione, me ab eo discrepare. nihil autem feci vniquam, neque dixi, quod contra illius existimationem esse vellem, post hoc negotium autem, & temeritatem nostri Dolabellæ, deprecatores me pro illius periculo præbeo.

Erat in eadem epistola veternus ciuitatis: gaudebam sanè, & congelasse nostrum amicum lætabar otio. Extrema pagella pupugit me tuo chirographo. quid ais? Cæsarem nunc defendit Curio? quis hoc putaret præter me? nam, ita viuam, putavi. Dij immortales, quam ego risum nostrum desiderio. Mihi erat in animo, quoniam iurisdictionem confeceram, ciuitates locupletatam, publicanis etiam superioris lustri reliqua sine sociorum

vlla querela conseruaram, priuatis, summis, infimis fueram iucundus: proficisci Ciliciam Nonis Maij: & cum primùm æstiuæ attigissem, militaremque re collocassem, decedere ex S. C. Cupio te Ædilem videre: miroque desiderio me Vrbs afficit, & omnes mei, tuque in primis. Vale.

## A R G V M E N T V M.

*Commendat Fabium à Quinquerebus, probitate, doctrina, ingenio, modestia, amicitia sua. De rebus Romanis litteras expectat. Eodem anno.*

CICERO IMPERAT. S. D. COELIO  
ÆDIL. CVR.

**M**arco Fabio, viro optimo, & homine doctissimo familiarissimè vtor, mirificèque eum diligo; cum propter summum eius ingenium, summamque doctrinam, tum propter singularem modestiam. Eius negotium sic velim suscipias, vt si esset res mea. Noui ego vos magnos patronos: hominem occidat oportet, qui vestra opera vtì velit. Sed in hoc homine nullam accipio excusationem, omnia relinques, si me amabis, cum tua opera Fabius vtì volet. Ego res Romanas vehementer expecto, & desiderio: in primisque quid agas, scire cupio. nam iamdiu propter hyemis magnitudinem nihil noui ad nos afferebatur. Vale.

## A R G V M E N T V M.

*Si quis Cælij tres epistolas legerit, quibus Cicero respondet, vndecimam, tertiamdecimam, decimamseptimam libri octau: is magnopere nostram interpretationem non desiderabit. Epistolæ capita sunt hæc. de supplicationibus suis, de filiæ, & Dolabellæ nuptijs, de sua solli-*

*sollicitudine ob ciuiles discordias, de rationibus, quibus adductus C. Caelium, Quaestorem suum, prouinciæ præposuerit; de Ser. Ocella in adulterijs deprehenso, de rebus ab Aedili Caelio gestis, de suo ad urbem reditu. Tota negotialis epistola, respondet enim ad ea, quæ Cælij litteræ significauerant. nam rationes de Quaestore prouinciæ præposito, quis non videt ad negotiale genus pertinere?*

CICERO IMP. S. D. COELIO.

ÆDILI CVR.

15

**N**on potuit accuratius agi, neque prudentius, quam actum est a te cum Curione de supplicatione. Et mehercule cōfecta res est ex mea sententia, cum celeritate, tum quod is, qui erat iratus, cōpetitor tuus, & idem meus, assensus est ei, qui ornauit res nostras diuinis laudibus. Quare scito me sperare ea, quæ sequuntur, ad quæ tu te para. Dolabellam à te gaudeo primum laudari, deinde etiam amari. nam ea, quæ speras Tullia meæ prudentia temperari posse, scio cui tuæ epistolæ respondeant. quid si meam legas, quam ego tu ex tuis litteris misi ad Appium. sed quid agas? sic uiuitur. quod actū est, Dij approbent. spero fore iucundum generum nobis. multum in eo tua nos humanitas adiuuabit. Resp. me valde sollicitat. faueo Curioni: Cæsarem honestum esse cupio; pro Pompeio emori possum: sed tamen ipsa Repub. nihil mihi est carius: in qua tu non valde te iactas. districtus enim mihi videris esse, quod & bonus ciuis, & bonus amicus es.

Ego de Prouincia decedens, & Quaestorem Caelium præposui Prouinciæ, Puerum, inquires: at Quaestorem, at nobilem adolescentem: at omnium fere exemplo: neque erat superiore honore ullus, quem præficere. Pontinius

E 3 multo

multò ante discesserat à Q. Fratre impetrari non poterat: quem tamen si reliquisset, dicerent iniqui, non me planè post annum. vt Senatus voluisset, ex prouincia decessisse, quoniam alterum me reliquisset. fortasse & illud adderent, Senatum eos voluisse prouincijs præfesse, qui antea non præfuisent: fratrem meum triennium Asiæ præfuisse: Denique non sollicitus non sum: si fratrem reliquisset, omnia timerem. Postremò, non tam mea sponte, quàm potentissimorum duorum exemplo, qui omnes Cassios, Antoniosque complexi sunt, hominem adolescentem non tam allicere volui, quam alienare nolui. hoc tu meum consilium laudes necesse est: mutari enim non potest.

De Occella parùm planè ad me scripseras, & in actis non erat. Tux res gestæ ita notæ sunt, vt trans montem Taurum etiam de Matrinio sit auditum. Ego, nisi quid me Etesia morabuntur, celeriter, vt spero: vos videbo. Vale.

### ARGUMENTVM.

*Tribus annis epistola Ciceronis ad Caelium data sunt: prima, secunda, tertia, M. Marcello, Ser. Sulpicio Cos. quarta, quinta, sexta, septima, octaua, L. Paulo, C. Marcello Cos. nona L. Lentulo, C. Marcello Cos. Hæc vltima respondet ijs litteris, quibus eum Cælius obsecrauerat, ne secum Pompeio coniungeret, sed in oppidum aliquod bello vacuum recederet, donec armis ciuilis contentio diiudicaretur. earum litterarum initium est, Exanimatus sum tuis litteris lib. 11x. Magnum, inquit Cicero, dolorem ex litteris tuis accepissem, nisi diuturna mihi rerum desperatio pene omnem iam doloris sensum ademisset. Nec verò consilium meum hoc fuit, vt pro Pompeio contra Cæsarem pugnarem; sed vt in aliquas fortasse solitudines discederem. nihil enim ciuilibus*

*ous armis odiosius. Caesaris ira non me mouet, cum eadem omnibus calamitas impendere videatur. filius meus cuius causa vis me mihi carum esse, ac de mea calamitate laborare, si erit aliqua Respub. sustentabitur memoria nominis mei; si nulla, cum reliquis ciuibz concidet. De genere meo Dolabella, noli dubitare, quin eam, quam debeo, curam sustineam. Hispaniensis belli exitum non expecto: quorsum enim? aut mihi, incolumi ciuitate, locus erit: aut, perdita quod reliquum est uitae, in solitudine traducere deliberatum est. Verum haec fortasse meliorem exitum habebunt. Tutamen, ubicunque ero, me, liberosque meos, ut nostra postulat amicitia, diliges, ac tuebere. Negotialis est epistola, quia de itione ad Pompeium differit, quod Caelius dissuaserat, C. Marcello, L. Lentulo Ces.*

C I C E R O IMP. S. D. C O E L I O  
Æ D I L I C V R.

16

**M**agno dolore me affecissent tuae litterae, nisi iam & ratio ipsa depulisset omnes molestias, & diuturna desperatione rerum obduruisset animus ad dolorem nouum. Sed tamen quare acciderit, ut ex meis superioribus literis id suspicarer, quod scribis, nescio quid enim fuit in illis, praeter querelam temporum, quae non arimur meum magis sollicitum haberent, quam tuum: nam non eam cognoui aciem ingenij tui, quod ipse videam, te id, ut non putem videre. Illud miror, adduci potuisse te, qui me penitus nosse deberes, ut me existimares, aut tam improuidum qui ab excitata fortuna ad inclinatam & prope iacentem descissem: aut tam inconstantem, ut collectam gratiam florentissimi hominis effunderem, à meque ipse deficerem; & quod initio semper fugi, ciuili bello interesset. Quod est igitur

meum triste consilium? ut discederem fortasse in aliquas solitudines? noti enim non modò stomachi mei, cuius tu similem quondam habebas; sed etiam oculorum in hominum insolentium indignitate fastidium. Accedit etiam molesta hæc pompa lictorum meorum, nomenque imperij, quo appellor. eo si onere carerem, quamuis paruis Italiæ latebris contentus essem. Sed incurrit hæc nostra laurus non solum in oculos, sed etiam in voculas maleuolorum. Quod cum ita esset, nihil tamen unquam de profectione, nisi vobis approbantibus, cogitavi. sed mea prædiola tibi nota sunt: in his mihi necesse est esse, ne amicis molestus sim. Quod autem in maritimis facillimè sum, moueo nonnullis suspicionem: velle me nauigare. quod tamen fortasse non nollem si possem ad otium. nam ad bellum quidem, qui conuenit? præsertim contra eum, cui spero me satisfecisse: ab eo, cui tamen satisfieri nullo modo potest. Deinde sententiam meam tu facillimè perspicere potuisti iam ab illo tempore. cum in Cumanum mihi obuiam venisti: non enim te celavi. Sed nonne tum prouidisti, quam abhorrerem ab Urbe relinquenda? quod cū audissem, non ne tibi affirmavi, quiduis me potius perpeffurum, quam ex Italia ad bellum ciuile exiturum? quid ergo accidit, cur consilium mutarem? non ne omnia potius, ut in sententia permanerem? Credas hoc mihi velim, quod puto te existimare, ex his miserijs nihil aliud me querere, nisi, ut homines aliquando intelligant, me nihil maluisse, quam pacem: ea desperata, nihil tam fugisse, quam armâ ciuilia. huius me constantiæ puto fore, ut nunquam poeniteat. Etenim memini, in hoc genere gloriari solitum esse familiarem nostrum Q. Hortensium. Quod nunquam bello ciuili interfuisset. hoc nostra laus erit illustrior, quod illi tribuebatur ignauiæ; de nobis id existimari posse non arbitror. Nec me ista terrent, quæ mihi à te ad timorem fidissimè, atque amantissimè proponuntur. nulla est enim acerbitas, quæ non omnibus, hac orbis

terra-



terrarum perturbatione, impendere videatur: quam-  
quidem ego à Repub. meis priuatis, & domesticis in-  
commodis libentissimè, vel istis ipsis, quæ tu me mo-  
nes, vt caueam, redemissem. Filio meo, quem tibi ca-  
rum esse gaudeo, si erit vlla Respub. satis amplum  
patrimonium relinquam, memoriam nominis mei: sin  
autem nulla erit; nihil accidet ei se paratim à reliquis  
ciuibus.

Nam, quod rogas vt respiciam generum meum, ado-  
lescentem optimum, mihiq; carissimum; an dubitas  
cum scias, quanti cum illum, tum verò Tulliam meam  
faciam, quin ea me cura vehementissimè sollicitet? &  
eò magis, quòd in communibus miserijs hac tantum ob-  
lectabar specula, Dolabellam meum, vel potius nostrum,  
fore ab ijs molestijs, quas liberalitate sua contraxerat,  
liberum. Velim quæras, quos ille dies sustinuerit, in Vr-  
be dum fuit, quam acerbos sibi, quam mihi ipsi socero  
non honestos. Itaque neque hunc Hispaniensem casum  
expecto; de quo mihi exploratum est, ita esse, vt tu scri-  
bis: nec quidquam astutè cogito. Si quando erit ciuitas,  
erit profectò nobis locus: sin autem non erit, in easdem  
solitudines tu ipse, vt arbitror, venies, in quibus nos con-  
fedissee audies. Sed ego fortasse vaticinor; & hæc om-  
nia meliores habebunt exitus. recordor enim despera-  
tiones eorum, qui senes erant adolescente me. eos ego  
fortasse nunc imitor, & vtor ætatis vitio. velim, ita sit:  
sed tamen, togam prætextam texi Oppio, puto te audisse.  
nam Curtius noster dibaphum cogitat: sed cum infector  
moratur. Hæc adsperfi, vt scires, me tamen in stoma-  
cho solere ridere. De Dolabella, quod scripsi, suadeo vi-  
deas, tanquam si res tua agatur. Extremum illud erit:  
nos nihil turbulenter, nihil temere faciemus. te tamen  
oramus, quibuscunque erimus in terris, vt nos, liberosq;  
nostros ita tueare. vt amicitia nostra, & tua fides postu-  
labit. Vale.

Quare, mi Rufe, vigila, primum vt mihi succedatur. Sin id erit, vt scribis, & vt ego arbitror, spissius; illud quod facile est, ne quid tibi temporis prorogetur. De Rep. ex tuis litteris, vt antea tibi scripsi, cum præsentia, tum etiam futura magis expecto. Quare, vt ad me omnia quam diligentissimè perscribas, te vehementer rogo. Vale.

### ARGVMENTVM.

*Ita sollicitus est, quidnam de successione prouinciarum Romæ decernatur, vt omnino sibi deesse verba confirmet. Miro enim Urbis desiderio tenetur. Pantheras ludorum causa promittit. De statu Reipub. diligentissimas à Cælio litteras postulat. L. Paullo, C. Marcello Coss.*

### CICERO IMP. S. D. COELIO ÆDILI CVR.

II

**P**Vtares ne vnquam accidere posse, vt mihi verba deessent; neque solum ista vestra oratoria, sed hæc etiā leuia nostratia? desunt autem propter hanc causā, quod mirificè sum sollicitus. quidnam de Prouincijs decernatur. Mirum me desiderium tenet Urbis, incredibile meorum, atque in primis tui, satietas autem Prouinciæ, vel quia videmur eam famam consecuti, vt non tam accessio quærenda, quam fortuna metuenda sit; vel quia totum negotium non est dignum viribus nostris, qui maiora in Repub. onera sustinere & possimus, & solcamus; vel quia belli magni timor impendet: quod videmur effugere, si ad constitutam diem decedemus.

De Pantheris per eos, qui venari solent, agitur mandato meo diligenter: sed mira paucitas est: & eas, quæ sunt,

sunt, valde aiunt queri, quòd nihil cuiquam insidiarunt in mea Prouincia, nisi sibi, fiat. Itaque constituisse, dicuntur in Cariam ex nostra Prouincia decedere. Sed tamen sedulò fit, & in primis à Patifcho. quidquid erit, tibi erit, sed quid planè esset, nesciebamus. Mihi mehercule magnæ curæ est Ædilitas tua. ipsa dies me admonerat: scripsi enim hæc ipsis Megalensibus. Tu velim ad me de omni Reip. statu quam diligentissimè perscribas: ea enim certissima putabo, quæ ex te cognouero. Vale.

## A R G V M E N T V M.

*Solicitudinem suam demonstrat ob res vrbanas. litteras à Cælio petit de omni statu Reip. addit de Diogenis, & Platonis itinere. hortatur ne provinciales honores vrbanis magistratibus præferat. suam indicat ad urbem redeundi cupiditatem. Eodem anno.*

CICERO IMP. S. D. COELIO  
ÆDIL. CVR.

12

**S**ollicitus equidem eram de rebus vrbanis: ita tumultuosæ conciones ita molestæ. Quinquatrus afferebantur: nam citeriora nondum audiebamus. Sed tamen nihil me magis sollicitabat, quam in his molestijs non me, si qua ridenda essent, ridere tecum. sunt enim multa, sed ea non audeo scribere. Illud molestè fero, nihil me adhuc de rebus habere tuarum litterarum. Quare, etsi, cū tu hæc leges, ego iam annum munus confecero, tamen obuiæ mihi velim sint litteræ tuæ, quæ me erudiant de omni Repub. ne hospes planè veniam hoc melius, quàm tu, facere nemo potest. Diogenes tuus, homo modestus, à me cum Philone Pessimunte discessit. iter habebant ad Iatorem: quamquam omnia nec benignia, nec copiosa cognorant.

E Vrban

Urbem, mi Rufe, cole, & in ista luce uiue: omnis enim peregrinatio (quod ego ab adolescentia iudicati) obscura, & sordida est ijs, quorum industria Romæ potest illustris esse, quod cum probè scirem. utinam n sententia permanissem. Cum vna mehercule ambulatione, atque vno sermone nostro, omnes fructus Prouinciæ non conféro. spero me integritatis laudem consecutum. non erat minor ex contemnenda, quam ex conseruata Prouincia. Spes triumphi, inquis? satis gloriosè triumpharem, si non essem tamdiu quidem in desiderio rerum mihi carissimarum. Sed, ut spero, propediem te videbo. tu mihi obuiam mitte epistolas te dignas. Vale.

### ARGVMENTVM.

*De litterarum infrequentia quasi molli brachio Cælium reprehendit: eundem excusat, culpa in tabellarios translata: laudat etiam ob carum, quas proxime accepit, prudentiam, & humanitatem. Amicitiam cum App. Claudio, & amicitie causis commemorat. quod Cæsarem Curio, qui cum optimatibus antea sentire videbatur, cepit defendere, exitum agnoscit coniectura sua. Decedere è prouincia, expleto anno, sibi ait esse constitutum; miroque se teneri desiderio urbis, suorum, Cælij potissimum; quem adilem videre cupiebat. Negotialis ferè tota est epistola: morale principium, & quod concludit, nam, quæ narrat de Appij erga se, suaque in illum beniuolentia, propter occasionem inducta sunt. Appij à Dolabella accusati: de quo vide epist. 9. lib. 8. cui Cicero respondet. Eodem anno.*

CICERO IMP. S.D. COELIO ÆDILICVR. 13

**R**aras tuas quidem, (fortasse enim non perferuntur) sed suaues accipio litteras: vel quas proximè accede-

reperam, quam prudentes, quam multi, & officij, & consilij. Etsi omnia si constitueram mihi agenda, vt tu admonebas; tamen confirmantur nostra consilia, cum sentimus prudentibus, fideliterq; suadētibus idem videri. Ego Appium, vt sæpe te cum locutus sum, valde diligo: meq; ab eo diligi statim cœptum esse, vt simultatem depoluimus, senti. nam & honorificus in me Consul fuit & suavis amicus, & studiosus studiorum etiam meorū. Mea verò officia ei non defuisse, tute es testis: quoniam *καμικὸς μάρτυρ*, vt opinor, accidit Phania, & mehercule etiam pluris eum feci, quod te amari ab eo sensi. Iam me Pompeij totum esse scis. Brutum à me amari intelligis. quid est causæ, cur mihi non sit in optatis, complecti hominem florentem ætate, opibus, honoribus, ingenio, liberis, propinquis, affinibus amicis? Collegam meum præsertim & in ipsa Collegij laude, & scientia, studiosum mei? Hæc eo pluribus scripsi, quod mihi significabant tuæ litteræ, subdubitare te, qua esserū erga illum voluntate. credo te audisse aliquid. falsum est, mihi crede, si quid audisti. Genus institutorum, & rationum mearum dissimilitudinem nonnullam habet cum illius administratione Prouinciæ: ex eo quidam, suspicati fortasse sunt, animorum contentione, non opinionum dissensione, me ab eo discrepare. nihil autem feci vniquam, neque dixi, quod contra illius existimationem esse vellem, post hoc negotium autem, & temeritatem nostri Dolabellæ, deprecatorem me pro illius periculo præbeo.

Erat in eadem epistola veternus ciuitatis: gaudebam sanè, & congelasse nostrum amicum lætabar otio. Extrema pagella pupugit me tuo chirographo. quid ais? Cæsarem nunc defendit Curio? quis hoc putaret præter me? nam, ita viuam, putauī. Dij immortales, quam ego risum nostrum desiderio. Mihi erat in animo, quoniam iurisdictionem confeceram, ciuitates locupletatam, publicanis etiam superioris lustrī reliqua sine fociorum

vlla querela conseruaram, priuatis, summis, infimis fueram iucundus: proficisci Ciliciam Nonis Maij: & cum primùm æstiuâ attigissem, militaremque re collocassem, decedere ex S. C. Cupio te Ædilem videre: miroque desiderio me Vrbs afficit, & omnes mei, tuque in primis. Vale.

## A R G V M E N T V M.

*Commendat Fabium à Quinquerebus, probitate, doctrinâ, ingenio, modestia, amicitia sua. De rebus Romanis litteras expectat. Eodem anno.*

CICERO IMPERAT. S. D. COELIO  
ÆDIL. CVR.

14

**M**arco Fabio, viro optimo, & homine doctissimo familiarissimè vtor, mirificèque eum diligo, cum propter summum eius ingenium, summamque doctrinam, tum propter singularem modestiam. Eius negotium sic velim suscipias, vt si esset res mea. Noui ego vos magnos patronos: hominem occidat oportet, qui vestra opera vti velit. Sed in hoc homine nullam accipio excusationem, omnia relinques, si me amabis, cum tua opera Fabius vti volet. Ego res Romanas vehementer expecto, & desiderio: in primisque quid agas, scire cupio. nam iamdiu propter hyemis magnitudinem nihil noui ad nos afferebatur. Vale.

## A R G V M E N T V M.

*Si quis Cælij tres epistolas legerit, quibus Cicero respondet, vndecimam, tertiamdecimam, decimamseptimam libri octau: is magnopere nostram interpretationem non desiderabit. Epistolæ capita sunt hæc. de supplicationibus suis, de filiæ, & Dolabellæ nuptijs, de sua solli-*

*sollicitudine ob civiles discordias, de rationibus, quibus adductus C. Caelium, Quaestorem suum, provinciae praeposuerit; de Ser. Ocella in adulterijs deprehenso, de rebus ab Aedili Caelio gestis, de suo ad urbem reditu. Tota negotialis epistola, respondet enim ad ea, quae Caelij litterae significauerant. nam rationes de Quaestore provinciae praeposito, quis non videt ad negotiale genus pertinere?*

CICERO IMP. S. D. COELIO.

ÆDILI CVR.

15

**N**on potuit accuratius agi, neque prudentius, quam actum est a te cum Curione de supplicatione. Et mehercule cōfecta res est ex mea sententia, cum celebritate, tum quod is, qui erat iratus, cōpetitor tuus, & idem meus, assensus est ei, qui ornauit res nostras diuinis laudibus. Quare scito me sperare ea, quae sequuntur, ad quae tu te para. Dolabellam à te gaudeo primum laudari, deinde etiam amari. nam ea, quae speras Tulliae meae prudentia temperari posse, scio cui tuae epistolae respondeant. quid si meam legas, quam ego tu ex tuis litteris misi ad Appium. sed quid agas? sic viuitur. quod actū est, Dij approbent. spero fore iucundum generum nobis. multum in eo tua nos humanitas adiuvabit. Resp. me valde sollicitat. faueo Curioni: Caesarem honestum esse cupio; pro Pompeio emori possum: sed tamen ipsa Repub. nihil mihi est carius: in qua tu non valde te iactas. districtus enim mihi videris esse, quod & bonus ciuis, & bonus amicus es.

Ego de Prouincia decedens, & Quaestorem Caelium praeposui Prouinciae, Puerum, inquires: at Quaestorem, at nobilem adolescentem: at omnium fere exemplo: neque erat superiore honore ullus, quem praeficere. Pontinius

multò ante discesserat à Q. Fratre impetrati non poterat: quem tamen si reliquisset, dicerent iniqui, non me planè post annum. vt Senatus voluisset, ex prouincia decessisse, quoniam alterum me reliquisset. fortasse & illud adderent, Senatum eos voluisse prouincijs præfesse, qui antea non præfuisent: fratrem meum triennium Asiæ præfuisse: Denique non sollicitus non sum: si fratrem reliquisset, omnia timerem. Postremò, non tam mea sponte, quàm potentissimorum duorum exemplo, qui omnes Cassios, Antoniosque complexi sunt, hominem adolescentem non tam allicere volui, quam alienare nolui. hoc tu meum consilium laudes necesse est. mutari enim non potest.

De Occella parùm planè ad me scripseras, & in actis non erat. Tux res gestæ ita notæ sunt, vt trans montem Taurum etiam de Matrinio sit auditum. Ego, nisi quid me Etesiarum morabuntur, celeriter, vt spero: vos videbo. Vale.

## ARGVMENTVM.

*Tribus annis epistola Ciceronis ad Cælium datæ sunt: prima, secunda, tertia, M. Marcello, Ser. Sulpicio Cos. quarta, quinta, sexta, septima, octaua, L. Paullo, C. Marcello Cos. nona L. Lentulo, C. Marcello Cos. Hæc vltima respondet ijs litteris, quibus eum Cælius obsecrauerat, ne secum Pompeio coniungeret, sed in oppidum aliquod bello vacuum recederet, donec armis ciuilis contentio dijudicaretur. earum litterarum initium est, Exanimatus sum tuis litteris lib. 11x. Magnum, inquit Cicero, dolorem ex litteris tuis accepissem, nisi diuturna mihi rerum desperatio pene omnem iam doloris sensum ademisset. Nec verò consilium meum hoc fuit, vt pro Pompeio contra Cæsarem pugnarem; sed vt in aliquas fortasse solitudines discederem. nihil enim ciuilibus*



*bus armis odiosius. Caesaris ira non me mouet, cum eadem omnibus calamitas impendere videatur. filius meus cuius causa vis me mihi carum esse, ac de mea calamitate laborare, si erit aliqua Respub. sustentabitur memoria nominis mei; si nulla, cum reliquis ciuibus concidet. De genere meo Dolabella, noli dubitare, quin eam, quam debeo, curam sustineam. Hispanicis belli exitum non expecto: quorsum enim? aut mihi, incolumi ciuitate, locus erit: aut, perdita quod reliquum est vite, in solitudine traducere deliberatum est. Verum hæc fortasse meliorem exitum habebunt. Tutamen, ubicunque ero, me, liberosque meos, vt nostra postulat amicitia, diliges, ac tuebere. Negotialis est epistola, quia de itione ad Pompeium differit, quod Cælius dissuaserat, C. Marcello, L. Lentulo Ces.*

C I C E R O IMP. S. D. C O E L I O  
Æ D I L I C V R. 16

**M**agno dolore me affecissent tuæ litteræ, nisi iam & ratio ipsa depulisset omnes molestias, & diuturna desperatione rerum obduruisset animus ad dolorem neuum. Sed tamen quare acciderit, vt ex meis superioribus literis id suspicarer, quod scribis, nescio quid enim fuit in illis, præter querelam temporum, quæ non arimum meum magis sollicitum haberent, quam tuum: nam non eam cognoui aciem ingenij tui, quod ipse videam, te id, vt non putem videre. Illud miror, adduci potuisse te, qui me penitus nosse deberes, vt me existimares, aut tam improuidum qui ab excitata fortuna ad inclinatam & prope iacentem descissem: aut tam inconstantem, vt collectam gratiam florentissimi hominis effunderem, à meque ipse deficerem; & quod initio semper fugi, ciuili bello interesssem. Quod est igitur  
E 4 meum

terrarum perturbatione, impendere videatur: quam-  
quidem ego à Repub. meis priuatis, & domesticis in-  
commodis libentissimè, vel istis ipsis, quæ tu me mo-  
nes, vt caueam, redemissem. Filio meo, quem tibi ca-  
rum esse gaudeo, si erit vlla Respub. satis amplum  
patrimonium relinquam, memoriam nominis mei: sin  
autem nulla erit; nihil accidet ei se paratim à reliquis  
ciuibus.

Nam, quod rogas vt respiciam generum meum, ado-  
lescentem optimum, mihiq; carissimum; an dubitas  
cum scias, quanti cum illum, tum verò Tulliam meam  
faciam, quin ea me cura vehementissimè sollicitet? &  
eò magis, quòd in communibus miserijs hac tantum ob-  
lectabar specula, Dolabellam meum, vel potius nostrum,  
fore ab ijs molestijs, quas liberalitate sua contraxerat,  
liberum. Velim quæras, quos ille dies sustinuerit, in Vr-  
be dum fuit, quam acerbos sibi, quam mihi ipsi socero  
non honestos. Itaque neque hunc Hispaniensem casum  
expecto; de quo mihi exploratum est, ita esse, vt tu scri-  
bis: nec quidquam astutè cogito. Si quando erit ciuitas,  
erit profectò nobis locus: sin autem non erit, in easdem  
solitudines tu ipse, vt arbitror, venies, in quibus nos con-  
sedisse audies. Sed ego fortasse vaticinor; & hæc om-  
nia meliores habebunt exitus. recordor enim despera-  
tiones eorum, qui senes erant adolescente me. eos ego  
fortasse nunc imitor, & vtor ætatis vitio. velim, ita sit:  
sed tamen, togam prætextam texi Oppio, puto te audisse.  
nam Curtius noster dibaphum cogitat: sed eum infector  
moratur. Hæc adsperfi, vt scires, me tamen in stoma-  
cho solere ridere. De Dolabella, quod scripsi, suadeo vi-  
deas, tanquam si res tua agatur. Extremum illud erit:  
nos nihil turbulenter, nihil temere faciemus. te tamen  
oramus, quibuscunque erimus in terris, vt nos, liberosq;  
nostros ita tueare. vt amicitia nostra, & tua fides postu-  
labit. Vale.

## A R G V M E N T V M.

*Salustius Bibulo Proconsuli quaestor erat in Syria . eius binis litteris Cicero respondet , prioribus multa , eodem ordine , quo scripserat Salustius . posterioribus causas exponit , cur enim Bibulo commendare non debeat : se tamen eius voluntati morem gessisse significat . L. Paulo , & C. Marcello Cos.*

CICERO IMP. S. D. CANINIO SALVSTIO  
P R O C O S.

17

**L**itteras ad te mihi stator tuus reddidit Tarsti ad xv. Kal. Sext. his ego ordine , vt videris , velle , respondebo . De successore meo nihil audiui : nec quemquā fore arbitror . quin ad diem decedam , nulla causa est , praesertim sublato metu Partichor. commoraturum me nusquam sanè arbitror . Rhodum , Ciceronum causa praerorum accessurum puto : neque id tamen certum est . ad Urbem velim quamprimum venire : sed tamen iter meū Reipub. & rerum vrbanaarum ratio gubernabit . Successor tuus non potest ita maturare vllō modo ; vt tu me in Asra possis conuenire . De rationibus referendis , non erat incommodum te nullam referre , quam tibi scribis . Bibulo fieri potestatem : sed id vix mihi videris per legē Iuliam facere posse : quam Bibulus certa quadam ratione non seruat ; tibi magnopere seruādam censeo . Quod scribis , Apamea praesidium deduci non opportuisse ; videbam idem ceteros existimare : molestēque ferebam , de ea re minus commodos sermones , maleuolorum , fuisse . Parthi transierint nec ne , praeter te , video dubitare neminem . itaque omnia praesidia , quae magna , & firma paraueram , commotis hominum non dubio sermone , dimisi . Rationes mei Quaestoris nec verum fuit  
me

me tibi mittere, nec tamen erant confectæ. eas nos Apameæ deponere cogitabamus. De præda mea, prætor Quæstores urbanos, idest populum Romanum teruncium nec attigit, nec tacturus est quisquam. Laodiceæ me prædes accepturum arbitror omnis pecuniæ publicæ; ut & mihi, & populo cautum sit sine vecturæ periculo. Quod scribis ad me de drachmis ccc lxxx. nihil est; quod in isto genere cuiquam possim commodare: Omnis enim pecunia ita tractatur, ut præda à Præfectis, quæ autem mihi attributa est, a Quæstore cûretur. Quod quæris, quid existimem de legionibus, quæ decretæ sunt in Syriam; antea dubitabam, venturæ ne essent: nunc mihi non est dubium, quin si antea auditū erit, otium esse in Syria, venturæ non sint. Marium quidem successorem tardè video esse venturum: propterea quod Senatus ita decrevit, ut cum legionibus iret. Vni epistolæ respondi, venio ad alteram.

Petis à me, ut Bibulo te quàm diligentissimè commendem. in quo mihi voluntas non deest: sed locus videtur esse tecum expostulandi. solus enim tu ex omnibus, qui cum Bibulo sunt, certiozem me nunquam fecisti quàm valdè Bibuli volūtas à me sine causa abhorreret. Permulti enim ad me detulerunt, cum magnus Antiochiæ metus esset, & magna spes in me, atque in exercitu meo; solitum dicere, quiduis se perpeti malle, quàm videri eguisse auxilio meo, quod ego officio Quæstorio te adductum reticere de Prætoris tuo non molestè ferebam: quanquam quemadmodum tractare, audiebam. Ille autem, cum ad Thermum de Parthico bello scriberet, ad me litteram nunquam misit, ad quem intelligebat eius belli periculum pertinere. tantum de augurato filij sui scripsit ad me: in quo ego misericordia commotus, & quod semper amicissimus Bibulo fui, dedi operam, ut ei quam humanissimè scriberem. Ille si omnibus est maletolus, quod nunquam existimaui, minus offendor in me: sin à me est alienior, nihil tibi litterarum

meæ proderunt. Nam ad Senatū, quas Bibulus litteras misit, in ijs, quod mihi cum illo erat commune, sibi soli attribuit: se ait curasse, ut cum quæstu populi pecunia permutaretur. quod autem meum erat proprium, ut alarijs traspadanis uti negarē. id etiam populo se remisisse scribit, quod verò illius erat solius, id mecum cōmunicat: *Equitibus auxiliariis*, inquit, *cum amplius frumenti poscūlarem*. Illud verò pusilli animi, & ipsa maleuolentia ieiuni, atque inanis: quod Ariobarzanē, quem Senatus per me Regem appellauit, mihiq; commendauit. iste in litteris non Regem, sed Regis Ariobarzanis filium appellat. hoc animo, qui sunt. deteriores fiunt rogati: sed tibi morem gessi: litteras ad eum scripsi; quas cum acceperis, facies, quod voles. Vale.

### ARGVMENTVM.

*Letitiam suam exponit, quod ei grata esse intelligat officia sua: laudat eius in administranda prouincia clementiam, & integritatem: suadet, ut decedens præsiciat prouinciæ quastorem potius, quam legatos. L. Pappo C. Mar. Cos.*

M. CICERO IMP. S. D. Q. THERMO  
P R O P R Æ T.

18

**O**fficium meum erga Rhodonem cæteraque mea studia, quæ tibi, ac tuis præstiti, tibi homini gratissimo, grata esse vehementer gaudeo: mihiq; scito in dies maiori curæ esse dignitatem tuam: quæ quidem à te ipso integritate, & clementia tua, sic amplificata est, ut nihil addi posse videatur. Sed mihi magis, magisque quotidie de rationibus tuis cogitanti, placet illud meum consilium, quod initio Aristoni nostro, ut ad me venit, ostendi; graues te suscepurum inimicitias, si adolescēs, potens, & nobilis à te ignominia affectus esset. Et hercle

de sine dubio erit ignominia: habes enim neminem honoris gradu superiorem. Ille autem, ut omitam nobilitatem, hoc ipso vincit viros optimos, hominesque innocentissimos Legatos tuos, quod & Quæstor est, & Quæstor tuus. Nocere tibi iratum neminem posse perspicio: sed tamen tres fratres, summo loco natos, promptos, non indifertos, te nolo habere iratos, præsertim iure: quos video deinceps Tribunos pl. per triennium fore: tempore autem Reip. qualia futura sint, quis scit? mihi quidem turbulenta videntur fore. cur ego te velim, incidere in terrores tribunicios? præsertim, cum sine cuiusquam reprehensione Legatis. Quæstorem possis anteferre: qui si dignum se maioribus suis præbuerit, ut spero, & opto; tua laus ex aliqua parte fuerit. sin quid offenderit, sibi totum, nihil tibi offenderit. Quæ mihi veniebant in mentem, quæ ad te pertinere arbitrabar, quod in Ciliciam proficiscebam, existimaui me ad te oportere scribere. tu quod egeris, id velim Dij approbent. sed si me audies, vitabis inimicitias, & posteritatis otio consules. Vale.

## A R G V M E N T V M.

*Ostendit, aptiorem sibi quæstorem obtingere non potuisse: & hortatur, ut maturet in provinciam venire, antequam ipse decedat: pollicetur autem quæcunque ad eum ornandum conferre poterit. Paulo, & Marcello Cos.*

M. T. CICERO IMP. S. D. C. COELIO L. F. C. N.  
CALDO. QUÆST. DES.

19

**C**Um optatissimum nuncium accepissem, te mihi Quæstorem obtigisse; eò iucundior mihi eam sortem sperabam fore, quò diutius in provincia mecum fuisses. Magni enim videbatur interesse ad eam  
neces-

necessitudinem, quam nobis fors tribuisset, consuetudinem quoque accedere. Postea, cum mihi nihil neque à te ipso, neque ab ullo alio de aduentu tuo scriberetur, verebar, ne id ira caderet, quod etiam nunc vereor, ne antequam tu in prouinciam venisses, ego de Prouincia decederem. Accepi autem à te missas litteras in Cilicia, cum essem in castris, ad x. Kal. Quint., scriptas humanissime, quibus facile & officium, & ingenium tuum perspicui possit: sed neque unde, neque quo die datæ essent, aut quo tempore te expectarem, significabant: nec is, qui attulerat, à te acceperat; ut ex eo scirem, quo ex loco, aut quo tempore essent datæ. Quæ cum essent incerte, existimaui tamen esse faciundum, ut ad te statores meos, & lictores cum litteris mitterem: quas si satis opportuno tempore accepisti, gratissimum mihi feceris, si ad me in Ciliciam quamprimum veneris. Nam, quod ad me Curius, consobrinus tuus, mihi, ut scis, maxime necessarius; quod item C. Virginius, propinquus tuus, familiarissimus noster de te acuratissime scripsit; valet id quidem apud me multum, sicut debet hominum amicissimorum diligens commendatio; sed tuæ litteræ, de tua præsertim dignitate, & de nostra coniunctione maximi sunt apud me ponderis. mihi Quæstor optatior obtingere nemo potuit. Quamobrem quæcunque à me ornamenta in te proficiscentur, elaborabo, ut omnes intelligant, à me habitam esse rationem, tuæ maiorumque tuorum dignitatis. Sed id iam facilius consequar, si ad me in Ciliciam veneris. quod ego & mea, & Reip. & maxime tua interesse arbitror. Vale.

# M. T. CICERONIS<sup>79</sup>

## Epistolarum

### AD APPIUM.

#### LIBER TERTIUS.

---

#### ARGUMENTUM.

**T**otus hic ad Appium, P. Clodij fratrem, scriptus liber est: primæ sex epistolæ Ser. Sulpicio, M. Marcello Co. septima L. Paulo, C. Marcello. octava ante septimam collocari debuit, cum scripta sit Octobri mense, ante devictos Amanenses: quod in extremo significatur: ex quo patet, scriptam esse Sulpicio, & Marcello Cos. quinq; reliquæ scriptæ sunt consulatû gerentibus Paulo, & Marcello. Primam epistolam Phaniæ, Appij Liberto, dedit: eoque brevitatem excusat, quod à Liberto prudentissimo, ac diligentissimo, posset Appius omnem Reip. statum optime cognoscere. Suam in Appium benevolentiam d. c. arat; eumque tacitè hortatur, ut Clodiam gentem, sibi adhuc, propter contentiones P. Clodij, non amicam, secum in gratiam reducat. Laudat alterum eius Libertum Cilicem, ut Phaniam tamen pluris facere videatur. Valerium iurisconsultum, non sine ioco, commendat.

M. T. CIC. S. D. APPIO PVLCRO IMP. 1

**S**i ipsa Respub. tibi narrare posset: quo modo sese haberet; non facilius ex ea cognoscere posses, quàm ex liberto tuo Phania: ita est homo non modò prudens, verùm



## A R G V M E N T V M.

*Ciliciam Prouinciam sortitus, rogat Appium, ut eam sibi quam maxime aptam, explicatamque tradat; quo sit ei, cum successerit, faciliior, & commodior administratio.*

CICERO PROCOS. S. D. AP. PVLCHRO  
IMPERATOR.

**C**VM & contra voluntatem meam, & præter opinionem accidisset, ut mihi cum Imperio in Prouinciam proficisci necesse esset in multis, & varijs molestijs, cogitationibusque meis hæc vnica consolatio occurrebat, quod neque tibi amicior, quam ego sum quisquam posset succedere; neque ego ab vlllo Prouinciani accipere, qui mallet eam mihi quam maxime aptam, explicatamque tradere, quod si tu quoque eandem de mea voluntate erga te spem habes, ea te profectò numquam faller. A te maximopere pro nostra summa cõiunctione, tuaque singulari humanitate etiam atque etiam peto, & quæso, ut quibuscumque rebus potes, (potes autem plurimis) prospicias, & consulas rationibus meis. Vides, ex S. C. Prouinciam esse habendam; si eam, quoad eius facere potueris, quam expeditissimam mihi tradideris: faciliior erit mihi quasi decursus mei temporis. quid in eo genere efficere possis, tui consilij est. ego te quod tibi veniet in mentem mea interesse, valde rogo. Pluribus verbis ad te scriberem, si aut tua humanitas longiorem orationem expectaret: aut id fieri nostra amicitia pateretur; aut res verba desideraret, ac non pro se ipsa loqueretur. Hoc velim tibi persuadeas, si rationibus meis a te prouisum esse intellexero, magnam te ex eo, & perpetuam voluptatem esse capturum. Vale.

## A R G V M E N T V M.

*Significat se Brundisium venisse: cum Fabio, Appii Legato, locutum esse: antequam ab Urbe discederet, nihil à Senatu decretum, Sulpicio Consule repugnante, ut suis, Bibulique legionibus in Italia supplementum scriberetur. Petit idem, quod in proxima Epistola, ut Appius in tradenda Prouincia commodet sibi quam maxime potest, precipue, ne numerum militum imminuat.*

CICERO PROCOS. S. D. AP.  
PVLERO. IMP.

3

**A**D XI. Kal. Iun. Brundisium cum venissem, Q. Fabius, legatus tuus mihi præsto fuit, eaque me ex tuis mandatis monuit, quæ non modò mihi ad quem pertinebant, sed vniuerso Senatui venerant in mentem, præsidio firmiori opus esse ad istam Prouinciam, censebant enim omnes ferè, ut in Italia supplementum meis, & Bibuli legionibus scriberetur. Id cum Sulpicius Consul passurum se negaret, multa nos quidem questi sumus: sed tantus consensus Senatus fuit, ut maturè proficisceremur; parendum ut fuerit: itaque fecimus. Nunc, quod à te, petij litteris ijs, quas Romæ tabellarijs tuis dedi, velim tibi curæ sit, quæ successorì coniunctissimo, & amicissimo commodare potest is, qui Prouinciam tradit; ut ea, pro nostra constantissima voluntate, cura, ac diligentia tua complectare: ut omnes intelligant, nec me beneuolentiori, cuiquam succedere, nec te amiciori potuisse Prouinciam tradere. Ex ijs litteris, quarum exemplum ad me misisti, quas in Senatu recitari voluisti, sic intellexeram, per multos à te milites esse dimissos: sed mihi Fabius idem demonstrauit, id te cogitasse facere; sed, cum ipse à te discederet, integrum militum numerum fuisse: id si ita est, pergratum mihi feceris, si istas exiguas copias, quas habuisti, quam minimum imminueris; qua de re

S.C.

S.C. quæ facta sunt, ad te missa esse arbitror. Equidem pro eo, quanti te facio, quidquid feceris. approbabo; sed te quoque confido ea esse facturum, quæ mihi intelliges maximè esse accommodata. Ego C. Pontinium legatum meum, Brundisij expectabam: eumque ante Kal. Iun. Brundisium venturum arbitror: qui cum venerit, quæ primum nauigandi nobis facultas data erit, eo utemur. Vale.

## A R G V M E N T V M.

*Expectari à se scribit L. Clodium cum Appii mandatis suum studium, atque officium in omnibus rebus pollicetur. causas, quibus ad eum diligendum adducatur, commemorat. Negotiale principium, reliqua fere moralia.*

CIC. PROCOS. S.D. APPIO PVL-  
CHRO IMP.

4

**P**ridie Non. Iun. cum essem Brundisij, litteras tuas accepi: quibus erat scriptum, te L. Clodio mandasse, quæ illum mecum loqui velles. Eum sanè expectabam, ut ea, quæ à te afferret, quam primum cognoscerem. Meum studium erga te, & officium, tamen si multis iam rebus spero tibi esse cognitum: tamen in ijs maximè declarabo quibus plurimum significare potuero: tuam mihi existimationem, & dignitatem carissimam esse. Mibi, & Q. Fabius Virgilianus, & C. Flac. L.F. & diligentissimè M. Octavius Cn.F. demonstravit, me à te plurimi fieri, quod ego met multis argumentis iam antea iudicatum; maximèque illo libro augulari, quem, ad me amantissimè scriptum, suauissimum misisti. Mea in te omnia summa necessitudinis officia constabunt. nam cum te ipsum, ex quo tempore tu me diligere cœpisti. quotidie pluris feci. tum accesserunt etiam coniunctiones, necessariorum tuorum. Duos enim duarum ætatum plurimi facio, Cn. Pompeium, filię tuæ socerum, & M. Brutum, generum tuum: Collegijque coniunctio, præsertim tam honorificè à te approbata, non me-

diocre vinculum mihi quidem attulisse videtur, ad voluntates nostras copulandas. Sed, si Clodium conuenero, ex illius sermone ad te scribam plura: & ipse operam dabo, ut te quamprimum videam. Quod scribis, manendi tibi causam eam fuisse, ut me conuenires: id mihi, ne mentiar, gratum est. Vale.

## A. R. G. V. M. E. N. T. V. M.

*Agit Appio gratias, quod operam dederit, ut sibi quam maxime expeditam prouinciā traderet: deinde rationem exponit itineris sui; quo certius de congressu statuere Appius possit.*

CICERO PROCOS. S.D. AP. PVLCHRO IMP. 5

**T**Ralles veni ad VI. Kal. Sext. ibi mihi præsto fuit L. Lucilius cum litteris, man. tatisq; tuis: quo quidem homine neminem potuisti, nec mihi amiciores, nec ut arbitror ad ea cognoscenda, quæ scire volebam, aptiorem prudentioremue mittere. ego autem, & tuas litteras legi libenter, & audiui Lucilium diligenter. Nunc quoniam, & tu ita sentis (scribis enim quæ de nostris officiis ego a te scripserim, etsi ea iucunda fuerunt, tamen quoniam ex alto repetita sunt, non necessaria te putasse) & re vera confirmata amicitia, & perspecta fide, commemoratio officiorum superuacanea est; eam partem orationis prætermittam. Tibi tamen agam, ut debeo, gratias, animaduertienim, & didici ex tuis litteris te omnibus in rebus habuisse rationem, ut mihi cōsuleres, restitueresq; & præparares quodam modo omnia, quod mea ratio facilius, & solutior esse posset. Hoc tuum officium cum mihi gratissimum esse dicam; sequitur illud, ut te existinare velim, mihi magnæ curæ fore, atque esse iam, primum ut ipse tu, tuique omnes, deinde etiam ut reliqui scire possint, me tibi esse amicissimum. Quod quibus adhuc non satis est perspectum, ij mihi nolle magis hoc animo nos esse, quam non intelligere videntur. sed profecto intelligent. neque enim obscuris personis, nec paruis in causis res agetur. sed hoc fieri melius, quam dici;

ei, aut scribi volo. Quod iterum tuorum ratio te nonnullam in dubitationem videtur adducere, visurus ne me sis in Prouincia; ea res sic habet. Brundisij cum loquerer cum Phania liberto tuo, veni in eum sermonem, vt dicerem, me libenter ad eam partem Prouincię primum esse vęturum, quo te maximę velle arbitrarer. tunc mihi ille dixit, quod classe te velle decedere, perfore accommodatum tibi si ad Sidam, maritimam partem Prouincię, nauibus accessissem. dixi, me esse facturum; itaque fecissem nisi mihi L. Clodius noster Cörcirę dixisset. minime id esse faciendum; te Laodiceę fore ad meum aduentum, erat id mihi multo. breuius, multoque commodius, cum pręsertim te ita malle arbitrarer. tua ratio postea est commutata, nunc quid fieri possit, tu facillimę statues. ego tibi meum consilium exponam. Pridie Kald. Sext. puto me Laodiceam fore: vbi per paucos dies, dum pecunia accipitur, quę mihi ex publica permutatione debetur, commorabor. deinde iter faciam ad exercitum; vt circiter Idus Sext. putem me ad Iconium fore. Sed si quid nunc me fallit in scribendo, (procul enim aberam ab re ipsa, & locis) simul ac progredi cępero, quam celerrimis potero, & quam creberrimis litteris faciam, vt tibi nota sit omnis ratio dierum, atque iterum meorum. Oneris tibi imponere nec audeo quidquam, nec debeo: sed, quod tuo commodo fieri possit vtriusque nostrum magis interest, prius vt te conueniam, quam decedas. quam facultatem si quis casus eripuerit; mea tamen in te omnia officia constabunt, non secus ac si te vidissem. Tibi de nostris rebus nihil sum ante mandaturus per litteras; quam desperato, coram me tecum agere posse. Quod a te Scętuola petisse dicis, vt dum tu abesses, ante aduentum meum Prouincię pręset: eum ego Ephesi vidi, fuitq; mecum familiariter triduum illud, quod ego Ephesi commoratur sum; nec ex eo quidquam audiui, quod sibi a te mandatum diceret. sanę vellein potuisse obsequi voluntati tuę; non enim arbitror poluisse. Vale.

## A R G V M E N T V M.

*Ostendit congressum à se expetitum, ab Appio vitatum: sed tamen es fore amicissimum: quædam addit de suo itinere, ut Appius constituat, quo loco eum conuenire possit.*

CICERO PROCOS. S. D. APPIO  
PVLCHRO IMP.

6

**C**Um meum factum cum tuo comparo, etsi non magis mihi faueo in nostra amicitia tuenda, quam tibi tamen multò magis meo facto delector, quam tuo. Ego enim Brundisij quæsiui ex Phania (cuius mihi videbar, & fidelitatem erga te perspexisse, & nosse locum, quem apud te is teneret) quam in partem Prouinciæ maximè putaret te velle ut in succedendo primum venirem. Cum ille mihi respōdisset, nihil me tibi gratius facere posse, quàm si ad Sidam nauigarem: etsi minus dignitatis habebat ille aduentus, & ad multas res mihi minus erat aptus; tamen me ita dixi esse facturum. Idem ego; cum L. Clodium Corcyræ conuenissem, hominem ita tibi coniunctum, ut mihi, cum illo cum loquerer, tecum loqui vidērer: dixi ei, me ita facturum esse, ut in eam partem, quam Phania rogasset, primum venirem. Tunc mihi ille cum gratias egisset, magnopere à me petiuit, ut Laodiceam protinus irem: te in prima Prouincia velle esse, ut quamprimum decederes: quoniam nisi ego successor essem, quem tu cuperes videre, te antea, quàm tibi successum esset, decessurum fuisse. quod quidem erat consentaneum cum ijs litteris, quas ego Rome acceperam: ex quibus perspexisse mihi videbar, quam festinares decedere. Respondi Clodio, me ita esse facturum: ac multò quidem libentius, quam si illud esset faciendum, quod promiseram Phaniæ. Itaque, & consilium mutaui, & ad te statim mea manu scriptas litteras misi; quas quidem ex tuis intellexi, fatismaturè ad te esse perlatas. Hoc ego meo facto valde delector. nihil enim potuit fieri amantius. con-  
fi-

*fidera nunc vicissim tuum. Non modò ibi non fuisti. vbi me quamprimum videre posses; sed eò discessisti, quò ego te ne persequi quidem possem triginta diebus qui tibi ad decedendum lege, vt opinor Cornelia constituti essent: vt tuum factum illis, quisquo animo inter nos simus, ignorant, alieni hominis, vt leuissimè dicam, & fugientis congressum; meum verò coniunctissimi, & amicissimi esse videatur. Ac mihi tamen antequam in Provinciam venirem redditz sunt à te littetæ: quibus etsi te Tarsum proficisci demonstrabas; tamen mihi non dubiam spem mei conueniendi afferebas: cum interea, credo equidem, maleuoli homines, (latè enim patet hoc vitium, & est in multis,) sed tamen probabilem materiam nacti sermonis, ignari meæ constantiæ, conabantur alienare à te voluntatem meam: qui te forum Tarsi agere, statuere multa, decernere, iudicare dicerent, cum posses iam suspicari tibi esse successum; quæ ab ijs quidem fieri, solerent, qui breui tempore sibi succeddi putarent. Horum ego sermone non mouebar: quin etiam, (credas mihi velim) si quid tu ageres, leuari me putabam molestia: & ex annua prouincia, quæ mihi longa videretur, prope iam vndecim mensium prouineiam factam esse gaudebam, si absentì mihi vnus mensis labor detractus esset. Illud (verè dicam) me mouet, in tanta militum paucitate abesse tres cohortes quæ sint plenissimæ; nec me scire, vbi sint. Molestissimè autem fero, quòd te, vbi visurus sim, nesciò; eoque ad te tardiùs scripsi, quòd quotidie te ipsum expectabam; cum interea ne litteras quidem vilas accepi, quæ me docerent, quid ageres aut vbi te visurus essem. Itaque virum fortem, mihiq; in primis probatum, Antonium præfectum euocatorum, misi ad te, cui, si tibi videretur, cohortes traderes; vt, dum tempus anni esset idoneum, aliquid negotij genere possem, in quo tuo consilio vt me sperarem esse vsurum, & amicitia nostra, & littetæ tuæ fecerant; quod ego ne nunc quidem despero: sed plane, quando, aut vbi te visurus sim nisi ad me scripseris, ne*

susplicari quidem possum. Ego, ut me tibi amicissimum esse, & æqui, & iniqui intelligant, curabo. de tuo in me animo iniquis secus existimandi videris non nihil loci dedisse. id si correxeris, mihi valde gratum erit. Et ut habere rationem possis, quo loco me salua lege Cornelia, convenias: ego in Provinciam veni pridie Kal. Sext. iter in Ciliciam facio per Cappadociam. castra moui ab Iconio pridie Kal. Sept. Nunc tu, & ex diebus, & ex ratione itineris, si putabis me esse conveniendum, constitues quo loco id commodissime fieri possit, & quo die. Vale.

## A R G V M E N T V M.

*Querelam Appii refellit: contraque ipse queritur, & extollit virtutem contra inanem arrogantiam nobilitatis: se tamen ei fore amicissimum confirmat.*

CIC. IMP. S. D. AP. PVLCHRO IMPER.

7

**P**Luribus verbis ad te scribam, cum plus otij nactus ero, hæc scripsi subito, cum Bruti pueri Laodiceæ me convenissent, & se Romam properare dixissent; itaque nullas ijs, præterquam ad te, & ad Brutum, dedi litteras. Legati Appiani mihi volumen à te plenum querelæ iniquissimæ reddiderunt, quod eorum ædificationem litteris meis impedissem. Eadem epistola petebas, ut eos quamprimum; ne in hiemem inciderent, ad facultatem ædificandi liberarem; & simul peracutè querebare, quod eos tributa exigere vetarem prius, quam ego, re cognita, permissem; genus enim quoddam fuisse impediendi, cum ego cognoscere non possem, nisi cum ad hiemem me ex Cilicia recepissem. Ad omnia accipe, & cognosce æquitatem expostulationis tuæ. Primum, cum ad me aditum esset ab ijs, qui dicerent à se intolerabilia tributa exigere: quid habuit iniquitatis, me scribere ne facerent ante, quam ego rem, causamque cognoscerem? Non poteram, credo, ante hiemem; sic enim scribis. Quasi vero ad cognoscendum ego ad illos; non illi ad me venire debuerint.



runt. Tam longè, iniquis? quid? cum dabas ips litteras, per quas necum agebas, ne eos impedirem, quo minus ante hiemem ædificarent; non eos ad me venturos arbitrabare? Tametsi id quidem fecerunt ridiculè: quas enim litteras afferebant, ut opus æstate facere possent; eas mihi post brumam reddiderunt. Sed scito, & multo plures esse, qui de tributis recusent, quam qui exigi velint; & me tamen, quod te velle existimem, esse facturum. De Ap-  
 pianis hætenus. A Pufania, Lentuli liberti, accenso meo, audiui, cum diceret, te secum esse questum, quod tibi obuiam non prodixsem. Scilicet contempsi te: nec potest fieri me quidquam superbius. Cum puer tuus ad me secunda ferè vigilia venisset; isque te ante lucem Iconium mihi venturum nunciasset; incertumque vtra via, cum essent duæ, altera Varronem, tuum familiarissimum, altera Q Leptam, præfectum fabrum meum, tibi obuiam misi mandavi utrique eorum, ut ante ad me excurrerent, ut tibi obuiam prodire possem currens Lepta venit, mihiq; nunciauit, te iam castra prætergressum esse, confestim Iconium veni. cætera iam tibi nota sunt. An ego tibi obuiam non prodirem? primum, Appio Claudio? deinde Imperatori? deinde, more maiorum? deinde, quod caput est, amico? præsertim cum in isto genere multò etiam ambitiosius facere soleam, quam honos meus, & dignitas postulet. Sed hæc hætenus. Illud idem Pausania dicebat te dixisse. Quidni Appius Lentulo, Lentulus Appio processit obuiam; Cicero Appio noluit? Quæso, etiamne tu has ineptias, homo mea sententia, summa prudentia, multa etiam doctrina, plurimo rerum usu, addo urbanitatem, quæ est virtus, ut Stoici rectissimè putant; ullam Ap-  
 pietatem, aut Lentulitatem valere apud me plus, quam ornamenta virtutis, existimas? Cum ea consecutus nondum eram, quæ sunt hominum opinionibus amplissima; tamen ista vestra nomina nunquam sum admiratus; viros eos, qui ea vobis reliquissent, magnos arbitrabat. Postea vero, quam ita, & accepi, & gessi maxima imperia, ut mihi  
 nihil

nihil neque ad honorem, neque ad gloriam acquirendum putarem; superiorem quidem nunquam, sed parem vobis me speravi esse factum. Nec mehercule aliter vidi existimare vel Cn. Pompeium, quem omnibus, qui vnquam fuerunt, vel P. Lentulum, quem mihi ipsi antepono. Tu si aliter existimas; nihil errabis, si paullo diligentius, (vt, quid sit εὐγένεια, quid sit nobilitas, intelligas) Athenodorus, Sangois filius, quid de his rebus dicat, attenderis. Sed vt ad rem redeam; me tibi non amicum modò, verum etiam amicissimū existimes velim, profecto omnibus meis officijs efficaciam, vt ita esse verè possis iudicare. Tu autē si id agis, vt minus mea causa, dum ego absūm, debere videaris, quam ego tua laborarim; libero te ista cura.

— παρ ἐμοί γε καὶ ἄλλοι,

Οὐκ ἐμὲ τιμίσουσιν, μάλα δὲ μνηστὴρ ζεύς.

Si autem natura es φιλάτιος, illud non pericies, quominus tua causa velim, hoc assequere, vt quam in partem accipias, minus laborem. Hæc ad te scripsi liberius, fretus conscientia officij mei, beneuolentiæque, quam à me certo iudicio susceptam, quoad tu voles conseruabo. Vale.

### ARGVMENTVM.

Refellit ea, quæ Appius obiecerat; probatque si quid fecerit, quod Appius iniuc factum, suisque deformandi consilio, interpretaretur; ipsumque Appium aut imprudentem significat, qui sermonibus non proborum hominum crediderit; aut nimis astutum, qui ea, quæ ipsi in mentem veniant aliis attribuat. Agit gratias, quod scripserit diligenter de rebus urbanis, seque omnia Ciceronis mandata curarum promiserint; in quibus id præcipue rogat, ne sibi provincia prorogetur. addit de suis rebus, de itinere Amanum versus; item de Parthis, falsum fuisse. de rebus Appianis, de suis, de rota Rep. creberrimas litteras poscit.

CIC. PROCOS. S.D. APPIO PVLCHRO IMP. 8

**E**Tū, quantum ex litteris tuis intelligere potui, videbā te hanc Epistolam, cum ad Urbem esses, esse lecturum

rum, refrigerato iam leuissimo sermone hominū prouincialium; tamen, cum tu tā multis verbis ad me de improborum oratione scripsisses, faciendum mihi putavi, vt tuis litteris breui responderem. Sed prima duo capita epistolæ tuæ tacita mihi quodam modo relinquenda sunt: nihil enim habent, quod definitum sit, aut certum nisi me vultu, taciturnitate significasse, tibi non esse amicum: idque pro tribunali, cum aliquid ageretur, & nonnullis in conuiujs intelligi potuisse. Hoc totum nihil esse, possum intelligere; sed cum sit nihil, nec quid dicatur quidem intelligo. Illud quidem scio, meos multos, & illustres, & ex superiore, & ex æquo loco sermones habitos cum tua sūma laude, & cū magna significatione nostræ familiaritatis; ad te verè potuisse deferri. Nam, quod ad legatos attinet, quid a me fieri potuit aut elegātius, aut iustius, quam vt sumptus egētissimarum ciuitatum minuerem sine vlla imminutione dignitatis tuæ, præsertim ipsis ciuitatibus postulantis? nam mihi totum genus legationum, tuo nomine proficiscentium, notum non erat. Apamæ cum essem, multarum ciuitatum principes ad me detulerunt, sumptus decerni legatis nimis magnos cum soluendo ciuitates non essent. Hic ego multa simul cogitavi. primum, te, hominem non solum sapientem, verū etiam, vt nunc loquimur, Vrbānum, non arbitrabar genere isto legationum delectari. Idque me arbitror Synnadis pro tribunali multis verbis disputauisse: primum Appium Clodium Senatui, populoque Rom. non Myndensium testimonio, (in ea enim ciuitate mentio facta est) sed sua sponte esse laudatum: deinde, me ista vidisse accidere multis, vt eorum causa legationes Romam venirent; sed his legationibus non meminisse vllum tempus laudandi, aut locum dari: studia mihi eorum placere, quod in te bene merito grati essent: consilium totum videri minimè necessarium si autem vellent declarare in eo officium suum, laudaturum me, si quis suo sumptu functus esset officio; concessurum si legitimo, non permissurum, si in-

fini.

finito. Quid enim reprehendi potest? nisi quod addis, vi-  
 sum esse quibusdam edictum meum, quasi consulto, ad  
 istas legationes impediendas, esse accomodatum. Iam non  
 tam mihi videntur iniuriam facere ii, qui hæc disputant,  
 quam si cuius aures ad hanc disputationem patent. Rome  
 composui edictum. nihil addidi, nisi quod publicani me  
 rogarunt, cum Samum ad me venissent, vt de tuo edicto  
 totidem verbis transferrem in meum. Diligentissimè scri-  
 ptum caput est. quod pertinet ad minuendos sumptus ci-  
 uitatum. quo in capite sunt quædam noua, salutaria ciui-  
 tatibus, quibus ego magnopere delector. Hoc verò, ex  
 quo suspicio nata est, me exquisiuisse aliquid, in quo te  
 offederem, translatitium est. neq; enim eram tam desipiens,  
 vt priuatæ rei causâ legari putarem, qui & tibi non pri-  
 uato, & pro re non priuata sua, sed publica; non in priua-  
 to, sed in publico orbis terræ cōsilio, idest, in Senatu, vt gra-  
 tias agerent, mittebantur. Neque, cum edixi, ne quis in-  
 iussu meo proficisceretur, exclusi eos, qui me in castra, &  
 qui trans Taurum persequi non possent. nam id est ma-  
 ximè in tuis litteris irridendum, quid enim erat, quod me  
 persequerentur in castra, Taurumue transirent; cum ego  
 Laodicea vsque ad Iconium iter ita fecerim, vt me omniū  
 illarum diçessum, quæ cis Taurum sunt, omniumq; earū  
 ciuitatum magistratus, legationesq; conuenirent? Nisi for-  
 tè postea ceperunt legare, quam ego Taurum transgressus  
 sum. quod certè non ita est. Cum enim Laodiceæ, cum  
 Apameæ, cum Synadis, cum Philomeli, cum Iconij essem,  
 quibus in oppidis omnibus commoratus sum; omnes iam  
 istius generis legationes erant constitutæ. Atque hoc ta-  
 men te scire volo, me de isto sumptu legationum, aut mi-  
 nuendo, aut remittendo, decreuisse nihil, nisi quod principes  
 ciuitatum à me postulassent, ne in venditionem tributo-  
 rum, & illam acerbissimā exactionem, quam tu nō ignoras  
 capitum, atq; ostiorum inducerentur sumptus minimè ne-  
 cessarij. Ego autem cum hoc suscepissem, non solum iu-  
 stitia, sed etiam misericordia adductus, vt leuarem mise-  
 rijs

rijs perditas ciuitates, & perditas maximè per magistratus suos; non potui in illo sumptu non necessario negligens esse. Tu, cum istiusmodi sermones ad te delati de me sunt, non debuisti credere. Sin autem eo genere delectaris, vt quæ tibi in mentem veniant alijs attribuas; genus sermonis inducis in amicitiam minimè liberale. Ego, si in Prouincia de tua fama detrahere vnquam cogitasset; non ad generum tuum Lentulum, neq; ad liberum tuum Brundisij, neq; ad præfectum fabrum Corcyræ, quem in locum me venire velles, retulisset. Quare potes, doctissimis hominibus auctoribus, quorum sunt de amicitia gerenda præclarissimè scripti libri, genus hoc totum orationis tollere: *Disputabant; ego contra differebam: Dicebant, ego negabam.* An mihi de te nihil esse dictum vnquam putas? ne hoc quidem, quod, cum me Laodiceam venire voluisses, Taurum ipse transisti? quod ijsdem diebus meus conuentus erat Apameæ, Synnadis, Philomeli, tuus Tarfi? Non dicam plura; ne in quo te obiurgem, id ipsum videar imitari. Illud dicam, vt sentio, si ista, quæ alios loqui dicis, ipse sentis, tua summa culpa est: sin alii tecum hæc loquuntur, tua tamen, quod audis, culpa nonnulla est: mea ratio in tota amicitia nostra constans, & grauis reperietur. Quod si quis me astut iorem fingit, quid potest esse callidius, quam, cum te absentem semper defenderim, cum præsertim mihi vsu venturum non arbitraret, vt ego quoque absens à te defendendus essem; nunc committere, vt tu iure optimo me absentem deferere posses? Vnum genus excipio sermonis, in quo per sæpe aliquid dicitur, quod te putem nolle dici; si aut legatorum tuorum cuipiam, aut præfectorum, aut tribunorum militum malè dicitur: quod tamen ipsum non mehercule adhuc accidit me audiente, vt aut grauius diceretur, aut in plures, quam mecum Corcyræ Clodius est locutus; cum in eo genere maximè quereretur, te aliorum improbitate minus felicem fuisse. Hos ego sermones, quod & multi sunt, & tuam existimationem, vt ego sentio, non

offen-

offendunt, laceſſiui nunquā, ſed non valde reſſeſſi. Si quis eſt, qui neminem bona fide in gratiam putet redire poſſe; nō noſtram iſ perfidiam coarguit, ſed indicat ſuam: ſimulque non de me iſ peius, quam de te exiſtimat. Sin autem quem mea inſtituta in Prouincia nō delectant; & quadam diſſimilitudine inſtitutorū meorū, ac tuorum ledi ſe putat cum vterque noſtrum rectē fecerit, ſed non idē vterq; ſecutus ſit; hunc ego amicum habere non curo. Liberalitas tua, vt hominis nobiliſſimi, latius in Prouincia patuit: noſtra ſi anguſtior, & ſi de tua proluxa, beneficaque natura, linuit aliquid poſterior annus, propter quandam triſtitiā temporum, non debent mirari homines: cum & natura ſemper ad largiendū ex alieno fuerim reſtrictior: & temporibus, quibus alij mouentur iſdem ego mouear, me eſſe acerbum ſibi, vt ſim dulcis mihi. De rebus vrbaniſ, quod me certiore feciſti, cum per ſe mihi gratum fuit, tum quod ſignificavi tibi omnia mea mandata curæ fore. In quibus vnum illud te præcipuē rogo, vt cures, ne quid mihi ad hoc negotij aut oneris accedat, aut temporis. Hortenſiumque noſtrum Collegam, & familiarem roges, vt, ſi vnquam mea cauſa quidquam, aut ſenſit, aut fecit, de hac quoque ſententia bima decedat, qua mihi nihil poteſt eſſe iniunicius. De noſtris rebus quod ſcire viſ; Tarſo Nonis oct. Amanum verſus proſecti ſumus. Hæc ſcripſi poſtridie eius diei, cum caſtra haberem in agro Mopluheſtiæ. Si quid egero, ſcribam ad te: neq; domum vnquam ad meos litteras mittam; quin adiungam eas, quas tibi reddi velim. De Parthis quod quæriſ, fuiſſe nullos puto Arabes, qui fuerunt admixto Parthico ornatu, dicuntur omnes reuertiffe. hoſtem eſſe in Syria negant vllum. Tu velim ad me quam ſæpiſſimē & de tuis rebus ſcribas, & de meis, & de omni Reip. ſtatu: de quo ſum ſollicitus, eo magis, quod ex tuis litteris cognoui, Pompeium noſtrum in Hiſpaniam iturum. Vale.

## A R G V M E N T V M.

*Appii litteris, humanissime scriptis, humanissime, & ipse respondet: gratulatur de triumphispe: hortatur ad absolutionem librorum auguralium: petit, ut supplicationem sibi decernendum curet.*

CICERO IMP. S. D. APPIO PVLCHRO. 9

**V**ix tandem legi litteras dignas Appio Clodio, plenas humanitatis, officij, diligentiae. Adspectus videlicet Urbis tibi tuam pristinam urbanitatem reddidit. Nam quas ex itinere antequam ex Asia egressus es ad me litteras misisti, vnas de legatis a me prohibitis, proficisci, alteras de Appianorum aedificatione impedita, legi perinuitus. itaque conscientia meae constantis erga te voluntatis rescripsi tibi subiratus. ijs verò litteris lectis, quas Philotimo liberto meo dedisti, cognoui, intellexique in Prouincia multos fuisse, qui nos, quo animo inter nos sumus, esse nollent: ad Urbem verò, ut accesseris, vel potius, ut primum tuos videris, cognosce te ex ijs, qua in te absentem fide, qua in omnibus officijs tuendis erga te obseruantiam, & constantia fuissim. Itaque quanti illud me aestimare putas, quod est in tuis litteris scriptum? si quid inciderit, quod ad meam dignitatem pertineat, etsi vix fieri possit, tamen te parem mihi gratiam relaturum. tu vero facile facies: *Nihil est enim, quod studio, & benevolentia, vel amore potius effici non possit.* Ego, & si & ipse ita iudicabam, & fiebam crebro à meis per litteras certior; tamen maximam lætitiā cepi ex tuis litteris, de spe minimè dubia; & planè explorata triumphis tui: neque verò ob eam causam, quo ipse facilius consequeretur: (nam id quidem *ἡ ἀποστροφὴ* est) sed mehercule, quod tua dignitas, atque amplitudo mihi est ipsa cara per se. Quare, quoniam plures tu habes, quam ceteri, quos scias in hanc Prouinciā proficisci; quod te  
ad eunt

adeunt fere omnes si quid velis, gratissimum mihi feceris, si ad me simul atque adeptus eris, quod & tu confidis, & ego opto. litteras miseris. Longi subsellij, vt noster Pōpeius appellat, iudicatio, & mora si quem tibi item vnum, alterumue diem abstulerit: (quid enim potest amplius?) tua tamen dignitas suum locum obtinebit. sed si me diligis, si à me diligi vis, ad me litteras, vt quamprimum lætitia afficiar, mitterito. Et velim reliquum quod est promissi, ac muneris tui, mihi persoluas: cum ipsam cognitionem iuris auguralis consequi cupio; tum mehercule tuis incredibiliter, studijs erga me muneribusq; delector. Quod autē à me tale quiddam desideras; sane mihi considerandum est, quoniam iam te remunerer potissimum genere, nam profectò non est meum, qui in scribendo, vt soles admirari, tantum industriæ ponam, committere, vt scribendo negligens misse videat: præsertim cum id non modò negligentis, sed etiam ingrati animi crimen futurum sit. verum hæc videbimus. Illud, quod polliceris; velim pro tua fide diligentiaque, & pro nostra non instituta, sed iam inueterata amicitia, cures, enitare, vt supplicatio nobis quam honorificentissimè quamprimumque decernatur. Omnino ferius misi litteras, quam vellem. in quo cum difficultas nauigandi fuit odiosa; tum ipsum discesum Senatus incidisse credo meas litteras. Sed id feci adductus auctoritate, & consilio tuo: idque a me rectè factum puto, quod non statim vt Imperator appellatus sum; sed alijs rebus additis, æstiuisque confectis, litteras miserim. Hæc igitur tibi erunt curæ, quemadmodum ostendis: meque totum & mea, & meos commendatos habebis. Vale.

### ARGVMENTVM.

**A**ppium Dolabella, reuersum, è Cilicia, de maiestate, & de ambitu accusauerat, eodemque tempore Tulliam, Ciceronis filiam, uxorem duxerat, M. Cælio, Ciceronis, & Dolabella amicissime, eas nuptias conciliante;  
de



*de quibus lib. IIX. Ep. 6. 13. id factum a suis, insciente se conatur Cicero probare, & in hanc sententiam multa colligit. præterea, suspicante Appio, impeditas a Cicero, ne legationes, quæ Romam ad suam laudem ire decreuissent, multis verbis hanc ei suspicionem studet adimere. Mittit etiam commentarium de rebus a se perfectis, atque institutis in provincia, quæ ad Appii absolutionem pertinerent. Auguratur in extremo, censuram ei delatum iri: quod euenit.*

CICERO IMP. S. D. APPIO PVLCHRO. 10

**C**um est ad nos allatum de temeritate eorum, qui tibi negotium facefserent, etsi grauitè primo nuncio commotus sum, quod nihil tam præter opinionem meam accidere potuit; tamen, ut me collegi, cætera mihi facillima videbantur; quod & in te ipso maximam spem, & in tuis magnam habebam: multaue mihi veniebant in mentem: quamobrem istum laborem tibi etiam honori putarem fore. Illud planè moleste tuli, quod certissimum, & iustissimum triumphum hoc inuidorum consilio esse tibi creptum videbam. quod tu si tanti facies, quanti ego semper iudicaui faciendum esse; facies sapienter: & ages victor ex inimicorum dolore triumphum iustissimum. Ego enim planè video fore neruis, opibus, sapientiaq; tua: vehementer ut inimicos tuos peniteat intèperantiæ suæ. De me tibi sic, cõtestans omnes Deos, promitto, atque confirmo, me pro tua dignitate (malo enim dicere, quam pro salute) in hac Prouincia, cui tu præfuiſti, rogando, deprecatoris; laborando propinqui auctoritate cari hominis, ut spero, apud ciuitates; grauitate, imperatoris suscepturum officia, atq; partes omnia volo a me & postules, & expectes: vincam meis officijs cogitationes tuas. Q. Seruilius per breues a te mihi litteras reddidit: quæ mihi tamen nimis longæ visæ sunt: iniuriam enim mihi fieri putabam, cum rogabar. Nollem accidisset tempus, in quo perspicere posses quanti ego te, quanti Pompeium, (quem vnum ex omnibus facio, ut debeo, pluri-

mi) quanti Brutum facerem: quanquam in consuetudine quotidiana perspexisses, sicuti perspicies: sed, quoniam accidit; si quid à me prætermisum fuerit, commissum facinus, & admissum dedecus confitebor. Pontinius, qui à te tractatus est præstanti, ac singulari fide, cuius tui beneficii sum ego testis, præstat tibi memoriâ, beneuolentiamque quam debet: qui cum miximis rebus suis coactus, a me inuitissimo decessisset, tamen, ut vidit tua interesse, conscendens iam nauem, Epheso Laodiceam reuertit. Talia cum te studia videam habiturum esse innumerabilia; planè dubitare non possum, quin tibi amplitudini ista sollicitudo futura sit. si verò efficis, ut Censores creentur; & si ita gesseris Censuram, ut & debes, & potes; non tibi solum, sed tuis omnibus video in perpetuum summo præsidio futurum. Illud pugna, & enitere, ne quid nobis temporis prorogetur: ut, cum hic tibi satisfecerimus, istic quoque nostram in te beneuolentiam nauare possimus.

Quæ de hominum, atque ordinum omnium erga te studio scribis ad me, minimè mihi miranda, & maximè iucunda acciderunt: eademque ad me perscripta sunt à familiaribus meis. Itaque capio magnam voluptatem, cum tibi (cuius mihi amicitia non solum ampla, sed etiâ iucunda est) ea tribui, quæ debeantur: tum verò etiamnum remanere in ciuitate nostra studia prope omnium consensu erga fores, & industrios viros: quæ mihi ipsi vna semper tributa merces est laborum, & vigiliarum mearum. Illud verò mihi permirum accidit, tantam temeritatem fuisse in eo adolescente, cuius ego salutem duobus capitis iudicijs summa contentione defendi; ut, tuis inimicijs suscipiendis, obliuisceretur patroni omnium fortunarum ac rationum suarum: præsertim cum tu omnibus vel ornamentis, vel præsidijs redundares; illi (ut leuissimè dicam) multa decissent: cuius sermo stultus & puerilis erat iam antea ad me à M. Cœlio familiari nostro perscriptus: de quo item sermone multa scripta sunt abs te. Ego autè citius

tius cum eo, qui tuas inimicitias suscepisset, veterem conjunctionem diremissem, quam nouam conciliaresse. Neque enim de meo erga te studio dubitare debes; neque id est obscurum cuiquam in Prouincia, nec Romæ fuit.

Sed tamen significatur in tuis litteris suspicio quædã, & dubitatio tua: de qua alienum tempus est mihi tecum exostulandi: purgandi autem mei necessarium. Vbi enim ego cuiquã legationi fui impedimento, quo minus Romam ad laudem tuam mitteretur? aut in quo potui, si, te palam odissem, minus quod tibi obesset facere? si clam, magis aperte inimicus esse? Quod si esset ea perfidia, qua sunt ij, qui in nos hæc conferunt; tamen ea stultitia certò non fuisset, vt aut in obscuro odio apertas inimicitias; aut, in quo tibi nihil nocerem: summam ostenderem voluntatem nocendi. Ad me adire quosdam memini, qui dicerent, nimis magnos sumptus Legatis, decerni, quibus ego non tam imperaui, quã censui sumptus Legatis quã maximè ad legem Corneliam decernendos. atque in eo ipso me nõ perseueraſſe, testes sunt rationes ciuitatum: in quibus, quantum quæque voluit Legatis tuis datum, induxit. Te autè quibus mendacijs homines leuissimi onerantur? non modò sublatos sumptus, sed etiam a procuratoribus eorũ, qui iam profecti essent, repetitos, & ablatos, eamque causam multis omninò non eundi fuisse. Quæreret tecum, atque exostularè, nisi, vt supracripsi, purgare me tibi hoc tuo tempore, quã accusare te, mallem, idque putarem esse rectius. Itaque nihil de te, quod credideris, de me, quamobrem non debueris credere, patuca dicam. Nam si me virũ bonum, si dignum ijs studijs, eaq; doctrina, cui me a pueritia dedi, si satis magni animi, non minimi consilij in maximis rebus perspectum, habes; nihil in me non modò perfidiosum, & insidiosum, & fallax in amicitia: sed ne humile quidem, aut ieium debes agnoscere. Sin autem me astutum, & occultum iubet fingere: quid est, quod minus cadere in eiusmodi naturam possit, quam aut florentissimi homi-

nis aspernati beneuolentiam; aut eius existimationem  
 oppugnare in Prouincia, cuius laudem domi defende-  
 ris; aut in ea re animum ostendere inimicum, in qua ni-  
 hil obsis: aut id eligere ad perfidiam, quod ad indican-  
 dum odium apertissimum sit, ad nocendum leuissimū?  
 Quid erat autem, cur ego in te tam implacabilis essem,  
 cum te ex fratre meo, ne tunc quidem; cum tibi prope  
 necesse esset eas agere partes, inimicū mihi fuisse cogno-  
 uissem? cum vero reditum nostrum in gratiam uterque  
 expetisset; quid in Consulatu tuo frustra mecum egisti,  
 quod me aut facere, aut sentire uoluisses? quid mihi mā-  
 dasti, cum te Puteolis prosequerer, in quo non expecta-  
 tionem tuam diligentia mea vicerim? Quod si id est ma-  
 ximè astuti, omnia ad suam utilitatē referre; quid mihi  
 tandem erat utilius, quid commodis meis aptius, quam  
 hominis nobilissimi, atq; honoratissimi coniūctio; cuius  
 opes, ingeniū, liberi, affines, propinqui mihi magno vel  
 ornamento, vel præsidio esse possent? quæ tamē ego om-  
 nia in expetenda amicitia tua, non astutia quadam, sed  
 aliqua potius sapientia, secutus sum. Quid illa vincula,  
 quibus quidem libentissimè adstringor, quanta sūt? stu-  
 diorū similitudo, suauitas consuetudinis, delectatio vi-  
 tæ, atq; victus, sermonis societas, litteræ interiores, At-  
 que hæc domestica. Quid illa tandem popularia? reditus  
 illustris in gratiam; in quo, ne per imprudentiam qui-  
 dem, errari potest sine suspitione perfidiæ: amplissimi  
 Sacerdotij Collegium; in quo non modo amicitiam vio-  
 lari apud maiores nostros fas non erat, sed ne cooptari  
 quidam Sacerdotem licebat, qui cuiquam ex Collegio  
 esset inimicus. Quæ ut omittam tam multa, atq; tanta;  
 quis vnquam tanti quemquam fecit, aut facere potuit,  
 aut debuit, quanti ego Cn. Pomp. socerum filia tuæ? ete-  
 nim, si merita valent, patriam, liberos, salutem, dignita-  
 tem, metetipsum mihi per illum restitutum puto: si cō-  
 suetudinis iucunditas; quæ fuit vnquam amicitia Consu-  
 larium in nostra ciuitate coniunctior? si vlla amoris, atq;

offi-

officij signa; quid mihi ille non commisit? quid non meum communicavit? quid de se in Senatu, cum ipse abesset, per quemquam agi maluit? quibus ille me rebus non ornatissimum voluit amplissimè? qua denique ille facilitate qua humanitate tulit contentionem meam pro Milone, aduersante interdum actionibus suis? quo studio prouidit, ne qua me illius temporis inuidia attingeret, cum me consilio, cum auctoritate, cum armis denique; texit suis? Quibus quidem temporibus hæc in eo gratitas, hæc animi altitudo fuit, non modò, vt Phrygi aliqui aut Lycaoni, quod tu in Legatis fecisti; sed ne summorum quidem hominum maleuolis de me sermonibus crederet. Huius igitur filius cum sit gener tuus; cumque præter hanc coniunctionem affinitatis, quam sis Cn. Pompeio carus, quamque iucundus, intelligam; quo tãdem animo in te esse debeo? cū præsertim eas ad me is litteras miserit, quibus etiã si tibi, cui sum amicissimus, hostis essem, placarer tamen; totumque me ad eius viri, ita de me meriti, voluntatem, nutumque conuerterẽ. Sed hæc hæctenus: pluribus enim etiam fortasse verbis, quam necesse fuit scripta sunt. Nunc ea, quæ à me perfecta, quæque instituta sunt, cognosce, atque hæc agimus, & agemus magis pro dignitate, quam pro periculo tuo, te enim, vt spero, propediem Censorem audiemus: cuius magistratus officia, quæ sunt maximi animi, summique consilij, tibi diligentius, & accuratius, quam hæc, quæ nos de te agimus, cogitanda esse censeo. Vale.

## A R G V M E N T V M.

*Gratulatur Appio, quod absolutus esset de maiestate: eundemque fore exitum iud. ciis de ambitu confirmat Cn. Pompeiũ, & M. Brutum effert laudibus, quod egregiã Appio fidẽ ac beneuolentiã prestitissent. suã operam pollicetur ad eos notandos, qui testimonium in Appium pretio dixerant. subiungit de statu reip. de auguralibus Appiis libris, de suis litteris cū aliqua beneuolentiã significatione. Postremo adhortatur, vt in censurã gentile suũ imitetur App. Claudium.*

*Caccum. Mistæ est epistola moralis, ubi gratulatur, & hortatur negotialis ubi de testibus de auguralibus libris, de Tulio, de litteris, agit.*

CICERO IMP. S. D. AP. PVLCHRO, VT  
SPERO, CENSORI. II

**C**Um essem in castris, ad fluuium Pyramum, redditæ mihi sunt vno tempore a te epistolæ duæ, quæ ad me Q. Seruilius Tarso miserat. Earum in altera dies erat adscripta Nonarum Aprilium; in altera, quæ mihi recentior videbatur, dies non erat. Respondebo igitur superiori prius: in qua scribis ad me de absolutione Maiestatis. De qua etsi permultum ante certior factus eram litteris, nuncijs, fama denique ipsa: (nihil enim fuit clarius: non quò quisquam aliter putasset; sed nihil de insignibus ad laudem viris obscure nunciari solet) tamen eadem illa latiora fecerunt mihi tuæ litteræ: non solum, quia planius loquebantur, & vberius, quam vulgi sermo; sed etiam, quia magis tibi videbar gratulari cum de te ex te ipso audiebam. Complexus igitur sum cogitatione te absentem: epistolam verò osculatus, etiam ipse mihi gratulatus sum. Quæ enim à cuncto populo, a Senatu, a Iudicibus ingenio, industriæ, virtuti tribuuntur; quia mihi ipse assentor fortasse, cum ea esse in me fingo: mihi quoque ipsi tribui puto nec tam gloriosum exitum tui iudicij extitisse, sed tam prauam inimicorum tuorum mentem fuisse mirabar. De ambitu verò quid interest, inquires, an de maiestate? ad rem nihil: alterum enim non attigisti alteram auxisti. Veruntamen est Maiestas, vt Sulla voluit, ne in quemuis impunè declamare liceret. Ambitus verò ita apertam viam habet, vt aut accusetur improbè, aut defendatur. qui enim facta, aut non facta largitio ignorari potest? tuorum autem honorum curius cui suspectus vnquam fuit? me miserum, qui non affuerim: quos ego risus excitassem? Sed de Ma-

Maieſtatis iudicio duo mihi illa ex tuis litteris incundiſſima fuerunt: vnum, quod te ab ipſa Rep. deſenſum ſcribis; quæ quidem etiam in ſumma bonorum, & forſum ciuium copia tueri tales viros deberet; nunc verò eò magis, quod tanta penuria eſt in omni vel honoris, vel etatis gradu, vt tam orba ciuitas tales tutores cõplecti debeat: alterum, quod Pompeij, & Bruti fidem beneuolentiam, que mirificè laudas. Lætor virtute, & officio cum tuorum neceſſariorum, meorum amiciffimorum; tum maximè, alterius omnium ſæculorum, & gentiũ principis, alterius iampridem iuuentutis; celeriter, vt ſpero, ciuitatis. De mercenarijs teſtibus a ſuis ciuitatibus notandis, niſi iam aliquid factum eſt per Flaccum, fiet a me, cum per Aſiã decedam. Nunc ad alteram epiſtolam venio.

Quod ad me, quaſi formam communium temporũ, & totius Reip. miſiſti expreſſam; prudentia litterarum, tuarum valde eſt mihi grata video enim & pericula leuiora, quam timebam, & maiora præſidia: ſiquidem, vt ſcribis: omnes vires ciuitatis ſe ad Pompeij ductum applicauerunt: tuumque ſimul promptum animum, & alacrem perſpexi ad defendendam Remp. mirificamq; cepi voluptatem ex hac tua diligẽtia; quod in ſummis tuis occupationibus mihi tamen Reip. ſtatum per te notum eſſe voluiſti. Nam augurales libros ad commune vtriuſque noſtrum otium ſerua, ego enim a te, cum tua promiſſa per litteras flagitabam, ad Urbem te otioſiſſimum eſſe arbitrabar: nunc tamen, vt ipſe polliceris, pro auguralibus libris orationes tuas cõfectas omnes expectabo. Tullius cui mandata ad me dederas non conuenerat me: nec erat iam quiſquam mecum tuorum, præter omnes meos, qui ſunt omnes tui. Stomach oſiores meas litteras, quas dicas eſſe, non intelligo. bis ad te ſcripſi, me purgans diligenter, leuiter acculans in eo, quod de me cito credidiſes. quod genus querelæ mihi quidem videbatur eſſe amici: ſin tibi diſplicet, non vtar eo poſt hac. ſed ſi, vt ſcribis, eæ litteræ non fuerunt diſertæ,

scito meas non fuisse. ut enim Aristarchus Homeri versum negat, quem non probat: sic tu, (libet enim mihi iocari) quod desertum non erit; ne putaris meum. Vale, & in Censura, si iam es Censor, ut spero: de proavito multum cogitato tuo.

## ARGUMENTVM.

*Gratulatur Appio de absolutione ambitus; excusat filia nuptias, quam accusator Appii Dolabella uxorem duxerat: seq. ait ea causa diligentiorē ad benevolentiam declarandam esse factum.*

CICERO IMP. S. D. PVLCH.

12

**G**ratulabor tibi prius (ita enim rerum ordo postulat) deinde ad me conuertar. Ego verò vehementer gratulor de iudicio ambitus: neq; id, quod nemini dubium fuit, absolutum te esse; sed illud quod quò melior cluis, quò vir clarior, quo fortior amicus es, quòque plura virtutis industriæ ornamenta in te sunt; eo mirandum est magis, nullam ne in tabellæ quidem latebra fuisse absconditam maleuolentiam quæ te impugnare auderet. non horum temporum, non horum hominum, atque morum negotium. nihil iam sum pridem admiratus magis. De me autem suscipe paulisper meas partes, & eum te esse finge, qui ego sum. si facile inuenieris, quod dicas noli ignoscere hæsitati meæ. Ego verò velim mihi, Tulliaque meæ, sicut tu amicissime, & suauissime optas, prosperè euenire ea, quæ me insciente facta sunt a meis: sed ita cecidisse, ut agerentur eo tēpore, spero omnino cum aliqua felicitate, & opto; verumtamen plus me in hac spe tua sapientia, & humanitas consolatur, quam opportunitas temporis. Itaque, quemadmodum expediam exitum huius institutæ orationis, non reperio. neq; enim tristius dicere quidquam debeo ea de re, quam tu ipse hominibus optimis prosequere.



queris: neque non me tamen mordet aliquid. In quo vnum non vereor, ne tu parum perspicias, ea quæ gesta sunt, ab alijs esse gesta: quibus ego ita mandaram, vt, cum tam longè abfuturus essem, ad me ne referret; agerent quod probassent. In hoc autem mihi illud occurrit: qui tu igitur, si affuisses? rem probassem. de tempore nihil, te inuito, nihil sine consilio egissem tuo. Vides sudare me iam dudum laborantem, quo modo ea tuear, quæ mihi tuenda sunt, & te non offendā. leua me igitur hoc onere: nunquam enim mihi videor tractasse causam, difficiliorem. Sed tamen sic habeto: nisi iam tunc omnia negotia cum summa tua dignitate diligentissimè conficissem: tamen si nihil videbatur ad meum erga te pristinum studium addi posse; tamen, hac mihi affinitate renūciata, non maiore, equidem studio, sed acrius, apertiùs, significantius dignitatem tuā defendissem. Decedenti mihi, & iam imperio annuo terminato ante diē 111. Non. Sext. cum ad Sidam nauī accederem, & me cum Q. Seruilius esset, litteræ à meis sunt redditæ, dixi statim Seruilio, (etenim videbatur esse commotus), vt omnia a me maiora expectaret. Quid multa beneuolētiq̃ tibi, quam fui, nihilo sum factus; diligentior quidem ad declarandam beneuolentiam multò. nam vt vetus nostra similitas antea stimulabat me, vt cauere, ne cui suspicionem fictè reconciliatæ gratiæ darem; sic affinitas nouam curam mihi affert cauendi, ne quid de summo meo erga te amore detractum esse vidēatur. Vale.

## ARGVMENTVM.

*Agit Appio gratias, quod supplicationem sibi decernendam studiose curauerit. gratulationem autem diuidit in quatuor partes, in officia sua, quibus meritum se esse ostendit, vt Appius in re simili parem operā, beneuolentiamq. nauaret, in Appii benignitatem, qui acceptam gratiam quasi cum fenore reddiderit: in eiusdem laudem, quod ea studia, quæ a talibus viris proficiuntur, virtuti san-*

*tum tribui solita sint, ideoque rebus omnibus anteponen-  
da videantur: in remunerandi voluntatem, siue pcessit,  
in publicis rebus, siue in privatis gratum animum osten-  
dere. absoluto gratulationis officio, pauca subiungit de do-  
lore suo ex inimicitiiis Appii, & Dolabellæ: se tamen  
eos reconciliandi curam suscepisse, nihilque de suo pristi-  
no in Appium studio ob nouam Dolabellæ affinitatem, de-  
tractum esse confirmat. Postremo loco, epistola breuita-  
tem cum Appii laude excusat.*

CICERO IMP. S. D. AP. PVLCHRO. 13

**Q**Vasi diuinarem, tali in officio fore mihi aliquādo  
expectandum studium tuum: sic, cum de tuis rebus  
gessit agebatur, inseruiebam honori tuo. Dicam tamen  
verè: plus quàm acceperas, reddidisti. quis enim ad me  
non perscripsit, te non solum auctoritate orationis, sen-  
tentiæ tuæ, quibus ego a tali viro contentus erā, sed etiā  
opera, consilio, domum veniendo, conueniendis meis,  
nullum onus officij cuiquam reliquum fecisse; hæc mihi  
ampliora multò sunt, quàm illa ipsa, propter quæ hæc la-  
borantur. **INSIGNIA** enim virtutis multi etiam sine  
virtute assecuti sunt: talium virorum tāta studia assequi  
sola virtus potest. Itaq; mihi propono fructum amicitiae  
nostræ ipsam amicitiam: qua nihil est vberius, præsertim  
in ijs studijs, quibus vterq; nostrum deuinctus est. nam  
tibi me profiteor, & in Rep. socium, de qua idem senti-  
mus; & in quotidiana vita coniunctum cum ijs artibus,  
studijsque, quæ colimus. Velim ita fortuna tulisset, vt  
quanti ego omnes tuos facio, tanti tu meos facere pos-  
ses: quod tamen ipsum, nescio qua permotus animi di-  
uinatione, non despero. sed hoc nihil ad te: nostrum est  
onus. Illud velim sic habeas, quod intelliges: hac renoua-  
ta, additum potius aliquid ad eum erga te studium cui  
nihil videbatur addi posse, quā quidquā esse detractum.  
Cum hæc scribebam, Centorem iam te esse sperabam:  
eo breuior est hæc epistola, & vt aduersus magistrum  
morum, modestior, Vale.

M.TVL

# M. T. CICERONIS<sup>107</sup>

Epistolarum


AD SVLPICIUM,  
& Alios.

LIBER QVARTVS.

## ARGVMENTVM.

**S**atis patebit huius epistola Argumentum, si lector sciat scriptam esse, cum Caesar, pulso ex Italia Pompeio, bellum contra legatos eius in Hispaniam pararet, L. Lentulo, C. Marcello cos. ante moysen Maium, quod sequenti cognoscitur epistola. Respondet Sulpicio congressum petenti: in quo suam voluntatem cum eius voluntate consentire demonstrat, sed eam esse rationem temporum, ut remedium extincta reip. nullum afferre possint. Negotiale argumentum: moralia quadam interiecta, ut de Sulpicii laude, de utriusque in patriam studio, de dolore ex amissa reip. salute.

M. CICERO S. D. SER. SVLPICIO. I

 **S**ERVIUS Trebatius, familiaris meus, ad me scripsit, te ex se quaesisse, quibus in locis essem: molesteque ferre, quod me propter valetudinem tuam, cum ad Urbem accessissem, non vidisses: & hoc tempore velle te mecum si propius accessissem, de officio utriusque nostrum communicare. Utinam, Serui, saluis rebus (sic enim est dicendum) colloqui potuissemus: inrer nos:

nos: profecto aliquid opis, accidenti Reip. tulisse-  
 mus. Cognoram enim iam absens, te hæc mala mul-  
 to ante providentem, defensorem pacis, & in Consu-  
 latu tuo, & post Consulatum fuisse. Ego autem, cum  
 consilium tuum probarem, & idem ipse sentirem, nihil  
 proficiebam. serò enim veneram; solus eram; rudis es-  
 se videbar in causa: incideram in hominum pugnandi  
 cupidorum insanias. Nunc quoniam nihil iam videmur  
 posse opitulari Reip. si quid est, in quo nobismetipsis  
 consulere possimus, non ut aliquid ex pristino statu no-  
 stro retineamus, sed ut quam honestissimè lugeamus;  
 nemo est omnium, qui cum potius mihi, quam tecum,  
 communicandum putem. nec enim clarissimorum vi-  
 rorum, quorum similes esse debemus exempla; neque  
 doctissimorum, quos semper colluisti, præcepta te fu-  
 giunt. Atque ipse antea ad te scripsissem, te frustra in  
 Senatum, siue potius in conventum Senatorum esse  
 venturum ni veritus essem, ne eius animum offen-  
 derem, qui a me ut te imitaret, petebat. Cui qui-  
 dem ego, cum ne rogaret, ut addessem in Senatu eadem  
 omnia, quæ à te de pace, & de Hispanijs dicta sunt ostē-  
 di me esse dicturum. Rem vides, quo modo se habeat:  
 orbem terrarum, imperijs distributis, ardere bello, Vr-  
 bem sine legibus, sine iudicijs, sine iure, sine fide, relictā  
 direptioni, & incendijs. itaq; mihi venire in mentem ni-  
 hil potest, non modò quod sperem, sed vix iam quod au-  
 deam optare. Sin autem tibi homini prudētissimo, vide-  
 tur utile esse, nos colloqui; quamquam longius etiā co-  
 gitabam ab Vrbe discedere, cuius iam etiā nomen in-  
 uitus audio; tamen propius accedam. Trebatio mandavi,  
 ut si quid tu eum velles ad me mittere, ne recusaret: idq;  
 ut facias velim: aut, si quem tuorum fidelium voles, ad  
 me mittas: ne aut tibi exire ex Vrbe necesse sit, aut mihi  
 accederet. Ego tibi tantum tribuo quantū mihi fortasse  
 arrogo, ut exploratum habeam, quidquid nos communi  
 scētētia statuerimus, id omnes homines probaturos. Vale.

ARGV-

## ARGVMENTVM.

*Relicta vrbe a Pompeio, occupata iam a Cesare Italia; quaesierat a Cicerone per litteras Sulpicius, quid agendum censeret in tanta rerum omnium perturbatione. Modeste Cicero respondet cum Sulpicii laude; explicatque sententiam suam, hoc modo: si recta quarantur, satis patere, quid agendum sit: si utilia, non item. nam cum rectum videretur, pro communi libertate contra Caesarem arma capere: tamen id quam expediret, obscurum erat: cum Caesaris causa firmior Pompei esset honestior. concludit, esse longius ab vrbe discedendum, in qua manere vel turpe sit, si probentur ea, quae sunt: vel, si non probentur, periculosum: ac sibi capium iam consilium esse de itione ad Pompeium ostendit. Eodem anno.*

## CICERO S. D. SVLPICIO.

**A**D iij. Kal. Maias cum esse in Cumanis, accepi tuas litteras; quibus lectis, cognoui non satis prudenter fecisse Philotimum: qui cum abs te mandata haberet: ut scribis, de omnibus rebus, ipse ad me non venisset, litteras tuas misisset: quas intellexi breuiores fuisse, quod cum perlaturum putassēs. Sed tamen postquam litteras tuas legi, Posthumia tua me conuenit & Seruius noster, his placuit, ut tu in Cumanum venires: quod etiam mecum, ut ad te scriberem, egerunt. Quod meum consilium exquiris, id est tale, ut capere facilius ipse possim, quam alteri dare, quid enim est, quod audeam suadere tibi, homini summa auctoritate, summaque prudentia? si quid rectissimum sit, quaerimus; perspicuum est: si quid maximè expediat; obscurum. fin ij sumus, qui profectò esse debemus, ut nihil arbitremur expedire, nisi quod rectum honestumque sit; non potest esse dubium, quid faciendum nobis sit. Quod existimas, meam causam coniunctam esse cum tua; certè similis in utroque nostrum, cum optimè sentiremus, error fuit, nam omnia vtriusque consilia ad concordiam spectauerunt;

runt. qua cum pisi Cæsari nihil esset vtilius, gratiam quoque nos inire ab eo, defendenda pace, arbitrabamur. Quantum nos fefellerit, & quam in locum res deducta sit, vides: neque solum ea perspicis, quæ geruntur, quæque iam gesta sunt; sed etiam qui cursus rerum, qui exitus futurus sit. Ergo aut probare oportet ea, quæ fiunt, aut interesse, etiam si non probes: quorum altera mihi turpis, altera etiam periculosa ratio videtur. Restat, ut discedendum putem: in quo reliqua videtur esse de liberatio, quod consilium in discessu, quæ loca sequamur. Omnino cum miserior res nunquam accidit, tunc ne deliberatio quidem difficilior nihil enim constitui potest, quod non incurrat in magnam aliquam difficultatem. Tu, si videbitur, ita censeo facias: ut si habeam statutum, quid tibi agendum putes, in quo non si coniunctum consilium tuum cum meo; supersedeas hoc labore itineris: sin autem est, quod mecum communicare velis; ego te expectabo, tu, quod tuo commodo fiat quamprimum velim venias, sicuti intellexi, & Seruio & Posthumiæ placere. Vale.

### ARGUMENTVM.

*Sulpicius, Achaia, post victum in Pharsalia Pompeium a Casare propositum, consolatur in dolore, quem ex rei calamitate capiebat: quid autem ad consolandum valeat, primum illud, cum ostendimus, communem fortunam esse, nec detere eum, qui precipuis non affligatur incommodis, precipuo dolore angi. Alterum est, cum in alienis malis nostra bona recordamur: id est, cum ea, que, vitandi communis exitii gratia, recte, ac sapienter acta dicta, cognita sint a nobis, animo, ac mente contemplantur. nam ad levandas miseras magnam habet vim bene actæ vitæ conscientia. Tertio loco, si minuit sollicitudinem ipsa per se conscientia: quanto magis, cum ad eam accedit hominum opinio, qui nihil a nobis non sancte, nihil imprudenter, aut in decore actum existimet? atq; ha-*

TASSO

ratio, a generali quodam iudicio ducta, tum est firmitior, si ad clarorum virorum exempla confugimus: ideo Casarem quoque ipsum idem, quod ceteros omnes, de Sulpicio iudicare dixit. Quid, cum illud adiungimus, in eo ipso, quod, quasi malum sit, grauer dolemus, aliquid inesse, cur dolendum omnino non sit? facit hoc Cicero, cum ait: Quod autem a tuis abes. Lenitur etiam studio litterarum praesertim Philosophiae, doloris acerbitas. quod in Sulpicii cura Cicero non neglexit. quamquam hanc partem considerate attingit: nec monendum aperte talem eorum putat, quod esset arrogantia: sed cum ait, mihi ita persuasi te quoque in iisdem versari rebus: plane indicat, quid eum facere, tam aduersis temporibus, oporteat. ne vero levis est ex eorum, quos diligimus, probitate, ac virtute consolatio. ergo hic laudatur Seruius adolescens, ut afflictum patris animum grata filis mentio recrearet. Hac, & similia in ceteris epistolis obseruanda: quae si colligantur, adhibito ordine, sine quo praeceptorum copia propemodum inanis est; artem inuentionis, alioqui difficillimam, in promptu habebimus. Scripta est post bellum Africanum. apparet enim, Casarem in urbe commorari, Pompeianarum partium metu liberatum. quod certe non ante bellum in Africa gestum consecutus est. perpetuo enim victoria cursu Pompeium, Aegyptios, Pharnacem superauit; inde Romam profectus, paullo post in Africam contra Scipionem, & M. Catonem contendit; quibus deuictis ad urbem rediit, cum tertium consul esset; ibique tamdiu permansit, donec in Hispaniam, ubi magnas copias a Pompei liberis contractas esse audiebat, eundem necessario iudicauit. Videtur autem Sulpicius in Achaia permansisse usque ad exitum Hispaniensis belli. quod ex eo suspicor, quia, quo tempore ad Ciceronem litteras consolatorias misit, quae infra leguntur, eodem Caesar ex Hispania lenire Ciceronis dolorem, ex interitu filiae susceptum, per litteras conatus est

ep. 20. lib. 13.

**V**ehementer te esse sollicitum, & in communibus  
 miserijs præcipuo quodam dolore angi, multi ad  
 nos quotidie deferunt. Quod quanquam minimè miror,  
 & meum quodam modò agnosco; dolco tamen, te sa-  
 pientia præditum propè singulari, non tuis bonis dele-  
 ctari potius, quam alienis malis laborare. Me quidem,  
 etsi nemini concedo, qui maiorem expernicie, & peste  
 Reip. molestiam traxerit; tamen multa iam consolantur,  
 maximeque conscientia consiliorum meorum. Multò  
 enim ante, tanquam ex aliqua specula prospexi tempe-  
 statem futuram: neque id solum mea spontè, sed multò  
 etiam magis moneute, & denunciante te. Etsi enim ab-  
 fui magnam partem Consulatus tui; tamen & absces co-  
 gnescebam, quæ esset tua in hoc pestifero bello cauendo,  
 & prædicendo sententia; & ipse affui primis tempo-  
 ribus tui Consolatus cum acuratissimè monuisti Sena-  
 tum, collectis omnibus bellis civilibus, ut & illa time-  
 rent, quæ meminissent; & scirent, cum superiores, nul-  
 lo tali exemplo antea in Rep. cognito, tam crudeles  
 fuissent, quicunque postea Remp. oppressisset armis,  
 multò intolerabiliorem futurum. *Nam, quod exemplo,  
 fit id etiam iure fieri putant. & aliquid; atque adeo multa,  
 addunt, & afferunt de suo.* Quare meminisse debes,  
 eos, qui auctoritatem, & consilium tuum non  
 sunt secuti, sua stultitia occidisse, cum tua prudentia  
 salui esse potuissent. Dices: Quid me ista res consola-  
 tur in tãtis tenebris; & quasi parietinis Reip.? Est omni-  
 no vix consolabilis dolor: tanta est omnium rerum amis-  
 sio, & desperatio recuperandj. Sed tamen & Cæsar ipsæ  
 ita de te indicat; & omnes ciues sic existimant: quasi lu-  
 men aliquod, extinctis cæteris, elucere sanctitatem, &  
 prudentiam, & dignitatem tuam. Hæc tibi ad leuandas  
 molestias magna esse debent. Quod autem a tuis abes,



ided leuius ferendum est, quod eodem tempore multis, ac magnis molestijs abes, quas ad te omnes perscriberem, nisi vererer, ne ea cognosceres absens, quæ quia non vides, mihi videris meliori esse conditione, quam nos, qui videmus. Hactenus existimo nostram consolationem rectè adhibitam esse, quoad certior ab homine amicissimo fieres ijs de rebus, quibus leuari possent molestiæ tuæ. Reliqua sunt in te ipso, neq; mihi ignota, næc minima solatia, & vt quidem ego sentio, multò maxima, quæ ego ipse experiens quotidie sic probò, vt ea mihi salutem afferre videantur. Te autem ab initio ætatis, memoria teneo, summa omnium doctrinarum studiosum fuisse: omniaq; quæ à sapientissimis ad bene vitium tradita essent, summo studio curaq; didicisse; quæ quidem vel optimis rebus, & vñi, & delectationi esse possent, his verò temporibus habemus aliud nihil, in quo acquiescamus. Nihil faciam insolenter; nec te tali, vel scientia, vel natura præditum, hortabor, vt ad eas te referas artes, quibus à primis temporibus ætatis studium tuum dedisti. Tantum dicam, quod te spero approbaturum; me, postquam illi arti, cui studueram, nihil esse loci neq; in Curia, neq; in Foro videri, omnem meam curam, atq; operam ad Philosophiã contulisse tuæ scientiæ excellenti, ac singulari non multò plus, quàm nostræ, relictum est loci. Quare non equidem te moneo; sed mihi ita persuasi, te quoq; in iisdem versari rebus, quæ etiam si minus prodesse, animum tamen à sollicitudine abducerent. Seruius quidem tuus in omnibus ingenuis artibus, in primisque in hac, in qua ego me scripsi acquiescere, ita versatur, vt excellat: à me verò sic diligitur, vt tibi vni concedam, præterea nemini; mihiq; ab eo gratia refertur: in quo illè existimat, quod faciliè appareat, cum me colat, & obseruet, tibi quoque in eo se facere gratissimum. Vale.

## ARGVMENTVM.

*Laudat Sulpicij scripta. Probat, quòd Acaia administranda curam non recusarit, scribit de Marcelli restitutione, de suis studijs, de Sulpicio filio, de rebus urbanis, de Cesare.*

## CICERO S. D. SVLPICIO.

**A**ccipio excusationem tuam, qua usus es, cur sapius ad me litteras vno exemplo dedisses: sed accipio ex ea parte, quatenus, aut negligentia, aut improbitate eorum, qui epistolas accipiant, fieri scribis, ne ad nos perferantur. Illam partem excusationis, qua te scribis, orationis paupertate, (sic enim appellas) iisdem verbis epistolas sapius mittere, nec agnosco; nec probó: & ego ipse, quem tu per iocum (sic enim accipio) diuicias orationis habere dicis, me non esse verborum admodum inopem agnosco, *εἰς αὐτοῦ δόξαν* enim non necesse est: sed tamen idem (nec hoc *εἰς αὐτοῦ δόξαν*, ) facile cedo tuorum scriptorum subtilitatis, & elegantiae. Consilium tuum, quo te usum scribis, hoc Achaicum negotium non recusauisse, cum semper probauissem, tum multò magis probaui lectis tui proximis litteris: omnes enim causae, quas commemoras, iustissime sunt, tuaeque, & auctoritate, & prudentia dignissimae. Quod aliter cecidisse rem existimas, atque opinatus sis, id tibi nullo modo assentior, sed quia tanta perturbatio, & confusio est rerum, ita perculsa, & prostrata foedissimo bello iacent omnia; ut is cuique locus, ubi ipse sit, miserrimus esse videatur: propterea, & tui consilij peniter, & nos qui domi sumus, tibi beati videmur, at contra nobis, non tu quidem vacuus molestijs, sed prae nobis beatus. Atque hoc ipso melior est, tua quam nostra conditio; quòd tu quid doleas, scribere audes: nos ne id quidem tunc possumus; nec id victoris vitio, quo nihil moderatius, sed ipsius victoriae, quae civilibus bellis semper est insolens. Vno te vicimus, quòd de Marcelli, collegae tui, salute; paulo antequam tu, cognouimus: etiam mehercule, quòd quemadmodum ea res ageretur, vidimus. Nā sic fac existimes, post has misérias, id est postquam armis, disciprari ceptum est de iure publico, nihil esse actum aliud cum dignitate. Nam, & ipse Cæsar, accusata acerbitate Marcelli (sic enim appellabat) laudataque honorificentissime, & æquitate tua, & prudentia, repente præter spem dixit, se Senatui

natui roganti de Marcello, ne hominis quidem causa negaturum. Fecerat autem hoc Senatus, ut cum à L. Pisone mentio esset facta de Marcello, & cum C. Marcellus se ad Cæsaris pedes abiecisset, cunctus consurgeret, & ad Cæsarem supplex accederet, noli quaerere, ita mihi pulcher hic dies visus est; ut speciem aliquam viderem videre quasi reuiuiscantis Reip. Itaque cum omnes ante me rogati gratias Cæsari egissent; præter Volcatium (is enim, si eo loco esset negauit se facturum fuisse,) ego rogatus mutavi metum consilium, nam statueram, non me hercule inertia, sed desiderio pristinae dignitatis, in perpetuum tacere fregit hoc meum consilium, & Cæsaris magnitudo animi, & Separatus officium, itaque pluribus verbis egi Cæsari gratias; meque me tuo ne etiam in cæteris rebus honesto otio priuarim: quod erat vnum solatium in malis. Sed tamen, quoniam effugi eius offensionem, qui fortasse arbitraretur, me hanc Rem, non putare, si perpetuo tacerem; modicè hoc faciam, aut etiam intra modum: ut illius voluntati, & meis studiis seruiam. Nam etsi à prima ætate me omnis ars, & doctrina liberalis, & maximè Philosophia delectauit; tamen hoc studium quotidie ingravescit credo, & ætatis maturitate ad prudentiam, & his temporum virijs; ut nulla res alia leuare animum molestijs possit, à quo studio te abduci negotijs; intelligo ex tuis litteris, sed tamen aliquid iam noctes te adiunabunt. Seruius tuus, vel potius noster summa me obseruantia colit: cuius ego cum omni probitate, summaque virtute, tum studijs, doctrinaque delectoris mecum saepe de tua mansione, aut decessione communicat adhuc in hac sum sententia, nihil ut faciamus, nisi quod maximè Cæsar velle videatur. Res sunt eiusmodi, ut, si Romæ sis, nihil te præter tuos delectare possit de reliquis nihil melius ipso est: cæteri, & cætera eiusmodi, ut, si alterutrum necesse sit, audire ea malis, quam videre. Hoc nostrum consilium nobis minimè iucundum est, qui te videre cupimus, sed consulimus tibi. Vale.

## ARGUMENTVM.

*Cum Caesar bellum gereret in Hispania contra Pompeij liberos, periit Tullia ex parte, Ciceronis filia, iam à Dolabella dimissa. Consolatur Ciceronem Sulpicius, argumentis ad tollendum dolorem undecunque collectis. De Sulpicio sic Quint. lib. II. Ser. Sulpicius, insignem non immerito famam tribus orationibus meruit.*

## SULPICIVS S. D. CICERONI.

5

**P**ostea quam mihi renunciatum est de obitu Tulliae filiae sanè quam pro eo, ac debui, grauitèr, molestèque tuli; communemque eam calamitatem existimaui: qui si istuc affuissem, neque tibi defuissem, coramque meum dolorem tibi declarassem. Etsi genus hoc cōsolationis miserū, atque acerbum est; propterea quia per quos id fieri debet, propinquos, ac familiares, ipsi pari molestia afficiuntur, neque sine lacrymis multis id conari queunt, ut magis ipsi videantur aliorum consolatione indigere, quàm alijs posse suum officium præstare; tamen, quæ in præsentia mihi in mentem venerunt, decreui breui ad te perscribere: non quòd ea te fugere existimem; sed, quòd forsitan dolore impeditus, minùs ea perspicias. Quid est quod tantoperè te commoueat tuus dolor intestinus? cogita, quemadmodum adhuc fortuna nobiscum egerit; ea nobis erepta esse, quæ hominibus non minus, quàm liberi, cara esse debent, patriam, honestatem, dignitatem, honores omnes, hoc vno incommodo addito, quid ad dolorem adiungi potuit? aut qui non illis rebus exercitatus animus calere iam debet, atque omnia moris æstimare? An illius vicem, credo, doles? Quoties in eam cogitationem necesse est, & tu veneris; & nos sæpè incidimus, hisce temporibus non pessimè cum ijs esse actum, quibus sine dolore licitum est mortem cum vita commutare; Quid autem fuit, quod illam hoc tempore ad viuendum magnoperè inuitare posset? quæ res? quæ spes, quod animi solarium? Ut, cum aliquo adolescente primario coniuncta, ætatem ageret? licitum est tibi, credo, pro tua dignitate ex  
hac

hac iuuentute generum deligere, cuius fidei liberos tuos te  
tutò committere putares. An ut ea liberos ex sese pareret,  
quos cum florentes videret, lætaretur? qui rem à parente  
traditam per se tenere possent; honores ordinatim petitu-  
ri essent in Rep. in amicorum negotij liberalitate sua ute-  
rentur? quid horum fuit, quod non prius, quam datum,  
adeptum sit? At verò malum est liberos amittere: malum  
nisi hoc peius sit, hæc sufferre, & perpeti. Quæ res mihi  
non mediocrem consolationem attulit, volo tibi commemo-  
rare; si forte eadem res tibi minuere dolorem possit.  
Ex Asia rediens, cum ab Ægina Megaram versus naviga-  
rem, cæpi regiones circumcirca prospicere. Post me erat  
Ægina, ante Megara; dextra Piræus, sinistra Cotinus;  
quæ oppida quodam tempore florentissima fuerunt; nunc  
prostrata, & diruta ante oculos iacent: Cæpi egomet me-  
cum sic cogitare; Hen, nos homunculi indignamus, si quis  
nostrum interiit, aut occisus est, quorum vita breuior esse  
debet; cum vno loco tot oppidorum cadavera proiecta ia-  
ceant. Vis ne tu te, Serni, cohibere; & meminisse hominem  
te esse natum? Crede mihi, cogitatione ea non mediocriter  
sum confirmatus, hoc idem, si tibi videretur, fac ante oculos  
tibi proponas: Modò, vno tempore tot viri clarissimi inte-  
rierunt? de imperio præterea tanta diminutio facta est;  
omnes Provinciæ conquassatæ sunt: in vnius mulierculæ  
animula si iactura facta sit, tantopere commoueris? quæ si  
hoc tempore non suum diem obiisset, paucis post annis ta-  
men ei moriendum fuit, quoniam homo nata fuerat. Etiam  
tu ab hisce rebus animum, ac cogitationem tuam auoca,  
atque ea potius reminiscere; quæ digna tua persona sunt;  
illam quamvis ei opus fuerat, vixisse; vna cum Rep. fuisse  
te, patrè suum Prætozem, Consulè, Augurem vidisse;  
adolescentibus primarijs nuptam fuisse; omnibus bonis  
prope perfunctam esse, cum Resp. occideret, vita ex-  
cessisse: quid est, quod tu, aut illa, cum fortuna hoc nomi-  
ne quæri possitis? Denique post te obliuisci, Ciceronem  
esse, & eum, qui alijs consueueris præcipere, & dare con-  
siliū: neque imitari malos medicos; qui in alienis morbis

proficentur se tenere medicinæ scientiam, ipsi se curare non possunt; sed potius, quæ alijs turè præcipere soles, ea turè tibi subijce, atque apud animum propone. *NPLLV* *S* dolor est, quem non longinquitas temporis minuat, atque molliat; hoc te expectare tempus, ibi turpe est, ac non ei rei sapientia tua te occurrere. Quod si quis etiam inferis sensus est; qui illius amor in te fuit; pietasque in omnes suos, ac certè illa se facere non vult; da hoc illi mortuæ; da cæteris amicis, & familiaribus, qui tuo dolore merent; da patriæ; vbi si qua in re opus sit, opera, & consilio tuo vti possit. Denique quoniam in eam fortunam deuenimus, vt etiam huic rei nobis seruendum sit; noli committere, vt quisquam te putet non tam filiam, quam Reip. tempora, & aliorum vtilitatem lugere. Plura me ad te, de hac re scribere pudet, ne videar prudentiæ tuæ diffidere, quare, si hoc vnum proposueris, finem faciam scribendi. Vidimus aliquoties secundam pulcherrimè te ferre fortunam, magnamque ex ea re te laudem adipisci; fac aliquando intelligamus, aduersam quoque te æquè ferre posse; neque id maius, quam debeat, tibi onus videri, ne ex omnibus virtutibus hæc vna tibi videatur deesse. Quod ad me attinet, eum te tranquillior esse animo cognouero, de his rebus, quæ hic geruntur, quemadmodumque se Prouincia habeat, certiorum faciam. Vale.

### ARGVMENTVM.

*Ad Seruij consolationem respondet: suum dolorem, lætis illius litteris, aliqua ex parte lenitum; sed dolendi causas, apud se, & plures, & grauiores esse, quam apud quemuis alium in simili calamitate.*

### CICERO S. D. SVLPICIO. 6.

**E**Go vero, Serui vellem, vt scribis in meo grauissimo casu affuisse, quantum enim preces me adiuuare poteris, consolando, & propè æque dolendo, facile ex eo intelligo; quod litteris tuis lætis, aliquantulum acquieui; nam & ea scripsisti, quæ leuare luctum posset; & in me consolando non mediocrem ipse animi dolorem adhibuisti. Seruius tantum tuus, omnibus officijs, quæ illi tempori tribui poterunt,

runt, declaravit, & quanti ipse me faceret, & quam suum talem erga me animum tibi gratum puteret fore: cuius officia iucundiora scilicet sæpe mihi fuerunt; numquā tamen gratiora. Me autem non oratio ipsa solum, & societas pendæ ægritudinis, sed etiam auctoritas consolatur; turpe enim esse existimo, me non ita ferre casum meū, ut tu, tali sapientia præditus, ferendum putas. Sed opprimor interdum, & vix resisto dolori; quod ea me solatum deficiunt, quæ cæteris, quorum mihi exempla propono simili infortunia non defuerunt. Nam & Q. Maximus, qui filium Consularem, clarum virum, & magnis rebus gestis, amisit; & L. Paulus, qui duos septem diebus, & vester Gallus, & M. Cato, qui summo ingenio, summa virtute filium perdidit, ijs temporibus fuerunt, ut eos tum ipsorum dignitas consolaretur, tum ea, quam ex Rep. consequerentur. Mihi autem, amissis ornamentis ijs, quæ ipse commemoras, quæq; eram maximis laboribus adeptus, vnum manebat illud solatium, quod expectum est, non amicorum negotij, non Reip. procuratio: impediebantur cogitationes meæ; nihil in Foro agere libebat, adspicere Curiam non poteram; existimabam id, quod erat; omnes me, & industriæ meæ fructus, & fortunæ perdidisse. Sed, cum cogitarem, hæc mihi tecum, & cum quibusdam esse communia; & cum frangerem iam ipse me, cogeremq; illa ferre tolleranter; habebam quod confugerem, ubi conquirerem, cuius in sermone, & suauitate omnes curas, doloresq; deponerem; nunc autem hoc tam graui vulnere etiam illa, quæ consensisse videbantur, recrudescunt. Non enim, ut tū me à Republ. mœstum domus excipiebat, quæ leuaret; sic nunc, domo mœrens, ad Rempub. confugere possum, ut in eius bonis acquiescam; itaque, & domo absum, & Foro; quod nec cum dolorem, quem à Rep. capio, domus iam consolari potest; nec domesticum Respublica: quo magis te expecto, teque videre quam primum cupio. Maior mihi leuatio asserri nulla potest, quam coniunctio consuetudinis, sermonumque nostrorum quanquam sperabam tuum aduentum (sic enim audiebam) appropinquare. Ego autem cum multis de causis te exopto quamprimum.

videre, tum etiam, ut ante commentemur inter nos, quæ ratione nobis traducendum sit hoc tempus, quod est totum ad unius voluntatem accommodandum, & prudentis, & liberatis, &, ut perspexisse mihi videor, nec à me alieni, & tibi amicissimi. Quod cum ita sit, magnæ tamen est liberationis, quæ ratio sit ineunda nobis, non agendi aliquid, sed illius concessu, & beneficio quiescendi. Vale.

### ARGUMENTVM.

*Suadet, ut exulandi consilium abiciat, & in patriam suam redeat: id Casarem facile concessurum: id optare ipsius fratrem, ad ipsam Romæ pub. id ad rationem etiam rei familiaris pertinere.*

CICERO S. D. MARCELLO.

7

**E**ti eo te adhuc consilio usum intelligo, ut id reprehendere non audeam: non quin ab eo ipse dissentiam: sed quod ea te sapientia esse iudicem, ut meum consilium non anteponam tuo: tamen & amicitia nostræ vetustas, & tua summa erga me benevolentia, quæ mihi iam à pueritia tua obgnita est me hortata est: ut ea scriberem ad te, quæ & saluti tuæ conducere arbitrarer, & non aliena esse ducerem à dignitate. Ego cum te esse, qui horum malorum initia multo ante videris. Consolaturni magnificentiissimè, atq; optime gesseris, præclare memini: sed idem etiam illa vidi, neq; te consilium civilis belli ita gerendi, neq; copias Cn. Pompeij, nec genus exercitus probare, semperq; summè diffidere: quæ in sententia me quoq; fuisse, memoria tenere te arbitror. Itaq; neque tu multum interfuisti rebus gerendis; & ego id semper egi, ne interessem. Non enim ijs rebus pugnabamus, quibus valere poteramus, consilio, auctoritate, causa, quæ erant in nobis superiora, sed lacertis, & vitibus, quibus pares non eramus. Victi sumus igitur, aut, si vinci dignitas non potest fracti certe, & abiecti: in quo tuum consilium nemo potest non maximè laudare, quod cum spe vincendi simul abiiecisti certandi etiam cupiditatem: ostendistiq; sapientem, & bonum ciuem initia belli civilis inuitum suscipere, extrema libenter non persequi. Qui non idem con-

siliurn,



filium, quod tu secuti sunt, eos video in duo genera esse distractos : aut enim renouare bellum conati sunt; hique se in Africam contulerunt, aut quemadmodum nos, victori sese crediderunt. Medium quoddam tuum consilium fuit, qui hoc fortasse humilis animi ducere, illud pertinacis. Fateor, à plerisque, vel dicam ab omnibus, sapiens tuum consilium, à multis etiam magni, ac fortis animi iudicatum se habet ista ratio, ut mihi quidem videtur, quendam modum; præferim, cum tibi nihil deesse arbitrer ad tuas fortunas omnes obtinendas, præter voluntatem. Sic enim intellexi, nihil aliud esse, quod dubitationem afferret ei, penes quem est potestas, nisi quod vereretur, ne tu illud beneficium omnino non putares : de quo quid sentiam, nihil attinet dicere, cum appareat, ipse quid fecerim. Sed tamen, si iam ita constituisses, ut abesse perpetuo mallet, quam ea, quæ nolles, videre: tamen id cogitare deberes, ubicunque esses, te fore in eius ipsius, quem fugeres potestate, qui si facile passurus esset, te carentem patria, fortunis tuis quiete, & liberè viuere, cogitandum tibi tamen esset, Romæne, & domi tuæ, cuiusmodi res esset, an Mitylenis, aut Rhodi mallet viuere. Sed, cum ita late pateat eius potestas, quem veremur, ut terrarum orbem complexa sit; nonne maius sine periculo tuæ domi esse, quam cum periculo alienæ: Equidem, etiam si oppetenda mors esset, domi, atq; in patria mallet, quam in externis, atq; alienis locis. Hoc idem omnes qui te diligunt, sentiunt; quorum est magna pro tuis maximis, clarissimisque virtutibus multitudo. Habemus etiam rationem rei familiaris tuæ, quam dissipari nolumus: nam etsi nullam potest accipere iniuriam, quæ futura perpetua sit; propterea quod neq; is, qui tenet Remp. pateretur, neque ipsa Rēsp. tamen impetum prædonum in tuas fortunas fieri nolo, ij autem qui essent auderem scribere, nisi te intelligere considerem. Hic te vnus sollicitudines, vnus etiam, multæ, & assiduæ lacrymæ C. Marcelli fratris optimi, deprecantur nos cura, & dolore proximi sumus precibus tardiores: quod ius adeundi, cum ipsi deprecatore eguerimus, non habemus: gratia tantum possumus, quantum victi: sed tamen consilio,

flu-

Audire Marcello non desumus: à tuis reliquis non adhibemur: ad omnia parati sumus. Vale.

### ARGUMENTVM.

*Et hac epistola eo spectat, ut Marcello reditus in patriam persuadeatur.*

### CIC. S. D. MARCELLO.

8

**N**Eque monere te audeo, prestanti prudentia virum; nec confirmare, maximi animi hominem, virumque; fortissimum, consolari verò nullo modo. Nam si ea, quæ acciderunt, ita fert, ut audio; gratulari magis, virtuti debeo, quam consolari dolorem tuum: sin te tanta mala Reip. frangunt; non ita abundo ingenio, ut te consolet, cum ipse me non possim. Reliquum est igitur, ut tibi me in omni te cum præbeam, præstemque, ut ad omnia, quæ tui velint, ita ad sim præsto; ut me non solum omnia debere tua causa, quæ possum; sed ea quoque, quæ non possum putent. Illud tamen vel tu me monuisse, vel censuisse puta, vel propter benevolentiam tacere non potuisse; ut quod ego facio, tu quoque animum inducas: si sit aliqua Resp. in ea te esse oportere, iudicio omnium, teque principem, necessitate cedentem, temporis: sin autem nulla sit, hunc tamen aptissimum esse, etiam ad exulandum locum. Si enim libertatem sequimur: qui locus hoc dominatu vacat? si qualemcumque locum; quis est domestica sede iucundior? Sed, mihi crede, etiam is, qui omnia tenet, fauet ingenijs nobilitatem verò, & dignitatem hominum, quantum ei res, & ipsius causa concedit, amplectitur. Sed plura, quam statueram. Redeo ergo ad vnum illud me tuum fore cum tuis, si modò erunt tui: sin minus, me certè in omnibus rebus satis nostræ coniunctioni, amorique facturum. Vale.

### ARGUMENTVM.

*Reditum in patriam suadet, ut supra. Argumenta ex imitanda arte depromit ad persuadendum firmissima.*

CIC.

**E** T si per paucis antè diebus dederam Q. Mucio litteras ad te pluribus verbis scriptas, quibus declaraueram, quod te animo censebam esse oportere, & quid tibi faciendum arbitrarer; tamen, cum Theophilus, libertus tuus, proficisceretur, cuius ego fidem erga te, beneuolentiamq; perspexeram; sine meis litteris eum ad te venire nolui. Iisdem igitur de rebus etiam atq; etiam hortor; quibus superioribus litteris hortatus sum; ut in ea Rep. quæcumque est; quamprimum velis esse. Multa videbis fortasse, quæ nolis; non plura tamen, quam audis quotidie. Nō est porro tuum, vno sensu solum oculorum moueri; cum illud idem auribus percipias, quod etiam maius videri solet, minus laborare. At tibi ipsi dicendum erit aliquid, quod non sentias; aut faciendum quod non probes. Primum. *TEMPORI sedere, iacē necessitati parere, semper sapientis est habitum.* Deinde non habet, ut nunc quidem est, id viri res. Dicere fortasse, quæ sentias, non licet; facere planè licet, omnia enim delata ad vnum sunt. Is vtrū consilio ne suorum quidem, sed suo; quod non multò secus fieret, si is Remp. teneret, quem secuti sumus. An qui in bello, cum omnium nostrum coniunctum esse periculum suo cerneret, certorum hominum minimè prudentium consilio vteretur; eum magis communem censemus in victoria futurum fuisse, quàm incertis in rebus fuisse? & qui nec, te Consule, tuum sapientissimum consilium secutus esset; nec fratre tuo Consularum ex auctoritate tua gerente, vobis auctoribus vti voluerit; nunc omnia tenentem, nostras sententias desideraturum censes fuisse? *OMNIA sunt misera in bellis civilibus;* quæ maiores nostri ne semel quidem; nostra ætas sepe iam sensit: sed *MISERIVS nihil, quam ipsa victoria;* quæ etiam si ad meliores venit, tamen eos ipsos ferociōres, impotentiōresque reddit; vix etiam si natura tales non sint, necessitate esse cogantur, multa enim victori eorum arbitrio, per quos vicir, etiam inuito, faciendū sunt. An tu non videbas necum simul, quàm illa crudelis esset futura victoria; igitur tūc quoque

que patria careres ne quæ nolles, videres? non inquires: ego enim ipse tenerem opes, & dignitatem meam: at erat tuæ virtutis, in minimis res tuas ponere: de Rep. vehementius laborare. Deinde, qui finis istius consilij est? nam adhuc, & factum tuum probatur, & ut, in tali re, etiam fortuna laudatur: factum, quod & initium belli necessario secutus sis, & extrema sapienter persequi nolu-eris: fortuna, quod honesto otio tenueris, & statum, & famam dignitatis tuæ. Nunc verò nec locus tibi ullus dulcior esse debet patria; nec eam diligere minùs debes; quod deformior est, sed misereri potius; nec eam multis claris viris orbatam, priuare etiam, aspectu tuo. Deniq; si fuit magni animi, non esse supplicem victori; vide ne superbi sit, aspernari eiusdem liberalitatem; & si sapientis est, carere patria; duri non desiderare; & si re publica non possis frui, stultum est nolle priuata. Caput illud est, ut, si ista vita tibi commodior esse videatur; cogitandum tamen sit, ne turior non sit; magna gladio-rum est licentia, sed in externis locis minor etiam ad facinus verecundia. Mihi salus tua tantæ curæ est, ut Marcello fratri tuo, aut par, aut certè proximus sim, tuum est consulere temporibus, & incolumitati, & vitæ, & fortunis tuis. Vale.

*A R G V M E N T V M.*  
*Hortatur, ut reditum maturer: iam enim de reditu persua-*  
*serat.*

CICERO S. D. MARCELLO. 10

**E**T si nihil noui, quod ad te scriberem, habebam, magis-  
 que litteras tuas iam expectare incipiebam, vel te po-  
 tius ipsum; tamen cum Theophilus proficisceretur, non po-  
 tui nihil ei litterarum dare. Cura igitur, ut quamprimum  
 venias: venies enim, mihi crede, expectatus, neq; solum no-  
 bis, id est tuis, sed prorsus omnibus. Venit enim mihi in mē-  
 tem, subuereri interdū, ne te delectet tarda decessio. Quod  
 si nullum haberes sensum, nisi oculorum, prorsus tibi igno-  
 scerem, si quosdam nolles videre; sed cum leuiora non mul-  
 to essent, quæ audirentur, quàm quæ viderentur, suspicarer au-  
 tē nullum interesse rei familiaris tuæ; te quamprimū veni-  
 re, idq; in omnes partes valere, putavi ea de te te esse admo-  
 nendum.

nendum. Sed quoniam, quod mihi placeret, ostendi, reliqua tu pro tua prudentia considerabis. Me tamen velim, quod ad tempus te expectemus, certiolem facias. Vale.

## ARGVMENTVM.

*Significat, se in patriam rediturum, commotum consilio & auctoritate Ciceronis.*

## MARCELLVS S. D. CIC.

11

**P**urimum valuisse apud me tuam semper auctoritatem, cum in omni re, tum in hoc maxime negotio, potes existimare. Cum mihi C. Marcellus frater, amantissimus mei, non solum consilium daret, sed precibus quoque me obsecraret; non prius mihi persuadere potuit, quam tuis est effectum litteris, ut vterer vestro potissimum consilio. Res quemadmodum sit acta, vestra littere mihi declarant. Gratulatio tua etsi est mihi probatissima; quod ab optimo sit animo; tamen hoc mihi multo iucundius est, & gratius, quod in summa paucitate amicorum, propinquorum, ac necessariorum, qui verè meae saluti fauerent, te cupidissimum mei, singularemque mihi beneuolentiam praestitisse cognoui. Reliqua sunt eiusmodi, quibus ego, quoniam haec erant tempora, facile, & aequo animo carebam; hoc verò eiusmodi esse statuo, ut sine talium virorum, & amicorum beneuolentia, neque in aduersa, neque in secunda fortuna quisquam viuere possit. Itaque in hoc ego mihi gratulor. Tu verò ut intelligas, homini amicissimo te tribuisse officium, re tibi praestabo. Vale.

## ARGVMENTVM.

*Marcellum a Magio interfectum, suaque erga mortuum officia significat.*

## SERVIVS S. D. CIC.

12

**E**tsi scio non iucundissimum me nuncium vobis allaturum, tamen, quoniam *CASVS*, & *natura in bonis dominatur*, visum est faciendum, quoquo modo res se haberet, vos certiores, ut facerem. Ad 10. Kal. Iun. cum ab Epi. dauro Piræum naui aduectus essem, ibi Marcellum, Collegam

legam nostrum, conueni; eumque diem ibi consumpsi, ut  
 cum eo essem. Postero die, cum ab eo digressus essem, eo con-  
 filio, ut ab Athenis in Boeotiam, item, relinquamque iurisdic-  
 tionem absoluerem; ille, uti aiebat, supra Maleas in Italiam  
 versus nauigaturus erat. Postridie eius dici, cum ab Athenis  
 proficisci in animo haberem; circiter horam decimam no-  
 ctis, Posthumius, familiaris eius, ad me venit; & mihi nūcia-  
 uir. M. Marcellum, Collegam nostrum, post cenæ tempus  
 à P. Magio Chilone, familiari eius, pugione percussum esse;  
 & duo vulnera accepisse, vnum in stomacho, alterum in ca-  
 pite, secundum aurem: sperare tamen, eum vivere posse;  
 Magium se ipsum interfecisse; postea se à Marcello ad me  
 missum esse, qui hæc nunciaret, & rogaret, uti cogerem me-  
 dicos, coegi; & è vestigio eò sum profectus prima luce.  
 Cum non longe à Piræo abessem; puer Acidini mihi ob-  
 uiam venit cuius codicillis, in quibus erat scriptum, paulo an-  
 te lucem Marcellum diem suum obijisse; ita vir clarissimus  
 ab homine terribilissimo acerbissima morte est affectus, & cui  
 inimici propter dignitatem pepercerant, inuentus est ami-  
 cus, qui ei mortem afferret. Ego tamen ad tabernaculum  
 eius petrexi: inueni duos libertos, & pauculos setuos: reli-  
 quos aiebant profugisse, metu petteritos, quod dominus  
 eorum ante tabernaculum interfectus esset. Coactus sum  
 in eadem illa lectica, qua ipse delatus eram, meisque lecti-  
 carijs in urbem eum referre: ibique pro ea copia, quæ Athe-  
 nis erat, funus ei satis amplum faciendum curavi. Ab Athe-  
 niensibus locum sepulturæ intra urbem ut darent, impetra-  
 re non potui, quod religione se impediri dicerent: neque ta-  
 men id antea cuique concesserant. Quod proximum fuit,  
 ut in quo vellemus gymnasio eum sepeliremus nobis per-  
 mitterent. Nos in nobilissimo orbis terrarum gymnasio  
 Academiæ locum delegimus; ibique eum combussimus;  
 posteaque curauimus, ut iidem Athenienses in eodem lo-  
 cum monimentum ei marmoreum faciendum locarent.  
 Ita, quæ nostra officia fuerunt, pro collegio, & propinquitate  
 & viuo, & mortuo omnia ei præstitimus. Vale. Datæ  
 Pridiæ Kal. Iun. Athenis.

*Exulantem Nigidium spe redditus consolans, suam illi operam, suamq; officium pollicetur, præterea rem omnem familiarem. In extremo hortatur, ut bono animo, fortisque sit in utramque partem.*

## CIC. S. D. NIGIDIO FIGVLO. 13

**Q** Værenti mihi iam diu, quid ad te potissimum scriberem, non modo certa res vlla, sed me genus, quidem litterarum vsitatum veniebat in mentem. Vnam enim partem, & consuetudinem earum epistolarum, quibus secundis rebus uti solebamus, repus etipuerat: per feceratq; fortuna, ne quid tale scribere possê, aut omnino cogitare. Relinquebatur triste quoddam, & miserum, & his temporibus consentaneum genus litterarum, id quoq; deficiebat me: in quo debebat esse, aut promissio auxilij alicuius, aut consolatio doloris tui. Quod polliceretur non erat: ipse enim, pari fortuna abiectus, aliorum opibus casus meos sustentabam: sæpiusq; mihi veniebat in mentem, quæri, quod ita viverem, quam gaudere, quod viverem. Quanquam enim nulla me ipsum priuatim percussit insignis iniuria; nec mihi quidquam tali tempore in mentem venit optare, quod non vltro mihi Cæsar detulerit; tamen nihilominus eis conficior curis; ut hoc ipsum, quod maneam in vita, peccare me existimem: Careo enim cum familiarissimis multis, quos aut mors eripuit nobis, aut distraxit fuga; tum omnibus amicis, quorum benevolentiam nobis conciliaret per me quodam, te socio, defensa Resp. versorque in eorum naufragijs; & bonorum direptionibus, nec audio solum, quod ipsum esset miserum; sed etiam id ipsum video: quo nihil est acerbius, eorum fortunas dissipari, quibus nos olim adiutoribus illud incendium extinximus: & in qua Vrbe modo gratia, auctoritate, & gloria floruimus, in ea nunc ijs quidē omnibus caremus. Obtinemus ipsius Cæsaris summam erga nos humanitatem: sed ea plus non potest, quam vis, & mutatio omnium rerum, atq; temporum. Itaq; orbus ijs rebus omnibus, quibus & natura me, & voluntas, & consuetudo assuefecerat; cum cæteris, ut quidem video, tum mihi ipsum

ipse displiceo. Natus enim ad agendum semper aliquid dignum viro, nunc non modò agendi rationem nullam habeo, sed ne cogitandi quidem: & qui antea aut obscuris hominibus, aut etiam fontibus opitulari poteram; nunc P. Nigidio, vni omnium doctissimo, & sanctissimo, & maxima quondam gratia, & mihi certè amicissimo ne benigne quidem polliceri possum. Ergo hoc ereptum est literarum genus. Reliquum est, vt consolet, & afferam rationes, quibus tē à molestiis coner abducere. At ea quidem facultas, vel tui, vel alterius consolandi, in te summa est, si vnquam in villo fuit. Itaq; eam partem, quæ ab exquisita quadam ratione, & doctrina proficiscitur, non attingam: tibi totam relinquam. Quid sit forti, & sapienti homine dignum, quid grauitas, quid altitudo animi, quid acta tua vita, quid studia, quid artes, quibus à pueritia floruisti, à te flagitent, tu videbis: ego quod intelligere, & sentire, quia sum Romæ, & quia curo attendoq; possum; id tibi affirmo, te in istis molestiis, in quibus es hoc tempore, non diutius futurum: in ijs autem, in quibus etiam nos sumus, fortasse semper fore. Videor mihi perspicere, primum ipsius animum, qui plurimum potest, propensum ad salutem tuam, non scribo hoc temerè: quò minus familiaris sum, hoc sum ad inuestigandum curiosior, quò facilius quibus est iratior, respondere tristius possit, hoc est adhuc tradior ad te molestia liberandum: familiares verò eius, & ij quidem, qui illi iucundissimi sunt mirabiliter de te, & loquuntur, & sentiunt. Accedit eodem vulgi voluntas, vel potius consensus omnium. Etiam illa, quæ minimum nunc quidem potest, sed possit necesse est, Resp. quascunq; vires habebit, ab ijs ipsis, quibus tenetur, de te prope diem, mihi crede, impetrabit. Redeo igitur ad id, vt iam tibi etiam pollicear aliquid, quòd primo omiseram, nam & complectar eius familiarissimos, qui me admodum diligunt, multumq; mecum sunt; & in ipsius consuetudinem, quam adhuc meus pudor mihi clausit insinuabo; & certè omnes vias persequar, quibus putabo ad id, quod volumus, peruenire posse, in hoc toto genere plura faciam, quam scribere audeo. Cætera, quæ tibi à multis prompta esse certò est, à me sunt



sunt paratissima; nihil in re familiari mea est, quod ego meum malim esse, quam tuum hac de re, & de hoc genere toto hoc scribo parcius, quod te id, quod ipse confido, sperare malo, esse vsurum tuis. Extremum illud est, ut te horrer, & obsecrem, animo ut maximo sis: nec ea solum memineris, quæ ab alijs magnis viris accepisti; sed illa etiam, quæ ipse ingenio studioq; peperisti. Quæ si colliges, & sperabis omnia optimè, & quæ accident, qualiacunque erunt, sapienter feres. Sed hæc tu melius vel optimè omnium. Ego, quæ pertinere ad te intelligam studiosissimè omnia diligentissimèq; curabo; tuorumq; tristissimo meo tempore meritorum erga me memoriam conseruabo. Vale.

A R G V M. E N T V M.

*Respondet ad duplicem Plancij gratulationem de recuperata Ciceronis dignitate, de nouis eiusdem nuptijs cum Publia, diuortio iam facto cum Terentia.*

CICERO S. D. CN. PLANCIO.

14

**B**Inas à te accepi litteras, Corcyræ datas, quorum alteris mihi gratulabare, quod audisses meam me pristinam dignitatem obtinere, alteris dicebas, te velle, quæ egissem, bene, ac feliciter euenire. Ego autem, si dignitas est bene de Rep. sentire, & bonis viris probare, quod sentias; obtineo dignitatem meam; si autem in eo dignitas est, quod sentias, aut te efficere si possis, aut denique libera oratione defendere; ne vestigium quidem vllum est reliquum nobis dignitatis; agiturque præclarè si nosmetiplos regere possumus; ut ea, quæ partim iam adsunt, partim impendent, moderatè feramus; quod est difficile in eiusmodi bello, cuius exitus ex altera parte cedem ostentat, ex altera sequitatem. Quo in periculo non nihil me consolatur, cum recorder, hæc me tum vidisse, cum secundas etiam res nostras, non modò aduersas, pertimescebam; videbamque quanto periculo de iure publico disceptaretur armis quibus si ij vicissèt, ad quos ego, pacis spe, non belli cupiditate adductus, accesseram; intelligebam tamen, & iratorum hominum, & cupidorum, & insolentium, quā crudelis esset futura victoria: Sin autem victi essent, quantus interitus esset futurus ciuium partim amplissimorum, partim etiam optimorum: qui me hæc prædicentem, atque optimè consulentem salutis suæ, malebant minimum timidum,

I

quàm

quàm satis prudentem, existimari. Quòd autem mihi de eo, quod egerim gratularis, te ita velle, certo scio; sed ego tã misere tempore nihil noui consilij cepissem, nisi in reditu meo nihil meliores res domesticas, quàm Remp. offendissem. Quibus enim pro meis immortalibus beneficijs carissima mea salus, & meæ fortunæ esse debebant; cum propter eorum scelus nihil mihi intra meos parietes tutum, nihil insidijs vacuum viderem nouarum; me necessitudinum fidelitate contra veterum perfidiam muniendum putavi. Sed de nostris rebus satis, vel etiam nimium multa. De tuis, velim, ut eo sis animo quo debes esse: id est, ut ne quid tibi præcipue timendum putes. Si enim status erit aliquis ciuitaris quicumque erit, te omnium periculorum video expertem fore: nam alteros tibi iam placatos esse intelligo, alteros nunquam iratos fuisse. De mea autem in te voluntate sic velim iudices; me, quibuscunque rebus opus esse intelligam, quanquam videam, quis sin hoc tempore, & quid possim, opera tamen, & consilio, studio quidem certè rei, famæ, salutis tuæ præsto futurum. Tu velim, & quid agas, & quid acturum te putes, facias me quam diligentissimè certiore. Vale.

### ARGVMENTVM.

*Hortatur, ut communem fortunam fortiter ferat.*

CICERO S. D. PLANCIO.

15

**A** Ccepi per breues tuas litteras: quibus id, quod scite cupiebam, cognoscere non potui; cognoui autem id, quod mihi dubium non fuit. Nam quam fortiter ferres communes miseria, non intellexi; quàm me amares, facilè perspexi. Sed hoc scieram; illud si scissem, ad id meas litteras accommodassem. Sed tamen etsi antea scripsi, quæ existimaui scribi oportere; tamen hoc tempore breuiter commonendum putavi, ne quo in periculo te propria existimares esse: in magno omnes, sed tamen in communi sumus; quare non debes, aut propriam fortunam, & præcipuam postulare, aut communem recusare, quapropter eo animo simus inter nos, quo semper fuimus: quod de te sperare, de me præstare possum. Vale.

M. TVL-

M. TVLLII  
CICERONIS  
EPISTOLARVM

Ad Metellum, & alios.

LIBER QVINTVS.

ARGVMENTVM.

*Quaritur Metellus Celer, qui Galliam Proconsul regebat, Metellum Nepotem fratrem suum, à Cicerone oppugnatum. Videtur esse paulò arrogantiore epistola.*

Q. METELLVS Q. F. CELER PROCOS. S. D.  
M. T. CICERONI.

1

**S**I Vales bene est. Existimaram, pro mutuo inter nos animo, & pro reconciliata gratia neq; me absentem ludibrio læsum iri; nec Metellum fratrem ob dictum, capite, ac fortunis per te oppugnatum iri, quem si parum pudor ipsius defendebat; vel familiæ debebat nostræ dignitas, vel meam studium erga vos, Remque pub. satis subleuare. Nunc video illum circumuentum, me desertum à quibus minime conueniebat. Itaque in luctu, & squalore sum, qui Provinciæ, qui exercitui præsum, qui bellum gero: quæ quoniam nec ratione, nec maiorum nostrorum clementia administrastis: non erit mirandum, si vos pœnitebit. Te tam mobili in me, meosq; esse anitro, non sperabam. Me interea nec domesticus dolor, ne cuiusquam iniuriam à Rep. abducat. Vale.

ARGVMENTVM.

*Excusat se Metello Nepote: suæque in ipsum Celerem merita commemorat.*

I 2 C F

dile, facta sortitione, coegerim; quam multa de te verba fecerim: cum tu ipse mihi dixisti, orationem meam non solum in te honorificam, sed etiam in Collegas tuo contumeliosam, fuisse. Iam illud S. C. quod eo die factum est, ea præscriptione est, ut, dum id extrahit, officium meum in te obscurum esse non possit. Postea verò quam profectus es, velim recordare, quæ ego de te in Senatu egerim, quæ in concionibus dixerim, quas ad te litteras miserim. Quæ cum omnia collegeris, tu ipse velim indices, satis ne videatur his omnibus rebus tuus aduentus, cum proximè Romam venisti, mutuo respondisse. Quod scribis de *reconciliata nostra gratia*; non intelligo, cur reconciliatam esse dicas, quæ nunquam inamutata est. Quod scribis, non oportuisse Metellum, fratrem tuum, ob dictum à me oppugnari; primùm hoc velim existimes, animum mihi istum tuum vehementer probari, & fraternam plenam humanitatis, ac pietatis voluntatem. Deinde si quæ ego in re fratri tuo Reipub. causa restiterim; peto ut mihi ignoscas, tam enim sum amicus Reip. quàm qui maximè. Si verò meam salutem contra illius impetum in me crudelissimum defenderim; satis habeas, nihil me etiam tecum de tuis fratris iniuria conqueri. Quem ego cum comperissem omnes sui Tribunatus conatum in meam perniciem parare, atque meditari; egi cum Claudia, vxore tua, & cum vestra sorore Mucia, cuius erga me studium, pro Cn. Pompeij necessitudine, multis in rebus perspexeram, ut eum ab illa iniuria deterrerent. Atque ille, quod te audisse credo. Pridie Kal. Ian. qua iniuria nemo vnquam in aliquo magistratu improbissimus ciuis affectus est, ea me Consulem affecit, cum Rempub. conseruassem; atque abeuntem magistratu concionis habendæ potestate priuauit. Cuius iniuria mihi tamen honori summo fuit, nam eum ille mihi, nihil nisi ut iurarem, permetteret; magna voce iuravi verissimum, pulcherrimumque iusiurandum; quod populus item magna voce, me verè iurasse, iurauit. Hac accepta tam insigni iniuria, tamen illo ipso die misi ad Metellum communes amicos, qui agerent cum eo, ut ab illa mente desisteret. Quibus ille respondit; sibi non esse integrum; etenim paulò ante in concione dixerat; ei, qui in alios animaduertisset

in dicta causa, dicendi ipsi potestatem fieri non oportere. Hominem grauem, & ciuem egregium! qui, qua pœna Senatus, consensu bonorum omnium, eos affecerat, qui Urbem incendere, magistratus, ac Senatum trucidare, bellum maximum constare voluissent, eadem dignum iudicaret eum, qui Curiam cæde. Urbem incendijs. Italiam bello liberaffet. Itaque ego Metello fratri tuo præsentî restiti, nam in Senatu Kal. Ian. sic cum eo de Rep. disputavi, vt sentiret sibi cum viro forti, & constanti esse oppugnandum. Ad III. Non. Ian. cum agere cœpisset, tertio quoque verbo orationis suæ me appellabat, mihi minabatur; neque illi quidquam deliberatius fuit, quam me, quacunque ratione posset, non iudicio, neque disceptatione, sed vi, atque impressione euertere. Huius ego temeritati si virtute, atque animo non restitissem; quis esset, qui me in Consulatu non casu potius existimaret, quam consilio fortem fuisse? Hæc si Metellum cogitare de me nescisti; debes existimare, te maximis de rebus à fratre esse celatum, sin aliquid impertiuît tibi suis consilijs; lenis à te, & facilis existimari debeo, qui nihil tecum de his ipsis rebus, exposulem; etsi intelligis, non me dicto Metelli, vt scribis, sed consilio eius, animoque in me inimicissimo esse commotum. Cognosce nunc humanitatem meam, si humanitas appellanda est in acerbissima iniuria remis. sio animi, ac dissolutio. Nulla est à me vnquam sententia dicta in fratrem tuum, quotiescumque aliquid est actum, sedens ijs assensu, qui mihi lenissimè sentire visi sunt. Addam illud etiam, quid iam ego curare non debui: sed tamen fieri non moleste tuli, atque etiam, vt ita fieret, pro mea parte adiui; vt S. C. meus inimicus, quia tuus frater erat, subleuaretur. Quare non ego oppugnaui fratrem tuum, sed fratri tuo repugnaui; nec in te, vt scribis, animo fui mobili, sed ita stabili, vt in mea erga te voluntate, etiam desertus ab officijs tuis permanerem. Atque hoc ipso tempore tibi, penè minitanti nobis per litteras, hoc rescribo, atque respondeo. Ego dolori tuo non solum ignosco, sed summam etiam laudem tribuo; meus enim me sensus, quanta vis fraterni sit amoris, admonet. A te peto, vt tu quoque æquum te iudicem dolori meo præbeas; si acerbè, si crudelizer, si sine causa sum à tuis oppugnatus, vt statuas mihi non modo

modo non cedendum, sed etiam tuo, atque exercitus tui auxilio in eiusmodi causa utendum fuisse. Ego te mihi semper amicum esse volui: me ut amicissimum esse intelligeres, laboravi: maneo in voluntate, & quoad voles tu permanebo: citiusque amore tui fratrem tuum odisse desinam, quam illius odio quidquam de nostra benevolentia detrahatur. Vale.

## A R G V M E N T V M.

*Quæ sequitur epistola, non dubito, quin Metelli Celeris potius sit, quam Nepotis, & in epistola Nepotem puto significari.*

## Q. MET. NEPOS S. D. CIC.

3

**H**ominis importunissimi contumeliæ, quibus me crebris concionibus onerat, tuis erga me officiis leniuntur; & ut sunt leues huiusmodi homines, à me despiciuntur: libenterque, commutata persona, te mihi fratris loco esse duco de illo ne meminisse quidem volo: tamen si his enim inuitum servaui. De me meisque rebus, ne vobis multitudine litterarum molestior essem, ad Lolium perscripsi: de rationibus etiam provinciæ, quid vellem fieri: ut is vos doceret, & commune faceret: si poteris, velim pristinam tuam erga me voluntatem conserues. Vale.

## A R G V M E N T V M.

*Studium, & auxilium Metelli Nepotis, Consulatum gerentis, exul implorat.*

## CIC. S. D. METELLO NEPOTICOS.

4

**L**itteræ Quincti fratris, & Pomponij, necessarij mei, tantum mihi spei dederant, ut in te non minus auxilij, quam in tuo Collega, mihi constitutum fuerit. Itaque ad te litteras statim misi; per quas, ut fortuna postulabat, & gratias tibi egi, & de reliquo tempore auxilium petij. Postea mihi non tam meorum litteræ, quam sermones eorum, qui hac iter faciebant, animum tuum immutatum significabant: quæ res fecit ut tibi litteris obstrepere non auderem, Nunc mihi Quinctus frater meus, nitissimam tuam orationem, quam in Senatu

habuisses, perſcripſit, qua inductus, ad te ſcribere ſum coactus; & abs te, quantum tua fert voluntas, peto, quæſoque: ut tuus, mecum ſerues potius, quam propter arrogantem crudelitatem tuorum me oppugnes. Tu, tuas inimicitias ut Reip. donares, te vicisti alienis, ut contra Rempub. confirmes, adducetis? Quod & mihi tua clementia opus tuleris: omnibus in rebus me fore in tua potestate tibi confirmo. Sin mihi neque magistratum, neque Senatûm, neque populam auxiliari, propter eam vim, quæ mecum Rep. vici licuerit; vide, ne, cum velis reuocare tempus omnium conſeruandorum, cum qui ſeruetur, non erit, non possis. Vale.

### ARGVMENTVM.

*Exprobat Antonio, qui Macedoniam Proconſul regebat ingrati animi vitium: Deinde Atticum illi commendat.*

CICERO S. D. C. ANTONIO

M. F. IMP.

**E**ſi ſtatueraſ nullas ad te litteras, mittere niſi commendatitias; non quod eas intelligereſ ſatis apud te valere; ſed ne ijs, qui me rogarent, aliquid de noſtra coniunctione imminutum eſſe oſtenderem: tamen, cum T. Pomponius, homo omnium meorum in te ſtudiorum, & officiorum maximè conſcius, tui cupidus noſtri amantiſſimus, ad te proficiſceretur, aliquid mihi ſcribendum putauim; præſertim, cum aliter ipſi Pomponio ſatisfacere non poſſem. Ego ſi abs te ſumma officium deſiderem, mirum nemini videri debeat, omnia enim à me in te profecta ſunt, quæ ad tuum commodum, quæ ad honorem, quæ ad dignitatem pertinerent. Pro his rebus nullam mihi abs te relaram eſſe gratiam: tu es optimus teſtis: contra etiam eſſe aliquid abs te profectum, ex multis audiui: nam comperiſſe me non audeo dicere; ne fortè idipſum verbum ponam, quod abs te aiunt falſo in me ſolere conferri. Sed ea, quæ ad me delata ſunt, malo te ex Pomponio, cui non minus moleſta fuerunt, quam ex meis litteris, cognoscere. Meus in te animus quam ſingulari officio fuerit, & Senatus, & populus Rom. teſtis eſt tu quàm gratus erga me fueris, ipſe exiſtimare poteſ: quantum  
mihi

mibi debeas, cæteri existiment. Ego quæ tuâ causâ antea feci, voluntate sum adductus, posteaque constantia, sed reliqua mihi crede, multo maius meum studium, maioremque gravitatem, & laborem desiderant: quæ ego si non profunderè, ac perderè videbor, omnibus meis vitibus sustinebo; sin ingrata esse sentiam; non committam ut tibi ipse insanire videar, ea, quæ sînt, & cuiusmodi poteris ex Pomponio cognoscere. Atque ipsum tibi Pomponium ita commendo, ut quanquam ipsius causâ, confido te facturum esse omnia: tamen abs te hoc petam, ut si quid residet in te amoris erga me, id omne in Pomponij negotio ostendas, hoc mihi gratius facere nil potes. Vale.

## A R G V M E N T V M.

*Narrat, si diligentiam adhibuisse, ne Sextio succederetur. Adscribit de domo à se empta.*

CICERO S. D. P. SEXTIO L. F. PROCOS. 6

**C**Um ad me Decius liberarius venisset, egissetque mecum, ut operam darem, ne tibi hoc tempore succederetur; quanquam illum hominem frugi, & tibi amicum existimabam; tamen, quod memoria tenebam eiusmodi ad me litteras antea misisses, non satis credidi homini prudenti, tam valde esse mutatam voluntatem tuam. Sed postea quam & Cornelia tua Tetentiam conuehit; & ego cum Q. Cornelio locutus sum; adhibui diligentiam, quotiescumque Senatus fuit ut adessem; plurimumque in eo negotij habui, ut Q. Fusiûm Tribunum pl. & cæteros, ad quos tu scripseras, cogerem mihi potius cedere, quam tuis litteris, omnino res tota in mensem Ianuar. reiecta erat, sed faciliè obtinebatur. Ego, tua gratulatione commotus (quod ad me pridem scripseras, velle te bene euenire, quod de Crasse domum emissem) enim tam ipsam domum XXXV. aliquanto post tuam gratulationem. Itaque me nunc scito tantum habere æris alieni, ut cupiam coniurare, si quis me recipiat. Sed partim odio inducti me excludunt, & appetè vindicem coniurationis oderunt: partim non credunt; & à me insidias metiunt, nec putant ei nummos deesse posse, qui ex obsidione feneratorum exemerit, omnino semissibus magna



gna copia est. Ego autem meis rebus gestis hoc sum affecutus, ut bonum nomen existimer. Domum tuam, atque ædificationem omnem perspexi, & vehementer probavi. Antonium, etsi eius in me officia omnes desiderant, tamen in Senatu gravissimè, ac diligentissimè defendi; Senaturnque vehementer oratione mea, atque auctoritate commoui. Tu ad me velim litteras crebrius mittas. Vale.

### ARGUMENTVM.

*Leniter expostulat, quòd Pompeius sibi de oppressa Catilina coniuratione non esset pro rei magnitudine litteris gratulatus.*

CICERO S. D. CN. POMPEIO CN. F.

MAGNO IMP.

7

**S**I tu, exercitusque valetis, bene est. Ex litteris tuis, quas publice misisti capi vnà cum omnibus incredibilem voluptatem. Tantam enim spei otij ostendisti, quam ego semper omnibus, te vno frætus, pollicebar. Sed hoc scito, tuos veteres hostes novos amicos, vehementer litteris percussos, atque ex magna spe turbatos, iacere. Ad me autem litteras, quas misisti, quanquam exiguam significationem tuæ erga me voluntatis habebant; tamen mihi scito iucundas fuisse: nulla enim re tam lætari soleo, quam meorum officiorum conscientia: quibus si quando non mutuo responderetur, apud me plus officij residere facillimè patior. Illud non dubito, quin; si te mea summa erga te studia parum mihi adiuuauerunt, Resp. nos inter nos conciliatura, coniuncturaque sit. Ac, ne ignores, quid ego in tuis litteris desiderarim, scribam aperte, sicut & mea natura, & nostra amicitia postulat. Res eas gessi, quarum aliquam in tuis litteris, & nostræ necessitudinis, & Reip. causa, gratulationem expectavi: quam ego abs te prætermissem esse arbitror, quod verebare, ne cuius animum offenderes. Sed scito, ea, quæ nos pro salute patria gessimus, orbis terræ iudicio, ac testimonio comprobati, quæ cum veteris, tanto consilio, tantaque animi magnitudine à me gesta esse cognoscas, ut tibi multò maiori, quam Africanus fuit me, non multò mi-

minorem, quam Lalius, facile & in Rep. & in amicitiam, adiunctum esse patiari. Vale.

## ARGUMENTVM.

*Officium suum in Crassum predicat: omniaque pollicetur, quæ ad illius commodum, aut amplitudinem pertinebunt.*

CIC. S. D. M. LIC. P. F. CRASSO. 8

**Q**uoniam meum studium extiterit dignitatis tuæ, vel tuendæ, vel etiam augendæ, non dubito, quin ad te omnes tu percripserint: non enim fuit aut mediocre, aut obscurum, aut eiusmodi, quod silentio posset præteriti. Nam & cum Consulibus, & cum multis Consularibus tanta contentione decertavi; quanta nunquam antea vlla in causa: suscepique mihi perpetuam oppugnationem pro omnibus ornamentis tuis: veterique nostræ necessitudini iamdiu debitum, sed multa varietate temporum interruptum officium cumulatè reddidi. Neque mehercule vnquam mihi tui, aut colendi, aut ornandi voluntas defuit: sed quædam pestes hominum, laude aliena dolentiū, & te nonnunquā à me alienarunt, & me aliquando immutarunt tibi. Sed exiit tempus optatum mihi magis, quam speratum, ut florentissimis tuis rebus mea perspicis posset & memoriæ nostræ voluntatis, & amicitie fides sum enim cōsecutus, non modo ut domus tua tota, sed ut cuncta ciuitas me tibi amicissimum esse cognosceret. Itaque & præstantissima omnium seminarum vxor tua, & eximia pietate, virtute gratia tui Crassi, meis cōsilijs, monitis, studijs, actionibusque nituntur: & Senatus populusq; Rom. intelligit, tibi absenti nihil esse iam promptum, aut tam paratum, quam in omnibus rebus, quæ ad te pertineant, operam, curam, diligentiam, auctoritatem meam. Quæ sint acta, quæque agantur domesticorū tibi litteris declarari puto. De me sic existimes, ac tibi persuadeas vehemēter velim; nō me repētina aliqua volūtate; aut fortuito ad tuam amplitudinem meis officijs amplectenda incidisse; sed, ut primum forum artigerim, spectasse semper, ut tibi possem quā maximè esse coniunctus. Quo quidem ex tempore, memoria teneo, neq; meam tibi obseruantiam, neque mihi tuam summam beneuolentiam, ac liberalitatem defuisse.

Si

Si qua interciderunt, non tam re, quam suspicionem violata; ea-  
cū n fuerint & falsa, & inania, sint euulsa ex omni memoria, vi-  
taque nostra. Is enim tu vir es, & eū me esse cupio, vt, quoniam  
in eadem Reipublicæ tempora incidimus, coniunctionem, ami-  
citiamque nostram vtrique nostrum laudi sperem fore. Quam-  
obrem tu, quantum tuo iudicio tribuendum nobis esse, putas,  
statues ipse, & vt spero, statues ex nostra dignitate. Ego verò  
tibi profiteor, atque polliceor eximium, & singulare meum stu-  
dium in omni genere officij, quod ad honestatem, & gloriam  
tuam spectet. In quo etiam si multi mecum contendet; tamen,  
cum reliquis omnibus, tum Crassis tuis indicibus, omnes facile  
superabo. Quos quidem ego ambos vnice diligo, sed in Marco  
benevolentia impari: hoc magis sum Publio deditus, quòd me  
quanquam à pueritia sua semper, tamen hoc tempore maxi-  
mè, sicut alterum parentem, & obseruat, & diligit. Has litte-  
ras velim existimes fœderis habituras esse vim, non epistolæ:  
meque ea, quæ tibi promitto, ac recipio sanctissimè esse obser-  
naturum, diligentissimeque facturum. Quæ à me suscepta de-  
fensio est, te absente, dignitatis tuæ, in ea iam ego non solum  
amicitiæ nostræ, sed etiam constantiæ meæ causa permanebō.  
Quamobrem satis esse hoc tempore arbitratus sum, hoc ad te  
scribere; me, si quid ipse intelligerem, aut ad voluntatem, aut  
ad commodum, aut ad amplitudinem tuam pertinere, mea  
spontè id esse facturum; si quidpiam aut à te essem admoni-  
tus, aut à tuis; effecturum vt intelligeres, nihil neque te scripsis-  
se, neque quemquam tuorum frustra ad me detulisse. Quam-  
obrem velim ita & ipse ad me scribas de omnibus minimis, ma-  
ximis, mediocrisque rebus, vt ad hominem amicissimum: &  
tuis præcipias, vt opera, consilio, auctoritate, gratia mea sic  
vtantur in omnibus publicis, priuatis, forensibus, domesticis  
tuis amicorum, hospitum, clientum tuorum negotijs; vt quoad  
eius fieri possit, præsentis tuæ desiderium meo labore minuat-  
ur. Vale.

#### ARGVMENTVM.

*Vatinius, ex Consulatu à Cesare Dictatori in Illyricum missus,  
commendat suam dignitatem Ciceroni contra maleuolorum  
obtrectiones.*

PVB. VATINIUS IMP. S. D. CICERONI SVO. 9

**S**I vales, bene est: ego valeo. Si tuam consuetudinem in patrocinijs tuendis seruas, P. Vatinius cliens ad te venit, qui pro se causam dicier vult, nō puto repudiabis in honore, quem in periculo recepisti. Ego autem quem potius adoptem, aut inuocem, quam, illum, in quo defendente vincere didici? An verear, ne, qui potentissimorum hominum conspirationem neglexerit pro mea salute, is pro honore meo, pusillorum, ac maleuolorum obrectationes, & inuidias non prosternat, atque obterat? Quare, si me, sicut soles, amas, suscipe me totum: atque hoc, quidquid est, oneris, ac numeris, pro mea dignitate tibi tuendum, ac sustinendum puta. Scis meam fortunam, nescio quomodo facilè obrectatores inuenite: non meo quidem meret hunc merito: sed quanti id refert, si tamen fato nescio quo accidit? Si quis fortè fuerit, qui nostræ dignitati obesse velit; peto à te, vt tuam consuetudinem, & liberalitatem in me absente defendendo mihi præstes. Litteras ad Senatum nostris de rebus gestis quo exemplo miseram, infra tibi perscripsi. Dicitur mihi tuus seruus anagnostes fugitiuus cum Vardæis esse; de quo tu mihi nihil mandasti; ego tamen, terra, marique vt conquireretur, præmandauit: & profectò tibi illum reperiam, nisi in Dalmatiam aufugerit; & inde tamen aliquando eruiam. Tu nos fac ames. Vale, ad V. Id. Quinct. ex castris, Narona.

## A R G V M E N T V M.

*Scribit hac de Dionysio Ciceronis seruo, de Catilio pirata, de rebus à se in Dalmatia gestis, pro quibus supplicationes sibi decerni postulat.*

VATINIUS IMP. S. D. CICERONI. 10

**S**I vales, bene est: ego quidem valeo. De Dionysio tuo adhuc nihil extrico; & eò minus, quod me frigus Dalmaticum quod illinc eiecit, etiam hic refrigerauit, sed tamen non desistam, quin illum aliquando eruiam, sed tamen omnia mihi dura imperas. De Catilio nescio, quid ad me scripisti deprecationis diligentissimæ. Apage te cum nostro Sex. Seruilio: nam meher-

mehercule ego illum quoque amo. Sed huiusmodi vos clien-  
tes huiusmodi caussa recipitis? hominem, vnum omnium cru-  
delissimum, qui tot ingenuos, matresfamilias, ciues Rom. oc-  
cidit, arripuit, disperdidit, regiones vastauit? simius non semissis  
homo, contra me arma tulit: & cum bello capì. Sed tamen,  
mi Cicero, quid facere possum? omnia mehercule cupio, quæ tu  
mibi imperas: meam animaduersionem, & supplicium, quo vfu-  
rus eram in eum, quem cepissem, remitto tibi, & condono; quid  
illis respondere possum; qui sua bona direpta naues expugnatas,  
fratres liberos, parentes occisos, actiones exposcunt? si meher-  
cule Appij os haberem, in cuius locum suffectum sum, tamen  
hoc sustinere non possem, quid ergo est? faciam omnia sedulo,  
quæ te sciam velle. Defenditur à Q. Volusio, tuo discipulo: si  
fortè ea res poterit aduersario, fugare in eo maxima spes est.  
Nos, si quid erit istic opus defendes. Cæsar adhuc mihi iniu-  
riam facit: de meis supplicationibus, & rebus gestis Dalmaticis  
adhuc non refert: quasi verò non iustissimi triumphi in Dal-  
matia res gesserim. Nam, si hoc expectandum sit, dum totum  
bellum conficiat: viginti oppida sunt Dalmatiæ antiqua; quæ  
ipsi sibi adsciuerunt, amplius sexaginta; hæc nisi omnia expu-  
gno, si mihi supplicationes non decernuntur; longe alia condi-  
tione ego sum, ac cæteri Imperatores.

Ego, post supplicationes mihi decretas, in Dalmatiam pro-  
fectus sum; sex oppida vi oppugnando capì: vnum hoc, quod  
erat maximum, quater à me iam captum; quatuor enim tur-  
res, & quatuor muros capì, & arcem eorum totam; ex qua me  
nines, frigora, imbres detulerunt; indigneque, mi Cicero, op-  
pidum captum, & bellum iam confectum relinquere sum co-  
actus. Quare te rogo, si opus erit, ad Cæsarem meam caus-  
sam agas: meque tibi in omnes partes defendendum putes; hoc  
existimans, neminem te tui amantiores habere. Vale. No-  
nis Dec. Naronæ.

### ARGUMENTVM.

*Suum Studium erga uxorem Vatini, ipsumque Vatinium signi-  
ficat. Rogat deinde, ut omnino sibi remittat seruum suum  
fugitiuum Dionysium.*

**G**Rata tibi esse officia mea non miror, cognoui enim te gratissimum omnium; idque nunquam desisti prædicare. nec enim tu mihi gratiam modo habuisti, verum etiam cumulativè retulisti: quamobrem reliquis tuis rebus omnibus pari me studio erga te, & eadem voluntate cognosces. Quod mihi feminam primariam Pompeiam, vxorem tuam, commendas: cum Sura nosto statim, tuis litteris lectis, locutus sum, ut eis meis verbis diceret, ut quidquid opus esset, mihi denunciarer; me omnia, quæ ea veller, summo studio, curaque facturum; itaque faciam eamque si opus esse videbitur, ipse conueniam. Tu tamen ei velim scribas, ut nullam rem neque tam magnam, neque tam parvam putet, quæ mihi aut difficilis, aut parum me digna videatur: omnia, quæ in tuis rebus agam, & non laboriosa mihi, & honesta videbuntur. De Dionysio, si me amas, confice, quamcumque ei fidem dederis, præstabo: si verò improbus fuerit, ut est, duces eum captivum in triumpho. Dalmatis Dij malefaciant, qui tibi molesti sunt: sed ut scribis, breui capientur, & illustrabunt res tua gestas, semper enim habiti sunt bellicosi. Vale.

## ARGUMENTVM.

*Lucceiū historiarum scriptorē, rogat, ut de rebus à se in Consolatione gestis separatū volumē conficiat; quod illustrius videbatur.*

CIC. S. D. L. LVCCEIO. Q. F. 12

**C**oram me tecum eadem hæc agere sæpè; conantem deterruit pudor quidam pènè subrusticus, quæ nunc exoriam absens audacius; epistola enim non erubescit. Ardeo cupiditate incredibili, neque, ut ego arbitror reprehenda, nomen ut nostrum scriptis illustretur, & celebretur tuis. Quod etsi mihi sæpè ostendis te esse facturum: tamen agnoscas velim huic festinationi meæ; genus enim scriptorum tuorum etsi erat semper à me vehementer expectatum; amen vicit opinionem meam: meque ita velæxit, vel incensit, ut cuperem quam celeritè res nostras monumentis commendari tuis. Non enim me solum commemoratio posterita-

tis ad spem quandam immortalitatis rapit; sed etiam illa cupiditas, ut vel auctoritate testimonij tui, vel inditio beneuolentiæ, vel suauitate Ingenij viui perfruamur. Neque tamen, hæc cum scribebam, etiam nescius, quantis oneribus premerere susceptarum rerum & iam institutarum. Sed quia videbam Italici belli, & Ciuilis historiam iam penè à te esse perfectam, (dixeras autem mihi, te reliquas res ordiri) deesse mihi nolui, quin te admonerem, ut cogitares coniunctene malles cum cæteris rebus nostra contexere; an, ut multi Græci fecerunt, Calisthenes Troicæ bellum. Timæus Pyrrhi, Polybius Numantinum, qui omnes à perpetuis suis historijs ea, quæ dixi, (bella separauerunt) tu quoque item ciuilem coniurationem ab hostilibus, externisque bellis seiungeres. Equidem ad nostram laudem non multum video interesse: sed ad properationem meam quidam interest, non te expectare, dum ad locum venias; ac statim causam illam totam, & tempus arripere. Et simul, si vno in argumento, vnaque in persona mens tua tota versabitur; cerno iam animo, quanto omnia vberius futura sint. Neque tamen ignoro, quam impudenter faciam, qui primum tibi tantum oneris imponam, (potest enim mihi denegare occupatio tua) deinde etiam, ut ornes me postulem. Quid si illa tibi non tantoperè videntur ornanda? Sed tamen. *Qui semel verecundia fines transierit, eum bene, & nouiter oportet esse impudentem.* Itaque te plenè etiam atque etiam rogo, ut & ornes ea vehementius etiam, quam fortasse sentis; & in eo leges historiæ negligas; gratiamque illam, de qua suauissimè quoddam in proænio scripsisti, à qua te affici non magis potuisse demonstras, quàm Herculem Xenoponticum illum à voluptate; ea si ne tibi vehementius commendabit, ne aspernare: amorique nostro plusculum etiam, quam concedit veritas, largiare. Quod si te adduce nus, ut hoc suscipias; erit, ut mihi persuadeo, materies digna facultate, & copia tua. A principio enim à Coniurationis vsque ad reditum nostrum, videtur mihi modicum quoddam corpus confici posse. In quo & illa poteris uti ciuilia à conmutationum scientia, vel in explicandis causis rerum nouarum, vel in reperijs incommodorum; cum & reprehendes ea, quæ vituperanda duces, & quæ

quæ placebunt exponendis rationibus comprobabis : & si liberius, vt consueuisti agendum putabis, multorum in nos perfidiam, insidias proditionem notabis. Multam etiam casus nostri tibi varietatem in scribendo suppeditabunt, plenam cuiusdam voluptatis, quæ vehementer animos hominum in legendo scripto retinere possit. Nihil est enim aptius ad delectationem lectoris, quam temporum varietates, fortunæque vicissitudines: quæ etsi nobis optabiles in experiendo non fuerunt, in legendo tamen erunt iucundæ; *HABET enim præteriti doloris sicura recordatio delectationem*: cæteris verò, nulla perfunctis propria molestia, casus alienos sine vlllo dolore inuentibus etiam ipsa misericordia est iucunda. Quem enim nostrum ille moriens apud Matineam Epaminondas non cum quadam miseratione delectat? qui tum denique sibi auelli iubet spiculum, posteaquam ei percunctanti dictum est, clypeum esse saluum: vt etiam in vulneris dolore æquo animo cum laude moreretur. Cuius studium in legendo non erectum Themistoclis fuga, redituque retinetur? Etenim ordo ipse Annalium mediocriter nos retinet, quasi enumeratione Fastorum: at viri sæpè excellentis ancipites, variique casus habent admirationem, expectationem, lætitiā, molestiam, spem, timorem; si verò exitu notabili concluduntur, expletur animus iucundissimæ lectionis voluptate. Quòd mihi acciderit optatius, si in hac sententia fueris, vt à continentibus tuis scriptis, in quibus perpetuam rerum gestarum historiam complecteris, secernas hanc quasi fabulam rerum, euentorumque nostrorum; habet enim verior actus, multasque actiones, & consiliorum, & temporum. Ac non vereor, ne assentatiuncula quadam aucupari tuam gratiam videre, cum hoc demonstrem me à te potissimum ornari, celebrarique velle. Neque enim tu is es, qui, quid scis, nescias: & qui non eos magis, qui te non admirentur, inuidos, quàm eos, qui laudent, assentatores arbitrere, Neque autem ego sum ita demens, vt me sempiternæ gloriæ per eum commendari velim, qui non ipse quoque in me commendando propriam ingenij gloriā consequatur. Neque enim Alexander ille gratiæ causa ab Apelle potissimum pingi, & à Lysippo fingi volebat; sed quòd illorum artem cum ip-



sis, tum etiam sibi gloriæ fore putabat. Atque illi artifices  
 corporis simulacra ignotis nota faciebant; quæ vel si nulla sint,  
 nihilo sunt tamen obscuriores clari viri. Nec minus enim est  
 Sparriates Agesilaus ille perhibendus, qui neque pictam, ne-  
 que fictam imaginem suam passus est esse; quam qui in eo ge-  
 nere laborarunt: vnus enim Xenophontis libellus in eo Re-  
 ge laudando facile omnes imagines omnium, statuasque supe-  
 rauit. Atque hoc præstantius mihi fuerit, & ad lætitiâ animi,  
 & ad memoriæ dignitatem, si in tua scripta peruenero; quàm  
 si in cæterorum, quod non ingenium mihi solum suppeditatum  
 fuerit tuum, sicut Timolenti à Timæo, aut ab Herodoro The-  
 mistocli; sed etiam auctoritas clarissimi, & spectatissimi viri,  
 & in Reip. maximis, grauissimisque causis cogniti, atque in-  
 priuis probati: vt mihi non solum præconium, quod, cum in  
 Sigæum venisset Alexander, ab Homero Achilli tributum esse  
 dixit; sed etiam graue testimonium impertitum clari hominis,  
 magnique videatur: placet enim Hector ille mihi Næuianus,  
 qui non tantum laudari se lætatur, sed addit etiam; à laudato  
 viro. Quod si à te non impetro; hoc est, si quæ te res impedi-  
 rit (neque enim fas esse arbitror, quidquam me rogantem abs  
 te non impetrare) cogar fortasse facere, quod nonnulli sæpè  
 reprehendunt: scribam ipse de me, multorum tamen exemplo,  
 & clarorum virorum. Sed quod te non fugit, hæc sunt in hoc  
 genere vitia: & verecundius ipsi de sese scribant necesse est, si  
 quid est laudandum; & prætereant, si quid fortè reprehenden-  
 dum est. Accedit etiam, vt minor sit fides, minor auctoritas:  
 multi denique reprehendant, & dicant, verecundiores esse præ-  
 cones ludorum gymnycorum: qui cum cæteris coronas impo-  
 fuerunt victoribus, eorumque nomina magna voce pronuncia-  
 rint, cum ipsi ante ludorum missionem coronas donentur,  
 alium præconem adhibeant, ne sua voce ipsi se victores esse  
 prædicent. Hæc nos vitare cupimus: & si recipis causam no-  
 stram, vitabimus: idque vt facias, rogamus. Ac, ne fortè mi-  
 rere: cur dum mihi sæpè ostenderis, te accuratissimè nostrorum  
 temporum consilia, atque euentus litteris mandaturum, à te id  
 nunc tantoperè, & tam multis verbis petamus; illa nos cupidi-  
 tas incendit, de qua initio scripsi, festinationis, quod alacres ani-  
 me

mo sumus: ut ceteri, viuentibus nobis, ex libris tuis nos cognoscant, & nosmetipsi viui gloria nostra perficiamur. His de rebus, quid acturus sis, si tibi non est molestum referbas mihi velim. Si enim suscipis causam, conficiam commentarios rerum omnium: sin autem differis me in tempus aliud coram tecum loquar. Tu interea non cessabis: & ea quæ habes instituta, perpolles, nosque diliges. Vale.

## A R G V M E N T V M.

*Significat, Lucæ litteræ consolatoriæ quantum profecerint ad eam sollicitudinem minuendam, quam ex afflictâ Republica cupiebat.*

## CICERO S. D. LVCEIO.

13

**Q**uanquam ipsa consolatio litterarum tuarum mihi gratissima est; declarat enim summam beneuolentiam coniunctam pari, prudentia, tamen illum fructum ex ijs litteris vel maximū cœpi, quod te præclarè res humanas contemnentem, & optimè contra fortunam paratum, armatumque cognoui. *Quam quidem laudem sapientia statuo esse maximam, non aliunde pondere: aut extrinsecus aut bene, aut male uiuendo suspensas habere rationes.* Quæ cogitatio cum mihi non omnino excidisset, (etenim penitus insederat,) vi tamen tempestatum, & concursu calamitatum erat aliquantulum labefactata, atque conuulsa: cui te opitulari & video, & id fecisse etiam proximis litteris, multumque profecisse sentio. Itaque hoc sæpius dicendum, tibi que non significandum solū, sed etiam declarandum arbitror, nihil mihi esse potuisse tuis litteris gratius. Ad consolandum autem cum illa valent, quæ eleganter, copioseque collegistum nihil plus, quam quod firmitudinem, gratitatemque animi tui perspexi; quam non imitari turpissimum existimo. Itaque hoc etiam fortio rem me puto, quam te ipsum, præceptorem fortitudinis, quod tu mihi videris spem nonnullam habere, hæc aliquando futura meliora; casus enim gladiatorij, similitudinesque cæ, cum rationes in ea disputatione à te collectæ, verabant me. Reip. penitus diffidere. Itaque alterum minus mirum, fortio rem te esse, cum aliquid speres: alterum mirum, spe vlla teneri. Quid est enim

non ita affectum, ut id non deletum extinctumque omne esse fateare? Circumspice omnia membra Reip. quæ notissima sunt tibi: nullum reperies profectò, quod non fractum, debilitatum ve sit, quæ persequer, si aut melius ea viderem, quam tu vides; aut commemorare possem sine dolore: quamquam tuis monitis, præceptisque omnis est abijciendus dolor. Ergo & domestica feremus, ut censes; & publica paulò etiam fortius fortasse, quam tu ipse, qui præcipis; te enim spes aliqua consolatur; ut scribis. nos autem erimus etiam in omni desperatione fortes, ut tu tamen idem & hortaris, & præcipis. Das enim mihi iucundas recordationes conscientie nostræ rerumque earum, quas, te in primis auctore gessimus; præstitimus enim patriæ non minus certè, quam debuimus; plus profectò, quam est ab animo cuiusquam aut consilio hominis postulatum. Ignoscès mihi de me ipso aliquid prædicanti; quarum enim tu rerum cogitatione nos leuare ægritudine voluisti; earum etiam commemoratione lenimur. Itaque ut omnes, quantum potero me ab omnibus molestiis, & angoribus abducam, transferamque animum ad ea, quibus secundæ res ornantur, aduersæ adiuvantur; tecumque & ero tantum, quantum patietur utriusque ætas, & valetudo; &, si esse vna minus poterimus, quam volumus, animorum tamen coniunctione, iisdem studiis ita fruemur, ut nunquam non vna esse videamur. Vale.

### ARGUMENTVM.

*Causam querit, cur Cicero ab Urbe tam diu absit; hortaturque ut animum mœrore abducatur.*

LVCEIVS S. D. CICERONI.

14

**S**I vales, bene est: ego valeo, sicut soleo, paululum tamen etiam deterius quam soleo. Te requisivi sæpius, ut viderem Romæ, quia postea non fuisti, quam à me discesseras, miratus sum: quod item nunc miror. Non habeo certum, quæ te res hinc maximè retrahet. Si solitudine delectare, cum scribas, & aliquid agas eorum, quorum consuesti, gaudeo; neque reprehendo tuum consilium: nam nihil isto potest esse iucundius,

non

non modò miseris his temporibus, & luctuosis; sed etiam tranquillis, & optatis: præsertim vel animo defatigato tuo, qui nunc requiem quærat ex magnis occupationibus; vel erudito, qui semper aliquid ex se promat, quod alios delectet te ipsum laudibus illustret. Sin autem, sicut hic dum eras, lacrymis, & tristitiæ te tradidisti; doleo, quia doles; & angere: nec possum te (si concedis, quod sentimus, ut liberius dicamus) non accusare. Quid enim? tu solus aperta non videbis, qui propter acumen occultissima perspicis? tu non intelliges te querelis quotidianis nihil proficere; non intelliges duplicari sollicitudines, quas eleuare tua te prudentia postulat? Quod si non possumus aliquid proficere suadendo, gratia contendimus, & rogando, si quid nostra causa vis, ut istis te molestis laxes: & ad coniunctum nostrum redeas, & ad consuetudinem vel nostram communem, vel tuam solius, ac propriam. Cupio non obrundere te, si non delectare nostro studio; cupio deterrere, ne permaneas in incepto; cum duæ res istæ contrariæ me conturbent; ex quibus aut in altera mihi velim, si potes, obtēpores; aut in altera, non offendas. Vale.

## A R G V M E N T V M.

*Quærenti Luceio, cur ab Vrbe abesset, eiusque maiorem minuere conanti, respondet, & cur doleat, & cur in Vrbe non viuat.*

## CICERO S. D. LVCEIO.

15

**O**Mnis amor tuus ex omnibus partibus, sed ostendit in ijs litteris, quas à te proximè accepi, non ille quidem mihi ignotus, sed tamen gratus, & optatus dicerem, iucundus, nisi id verbum in omne tempus perdidissem; neque ob eam vnā causam, quā tu suspicaris, & in qua me lenissimis, & amantissimis verbi-viens, te grauer accusas; sed quòd illius tanti vulneris, quæ remedia esse debebant, ea nulla sint. Quid enim? ad amicos ne confugiam? quam multi sunt? habuimus enim ferè communes, quorum alij occiderunt, alij nescio quo pacto obdurerunt. Tecum viuere possem equidem, & maximè vellem; vetustas est, amor, consuetudo, studia paria; quod vinculum, quæ res deest nostræ coniunctioni? possumus

ne igitur esse una? nec nehercule intelligo quid impediatur; sed certe adhuc non fuimus cum effimus vicini in Tusculano, in Puteolano; nam quid dicam, in Vrbe? in qua cum forum commune sit, vicinitas non requiritur. Sed, casu nescio quo, in ea tempora nostra etas incidit, ut, cum maxime florere nos oporteret, tum viuere etiam pueret. Quod enim mihi poterat esse perfugium, (posita & do nescis, & totensibus ornamentis, atque solarijs litteræ credo, quibus vtor assidue, quid enim aliud facere possum? sed nescio quo modo ipsæ illæ excludere me à portu, & perfugio videntur, & quasi exprobare, quod in ea vita maneam, in qua nihil insit, nisi propagatio miserrimi temporis. Hic tu ea me abesse Vrbe miraris, in qua domus nihil delectare possit, summum sit odiū temporum, hominum, fori, curiæ? Itaque sic litteris vtor, in quibus consumo omne tempus, non ut ab his medicinam perpetuam, sed ut exiguam doloris obliuionem petam. Quod si id egissemus ego, atque tu, quod ne in mentem quidem nobis veniebat, propter quotidianos metus, omnis tempus una fuissemus; neque me valetudo tua offenderet, neque te moror meus: quod, quantum fieri poterit, consequamur; quid enim utrique nostrum aptius propediem te igitur videbo. Vale,

### ARGVMENTVM.

*Consolatur diligenter in primis amicum, filij obitum immoderatus ferentem.*

CICERO S. D. TITIO.

16

**E**tsi vnus ex omnibus minime sum ad te consulandum accommodatus, quod tantum ex tuis molestijs cepi doloris, ut consolatione ipse egerem tamen, cum longius à summi luctus acerbitate meus abesset dolor, quam tuus; statui nostræ necessituti finis esse, meæque in te beneuolentiæ, non tacere tanto in tuo morore tandiu; sed adhibere aliquam modicam consolationem, quæ leuate dolorem tuum posset, si minus sanare potuisset. Est autem consolatio peruiulgata quidem illa maxime, quam semper in ore, atque in animo habere debemus, *Homines nos ut esse meminerimus, ea lege natos, ut omnibus for-*

*tuna*

*tuna telis proposita sit vita nostra*; neque esse recusandum, quominus ea, qua nati sumus, conditione viuamus; neue tam graniter eos calus feramus, quos nullo consilio vitare possumus; euentisque aliorum memoria repetendis, nihil accidisse nobis noui cogitemus. Neque hæc, neque cæteræ consolationes, quæ sunt à sapientissimis viris usurpæ, memoriæque litteris proditæ, tantum videntur proficere debere, quantum status ipse noster ciuitatis, & hæc perturbatio temporum perditorum; cum beatissimi sint, qui liberos non susceperunt; minus autem miseri, qui his temporibus amiserunt, quam si eosdem bonâ, aut denique aliqua Rep. perdidissent. Quod si tuum te desiderium mouet; aut si tuarum rerum cogitatione mœres, non faciliè exhaustiri tibi istum dolorem posse vniuersum potui. Sin illa te te cruciat, quæ magis amoris est, vt eorum, qui occiderunt, miserias lugeas; vt ea non dicam, quæ sæpissimè & elegi, & audiui, nihil mali esse in morte, in qua si resideat sensus, immortalitas illa potius, quàm mors, ducenda sit; sin sit amissus, nulla videri miseria debeat, quæ non sentiat; hoc tamen non dubitans confirmare possum, ea misceri, parati impendere Reipublicæ, quæ qui reliquerit, nullo modo mihi quidem deceptus esse videatur. Quid est enim iam non modò pudori, probitati, virtuti rectis studijs, bonis artibus, sed omnino libertati, ac saluti loci? non mehercule quemquam audiui hoc grauissimo, & pestilentissimo anno adolescentulum, aut puerum mortuum, qui mihi non à Dijs immortalibus ereptus ex his miserijs, atque ex iniquissima conditione vitæ videretur. Quare si tibi vnum hoc detrahi potest, ne quid ijs, quos amasti, mali putares contigisse; permultum erit ex mœrore tuo deminutum, relinquetur enim simplex illa iam cura doloris tui, quæ non cum illis communicabitur, sed ad te ipsum propriè referetur; in qua non est iam grauitatis; ac sapientiæ tuæ, quam tu à puero præstitisti, ferre immoderatus casum incommodorum tuorum, qui sit ab eorum, quos dilexeris miseria, maloque seiunctus. Etenim eum semper te, & priuatis in rebus, & publicis præstitisti, tuenda tibi, vt sit granitas, & constantiæ seruiendum: nam quod allatura est ipsa diuturnitas, quæ maximos luctus vetustate tollit, id nos præcipere consilio, prae-

dentiaque debemus. Etenim si nulla vnquam fuit, liberis amissis, tam imbecillo mulier animo, quæ non aliquando lugendi modum fecerit; certè nos, quod est dies allatura, id consilio anteferre debemus; neque expectare temporis medicinam, quam repræsentare ratione possimus. His ego litteris, si quid profecissem, existimabam oprandum quidam me esse affectum: sin minus fortè valuissent; officio tamen functum beneuolentissimi, atque amicissimi: quem me tibi & fuisse semper existimes velim; & futurum esse confidas. Vale.

### ARGVMENTVM.

*Excusat tarditatem litterarum: hortatur Sextium, ut exilij casum sapienter, fortiterque ferat.*

CICERO S. D. P. SEXTIO P. F.

17

**N**ON obliuione amicitia nostræ; neque intermissione consuetudinis meæ, superioribus temporibus ad te nullas litteras misi: sed quod priora tempora in ruinis Reipublicæ, nostrisque iacuerunt; posteriora autem me à scribendo tuis iniustissimis, atque acerbissimis incommodis retardarunt. Cum verò & interuallum iam satis longum fuisset, & tuam virtutem, animique magnitudinem diligentius essem mecum recordatus: non putavi esse alienum institutis meis, hæc ad te scribere. Ego te, P. Sexti, & primis temporibus illis, quibus in inuidia m absens, & in crimen vocabare, defendi; & cum in tui familiarissimi iudicio, ac periculo tuum nomen coniungeretur, quàm potui accuratissimè, te, tuamque causam tuiatus sum: & proximè recenti aduentu meo, cùm rem aliter institutam offendissem, ac mihi placuisset, si affuissem, tamen nulla re salutis tuæ defui. Cumque eo tempore inuidia annonæ inimici non solum tui, verum etiam amicorum tuorum, iniquitas totius iudicij, multaque alia Reipublicæ vitia plus, quàm causa ipsa; veritasque valuissent; Publio tuo neque opera, neque consilio, neque labore, neque gratia, neque testimonio defuit. Quamobrem omnibus officijs amicitia diligenter à me sancteque seruatis, ne hoc quidem prætermittendum esse duxi, te vt hortarer, rogareque vt, & hominem te, & virum esse meminif-

ses;

ses; idest, ut & communem incertumque casum: quem neque vitare quisquam nostrum, neque præstare villo pacto potest sapienter ferres; & dolori fortiter, ac fortunæ resisteres; cogitaresq; & in nostrâ ciuitate, & in cæterisque rerum potitæ sunt, multis fortissimis, atque optimis viris, iniustis iudicijs, tales casus incidisse. Illud utinam ne vere scriberem, ea te Repub. carere, in qua neminem prudentem hominem res vlla delectet. De tuo autem filio vereor, ne si nihil ad te scripserim, debitum eius virtute videar testimonium non cepisse; sin autem omnia, quæ sentio perscripserim, ne refricem meis litteris desiderium, ac dolorem tuum: sed tamen prudentissimè facies, si illius pietatem, virtutem, industriam, vbi cumque erit tuam esse, tecum esse duces. NEC enim minus nostra sunt, quæ animo completimur, quam quæ oculis intuemur. Quamobrem, & illius eximia virtus summusque in te amor, magnæ tibi consolationi debet esse; & nos, cæteri; qui te: non ex fortuna, sed ex virtute tua pendimus, semperq; pendemus; & maximè animi tui conscientia, cum tibi nihil merito accidisse reputabis: & illud ad vnges, *HOMINES sapientes turpitudine, non casu: & delicto suo, non aliorum iniuria, commoueri*. Ego & memoria nostræ veteris amicitiae, & virtute, atq; obseruantia filij tui monitus, nullo loco deero, neque ad consolandum, neque ad leuandum fortunam tuam. Tu si quid ad me fortè scripseris, perficiam, ne te frustra scripisse arbitrere. Vale.

## ARGVMENTVM.

*Argumentis utitur septem, ut Fabium exulem consoletur:*

## CICERO S. D. T. FABIO.

18

**E** T si egomet, qui te consolari cupio, consolandus ipse sum; propterea quòd nullam rem grauius iamdiu tuli, quam incommodum tuum: tamen te magnopere non hortor solum, sed etiam, pro amore nostro rogo, atque oro, te colligas, vtrumque præbeas; & qua conditione omnes homines, & quibus temporibus nati sumus cogites: Plus tibi virtus tua dedit, quam fortuna abstulit: propterea quod adeptus es, quod non multi homines noui; amisti, quod plurimi homines nobilissimi.



mi. Ea deniq; videtur conditio impendere legum, iudiciorum, temporum, ut optimè actum cum eo videatur esse, qui quam leuissima pena ab hac Repub. discesserit. Tu vero, qui & fortunas, & liberos habeas, & nos cæterosque necessitudine, & beneuolentia tecum coniunctissimos; quique magnam facultatem sis habiturus nobiscum, & cum omnibus tuis viuendi, & cum vnum sit iudicium ex tam multis, quod reprehendatur, ut quod vna sententia, eaque dubia, potentia alicuius condonatum existimetur, omnibus his de causis debes istam molestiam quam leuissimè ferre. Meus animus eripit te, liberosque tuos semper, quem tu esse vis, & qui esse debet. Vale.

### ARGUMENTVM.

*Ruso, paulo ante Quæstori suo in Prouincia, suadet, ut in bello ciuili Pompeium sequatur.*

CICERO S. D. RVFO.

19

**E**T si mihi nunquam dubium fuit, quin tibi essem carissimus; tamen quoridie magis id perspicio; extatque id, quod mihi ostenderas quibusdam litteris, hoc te studiosiorem in me colendo fore, quam in Prouinciam fuisses, (etsi, meo iudicio, nihil ad tuum prouinciale officium addi potest) quolibet iudicium esse posset tuum. Itaque tue, & superiores litteræ tuæ admodum delectauerunt, quibus & expectatum meum aduentum abs te amanter videbam; & cum aliter res cecidisset, ac putasses te meo consilio magnopere esse lætatum, & his proximis litteris magnum cepi fructum, & iudicij, & officij tui: iudicij, quod intelligo, te id quod omnes fortes, ac boni viri facere debent, *Nihil putare utile esse, nisi quod rectum, honestumque sit*: officij, quod te mecum, quod cuique cepissem consilij polliceris fore: quo neque mihi gratius, neque, ut ego arbitror, tibi honestius esse quidquam potest. Mihi consilium captum iamdiu est; de quo ad te, non quò celandus esses, nihil scripsi antea; sed quia communicatio consilij tali tempore quasi quædam admonitio videtur esse officij, vel potius efflagitatio, ac coeundam societatem, vel periculi, vel laboris. Cum verò, ea tua sit voluntas, humanitas, beneuolentia erga me; libenter amplector talem animum: sed ita (non enim dimittam pudorem

in

in rogando meum) si feceris id, quod ostendis, magnam habeo gratiam: si non feceris, i. nesciam; & alterum timori, alterum mihi te negare non potuisse arbitror. Est enim res profecto maxima: qui rectum sit, appareat: quid expediat, obscurum est: ita tamen, ut, si non is sumus, qui esse debemus, id est studio digni, & litteris nostris, dubitare non possumus, qui in ea maxime conducant, quæ sunt rectissima. Quare tu, si simul placebit, statim ad me venies: sin idem placebit, atque eodem, nec continuo poteris, omnia tibi, ut nota sint, faciam quidquid statueris, te mihi amicum; sin id, quod opto, etiam amicissimum iudicabo. Vale.

## A R G V M E N T V M.

*Turbatio Ciceronis ad Rufum, Questorem antea summum in Cilicia, de rationibus prouincialibus, obscura epistola.*

## CICERO S. D. RVFO.

20

**Q**uoquo modo potuisssem, te conuenissem; si eò, quod constitueras, venire voluisses. Quare, etsi mei commodi causa commouere me noluisti; tamen ita existimes velim, me antelaturum fuisse, ad me misisses, voluntatem tuam commodi meo. Ad ea, quæ scripsisti commodius equidem possem de singulis ad te rebus scribere. si M. Tullius, Scriba meus, adesset: à quo mihi exploratum est, in rationibus dumtaxat referendis, (de cæteris rebus affirmare non possum) nihil eum fecisse scientem, quod esset contra aut rem, aut existimationem tuam; deinde, si rationum referendarum ius verus, & mos antiquus maneret; me relaturum rationes; nisi tecum pro coniunctione nostræ necessitudinis contulissem, confecissemque, non fuisse. Quod igitur fecissem ad Urbem, si consuetudo pristina maneret; id, quando lege Iulia relinquere rationes in Prouincia necesse erat, easdemque totidem verbis referre ad ærarium, feci in Prouincia: neque ira feci, ut te ad meum arbitrium adducerem; sed tribui tibi tantum, quantum me tribuisse nunquam penitebit. Totum enim Scribam meum, quem tibi video nunc esse suspectum, tibi tradidi; tu ci M. Mindium, fratrem tuum, adiunxisti: ratione contentæ, me absente, sunt tecum; ad quas ego nihil adhibui, præter lectionem.

lectionem: ita accepi librum à meo seruo Scriba, vt eundem acceperim à fratre tuo. Si honos is fuit, maiorem tibi habere non potuisti: si fides, maiorem tibi habui, quam pene ipsi mihi: si prouidendum fuit, ne quid aliter, ac tibi honestum, & utile esset referretur; non habui, cui potius id negotij darem, quam Scribæ meo. Illud quidem certè factum est, quod lex iubebat, vt apud duas ciuitates, Laodicensem, & Apamensem, quæ nobis maximæ videbantur, quoniam ita necesse erat, rationes confectas, & consultas deponeremus. Itaque huic loco primum respondeo; me, quanquam iustis de causis rationes deferre properarim; tamen te expectaturum fuisse, nisi in prouincia relictas rationes pro latis haberem. Quamobrem, de Volusio quod scribis, non est id rationum: docuerunt enim me periti homines, in his cum omnium peritissimus, tum mihi amicissimus C. Camillus, ad Volusium transferri nomen à Valerio non potuisse, sed prædes Valerianos teneri, neq; id erat H. S. XXX. vt scribi, sed XIX. Erat enim curata nobis pecunia Valerij mancipij nomine: ex qua, reliquum, quod erat, in rationibus retuli. Sed sic me & liberalitatis fructu priuas, & diligentia, & quod minimè tamen laboro, mediocris etiam prudentia: liberalitatis, quod maioris Scribæ mei beneficio, quam meo legatum meum, præfectumque maxima calamitate leuatos, cum præsertim non deberent esse obligati: diligentia, quod existimas, de tanto officio meo, tanto etiam periculo, nec scisse me quicquam, nec cogitasse, Scribam, quidquid voluisset, cum id mihi ne recitasset quidem, retulisset: prudentia, cum rem a me insipienter quidem cogitatam putas. Nam & Volusij liberandi meum fuit consilium: & vt multa tam grauis Valerianis prædibus, ipsique T. Mario depelleretur, à me inita ratio est, quam quidem omnes non solum probant, sed etiam laudant: & si verum scire vis, hoc vni Scribæ meo intellexi non nimirum placere, sed ego putauisse viri boni, cum populis suum seruaret consulere fortune tot vel amicorum, vel ciuium. Nam de Luceio est ita actum, vt, auctore Cn. Pompeium, ista pecunia in fano poneretur. Id ego agnoui, meo iussu esse factum, qua pecunia Pompeius est usus; vt tuam, quam tu deposueras, Sextius, sed hoc ad te nihil intelligi pertinere. Illud me non animaduertisset moleste ferrem,

rem, vt adscriberem, te in fano pecuniam iussu meo deposuisse nisi ista pecunia grauiſſimus eſſet, certiſſimiſque monumen ti reſtata, cui data, quo S. C. quibus tuis, quibus meis litteris P Sextio tradita eſſet. Quæ cum viderem tot veſtigijs impreſſa, vt in his errari non poſſet; non adſcripſi id, quod tua nihil referebat; ego tamen adſcripſiſſe mallem, quando id te video deſiderare. Sicut ſcribis tibi id eſſe referendum, idem ipſe ſentio: neque in eo quidquam à meis rationibus diſcrepabunt tuæ: ades enim tu, meo iuſſu; quod ego nunquam addidi; nec cauſa eſt, cur negem, nec, ſi eſſet & tu nolles, negarem. Nam de H. S. non gentis millibus certè ita relatum eſt, vt tu, ſiue frater tuos referri voluit. Sed, ſi quid eſt (quando de Luceio parum prouiſum eſt) quod ego in rationibus referendis etiam nunc corrigere poſſim; de eo mihi, cum S. C. non ſim vſus, quid per leges liceat, conſiderandum eſt: te certè in pecunia exaſta ita efferre, ex meis rationibus relatis non oportuit, niſi quid me fallit: ſunt enim alij peritiores. Illud caue dubites, quid ego omnia faciam, quæ intereſſe tua, aut etiam velle te exiſtimem, ſi vllò modo facere poſſim. Quod ſcribis de beneficijs: ſcito à me, & Tribunos militares, & Præfectos, & contubernales dumtaxat meos delatos eſſe. In quo quidem ratio me ſefellit: liberum enim mihi tempus ad eos deferendos exiſtimabam dari: poſteà certior ſum factus, triginta diebus deferri neceſſe eſſe, quibus rationes retuliſſem. Sanè moleſtè tuli, non illa beneficia tuæ potius ambitioni reſeruata eſſe, quam meæ, qui ambitio nihil vterer. De Centurionibus tamen, & Tribunorum militarium contubernalibus res eſt in integro; genus enim horum beneficiorum definitū lege non erat. Reliquum eſt de H. S. centum millibus: de quibus memini mihi à te Myrina litteras eſſe allatas, non mei errati, ſed tui, in quo peccatum videbatur eſſe, ſi modo erat, fratris tui, & Tullij. Sed, cum id corrigi non poſſet, quod iam depositis rationibus ex Prouincia deceſſiſſemus: credo me quidem tibi pro animi mei voluntate, proque ea ſpe facultatū, quam tum habebamus quam humaniſſimè potuerim ſcripſiſſe. Sed neque tum me humanitate mearum litterarum obligatum puto, neque tuam hodie epiſtolam de H. S. centum milibus ſic accepiſſe, vt ij acci-  
piunt,

piunt, quibus epistolæ per hac tempora molestæ sunt. Simul illud cogitare debes, omnem pecuniam, quæ ad me saluis legibus peruenisset, Ephesi apud publicanos deposuisse: id fuisse H. S. XXII. millia: eam omnem pecuniam Pompeium abstulisse: quod ego siue æquo animo sero, siue iniquo: tu de H. S. centum millibus æquo animo ferre debes: & existimare eò minus ad te vel de tuis cibarijs, vel de mea liberalitate peruenisse. Quod si mihi expensa ista Sestertia centum tuisses, tamen, quæ tua est suauitas, quique in me amor, nolles à me hoc tempore æstimationem accipere: nam numeratum si cuperem non erat. Sed hæc iocatum me putato, ut ego te existimo. Ego tamen, cum Tullius rure redierit, mittam eum ad te, si quid ad rem putabis pertinere. Hanc epistolam, cur non scindi velim causa nulla est. Vale.

### ARGVMENTVM.

*Cupidum se esse significat Mesciniy videndi: eumque hortatur ut acerbitatem temporum litterarum studio, optimaque conscientia recollectione mitiget.*

### CICERO S. D. L. MESCINIO.

21

**G**ratæ mihi tuæ litteræ fuerunt: ex quibus intellexi, quod etiam sine litteris arbitrabar, videndi mei te summa cupiditate affectum esse. Quod ego ita libenter accipio, ut tamen tibi non concedam: nam, tecum esse (ita mihi communia omnia, quæ opte, contingant) ut vehementer velim. Etenim, cum esset maior, & virorum, & civium bonorum, & iucundorum hominum, & amantium mei copia, tamen erat nemo, qui cum esse libentius, quam tecum; & pauci, quibuscumque libenter: hoc verò tempore, cum alij inrerierint, alij absint, alij mutati voluntate sint; vnum mediis fidius tecum diem libentius potuerim, quam hoc omne tempus cum plerisque eorum, quibuscum vivo necessariò. Noli enim existimare, mihi non solitudinem iucundiorē esse, qua tamen ipsa uti non licet, quam sermones eorum, qui frequentant domum meam, excepto vno, aut ad summum altero. Itaque vix eodem perfugio, quo tibi utendum censeo, litterulis nostris; præterea etiam conscientia consiliorum meorum. Ego enim is sum, quemadmodum tu facillimè potes existimare, qui nihil vnquam mea potius,

potius, quam meorum civium causa fecerim: tui nisi innidisset is, quem tu nunquam amasti, (me enim amabas) & ipse beatus esset, & omnes boni. Ego sum, qui nullius viui plus valere volui, quam honestum orium: idemque cum illa ipsa arma, quæ semper timueram, plus posse sensi, quam illum confensum bonorum, quem ego idem effeceram; quavis tuta conditione pacem accipere malui, quam viribus cum valentior pugnare. Sed & hæc; & multa alia coram brevi tempore licebit. Neque me tamen ulla res alia Romæ tenet, nisi expectatio rerum Africanarum, videtur enim mihi res in propinquum adducta discrimen, puto autem mea nonnihil interesse: quanquam, id ipsum quid intersit, non sanè intelligo; veruntamen, quidquid illinc nunciatum sit, non longè abesse à consilij amicorum. Est enim res ipsa iam in eum locum adducta, ut quanquam multum intersit inter eorum causas, qui dimicant; tamen inter victorias non multum interfuturum putem. Sed planè animus, qui dubijs rebus forsitan fuerit infirmior, desperatis confirmatus est multum: quem etiam superiores tuæ litteræ confirmarunt: quibus intellexi, quam fortiter iniuriam ferres; inuicque me, tibi cum summam humanitatem, tum etiam tuas litteras profuisse. Verum enim scribam inenarrabilem mihi animo videbare, sicut omnes ferè, qui vita ingenua, in beata, & libera ciuitate viximus. Sed ut illa secunda moderatè tullimus; sic hanc non solum aduersam, sed etiam funditus eversam fortunam, fortiter ferre debemus: ut hoc saltem in maximis malis boni consequamur, ut mortem, quam etiam beati contemnere debebamus, propterea quod nullum sensum esset habitura; nunc sic affecti, non modò contemnere debeamus, sed etiam optare. Tu, si me diligis, fructu isto orio: tibi que persuade, *PRAETER culpam, ac peccatum*, quo semper caruisti, & carebis homini accidere nihil posse, quod sit horribile, aut peritimescendum. Ego, si videbitur rectè fieri posse, ad te veniam breui, si quid acciderit, ut mutandum consilium sit, te certiores faciam statim. Tu ita fac cupidus mei videndi sis, ut istinc te ne moueas tam infirma valetudine; nisi ex me prius quæsieris per litteras, quid te velim facere. Me velim, ut facis, diligas: valetudinemque tuæ, & tranquillitati animi seruias. Vale.

M. T V L L I I  
C I C E R O N I S  
E P I S T O L A R V M

Ad Torquatum, & alios.

L I B E R S E X T V S.

A R G V M E N T V M.

*A. Manlium Torquatum, qui Pompeianas partes secutus erat  
consolatur in eo, quod Romæ non sit; & aliquam simul spem  
reditus ostendit.*

CICERO S. D. TORQVATO.

I

**E**ta perturbatio est omnium rerum, ut suæ quem-  
que fortunæ maximè peniteat, nemoque sit, quin ubi-  
us, quam ibi, ubi est, esse malit, tamen mihi dubium  
non est, quin hoc tempore bono viro, Romæ esse, mi-  
ferrimum sit. Nam etsi, quocunq; in loco quisquis est idem est ei  
sensus, & eadem acerbitas ex interitu rerum, & publicarum, &  
suarum, tamen *Oculi augent dolorem; qui ea, quæ ceteri audiunt,  
intueri coguntur; nec auertere à miserijs cogitationem sinunt.*  
Quare, etsi multarum rerum desiderio te angere necesse est; ta-  
men illo dolore, quo maximè te confici audio, quòd Romæ non  
sis, animum tuum libera. Etsi enim cum magna molestia  
tuos, tuaque desideras; tamen illa quidem, quæ requiris,  
suum statum tenent? nec melius, si tu adesses, tenerent, nec  
sunt villo in proprio periculo: nec debes tu, cum de tuis co-  
gitas, aut præcipuam aliquam fortunam postulare, aut com-  
munem recusare. De te autem ipso, Torquate, est tuum sic  
agitare animo, ut non adhibeas in consilium cogitationum tua-  
rum desperationem, aut timorem; nec enim is, qui in te adhuc  
iniu-

iniustior, quam tua dignitas postulabat, fuit, non magna signa dedit animi erga te mitigati: nec tamen is ipse, à quo salus petitur, habet explicatam, aut exploratam rationem salutis suæ. *CVMQVE omnium bellorum exitus incertè sint*, ab altera victoria tibi periculum nullum esse perspicio, quod quidem seiunctum sit ab omnium interitu; ab altera te ipsum nunquam timuisse, certo scio; Reliquum est, ut te ipsum, quod ego quasi consolationis loco pono, maxime excrucier, commune periculum Reip. cuius tanti mali, quamvis docti viri multa dicant, tamen vereor, ne consolatio vlla possit vera reperiri, præter illam, quæ tanta est, quantum in cuiusque animo roboris est, atque neruorum. Si enim *BENE sentire, recteque facere, satis est ad bene, beateque viuendum*; vereor, ne, eum, qui se optimorum consiliorum conscientia sustentare possit; miserum esse, nefas sit dicere. Nec enim nos arbitror, victoriæ præmijs ductos, patriam olim & liberos, & fortunas reliquisse: sed quoddam nobis officium iustum, & pium, & debitum Reip. nostræque dignitati videbatur: qui neque, cum id faciebamus, tam eramus amentes, ut explorata nobis esset victoria. Quare, si id euenit, quod ingredientibus nobis in causam propositum fuit accidere posse, non debemus ita cadere animis, quasi aliquid euenierit, quod fieri posse nunquam putarimus. Simus igitur ea mente, quam ratio, & veritas præscribit: ut *NIHIL in vita nobis præstandum, præter culpam putemus eaque cum careamus, omnia humana placatè, & moderatè: feramus*. Atque hæc eò pertinet oratio, ut perditis rebus omnibus, tamen ipsa virtus se sustentare posse videatur: sed, si est spes aliqua rebus communibus, ea tu, quicunque status est futurus, carere non debes, Atque hæc mihi scribenti veniebat in mentem, me cum esse, cuius tu desperationem accusare solitus esses; quemque auctoritate tua cunctantem, & diffidentem excitare. Quò quidem tempore non ego causam nostram, sed consilium improbabam: sero enim nobis ijs armis aduersari videbam, quæ multo ante confirmata per nosmetipsos erant: docebamque pilis, & gladijs, non consilijs neque auctoritatibus nostris, de iure publico disceptari. Neque ego, quæ facta sunt, fore, cum dicebam, diuinabam futura; sed, quod

L

&amp; sic-



& fieri posse, & exitiosum fore, si euenisset, videbam; id ne accideret, timebam: præsertim, cum si mihi alterutrum de euentu, atque exitu rerum promittendum esset, id futurum, quod euenit exploratiùs possem promittere; ijs enim rebus præstabamus, quæ non prodeunt in aciem: vsu autem armotum, & militum robore inferiores eramus. Sed tu illum animum nunc adhibe, quæso, quo me tum esse oportere censebas. Hæc eo scripsi; quod mihi nunc Philargyrus tuus, omnia de te requirenti, fidelissimo animo, vt mihi quidem visus est, narrauit, te interdum sollicitum solere esse vehementiùs: quod facere non debes: nec dubitare, quin aut aliqua Republica sis futurus, qui esse de bes, aut perditâ, non afflictiore conditione, quam cæteri. Hoc verò tempus, quò exanimati omnes, & suspensi sumus, hoc moderatiore animo ferre debes, quod & in ea vrbe es, vbi nata, & alta est ratio, ac moderatio vitæ: & habes Seruium Sulpicium, quem semper vnice dilexisti, qui te profecto, & beneuolentia, & sapientia consolatur; cuius si essemus auctoritatem, & consilium secuti: rogari potiùs potentiam, quam armati victoriam subissemus. Sed hæc longiora fortasse fuerunt, quam necesse fuit: illa, quæ maiora sunt, breuiùs exponam. Ego habeo cui plus, quam tibi debeam, neminem quibus tantum debebam, quantum tu intelligis: eos mihi huius belli casus eripuit: qui si nunc hoc tempore, intelligo, sed quia *Nemo est tam afflictus, qui, si nihil aliud studeat, nisi id, quod agit, non possit nauare aliquid & efficere*; omne meum consilium, operam, studium certè velim existimes tibi, tuisque liberis esse debitum. Vale.

### ARGVMENTVM.

*Primum se excusat, quòd minus sæpè scribat: deinde de reditu Torquati esse impetratum, significat: & consolationis loco subiungit nihil ei præcipue timendum.*

M. CICERO S. D. A. TORQ.

**P**Eto à te, ne me putes obliuione tui rarius ad te scribere, quam solebam: sed aut grauitate valetudinis, qua tamen iam paullulum videor lenari; aut quod absim ab Vrbe, vt, qui ad

te

te proficiantur, scire non possum. Quare velim ita statutum habeas, me tui memoria summa cum benevolentia tenere; quasque omnes res non minori mihi curæ, quam meas esse. Quod maiore in varietate versata est adhuc tua causâ, quam homines aut volebant, aut opinabantur; mihi crede, non est promalis temporum, quod molestè feras: necesse est enim, aut armis virgeri, Rempublicam sempiternis, aut, his positis, recreari aliquando, aut funditus interire. Si arma valebunt, nec eos, à quibus reciperis, vereri debes: nec eos, quos adiuvisti. Si armis aut conditione positis, aut defatigatione abiectis, aut victoria detractis, ciuitas respirauerit, & dignitate tua frui tibi, & fortunæ licebit. Sin omnino interierint omnia, fueritque is exitus, quem vir prudentissimus M. Antonius iam tum timebat, cum tantum instare malorum suspicabatur; misera est illa quidem consolatio, tali præsertim ciui, & viro, sed tamen necessaria; *Nihil esse præcipue cuiquam dolendum in eo; quod accidat vniuersis.* Quæ vis insit in his paucis verbis, (plura enim committenda epistolæ non erant) si attendes, quod facis; profectò etiam sine meis litteris intelliges, te aliquid habere, quod speres: nihil, quod aut hoc, aut aliquo Reipublicæ statu timeas: omnia si interierint, cum superstitem te esse Reipublicæ, ne, si liceat quidem velis, ferendam esse fortunam; præsertim quæ absit à culpa. Sed hæc hæcenus. Tu velim scribas ad me, quid agas, & vbi futurus; sis ut aut quo scribam, aut quo veniam, scire possim. Vale.

## A R G V M E N T V M.

*Consolari vult: sed quia nihil aliud ad consolandum suppetit, consolationem ait debere esse optimorum consiliorum conscientiam.*

M. CIC. S. D. A. TORQVATO.

3

**S**uperioribus litteris, benevolentia magis adductus, quam quod res ita postularer, fui longior; nec enim confirmatione nostra egebat virtus tua; neque erat ea mea causâ, atque fortuna; ut cui omnia deessent, alterum confirmarem. Hoc item tempore breuior esse debeo: siue enim tum nihil opus fuit, tam multis verbis; nihilo magis nunc opus est; siue tum opus

L 2 fuit,

fuit; illud satis est, præsertim cum accesserit nihil noui. Nam, etsi quotidie aliquid audimus earum rerum, quas ad te perferri existimo, summa tamen eadem est, & idem exitus, quem ego tam video animo, quam ea, quæ oculis cernimus: nec verò quidquam video, quod non idem te videre certò sciam. Nam etsi, quem exitum acies habitura sit, diuinare nemo potest; tamen & belli exitum video: & si id minus, hoc quidem certè, cum sit necesse alterutrum vincere, qualis futura sit vtriusque hæc, vel illa victoria. Idque cum optimè perspexi, tale video, nihil ut mali videatur esse futurum, si id vel ante acciderit, quod vel maximum ad timorem proponitur. *Ita enim viuere, ut non sit viuendum, miserimum est; mori autem nemo sapiens miserum duxit, ne beato quidem.* Sed in ea es vrbe, in qua hæc vel plura, & ornatiora parietes ipsi loqui posse videantur. Ego tibi hoc confirmo; *Etsi levis est consolatio ex miseris aliorum;* nihilo te nunc maiore in discrimine esse, quam quemuis aut eorum, qui discesserint, aut eorum, qui remanserint; alteri dimicant, alteri victorem timent. Sed hæc consolatio levis, illa grauior, qua te vti spero, ego certè vtor: nec enim dum ero, angar vlla re, cum omni vacem culpa: & si non ero, sensu omnino carebo. Sed rursus *γλαῦκας Αθήνας*, qui ad te hæc. Mibi tu, tui, tua omnia maximæ curæ sunt, & dum viuam, erunt. Vale.

### ARGVMENTVM.

*Consolatoria epistola, rationibus undecumque collectis: sed, si consideras desperationem potius continet.*

M. CICERO S. D. A. TORQVATO.

4

**N**Oui, quod ad te scriberem, nihil erat; & tamen si quid esset, sciebam te à tuis certiorum fieri solere. De futuris autem rebus etsi semper difficile est dicere; tamen interdum coniectura possis proprius accedere, cum res est eiusmodi, cuius exitus providere possit. Nunc tantum videmur intelligere, non diuturnum bellum; etsi id ipsum nonnullis videatur secus. Equidem, cum hæc scribebam, aliquid iam actum putabam; non, quod ego certò scirem; sed quod non difficilis erat coniectura. Nam cum omnis belli Mars communis, & cum sem-

semper incerti exitus praeliorum sunt; tum hoc tempore ita magnæ utrinque copiæ, ita paratæ ad depugnandum esse dicuntur; ut, utrumcumque vicerit, non sit mirum futurum. Illa in dies singulos magis, magisque opinio hominum confirmatur; etiam si inter causas armorum aliquantum intersit; tamen inter victorias non multum inter futurum, alteros propemodum iam sumus experti: de altero, nemo est, quin cogitet quàm sit metuendus iratus victor armatus. Hoc loco si videor augere dolorem tuum, quem consolando leuare debebam; fateor me communium malorum consolationem nullam inuenire præter illam, quæ tamen, si possis eam suscipere, maxima est, quaque ego quotidie magis utor; *CONSCIENTIAM rectæ voluntatis maximam consolationem esse rerum incommodarum: nec esse ullum magnum malum præter culpam*: à qua quando tantum absumus, ut etiam optimè senserimus; euentusque magis nostri consilij, quam consilium repræhendatur, & quando præstitimus, quod debuimus, moderatè, quod euenit, feramus. Sed hoc mihi tamen non sumo, ut te consolet de communibus miterijs: quæ & ad consolandum maioris ingenij, & ad ferendum singularis virtutis indigent. Illud cuius facile est docere, cur præcipuè tu dolere nihil debeas; eius enim, qui tardior in te leuando fuit, quam fore putaramus, non est mihi dubia de tua salute sententia: de alijs autem non arbitror te expectare quid sentiam. Reliquum est, ut te angat, quod absis à tuis tamdiu res molesta: præsertim ab ijs pueris, quibus nihil potest esse festiuius. Sed, ut antea ad te scripsi, tempus est huiusmodi ut suam quisque conditionem miserrimam putet: & ubi quisque sit, ibi esse minimè velit. Equidem nos, quod Romæ sumus, miserrimum esse duco: non solum, quod *In omnibus malis acerbius est videre, quam audire*; sed etiam, quod ad omnes casus subitorum periculorum magis obiecti sumus, quam si abessemus. Et si me ipsum consolatore tuum non tantum litteræ, quibus semper studui, quantum longinquitas temporis mitigauit. Quanto fuerim dolore, meministi; in quo prima illa consolatio est, vidisse me plus quam cæteros, cum cupiebam, quamuis iniqua conditione, pacem: quod etsi casu non diuinatione mea factum est; tamen hac inani prudentiæ laude dele-

dolor. Deinde; quod mihi ad consolationem commune recum est, si iam vocet ad exitum vite, non ab ea Rep. auellat, quæ carentium esse doleam: præsertim cum id sine vilo sensu futurum sit. Adiuuat etiam ætas, & æta iam vita: quæ cum cursu suo bene confecto delectatur; tum verat in eo vim timere, quo nos iam natura ipsa penè perduxerit. Postremo is vir, vel etiam ij viri hoc bello occiderunt, vt impudentia videtur, eandem fortunam, si res cogat, recusare. Equidem mihi omnia propono: nec vilius est tantum malum, quod non putem impendere: sed cum plus in metuendo mali sit, quam in illo ipso, quod timeretur, desino: præsertim cum id impendeat, in quo non modò dolor nullus, verum finis etiam doloris futurus sit. Sed hæc satis multa, vel plura potius, quam necesse fuit, facit autem non loquacitas mea, sed beneuolentia longiores epistolas. Seruium discessisse Athenis, molestè tuli; non enim dubito, quin magnæ tibi leuationi sit solitus esse quotidianus congressus, & sermo cum familiarissimi hominis, tum optimi, & prudentissimi viri. Tu velim te, vt debes, & soles, tua virtute sustentes. Ego, quæ te velle, quæque ad te, & ad tuos pertinere arbitror, omnia studiosè, diligenterque curabo; quæ cum faciam, beneuolentiam tuam erga me imitabor, merita non assequar. Vale.

### ARGUMENTVM.

*Cecinam, qui pro Pompeio contra Casarem pugnauerat, patria carentem, bene sperare iubet: seque ei nulla in re defuturum pollicetur. Ei autem Casarem ignouisse. Hirrius tradit de bello Africano*

CICERO S. D. A. CECINÆ.

**Q**uoties tu quæ filium tuum video, (video autem ferè quotidie) polliceor ei studium meum, & operam sine vlla exceptione, aut laboris, aut occupationis, aut temporis; gratiam autem, atque auctoritatem cum hac exceptione, quantum valeam; quantumque possim. Liber tuus, & lectus est, & legitur à me diligenter, & custoditur diligentissime. Res, & fortunæ tuæ mihi maximæ curæ sunt: quæ quidem quotidie faciliores mihi, & meliores videntur; multisque video magnæ esse

esse curæ: quorum de studio, & de sua spe filium ad te præscripsisse scio. Is autem de rebus, quas coniectura consequi possumus, non mihi sumo, ut plus ipse prospiciam, quam te videre, atque intelligere mihi persuaserim: sed tamen, quia fieri potest, ut tu ea perturbatiore animo cogites, puto esse meum, quid sentiam, exponere. Ea natura rerum est, & is temporum cursus, ut non possit ista aut tibi, aut cæteris fortuna esse diuturna: neque hære in tam bona causa, & in tam bonis civibus tam acerba iniuria. Quare ad eam spem, quam extra ordinem de te ipso habemus, non solum propter dignitatem, & virtutem tuam, (hæc enim ornamenta sunt tibi etiam cum alijs communia) accedunt tua præcipua, propter eximium ingenium, summamque virtutem: cui mehercule hic, cuius in potestate sumus, multum tribuit. Itaque ne punctum quidem temporis in ista fortuna fuisses: nisi eo ipso bono tuo, quo delectatur, se violatum putasset, quod ipsum lenitur quotidie; significaturque nobis, ab ij, qui simul cum eo vivunt, tibi hanc ipsam opinionem ingenij apud ipsum plurimum profuturam. Quapropter primum fac animo forti, atque magno sis: ita enim natus, ita educatus, ita doctus es, ita etiam cognitus, ut tibi id faciendum sit: denique spem quoque habeas firmissimam propter eas causas quas scripsi. A me verò tibi omnia, liberisque tuis paratissima esse confidas velim. Id enim & verustas nostri amoris, & mea consuetudo in meos, & tua multa erga me officia postulant. Vale.

## A R G V M E N T V M.

*Ad confirmandum Cæcina exulis animum divinationem quandam inducit, sumptam ex Caesaris natura, & ex civitum temporum ratione.*

## CICERO S. D. CÆCINÆ.

6

**V**ereor, ne desideres officium meum, quod tibi pro nostra, & meritorum multorum, & studiorum, & partium conjunctione deesse non debet: sed tamen vereor, ne litterarum à me officium requiras: quas tibi & iam pridem, & sæpè misissem; nisi quotidie melius expectans, gratulationem, quam confirma-

tionem animi tui, complecti litteris maluissem: nunc autem, ut spero, breui gratulabimur, itaque in aliud tempus id argumentum epistolæ differo. His autem litteris animum tuum, quem minimè inbecillum esse, & audio, & spero; etsi non sapientissimi, & amicissimi hominis auctoritate confirmandum etiam atque etiam puto; nec ijs quidem verbis, quibus te consolet ut afflictum, & iam omni spe salutis orbatum; sed ut eum, de cuius incolumitate non plus dubitem, quam te memini dubitare de mea. Nam cum me ex Republica expulissent ij, qui illam cadere posse, stante me, non putarunt; memini me ex multis hospitibus, qui ad me ex Asia, in qua tu eras, venerant, audire te de glorioso, & celeri reditu meo confirmare. Si te ratio quædam Etruscæ disciplinæ, quam à patre nobilissimo, atque optimo viro acceperas, non fefellit; nec nos quidem nostra diuinationo faller; quam tum sapientissimorum virorum monumētis, atque præceptis plurimoque, ut tu scis, doctrinæ studio, tum magno etiam usu tractandæ Reipublicæ, magna; nostrorum temporum varietate consecuti sumus. Cui quidem diuinationi hoc plus confidimus, quod ea nos nihil in his tam obscuris, rebus tamque perturbatis vniquam omnino fefellit. Dicerem, quæ antea futura dixissem, ni vereretur, ne ex euēis fingere videretur. Sed tamen plutimi sunt testes, me & initio, ne coniungeret se cū Cæsare, monuisse Pompeium, & postea, ne seiungeret: coniunctione frangi Senatus opes; disjunctione ciuile bellum excitari videbā. Atqui utebar familiarissimè Cæsare; Pompeiū faciebam plurimi: sed erat meum consilium cū fidele Pompeio, tum salutare vtrique. Quæ præterea prouiderim, prætereo, nolo enim hunc, de me optimè meritum, existimare, ea me suasisse Pompeio, quibus ille si paruisset, esset hic quidem clarus in toga, & princeps; sed tantas opes, quantas nunc habet, non haberet. Eundem in Hispaniam censi; quod si fecisset, ciuile bellum nullum omnino fuisset. Rationem haberi absentis. non tam pugnavi ut liceret, quàm, ut quando, ipso Consule pugnante, populus iusserat, haberetur. Causa belli orta est; quid ego prætermisi aut monitorum, aut quærelarum? cum vel iniquissimam pacem iustissimo bello anteferrem. Victa est auctoritas mea, non tam à Pompeio (nam is mouebatur)

batur) quàm ab ijs, qui duce Pompeio freri, per opportunam & rebus domesticis, & cupiditatibus suis illius belli victoriam fore putabant. Susceptum bellum est, quiescente me depulsum ex Italia, manente me quoad potui: sed valuit apud me plus pudor meus, quam timor; veritus sum deesse Pompeij salutis, cum ille aliquando non defuisset meæ. Itaque vel officio, vel fama bonorum, vel pudore victus, ut in fabulis Amphiaras, sic ego prudens, & sciens ad pestem ante oculos positam sum, profectus: quo in bello nihil aduersi accidit non prædicente me. Quare, quando, ut Augures, & Astrologi solens, ego quoque Augur publicus ex meis superioribus prædictis constitui apud te auctoritatem augurij, & diuinationis meæ; debet habere fidem nostra prædictio. Non igitur ex alitis volatu, nec è cantu sinistro oscinis, ut in nostra disciplina est; nec è tripudijs solistimis, aut somnijs tibi auguror; sed habeo alia signa; quæ obseruem: quæ etsi non sunt certiora illis, minus tamen habent vel obscuritatis, vel erroris. Notantur autem mihi ad diuinandum signa duplici quadam via: quarum alteram ducò è Cæsare ipso, alteram è temporum ciuiliū natura, atque ratione. In Cæsare hæc sunt; mitis, clemensque natura, qualis exprimitur præclare illo libro quærelarum tuarum; accedit, quòd mirificè ingenijs excellentibus, quale est tuum, delectatur, præterea, cedit multorum iustis, & officio incensis, non inanibus, aut ambitiosis voluntaribus; in quo vehementer eum consentiens Etruria mouebit. Cur hæc igitur adhuc parum prosterunt? quia non putat se sustinere causas posse multorum, si tibi cui iustius videtur irasci posse, concesserit. Quæ est igitur iniquitas, spes ab irato? Eodem fonte se hausturum intelligit laudes suas, è quo sit leuiter adpersus. Postremo, homo est valde acutus, & multum prouidens: intelligit, te, hominem in parte Italiæ minimè contemnendam, facile omnium nobilissimum, & in communi Rep. cuius summorum tuæ ætatis, vel ingenio, vel gratia, vel fama populi Rom. parem, non posse prohibere à Rep. diutius; nolet hoc temporis potius esse aliquando beneficium, quam iam suum. Dixit de Cæsare: nunc dicam de temporum, rerumque natura. Nemo est iam inimicus ei causæ, quàm Pompeius animatus melius,



melius,quàm paratus,sufceperat,qui nos malos ciues dicere;aut homines improbos audeat. In quo admirari soleo gratitatem, & iustitiam,& sapientiam Cæſaris: nunquam niſi honorificentiffimè Pompeium appellat. At in eius perſonam multa fecit aſperius; armorum iſta & victoriæ ſunt facta, non Cæſaris. At nos quemadmodum eſt complexus? Caſſium ſibi legauit: Brutum Galliæ præfecit: Sulpicium Græciæ: Matcellum, cui maxime ſuccenſebat, cū ſumma illius dignitate reſtituit. Quo igitur hæc ſpectant, reſum hoc natura, & ciuiliū temporum non patietur: nec manens, nec mutata ratio feret; primum vt non in cauſa pari eadem ſit & conditio, & fortuna omniſum: deinde vt in eam ciuitatem boni viri, & boni ciues; nulla ignominia notati non reuertantur, in quam tot neſariorum ſcelerum condemnati, reuerterunt. Habes augurium meum; quo ſi quid addubiſſet, nō potius vterer, quam illa conſolatione, qua facile fortem virum ſuſtentarem; te, ſi explorata victoria arma ſumpſiſſes pro Rep. (ita enim tum putabas) non nimis eſſe laudandum, ſin, propter incertos exitus, euentuſq; bellorum poſſe accidere, vt vinceremur, putaſſes: non debere te ad ſecundam fortunam bene paratum fuiſſe; aduerſam ferre nullo modo poſſe. Diſputarem etiam, quanto ſolatio tibi conſcientia tui facti, quantæ delectationi in rebus aduerſis litteræ eſſe deberent. Commemorarem non ſolum veterum, ſed horum etiam recentium, vel Ducum, vel comitum tuorum grauiffimos caſus; etiam externos multos claros viros nominarem; *Leuat enim dolorem communis quaſi legis, & humana conditionis recordatio.* Exponere etiam, quemadmodum hic, & quanta in turbā, quantaq; in confuſione rerū omnium viueremus: neceſſe eſt enim minore deſiderio perdita Rep. carere quam bona. Sed hoc genere nihil opus eſt; incolumē te citō, vt ſpero, vel potius, vt perſpicio, videbimus. Inrerē tibi abſenti, & hinc, qui adeſt imagini animi, & corporis tui conſtantiffimo, atq; optimo filio tuo ſtadium, officium, operam, laborem meum iam pridē & pollicitus ſum, & detuli; nunc hoc amplius, quod me amiciffimè quotidie magis Cæſar amplectitur; familiares quidem eius ſicuti neminem apud quem quidquid valebo vel auctoritate, vel gratia valebo tibi. Tu cura vt cū ſtimitudine te animi, tum etiam ſpe optima ſuſtentes. Vale.

## A R G V M E N T V M.

*Primum agit de libro, quem in Cæsarem scripserat: deinde studiosè rogat, ut veniam sibi à Cæsare, potestatemque impetret redeundi.*

CÆCINA S. D. CICERONI.

7

**Q**UOD tibi non tam celeriter liber est reditus; ignosce timori nostro, & miserere temporis. Filius, ut audio, pertimui; (neque iniuria) si liber exisset; quando non tam interest quo animo scribatur, quam quo accipiat in ea res ineptè mihi noceret; cum præsertim adhuc styli pœnas dem. Qua quidem in re singulari sum fatus; nam, cum mendum scripturæ littera tollatur, stulticia fama multetur; meus error exilio corrigitur: cuius summa criminis est, quod armatus aduersario maledixi. Ne ro nostrum est, ut opinor, quin vota victoriæ suæ fecerit; nemo quin etiam, cum de alia te immolaret, tamen eo quidem ipso tempore, ut quamprimum Cæsar superaretur, optarit. Hoc si non cogitatio omnibus rebus felix est; si scit, & persuasus est: quid irascitur ei, qui aliquid scripsit contra suam voluntatem, cum ignoret omnibus, qui multa Deos venerati sint contra eius salutem? Sed, ut eodem reuertar: causa hæc fuit timoris: scripsi de te, parè medium fidius, & timidè, non reuocans me ipse, sed penè refugiens. Genus autem hoc scripturæ non modò liberum, sed incitatum, atque elatum esse debere, quis ignorat; solum existimatur esse, alteri maledicere; tamen cauendum est, ne in petulantiam incidas: impeditum se ipsum laudare, ne vitium arrogantiae subsequatur: solum verò liberum alterum laudare: de quo quidquid decrahas, necesse est aut infirmitati, aut inuidiæ assignetur. Ac nescio, an tibi gratius, opportuniუსque acciderit, nam, quod præstare non poteram, primum erat non attingere: secundum beneficium, quam parcissimè facere, sed tamen ego me quidem sustinui: multa minui: multa sustuli: complura ne posui quidem. Quemadmodum igitur, scalarum gradus si alios tollas, alios incidas, nonnullos male hærentes relinquo, ruinæ periculum struas, non adscensum pares; sic tot malis tum victum, tum fractum studium scribendi, quid dignum auribus, aut probabi-

le

melius,quàm paratus,sufceperat,qui nos malos ciues dicere,aut homines improbos audeat. In quo admirari soleo grauitatem, & iustitiam,& sapientiam Cæſaris: nunquam niſi honorificentiffimè Pompeium appellat. At in eius perſonam multa fecit aſperius; armorum iſta & victoriæ ſunt facta, non Cæſaris. At nos quemadmodum eſt complexus? Caſſium ſibi legauit: Brutum Galliæ præfecit: Sulpicium Græciæ: Matcellum, cui maximè ſuccenſebat, cū ſumma illius dignitate reſtituit. Quo igitur hæc ſpectant, rerum hoc natura, & ciuiliū temporum non patietur: nec manens, nec mutata ratio feret; primum vt non in cauſa pari eadem ſit & conditio, & fortuna omnium: deinde vt in eam ciuitatem boni viri, & boni ciues; nulla ignominia notati non reuertantur, in quam tot neſariorum ſcelerum condemnati, reuerterunt. Habes augurium meum; quo ſi quid addubitarem, nō potius vterer, quam illa conſolatione, qua facile fortem virum ſuſtentarem; te, ſi explorata victoriā arma ſumpſiſſes pro Rep. (ita enim tum putabas) non nimis eſſe laudandum, ſin propter incertos exitus, euentuſq; bellorum poſſe accidere; vt vinceremur, putaſſes: non debere te ad ſecundam fortunam bene paratum fuiſſe; aduerſam ferre nullo modo poſſe. Diſputarem etiam, quanto ſolatio tibi conſcientia tui facti, quantæ delectationi in rebus aduerſis litteræ eſſe deberent. Commemorarem non ſolum veterum, ſed horum etiam recentium, vel Ducum, vel comitum tuorum grauiffimos caſus; etiam externos multos claros viros nominarem; *Leuat enim dolorem communis quaſi legis, & humana conditionis recordatio.* Exponerē etiam, quemadmodum hic, & quanta in turbā, quantaq; in conſuſione rerū omnium viueremus: neceſſe eſt enim minore deſiderio perdita Rep. carere quam bona. Sed hoc genere nihil opus eſt; incolumē te citō, vt ſpero, vel porius, vt perſpicio, videbimus. Interea tibi abſenti, & hinc, qui adeſt imagini animi, & corporis tui conſtantiffimo, atq; optimo filio tuo ſtudium, officiū, operam, laborem meum iam pridē & pollicitus ſum, & detuli; nunc hoc amplius, quod me amiciffimè quotidie magis Cæſar amplectitur; familiares quidem eius ſicuti neminem apud quem quidquid valebo vel auctoritate, vel gratia valebo tibi. Tu cura vt cū ſimilitudine te animi, tum etiam ſpe optima ſuſtentes. Vale.

## ARGUMENTVM.

*Primum agit de libro, quem in Cæsarem scripserat: deinde studiosè rogat, ut veniam sibi à Cæsare, potestatemque impetret redeundi.*

CÆCINA S. D. CICERONI.

7

**Q**UOD tibi non tam celeriter liber est reditus; ignosce timori nostro, & miserere temporis. Filius, ut audio, pertimui; (neque iniuria) si liber exisset; quando non tam interest quo animo scribatur, quam quo accipiat in ea res ineptè mihi noceret; cum præsertim adhuc styli pœnas dem. Qua quidem in re singulari sum fatus; nam, cum mendum scripturæ littera tollatur, stultitia fama multetur; meus error exilio corrigitur: cuius summa criminis est, quod armatus aduersario maledixi. Ne ro nostrum est, ut opinor, quin vota victoriæ suæ fecerit; nemo quin etiam, cum de alia re immolaret, tamen eo quidem ipso tempore, ut quamprimum Cæsar superaretur, optarit. Hoc si non cogitatio omnibus rebus felix est; si scit, & persuasus est: quid irascitur ei, qui aliquid scripsit contra tuam voluntatem, cum ignoret omnibus, qui multa Deos venerati sint contra eius salutem? Sed, ut eodem reuertar: causa hæc fuit timoris: scripsi de te, parè medium fidius, & timidè, non reuocans me ipse, sed penè refugiens. Genus autem hoc scripturæ non modò liberum, sed incitatum, atque elatum esse debere, quis ignorat; solum existimatur esse, alteri maledicere: tamen cauendum est, ne in petulantiam incidas: impeditum se ipsum laudare, ne vitium arrogantiae subsequatur: solum verò liberum alterum laudare: de quo quidquid detrahas, necesse est aut infirmitati, aut inuidiæ assignetur. Ac nescio, an tibi gratius, opportuniუსque acciderit, nam, quod præstare non poteram, primum erat non attingere: secundum beneficium, quam parcissimè facere, sed tamen ego me quidem sustinui: multa minui: multa sustuli: complura ne posui quidem. Quemadmodum igitur, scalarum gradus si alios tollas, alios incidas, nonnullos male hærentes relinquant, ruinæ periculum struas, non adscensum pares; sic tot malis tum victum, tum fractum studium scribendi, quid dignum auribus, aut probabi-

Is potest asserere? Cum verò ab ipsius Cæsaris nomen veni, toto corpore contremisco, non pœnæ metu, sed ipsius iudicij; totum enim Cæsarem non novi. Quem putas animum esse; vbi secum loquitur? hoc probabit, hoc verbum suspiciosum est: quid si mutuo? at vereor ne peius sit. Age verò, laudo aliquem; num offendo? cum porrò offendam, quid si non vult? armari stylium persequitur: victi, & nondum restituri quid faciet? Auges etiam tu mihi timorem, qui in Oratore tuo canes tibi per Britum, & ad exultationem socium quæris. Vbi hoc omnium patronus facit; quid me vererem tuum, nunc omnium clientem; sentire oportet? In hac igitur calumnia timoris, & cæcæ suspicionis tormento, cum plurima ad alieni sensus coniecturam, non ad suum iudicium, scribantur, quàm difficile sit euadere, si minus expertus es, quod te ad omnia summum, atque excellens armauit ingenium, nos sentimus. Sed tamen ego filio dixeram, librum tibi legeret, & auferret: aut ea conditione daret, si reciperes te correcturum; hoc est, si totum alium faceres. De Asiatico itinere, quanquã summa necessitas præmebat, ut imperasti, feci. Te pro me quid horret? videas tempus venisse, quo necesse sit de nobis constitui. Nihil est, mi Cicero, quod filium meum expectes; adolescens est; omnia excogitare vel studio, vel ætate, vel metu non potest; totum negotium tu sustineas, oportet, in te mihi omnis spes est: tu pro tua prudentia quibus rebus gaudeat, quibus capiatur Cæsar, tenes; à te omnia profisciscantur, & per te ad exitum perducantur, necesse est; apud ipsum multum, apud eius omnes plurimum potes. Vnum si tibi persuaseris, non hoc esse tui muneris, si quid rogatus fueris, ut facias, (quanquam id magnùm, & amplum est) sed totum tuum esse onus, perficies; nisi fortè aut in miseria nimis stultè, aut in amicitia nimis impudenter tibi onus impono. Sed utrique rei excusationem tuæ vitæ consuetudo dat: nam quòd ita consueti pro amici laborare, non iam sic sperant abs te, sed etiam sic imperant tibi familiares. Quod ad librum attinet, quem tibi filius dabit, peto à te, ne exeat; aut ita corrigas, ne mihi noceat. Vale.

## A R G V M E N T V M.

*Datum sibi à Balbo, & Oppio scribit, ut Cæcina liceret esse in Sicilia, ibique ut commoretur suadet.*

## CICERO S. D. CÆCINÆ.

8

**C**VM esset mecum Largus, homo tui studiosus, locutus, Kal. Ian. tibi præfinitas esse; quod omnibus in rebus perspexeram, quæ Balbus, & Oppius, absente Cæsare, egissent, ea solere illi rata esse; egi vehementer cum his, ut hoc mihi darent, tibi in Sicilia, quoad vellemus, vti esse liceret. Qui mihi consueissent aut libenter polliceri, si quid esset eiusmodi, quod eorum animos non offenderet; aut etiam negare, & afferre rationem, cur negarent; huic meæ rogationi potius non continuo responderunt; eodem die tamen ad me reuerterunt: mihi hoc dederunt, ut esses in Sicilia, quoad velles te præstaturus, nihil ex eo te offensionis habiturum. Quando, quid tibi permitatur, cognouisti: quid mihi placeat, pero te scire oportere. Actis his rebus, litteræ à te mihi sunt redditæ, quibus à me consilium petis, quid sim tibi auctor, in Siciliæ subsidias, an ut ad reliquias Asiaticæ negotiationis proficiscare. Hæc tua deliberatio non mihi conuenire visa est cum oratione Largi. Ille enim mecum, quasi tibi non liceret in Sicilia diutius commorari, ita locutus erat: tu autem, quasi concessum sit, ita deliberas. Sed ego, siue hoc, siue illud est, in Sicilia censeo commorandum; propinquitās locorum, vel ad impetrandum adiuuat crebris litteris, & nuncijs, vel ad reditus celeritatem, te aut impetrata, quod spero, aut aliqua ratione confecta: quamobrem censeo magnopere commorandum. T. Fursano Posthumio familiari meo, legatūque eius, item meis familiaribus, diligentissimè te commendabo, eum venerint: erant enim omnes Mutinenses viri sunt optimi, & tui similium studiosi, & mei necessarii. Quæ mihi venient in mentem, quæ ad te pertinere arbitror, ea me spontè faciam: quid ignorabo, de eo admonitus omnium studia vincam. Ego, etsi coram de te cum Fursano ita loquar, ut tibi litteris ad eum nihil opus sit; tamen quoniam tuis placuit te habere meas litteras, quas ei redderes, morem eis gessi. Earum litterarum exemplum infra scriptum est. Vale.

AR-

## A R G V M E N T V M.

*Brevis est epistola, sed perfecta commendationis exemplum.*

M. CICERO S. D. T. EVRF. PROCOS.

**C**VM A. Cæcinâ tanta mihi familiaritas, consuetudoque semper fuit, ut nulla maior esse possit; nam & patre eius claro homine, & fortî viro, plurimum vñ sumus: & hunc à puero, quod & spem mihi magnam afferebat summæ probitatis, suæ nûmq; eloquentiæ, & vivebat mecum coniunctissimè non solum officijs a nicitia, sed etiam studijs communibus, sic semper dilexi, ut non vñlo cum homine coniunctius viverem. Nihil attinet me plura scribere: quam mihi necesse sit eius salu-rem, & fortunas; quibuscumque rebus possim tueri, vides. Reliquum est, ut, cum cognorim pluribus rebus, quid tu & de bono n fortuna, & de Reipublicæ calamitatibus sentires, nihil à te petam, nisi ut ad eam voluntatem, quam tua spontè erga Cæcinam habiturus esses, tantus cumulus accedat commendatione mea, quanti me à te fieri intelligo. Hoc mihi gratius facere, nihil potes. Vale.

## A R G V M E N T V M.

*Pollicetur quidquid potest ad eius incolumitatem, neque nullam spem fortuna melioris ostendit.*

CICERO S. D. TREBIANO.

**E**GO, quanti te faciam, semperque fecerim, quanti me à te fieri intellexerim sum mihi ipse testis. Nam & consilium tuum, vel casus potius, diutius in armis civilibus commorandi, semper mihi magno dolori fuit: & hic euentus, quod tardius, quam est æquum, & quam ego vellem, recuperes fortunam, & dignitatem tuam, mihi non minori curæ est, quam tibi semper fuerint casus mei. Itaque & Posthumuleno, & Sextio, & sapissimè Attico nostro, proximèque Theudæ, liberto tuo, totum me patefeci: & his singulis sæpè dixi quacumque re possem, me tibi, & liberis tuis satisfacere cupere; idque tu ad tuos velim scribas; hæc quidem certè, quæ in potestate mea sunt, ut operam, studium, consilium, rem, fidem meam sibi ad omnes res para-  
ram

tam putent. Si auctoritate, & gratia tantum possem, quantum in ea Republica, de qua ita meritus sum, posse deberem: tu quoque is esses qui fuisti, cum omni gradu amplissimo dignissimus, tum certè ordinis tui facillè Princeps. Sed quando eodem tempore, eademque de causa nostrum vterque cecidit; tibi & illa polliceor, quæ supra scripsi, quæ sunt adhuc mea; & ea, quæ præterea videor mihi ex aliqua parte retinere, tanquam ex reliquijs pristinae dignitatis. Neque enim ipse Cæsar, ut multis rebus intelligere potui, est alienus à nobis; & omnes ferè familiarissimi eius, casu deuincti magis meis veteribus officijs, me diligenter observant, & colunt. Itaque, si quis mihi erit aditus de tuis fortunis, idest de tua incolumitate, in qua sunt omnia agendi, (quod quidem quotidie magis ex eorum sermonibus adducor, ut sperem,) agam per me ipse, & moliar. Singula persequi non est necesse: vniuersum studium meum, & benevolentiam ad te deferò. Sed magni mea interest: hoc titos omnes scire, quod tuis litteris fieri potest, ut intelligant, omnia Ciceronis parere Trebiano; hoc eò pertinet, ut nihil existiment esse tam difficile, quod non, pro te mihi susceptum, iucundum sit futurum. Vale.

## ARGVMENTVM.

*Excusatio cur non scripserit: consolatio, promissio meliorum rerum, & officij sui.*

## CICERO S. D. TREBIANO.

II

**A** Ntea misissem ad te litteras, si genus scribendi inuenirem. Tali enim tempore, aut consolari amicorum est, aut polliceri: consolatione non utebar quod ex multis audiebam, quam fortiter, sapienterque ferres iniuriam temporum; quamque te vehementer consolaretur conscientia factorum, & consiliorum tuorum. Quod quidem si facis, magnum fructum studiorum, optimorum capis, in quibus te scio semper esse versatum: idque ut facias, etiam te hortor. Simul & illud tibi, homini peritissimo rerum, & exemplorum, & omnis vetustatis, ne ipse quidem rudis, sed in studio minus fortasse, quam vellem, at in rebus, atque usu plus etiam, quam vellem versatus, spondeo, tibi acerbiter istam, & iniuriā non diuturnam fore. Nam & ipse,



se, qui plurimum potest, quotidie mihi delabi ad æquitatem, & ad rerum naturam videtur, & ipsa causa ea est, ut iam simul cū Rep. quæ in perpetuum iacere non potest, necessariò reuiuifcat, atque recreetur: quotidieq; fit aliquid lenius, & liberalius, quam timebamus. Quæ quoniam in temporum inclinationibus sæpè paruis posita sunt; omnia momenta obseruabimus: neque vllum prætermitemus tui iuuandi, & liberandi locum. Itaque illud alterum, quod dixi, litterarum genus quotidie mihi, ut spero, fiet procliuus, ut etiam polliceri possim, id re, quam verbis faciam libentius. Tu velim existimes, & plures te amicos haberet, quā qui in isto casu sint, ac fuerint, quantum quidem ego intelligere potuerim; & me concedere eorum memini. Fortem fac animū habeas, & magnum, quod est in vno, te, quæ sunt in fortuna, temporibus regentur, & consilij nostris prouidebunt. Vale.

### ARGVMENTVM.

*Gratulatur de reditu in patria impetrato: hortatur, ut præterita ex animo deleat, dignitatisque recuperationem rei familiaris iactura anteponat.*

CICERO S. D. TREBIANO.

12

**D**olabellam antea tantummodo diligebam; obligatus ei nihil eram: nec enim acciderat mihi opus esse; & ille mihi debebat, quod non defueram eius periculis. Nunc tanto sum deuinctus eius beneficio, quod & antea in te, & hoc tēpore in salute tua cumulatissimo mihi satisfecit; ut nemini plus debeam. Qua in re tibi gratulor ita vehementer, ut te quoq; mihi gratulari, quam gratias agere malim: alterum omninò non desidero; alterum verè facere poteris. Quod reliquum est, quando tibi vittus, & dignitas tua reditum ad tuos aperuit; est tuæ sapientiæ, magnitudinisq; animi, quid amiseris, obliuisci; quid recuperaueris, cogitare. Viues cum tuis: viues nobiscum, plus acquisuisti dignitatis, quam amisisti rei familiaris: quæ ipsa tum esset iucundior, si vlla res esset publica. Vestorius noster familiaris ad me scripsit, te mihi maximas gratias agere; hæc prædicationis tua mihi valdè grata est: eaque te uti facilè patior, cum apud alios, tum mehercule apud Sironem nostrum amicum. Quæ enim

enim facimus, à prudentissimo cuique maximè probata esse volumus. Te cupio videre quamprimum. Vale,

## A R G V M E N T V M.

*Gratulatur de reditu impetrato, & ad consolationem adscribit quedam perditis rebus aptiora.*

CICERO S. D. AMPIO BALBO.

13

**G**ratulor tibi, mi Balbe, vereque gratulor: nec sum tam stultus, ut te usura falsi gaudij frui velim: deinde frangi repente, atque ita cadere, ut nulla res te ad æquitatem animi postea possit extollere. Egi tuam causam apertius quam tempora nostra ferebant; vincebatur enim fortuna ipsa debilitate, gratiæ nostræ tui charitate, & meo perpetuo erga te amore, culto à te diligentissimè, Omnia promissa confirmata, cetera, & rara sunt, quæ ad reditum, & salutem tuam pertinent. Vidi, cognoui. interfui. Etenim omnes Cæsaris familiares satis opportunè habeo implicatos consuetudine, & benevolentia; sic, ut cum ab illo discesserint, me proximum habeant, Hoc Pansa, Hirtius, Balbus, Oppius, Marius, Posthumus planè ita faciunt, ut me vnicè diligant; quod si mihi pro me efficiendum fuisset; non me pœniteret pro ratione temporum ita esse molitum. Sed nihil est à me inferuitum temporis causa, veteres mihi necessitudines cum his omnibus intercedunt: quibuscum ego agere de te non destiti: principem tamen habuimus Pansam, tui studiosissimum, mei cupidum: qui valet apud illum non minus auctoritate, quam gratia. Cimber autem Tillius mihi planè satisfecit, valent tamen apud Cæsarem non tantum ambitiosæ rogationes, quàm necessariæ: quas quia Cimber habebat, plus valuit, quàm pro vilo alio valere potuisset. Diploma statim non est datum; quod iniqua est improbitas in quibusdam, qui tulissent acerbius, veniam tibi dari, quam illi appellant rubam belli ciuilis: multaque ita dicunt, quasi non gaudeant id bellum incidisse. Quare vilius est occultius agendum: neque vilo modo dispulandum, de te iam esse perfectum: sed id erit perbreui: nec lubi-ro, quin, legente te has litteras confecta iam res futura sit. Pansa quidem mihi, grauis homo, &

M

cer-

certus, non solum confirmavit, verum etiam recepit, perceleriter te ablaturum diploma. Mihi tamen placuit, hæc ad te scribi minus enim te firmum sermo Appuleiæ tuæ, lacrimæque ampliæ declarabant, quam significant litteræ tuæ: atque illæ arbitrabantur, cum à te abessent ipsæ, multò in grauiore te cura futurum. Quare magnopere putavi, angoris, & doloris tui leuandi causa pro certis ad te ea, quæ essent certa perscribi oportere. Scis me antea sic solitum esse scribere ad te magis, ut consolaretur fortem virum, atque sapientem, quam ut exploratam spem salutis ostendere; nisi eam, quam ab ipsa Rep. cum hic ardor extinctus esset, sperari oportere censerem. Recordare tuas litteras, quibus & magnum animum mihi semper ostendisti, & ad omnes casus ferendos constantem, atque paratum. Quod ego non mirabar, cum recordarer te, & à primis temporibus ætatis in Rep. esse versatum, & tuos magistratus in ipsa discrimina incidisse salutis, fortunarumque communium, & in hoc ipsum bellum esse ingressum, non solum, ut victor beatus, sed etiam, si ita accidisset, victus ut sapiens esses. Deinde, cum studium tuum consumas in victorum fortium factis memoriæ prodendis: conderare debes, nihil tibi esse committendum, quamobrem eorum, quos laudas, non te similem præbeas. Sed hæc oratio magis esset apta ad illa tempora, quæ iam effugisti: nunc verò tantum te para ad hæc nobiscum ferenda. Quibus ego, si quam medicinam inuenirem, tibi quoque eandem traderem: sed est vnum per fugium, doctrina, ac litteræ; quibus semper vti sumus: quæ secundis rebus delectationem modò habere videbantur; nunc verò etiam salutem. Sed, ut ad initium reuertar, caue dubites, quin omnia de salute, ac reditu tuo perfecta sint. Vale.

#### ARGUMENTVM.

*Scribit, se bene sperare de Ligarij salute: ad eamque imperandam omnia sua pollicetur. Interim hortatur, ut aduersam fortunam moderate ferat.*

#### CICERO S. D. Q. LIGARIO.

14

**E** T si tali tuo tempore me, aut consolandi, aut iuandi tui causa, scribere ad te aliquid pro nostra amicitia oportebat; tamen adhuc id non feci; quia neque lenire videbar oratione,

tionē, neque leuare posse dolorem tuum. Postea verò quā-  
 magnā spēm habere cēpi, fore vt te breui tempoti incolumē  
 habēremus; facere nō potui quin tibi & sententiā, &  
 voluntatē declarārem meā: Primum igitur scribā, quod  
 intelligo, & pēspicio, nō fore in te Cēsarem duriorē: Nam  
 & res eūi quotidie, & dies, & opinio hominū, & vt mihi  
 videtur; etiā sua natura mitiorē facit: idque cum de reli-  
 quis sentio, tum de te etiā audio ex familiarissimis eiūs. Qui-  
 bus ego ex eō tempore, quo primum ex Africa nūciūs veniit,  
 supplicare vnā cum fratribus tuis nō destiti; quorum quidem  
 & virtus, & pietas, & amor in te singularis, & assidua, & per-  
 petua salutis tuę cura tantum proficit, vt nihil sit, quod nō  
 ipsum Cēsarem tributurum existimem. Et si tardius sit, quā  
 volumus; magnis occupationibus eiūs, à quo omnia petuntur,  
 aditus ad eum difficiliores fuerunt: & simul Africanę causę  
 itatior diūtius velle videtur eos habere sollicitos, à quibus se  
 putat diuturnioribus esse molestijs confictarum. Sed hoc ipsum  
 intelligimus eum quotidie remissius, & placatius ferre. Quare  
 mihi crede, & memorię munda, me tibi id affirmasse, te in  
 istis molestijs diūtius nō futurum: Quando, quid sentirem, ex-  
 posui, quia vellem tuā causā; re potius declarabo, quā oratio-  
 ne. Et vero, si tantum possem, quāntum in ea Rep. de qua ita  
 meritus sum, vt tu existimas, posse debebam; ne tu quidem in  
 istis incommodis esses: eadem enī causā opes meas fregit,  
 quę tuā salutē in discrimen adduxit. Sed tamen, quidquid  
 imago veteris meę dignitatis, quidquid reliquię gratię vale-  
 bunt, studium, consiliū, opera, gratia, fides mea nullo loco  
 de erit tuis optimis fratribus. Tu fac habeas fortem animum,  
 quem semper habuisti; primum ob eas causas, quas scripsi, dein-  
 de, quod ea de Rep. semper voluisti, atque sensisti, vt nō modò  
 nunc secunda sperare debeas, sed etiā, si omnia aduersa essent,  
 tamen conscientia, & factorum, & consiliorum tuorum, quę-  
 cunque acciderent, fortissimo, & maximo animo ferre debe-  
 res. Vale.

## A R G V M E N T V M.

*Exorditur ab officij sui commemoratione Deinde, quid de reditu  
 Ligarij opinetur, subiungit.*

**M**E scito omnem meum laborem, omnem operam, curam, studium in tua salute consumere. Nam cum te semper maxime dilexi; tum fratrum tuorum, quos æquè, atque te, summa beneuolentia sum complexus, singularis pietas, amorque fraternus nullum ne patitur officij erga te, studijque munus, aut tempus prætermittere. Sed quæ faciam, fecerimque pro te ex illorum te litteris, quam ex meis malo cognoscere; quid autem sperem, aut confidam, & exploratum habeam de salute tua, id tibi à me declarari volo. Nam si quisquam est timidus in magnis, periculosisque rebus, semperque magis aduersos rerum exitus metuens, quàm sperans secundos; is ego sum: & si hoc vitium est, eo me non carere confiteor. Ego idem tamen, cum ad IV. Kalend. Intercalates priores, rogatu fratrum tuorum venissem manè ad Cæsarem; atque omnem adeundi, & conueniendi illius indignitatem, & molestiam perulissem; cum fratres, & propinqui tui iacerent ad pedes, & ego essem locutus, quæ causa, quæ tuum tempus postulabat; non solum ex oratione Cæsaris, quæ sanè mollis, & liberalis fuit, sed etiam ex oculis, & vultu, & multis præterea signis, quæ facilius perspicere potui, quam scribere, hanc in opinionem discessi, vt mihi tua salus dubia non esset. Quamobrem fac animo magno, fortique sis: & si turbidissima sapienter ferebas, tranquilliora lætè feras. Ego tamen tuis rebus sic adero, vt difficilimis: neque Cæsari solum, sed etiam amicis eius omnibus, quos mihi amicissimos esse cognoui; pro te, sicut adhuc feci, libentissimè supplicabo. Vale.

## A R G V M E N T V M.

*Continet hæc epistola, omnium breuissima gratulationem, beneuolentiam, officium.*

## CICERO S. D. BASILIO.

**T**Ibi gratulor, mihi gaudeo, te amo, tua tueor. A te amari, & quid agas quidque istic agatur, certior fieri volo. Vale.

## A R G V M E N T V M.

*Insinuat se ad petitionem, mutui amoris commemoratione: petit autem, vt se absentem tueatur, si quidem gratum fore non dubitet.*

**S**I mihi tecum non & multæ, & iustæ causæ amicitia priuatim essent; repeterem initia amicitia ex parentibus nostris: quod faciendum ijs existimo, qui paternam amicitiam nullis ipsi officijs prosecuti sunt. Itaque contentus ero nostra ipsorum amicitia: cuius fiducia peto à te, vt absentem me, quibuscumque in rebus opus fuerit, tueare; si nullum officium tuum apud me intermoriturum existimas. Vale.

## ARGVMENTVM.

*Mirum declarat desiderium cum Bithynico viuendi, & adiicit, se esse illi amore coniunctissimum.*

## CICERO S. D. BITHYNICO. 18

**C**VM cæterarum rerum causa cupio esse aliquando Remp. constitutam; tum velim mihi credas, accidere id etiam, quo magis expectam promissum tuum, quo in litteris vteris: scribis enim, si ita sit, te mecum esse victurum. Gratiſſima mihi tua voluntas est, facisque mihi alienum necessitudine nostra, iudicijque patris tui de me, summi viri. Nam sic habeto beneficiorum magnitudine eos, qui temporibus valuerunt, aut valeant, coniunctiores tecum esse, quam me, necessitudine neminem. Quamobrem grata mihi est, & memoria tua nostræ coniunctionis, & eius etiam augendæ voluntas. Vale.

## ARGVMENTVM.

*Respondet Leptæ, qui præconium fecissent, licere ijs esse in Decurionibus, scribit de bello Hispaniensi, de Leptæ negotio, de Oratore suo, de mansione urbana.*

## CICERO S. D. LEPTÆ. 19

**S**IMUL accepi à Seleuco tuo litteras, statim quæsiui è Balbo per codicillos, quid esset in lege: rescripsit, eos, qui facerent præconium, vetari esse in Decurionibus, qui fecissent, non vetari. Quare bono animo sint & tui, & mei familiares, neque enim erat ferendum, cum qui hodie haruspicinam facerent, in Senatu Romæ legerentur: eos, qui aliquando præconium fecissent, in municipijs Decuriones esse non licere. De Hi-

spanijs noui nihil, magnum tamen exercitum Pompeium habere constat. Nam Cæsar ipse ad nos misit exemplum Paciæci litterarum, in quo erat illi XL esse legiones. Scripserat etiam Messala Q. Salasso, P. Curtium, fratrem eius, iussu Pompeij, inspectante exercitu interfectum, quod consensisset cum Hispanis quibusdam, si in oppidum nescio, quod Pompeius rei frumentariæ causâ venisset, eum comprehendere, ad Cæsaremque deducere. De negotio tuo, quod sponsor es pro Pompeio, si Balbus consponsor tuus redierit, homo in re familiari non parum diligens, non desinam cum illo communicare, si quid expediri possit, quod videbatur mihi ille confidere. Oratorem meum tantopere à te probari, vehementer gaudeo; mihi quidem sic persuadeo, me quidquid habuerim iudicij de dicendo, in istum librum contulisse. Qui si est talis, qualem tibi videri scribis, ego quoque aliquid sum; sin aliter non recuso, quin, quantum de illo libro tantundem de mei iudicij fama detrahatur. Leptam nostrum cupio delectari iam talibus scriptis: etsi abest naturitas ætatis, iam tamen personare aures eius huiusmodi vocibus, non est inutile. Me Romæ tenuit omninò Tullia meæ partus; sed cum ea, quemadmodum spero, satis firma sit; tenor tamen, dum à Dolabellæ procuratoribus exigam primam pensionem. Et mehercule non tam sum peregrinator iam, quàm solebam; ædificia mea me delectabant, & otium. Domus est, quæ nulli vilarum mearum cedat: otium omni desertissima regione maius; itaque ne litteræ quidem meæ impediuntur, in quibus sine vlla interpellatione versor; quare, ut arbitror, prius hic te nos, quàm istic tu nos videbis. Lepta suauissimus enisecat Hesiodum, & habeat in ore.

*τῆς διαπετῆς ιδιότητος, &c.*

### ARGUMENTVM.

*Cum Cæsar ludos regionatim daturus esset, curationem eorum Lepta cupiebat. Cicero dissuadet, meminit Suetonius de his ludis in Lulij vita.*

### CICERO S. D. LEPTÆ.

20

**M** Aculam officio functum esse gaudeo. Eius Falernum mihi semper idoneum visum est diuersorio; si modò rectis  
latis

fatis est ad comitatum nostrum recipiendum; cætero qui is mihi locus non displicet, nec ea re Petrinum tuum deferam; nam & villa, & amœnitas illa commorationis est, non diuersorij. De curatione aliqua munerum regionum, cum Oppio locutus sum; nam Balbum, posteaquam tu es profectus, non vidi tantis pedum doloribus afficitur, ut se conueniri nolit. Omnino de tota re, ut mihi videris sapientius faceres, si non curares: quod enim eo labore assequi vis, nullo modo assequere. Tanta est enim intimorum multitudo, ut ex his potius aliquis effluat, quam nouo sit aditus, præsertim qui nihil efferat præter operam: in qua ille dedisse beneficium putabit, si modò ipsum sciet, non accepisse. Sed tamen aliquid videbimus, in quo sit spes: aliter quidem non modò non appetendum, sed etiam fugiendum puto. Ego me Astrucæ diutius arbitror commoraturum, quoad ille quandoque veniat. Vale.

## A R G V M E N T V M.

*Monet Toranium, ut in Sicilia commoretur, quoad scire possit, quid sibi agendum sit, clausula consolationis nescio quid continet.*

## CICERO S. D. TORANIO.

21

**D**Ederam triduo ante pueris Cn. Plancij litteras ad te: cò nunc ero breuior, teque, ut ante consolabar te, hoc tempore monebo. Nihil puto tibi esse vtilius, quam ibidem operiri, quo ad scire possis, quid tibi agendum sit. Nam præter navigationis longæ, & hiemalis, & minimè portuosæ periculum, quod vitauis; ne illud quidem non, quanuis subito, dum certi aliquid audieris, te istinc posse proficisci; nihil est præterea, cur aduenientibus te offerre gestias. Multa præterea metuo, quæ cum Cilone nostro communicauī. Quid multa? loco opportuniore in his malis nullo esse potuisti, ex quo te quocunque opus erit, facillimè, & expeditissimè conferas. Quod si recipiet ille se, ad tempus aderis: sin, quoniam multa accidere possunt, aliqua res vel eum impediet, vel morabitur, tu ibi eris, ubi omnia scire possis. Hoc mihi prorsus valdè placet. De reliquo, ut te sæpè per litteras hortatus sū, ita velim tibi pertuadeas; te in hac causâ nihil habere, quod timendum sit præter communem casum ciuitatis;

M 4 qui



qui etsi est grauissimus; tamen ita viximus, & id ætatis iam sumus, vt omnia, quæ non nostra culpa nobis accident, fortiter ferre debeamus. Hic tui omnes valent; summaque pietate te desiderant, & diligunt, & colunt. Tu & cura, vt valeas; & te istinc ne temerè commoueas.

### ARGVMENTVM.

*Ad consolandum Toranium præterita colligit. & Quid ipse fecerit, quasi exemplum ad imitandum proponit.*

CICERO S. D. TORANIO.

22

**E**TSI, cùm hæc ad te scriberem, aut appropinquare exitus huius calamitosissimi belli, aut iam aliquid actum, & confectum videbatur; tamen quotidie commemorabam, te vnum in tanto exercitu mihi fuisse assensorem, & me tibi; solosque, nos vidisse, quantum esset in eo bello mali, in quo spe pacis exclusa, ipse victoria futura esset aterbissima: quæ aut interitum allatura esset, si victus esset, aut, si vicisses, seruitutem. Itaque ego, quem tum fortes illi viri, & sapientes, Domitij, & Lentuli, timidum esse dicebant, (& eram planè: timebam enim, ne euenirent ea, quæ acciderunt) idem nunc nihil timeo, & ad omnem euentum paratus sum. Cum aliquid videbitur cauere posse, tum id negligi debebam: nunc verò, cunctis omnibus rebus, cùm consilio profici nihil possit, vna ratio videtur, quidquid eueneris, ferre moderatè: præsertim cùm omnium rerum mors sit extremum, & mihi sim conscius, me, quoad licuerit, dignitati Reip. consuluisse: & hac amissa, salutem retinere voluisse. Hæc scripsi, non vt de me ipse dicerem, sed vt tu, qui coniunctissima fuisti mecum & sententia, & voluntate, eadem cogitares. *MAGNA enim consolatione est, cum recordare; etiam si secus accideris, te tamen rectè, vereque sensisse.* Atque vti nam liceat aliquando aliquo Reip. statu nos frui, interque nos conferre sollicitudines nostras quas pertulimus, tum cùm timidi putabamur, quia dicebamus ea futura, quæ facta sunt. De tuis rebus nihil esse, quod timeas, præter vniuersæ Reip. interitum, tibi confirmo. De me autem sic velim iudices; quantum ego possim, me tibi, salutis tuæ, liberisque tuis summo cum studio præsto semper futurum. Vale.

AR-

## A R G V M E N T V M.

*Domitium, interitu amicorum dolentem, rogat, ut, cum Reip. iam  
satisfecerit incolumitati sua consulat.*

CICERO S. D. DOMITIO.

23

**N**ON ea res me deterruit, quo minus, posteaquam in Italiam venisti, litteras ad te mitterem, quod tu ad me nullas miseris; sed quia nec quid ibi pollicerer, ipse egens rebus omnibus, nec quid suaderem, cum mibimetipsum consilium deesset; nec quid consolationis afferrem, in tantis malis reperiebam. Hæc quanquam nihilo meliora sunt; nunc etiam, atque etiam multo desperatiora; tamen inanes esse meas litteras, quam nullas, malui. Ego, si te intelligere plus conatum esse suscipere Reip. causa muneris, quam quantum præstare potuisses, tamen quibuscunque rebus possem, ad eam conditionem te viuendi, quæ daretur, quæque esset, horrarer. Sed cum consilijs tui, bene, fortiterque suscepti, eum tibi finem statueris, quem ipsa fortuna terminum nostratum contentionum esse voluisset; oro, obtestorque te pro nostra vetere coniunctione, ac necessitudine, proque summa mea in te beneuolentia, & tua in me pari, te ut nobis parenti, coniugi tuisque omnibus, quibus es, fuisti que semper carissimus, saluum conserues: incolumitati tuæ, tuorumque, qui ex te pendent, consulas, quæ didicisti, quæque ab adolescentia pulcherrimè à sapientissimis vitis tradita memoria, & scientia comprehendisti, ijs hoc tempore vtare, quos coniunctos summa beneuolentia, plurimisque officijs amisisti; eorum desiderium si non æquo animo, ac forti feras. Ego, quid possim, nescio, vel potius me parum posse sentio; illud tamen tibi polliceor, me quæcunque saluti, dignitati que tuæ conducere arbitrabor, tanto studio esse facturum, quanto semper tu & studio, & officio in meis rebus fuisti. Hanc meam voluntatem ad matrem tuam, optimam sceminam, tuique amantissimam, detuli. Si quid ad me scripseris ita faciam, ut te velle intellexero, sin autem tu minus scripseris; ego tamen omnia, quæ tibi vtilia esse arbitrabor, summo studio, diligentiaque curabo. Vale.

M. TVL-

# M. TULLII CICERONIS

## EPISTOLARVM

BIBLIOTHECA NAZ.  
ROMA  
VITTORIO EMANUELE

Ad Marium, & alios,

LIBER SEPTIMVS.

ARGVMENTVM.

*Ludos, quos Pompeius Magno iterum Consul dedit, describit,  
& extenuat: vtrumque ob eam causam, ne Marium eos præ-  
termisisse pœniteret.*

CICERO S. D. MARIO.

I



Ite dolor aliquis corporis, aut infirmitas valetudinis  
tuæ tenuit, quo minus ad ludos venires; fortunæ  
magis tribuo, quam sapientiæ tuæ. Sin hæc quæ cæ-  
teri mirantur, contemnenda duxisti; & cum per va-  
letudinem posses, venire tamen noluisti; vtrumque lætor, &  
sine dolore corporis te fuisse, & animo valuisse, cum ea, quæ  
sine causa mirantur alij, neglexeris: modò, vt tibi conslitterit  
fructus otij tui: quo quidem tibi perfrui mirificè licuit, cum  
esses in ista amœnitate pœnè solus relictus. Neque tamen  
dubito; quin tu ex illo cubiculo tuo; ex quo tibi Stabianum  
perforasti, & patefecisti Scianum, per eos dies matutina tem-  
pora lectiunculis consumpseris; cum illi inereæ, qui te istic re-  
liquerunt, spectarent communes mimos semisomni. Reli-  
quas verò partes diei tu consumebas ijs delectationibus, quas  
tibi ipsi ad arbitrium tuum comparatas: nobis autem erant ea  
perpetienda, quæ scilicet P. Mecius probauisset. Omnino, si  
queris, ludi apparatusissimi tui, se non tui stomachi coniectu-  
ram

ram enim facio de meo. Nam primum honoris causa in scenam redierant ij, quos ego honoris causa in scena decessisse arbitrabar; deliciae verò tuæ, noster Æsopus, eiusmodi fuit, ut ei desinere per omnes homines liceret. Is iurare cum cœpisset, vox eum defecit in illo loco, *Si sciens fallo*. Quid tibi ego alia narrem? nostri enim reliquos ludos, quid? ne id quidem temporis habuerunt, quod solent mediocres ludi; apparatus enim spectatio tollebat omnem hilaritatem: quo quidem apparatu non dubito quin animo æquissimo carueris. Quid enim delectationis habent sexcenti muli in Clytemnestra? aut in Equo Troiano creaturarum tria millia? aut armata varia peditatus, & equitatus in aliqua pugna? quæ popularum admirationem habuerunt? delectationem tibi nullam attulissent. Quod si tu per eos dies operam dedisti Prærogæ tuo, dummodo is tibi quidvis potius, quam orationes meas legerit, ne tu haud paulo plus, quam quisquam nostrum, delectationis habuisti. Non enim te puto Græcos, aut Oscos ludos desiderasse, præsertim cum Oscos ludos vel in Senatu nostro spectare possis, Græcos verò ita non ames, ut ne ad villam quidem tuam via Græca ire soleas? Nam qui ego te athletas putem desiderare, qui gladiatores contentos, in quibus ipse Pompeius confitetur se & operam, & oleum perdidisse. Reliquæ sunt venationes, binæ per dies quinque magnificæ, nemo negat; sed quæ potest esse homini politico delectatio, cum aut homo imbecillus à valentissima bestia laniatur, aut præclara bestia venabulo transtuerberabatur? quæ tamen si videnda sint, sæpè vidisti, neque nos, qui hæc spectauimus, quidquam noui vidimus, Elephantorum extremus dies fuit, in quo admiratio magna vulgi, atque turba, delectatio nulla extitit: quin etiam misericordia quædam consecuta est, atque opinio eiusmodi, esse quandam illi belluæ cum genere humano societatem. His ego tamen diebus, ludis scenicis, ne fortè videar tibi non modò beatus, sed liber omninò fuisse: dirupi pene me in iudicio Galli Caninij, familiaris tui. Quod si tam facilem populum haberem, quam Æsopus habuit, libenter mehercule artem desinere, tecumque & cum similibus nostri vinerem. Nam me cum antea tædebat, cum ætas, & ambitio horrabantur, & licebat

certus, non solum confirmauit, verum etiam recepit, percele-  
riter se ablaturum diploma. Mihi tamen placuit, hæc ad te scribi  
minus enim te firmum sermo Appuleiæ tuæ, lacrimæque am-  
piæ declarabant, quam significant litteræ tuæ: atque illæ arbi-  
trabantur, cum à te abessent ipsæ, multò in grauiore te cura fu-  
turum. Quare magnopere putavi, angoris, & doloris tui leuandi  
caussa pro certis ad te ea, quæ essent certa perscribi oportere.  
Scis me antea sic solitum esse scribere ad te magis, vt consolae-  
ret fortem virum, atque sapientem, quam vt exploratam spem  
salutis ostendere; nisi eam, quam ab ipsa Rep. cum hic ardor ex-  
tinctus esset, sperari oportere censerem. Recordare tuas litteras,  
quibus & magnum animum mihi semper ostendisti, & ad om-  
nes casus fere ndos constantem, atque paratum. Quod ego non  
mirabar, cum recordarer te, & à primis temporibus ætatis in  
Rep. esse versatum, & tuos magistratus in ipsa discrimina inci-  
disse salutis, fortunarumque communium, & in hoc ipsum bel-  
lum esse ingressum, non solum, vt victor beatus, sed etiam, si ita  
accidisset, victus vt sapiens esses. Deinde, cum studium tuum  
consumas in virorum fortium factis memoriæ prodendis: con-  
derare debes, nihil tibi esse committendum, quamobrem eo-  
rum, quos laudas, non te similem præbeas. Sed hæc oratio ma-  
gis esset apta ad illa tempora, quæ iam effugisti: nunc verò tan-  
tum te para ad hæc nobiscum ferenda. Quibus ego, si quam me-  
dicinam inuenirem, tibi quoque eandem traderem: sed est  
vnum per fugium, doctrina, ac litteræ; quibus semper vsi sumus:  
quæ secundis rebus delectationem modò habere videbantur;  
nunc verò etiam salutem. Sed, vt ad initium reuertar, caue dubi-  
tes, quin omnia de salute, ac reditu tuo perfecta sint. Vale.

## A R G V M E N T V M.

*Scribit, se bene sperare de Ligarij salute: ad eamque imperan-  
dam omnia sua pollicetur. Interim hortatur, vt aduersam for-  
tunam moderate ferat.*

## CICERO S. D. Q. LIGARIO.

14

**E** T si tali tuo tempore me, aut consolandi, aut iuuandi tui  
caussa, scribere ad te aliquid pro nostra amicitia oportebat;  
tamen adhuc id non feci; quia neque lenire videbar ora-  
tione,

tione, neque leuare posse dolorem tuum. Postea verò quàm magnam spem habere capi, fore vt te breui tempore incolumen haberemus; facere non potui quin tibi & sententiam, & voluntatem declararem meam. Primum igitur scribam, quod intelligo, & perspicio, non fore in te Cæsarem duriores. Nam & res eum quoridie, & dies, & opinio hominum, & vt mihi videtur; etiam sua natura mitiorem facit: idque cum de reliquis sentio, tum de te etiam audio ex familiarissimis eius. Quibus ego ex eò tempore, quo primum ex Africa nuncius venit, supplicare vnà cum fratribus tuis non destiti; quorum quidem & virtus, & pietas, & amor in te singularis, & assidua, & perpetua salutis tuæ cura tantum proficit, vt nihil sit, quod non ipsum Cæsarem tributurum existimem. Et si tardius sit, quam volumus; magnis occupationibus eius, à quo omnia petuntur, additus ad eum difficiliores fuerunt: & simul Africanæ causæ iratior diutius velle videtur eos habere sollicitos, à quibus se putat diuturnioribus esse molestijs conflictatum. Sed hoc ipsum intelligimus eum quoridie remissius, & placarius ferre. Quare mihi crede, & memoriæ manda, me tibi id affirmasse, te in istis molestijs diutius non futurum: Quando, quid sentirem, exposui, quia vellem tua causa; te potius declarabo, quàm oratione. Et vero, si tantum possem, quantum in ea Rep. de qua ita meritus sum, vt tu existimas, posse debebam; ne tu quidem in istis incommodis esses: eadem enim causa opes meas fregit, quæ tuam salutem in discrimen adduxit. Sed tamen, quidquid imago veteris meæ dignitatis, quidquid reliquæ gratiæ valebunt, studium, consilium, opera, gratia, fides mea nullo loco de crit tuis optimis fratribus. Tu fac habeas fortem animum, quem semper habuisti; primum ob eas causas, quas scripsi, deinde, quod ea de Rep. semper voluisti, atque sensisti, vt non modò nunc secunda sperare debeas, sed etiam, si omnia aduersa essent, tamen conscientia, & factorum, & consiliorum tuorum, quæcunque acciderent, fortissimo, & maximo animo ferre deberes. Vale.

## A R G V M E N T V M.

*Exorditur ab officij sui commemoratione Deinde, quid de reditu Ligarij opinetur, subiungit.*

**M**E scito omnem meum laborem, omnem operam, curam, studium in tua salute consumere. Nam cum te semper maxime dilexi; tum fratrum tuorum, quos æquè, atque te, summa benevolentia sum complexus, singularis pietas, amorque fraternus nullum ne patitur officij erga te, studijque munus, aut tempus prætermittere. Sed quæ faciam, fecerimque pro te ex illorum te litteris, quam ex meis malo cognoscere; quid autem sperem, aut confidam, & exploratum habeam de salute tua, id tibi à me declarari volo. Nam si quisquam est timidus in magnis, periculosisque rebus, semperque magis aduersos rerum exitus metuens, quàm sperans secundos; is ego sum: & si hoc vitium est, eo me non carere confiteor. Ego idem tamen, cum ad IV. Kalend. Intercalares priores, rogatu fratrum tuorum venissem manè ad Cæsarem; atque omnem adeundi, & conueniendi illius indignitatem, & molestiam pertulissem; cum fratres, & propinqui tui iacerent ad pedes, & ego essem locutus, quæ causa, quæ tuum tempus postulabat; non solum ex oratione Cæsaris, quæ sanè mollis, & liberalis fuit, sed etiam ex oculis, & vultu, & multis præterea signis, quæ facilius perspicere potui, quam scribere, hanc in opinionem discessi, ut mihi tua salus dubia non esset. Quamobrem fac animo magno, fortique sis: & si turbidissima sapienter ferebas, tranquilliora lætè feras. Ego tamen tuis rebus sic adero, ut difficilissimis: neque Cæsari solum, sed etiam amicis eius omnibus, quos mihi amicissimos esse cognoui; pro te, sicut adhuc feci, libentissimè supplicabo. Vale.

*A R G V M E N T V M.*

*Continet hæc epistola, omnium breuissima gratulationem, benevolentiam, officium.*

CICERO S. D. BASILIO.

**T**ibi gratulor, mihi gaudeo, te amo, tua tueor. A te amari, & quid agas quidque istic agatur, cerrior fieri volo. Vale.

*A R G V M E N T V M.*

*Insinuat se ad petitionem, mutui amoris commemoratione: petit autem, ut se absentem tueatur, si quidem gratum fore non dubitet.*

**S**I mihi tecum non & multæ, & iustæ causæ amicitia priuatum essent; repeterem initia amicitia ex parentibus nostris: quod faciendum ijs existimo, qui paternam amicitiam nullis ipsi officij prosecuti sunt. Itaque contentus ero nostra ipsorum amicitia: cuius fiducia peto à te, vt absentem me, quibuscumque in rebus opus fuerit, tuare; si nullum officium tuum apud me intermoriturum existimas. Vale.

## ARGVMENTVM.

*Mirum declarat desiderium cum Bithynico viuendi, & adiicit, se esse illi amore coniunctissimum.*

## CICERO S. D. BITHYNICO. 18

**C**VM cæterarum rerum causa cupio esse aliquando Remp. constitutam; tum velim mihi credas, accidere id etiam, quo magis expectam promissum tuum, quo in litteris vteris: scribis enim, si ita sit, te mecum esse victurum. Gratiſſima mihi tua voluntas est, facisque mihi alienum necessitudine nostra, iudicijque patris tui de me, summi viri. Nam sic habeto beneficiorum magnitudine eos, qui temporibus valuerant, aut valeant, coniunctiores tecum esse, quam me, necessitudine neminem. Quamobrem grata mihi est, & memoria tua nostræ coniunctionis, & eius etiam augendæ voluntas. Vale.

## ARGVMENTVM.

*Respondet Lepta, qui præconium fecissent, licere ijs esse in Decurionibus, scribit de bello Hispaniensi, de Lepta negotio, de Oratore suo, de mansionem urbana.*

## CICERO S. D. LEPTÆ. 19

**S**IMUL accepi à Seleuco tuo litteras, statim quæsiui è Balbo per codicillos, quid esset in lege: rescripsit, eos, qui facerent præconium, vetari esse in Decurionibus, qui fecissent, non vetari. Quare bono animo sint & tui, & mei familiares, neque enim erat ferendum, cum qui hodie haruspiciam facerent, in Senatu Romæ legerentur: eos, qui aliquando præconium fecissent, in municipijs Decuriones esse non licere. De Hi-



spanijs noui nihil, magnum tamen exercitum Pompeium habere constat. Nam Cæsar ipse ad nos misit exemplum Paciæci litterarum, in quo erat illi XL esse legiones. Scripserat etiam Messala Q. Salasso, P. Curtium, fratrem eius, iussu Pompeij, inspectante exercitu interfectum, quod consensisset cum Hispanis quibusdam, si in oppidum nescio, quod Pompeius rei frumentariæ causâ venisset, eum comprehendere, ad Cæsaremque deducere. De negotio tuo, quod sponsor es pro Pompeio, si Balbus consponsor tuus redierit, homo in re familiari non parum diligens, non desinam cum illo communicare, si quid expediri possit, quod videbatur mihi ille confidere. Oratorem meum tantopere à te probari, vehementer gaudeo; mihi quidem sic persuadeo, me quidquid habuerim iudicij de dicendo, in illum librum contulisse. Qui si est talis, qualem tibi videri scribis, ego quoque aliquid sum; sin aliter non recuso, quin, quantum de illo libro tantundem de mei iudicij fama detrahatur. Leptam nostrum cupio delectari iam talibus scriptis: etsi abest naturitas ætatis, iam tamen personare aures eius huiusmodi vocibus, non est inutile. Me Romæ tenuit omnino Tullia meæ partus; sed cum ea, quemadmodum spero, satis firma sit; tenor tamen, dum à Dolabellæ procuratoribus exigam primam pensionem. Et mehercule non tam sum peregrinator iam, quam solebam; ædificia mea me delectabant, & otium. Domus est, quæ nulli vilarum mearum cedat; otium omni desertissima regione maius; itaque ne litteræ quidem meæ impediuntur, in quibus sine vlla interpellatione versor; quare, ut arbitror, prius hic te nos, quam istic tu nos videbis. Lepta suauissimus euiscat Hesiodum, & habeat in ore.

*τὴν δὲ ἀπετὴν ἰδιωτὰ, &c.*

### ARGUMENTVM.

*Cum Cæsar ludos regionatim daturus esset, curationem eorum Lepta cupiebat. Cicero dissuadet, meminit Suetonius de his ludis in Iulij vita.*

### CICERO S. D. LEPTÆ.

20

**M** Acutam officio functum esse gaudeo. Eius Falernum mihi semper idoneum visum est diuersorio; si modò rectis  
latis

satis est ad comitatum nostrum recipiendum; cætero qui is mihi locus non displicet, nec ea re Pettinum tuum deferam; nam & villa, & amœnitas illa commorationis est, non diuersorij. De curatione aliqua munerum regionum, cum Oppio locutus sum; nam Balbum, posteaquam tu es profectus, non vidi tantis pedum doloribus afficitur, ut se conueniri nolit. Omnino de tota re, ut mihi videris sapientius faceres, si non curares: quod enim eo labore assequi vis, nullo modo assequere. Tanta est enim intorum multitudo, ut ex his potius aliquis effluat, quam nouo sit aditus, præsertim qui nihil efferat præter operam: in qua ille dedisse beneficium putabit, si modò ipsum sciet, non accepisse. Sed ramen aliquid videbimus, in quo sit spes: aliter quidem non modò non appetendum, sed etiam fugiendum puto. Ego me Astrucæ diutius arbitror commoraturum, quoad ille quandoque veniat. Vale.

## A R G V M E N T V M.

*Monet Toranium, ut in Sicilia commoretur, quoad scire possit, quid sibi agendum sit, clausula consolationis nescio quid continet.*

## CICERO S. D. TORANIO.

21

**D**Ederam triduo ante pueris Cn. Plancij litteras ad te: cò nunc ero breuior, teque, ut ante consolabar te, hoc tempore monebo. Nihil puto tibi esse utiliùs, quam ibidem operiri, quo ad scire possis, quid tibi agendum sit. Nam præter navigationis longæ, & hiemalis, & minimè portuosæ periculum, quod vitauis, ne illud quidem non, quamuis subito, dum certi aliquid audieris, te istinc posse proficisci; nihil est præterea, cur aduenientibus te offerre gestias. Multa præterea metuo, quæ cum Cilone nostro communicauim. Quid multa? loco opportuniore in his malis nullo esse potuisti, ex quo te quocunque opus erit; facillimè, & expeditissimè conferas. Quod si recipiet ille se, ad tempus aderis: sin, quoniam multa accidere possunt, aliqua res vel eum impediet, vel morabitur, tu ibi eris, ubi omnia scire possis. Hoc mihi prorsus valdè placet. De reliquo, ut te sæpè per litteras hortatus sū, ita velim tibi pertuadeas, te in hac causâ nihil habere, quod timendum sit præter communem casum ciuitatis;

qui etsi est grauissimus; tamen ita viximus, & id ætatis iam sumus, ut omnia, quæ non nostra culpa nobis accident, fortiter ferre debeamus. Hic tui omnes valent; summaque pietate te desiderant, & diligunt, & colunt. Tu & cura, ut valeas; & te istinc ne temerè commoueas.

### ARGVMENTVM.

*Ad consolandum Toranium præterita colligit. & Quid ipse fecerit, quasi exemplum ad imitandum proponit.*

### CICERO S. D. TORANIO.

22

**E**T si, cum hæc ad te scriberem, aut appropinquare exitus huius calamitosissimi belli, aut iam aliquid actum, & confectum videbatur; tamen quotidie commemorabam, te vnum in tanto exercitu mihi fuisse assensorem, & me tibi: solisque, nos vidisse, quantum esset in eo bello mali, in quo spe pacis exclusa, ipse victoria futura esset acerbissima: quæ aut interitum allatura esset, si victus esset, aut, si vicisses, seruitutem. Itaque ego, quem tum fortes illi viri, & sapientes, Domitij, & Lentuli, timidum esse dicebant, (& eram planè: timebam enim, ne euenirent ea, quæ acciderunt) idem nunc nihil timeo, & ad omnem euentum paratus sum. Cum aliquid videbitur cauere posse, tum id negligi debebam: nunc verò, euentis omnibus rebus, cum consilio profici nihil possit, vna ratio videtur, quidquid eueneris, ferre moderatè: præsertim cum omnium rerum mors sit extremum, & mihi sim conscius, me, quoad licuerit, dignitati Reip. consuluisse: & hac amissa, salutem retinere voluisse. Hæc scripsi, non ut de me ipse dicerem, sed ut tu, qui coniunctissima fuisti mecum & sententia, & voluntate, eadem cogitares. *MAGNA enim consolatione est, cum recordare, etiam si secus accideris, te tamen rectè, vereque sensisse.* Atque utinam liceat aliquando aliquo Reip. statu nos frui, interque nos conferre sollicitudines nostras quas pertulimus, cum cum timidi putabamur, quia dicebamus ea futura, quæ facta sunt. De tuis rebus nihil esse, quod timeas, præter vniuersæ Reip. interitum, tibi confirmo. De me autem sic velim iudices; quantum ego possim, me tibi, salutis tuæ, liberisque tuis summo cum studio præsto semper futurum. Vale.

AR-

## ARGUMENTVM.

*Domitium, interitu amicorum dolentem, rogat, ut, cum Reip. iam satisfecerit incolumitati sua consulat.*

CICERO S. D. DOMITIO.

23

**N**ON ea res me deterruit, quo minus, posteaquam in Italiam venisti, litteras ad te mitterem, quod tu ad me nullas miferas; sed quia nec quid ibi pollicerer, ipse egens rebus omnibus, nec quid suaderem, cum mibimetipsum consilium deesset; nec quid consolationis afferrem, in tantis malis reperiebam. Hæc quanquam nihilo meliora sunt; nunc etiam, atque etiam multo desperatiora; tamen inanes esse meas litteras, quam nullas, malui. Ego, si te intelligere plus conatum esse suscipere Reip. causa muneris, quam quantum præstare potuisses, tamen quibuscunque rebus possem, ad eam conditionem te viuendi, quæ daretur, quæque esset, horrerer. Sed cum consilijs tui, bene, fortiterque suscepti, eum tibi finem statueris, quem ipsa fortuna terminum nostratum contentionum esse voluisset, oro, obtestorque te pro nostra vetere coniunctione, ac necessitudine, proque summa mea in te beneuolentia, & tua in me pari, te ut nobis parenti, coniugi tuisque omnibus, quibus es, fuisque semper carissimus, saluum conserues: incolumitati tuæ, tuorumque, qui ex te pendent, consulas, quæ didicisti, quæque ab adolescentia pulcherrimè à sapientissimis viris tradita memoria, & scientia comprehendisti, ijs hoc tempore vtare, quos coniunctos summa beneuolentia, plurimisque officijs amisisti; eorum desiderium si non æquo animo, ac forti feras. Ego, quid possim, nescio, vel potius me parum posse sentio; illud tamen tibi polliceor, me quæcunque saluti, dignitati que tuæ conducere arbitrabor, tanto studio esse facturum, quanto semper tu & studio, & officio in meis rebus fuisti. Hanc meam voluntatem ad matrem tuam, optimam sceminam, tuique amantissimam, detuli. Si quid ad me scripseris ita faciam, ut te velle intellexero, sin autem tu minus scripseris; ego tamen omnia, quæ tibi utilia esse arbitrabor, summo studio, diligentiaque curabo. Vale.

M. TVL-

ram enim facio de meo. Nam primum honoris causa in scenam redierant ij, quos ego honoris causa in scena decessisse arbitrabar; deliciae vero tuae, noster Aesopus, eiusmodi fuit, ut ei desinere per omnes homines liceret. Is iurare cum coepisset, vox eum defecit in illo loco, *Si sciens fallo*. Quid tibi ego alia narrem? nostri enim reliquos ludos, quid? ne id quidem spectantis habuerunt, quod solent mediocres ludi; apparatus enim spectatio tollebat omnem hilaritatem: quo quidem apparatu non dubito quin animo aequissimo carueris. Quid enim delectationis habent sexcenti muli in Clytemnestra? aut in Equo Troiano creaturarum tria millia? aut armata varia pedaturus, & equitatus in aliqua pugna? quae popularitatem admirationem habuerunt? delectationem tibi nullam attulissent. Quod si tu per eos dies operam dedisti Proterogeni tuo, dummodo is tibi quidvis potius, quam orationes meas legerit, ne tu haud paulo plus, quam quisquam nostrum, delectationis habuisti. Non enim te puto Graecos, aut Oicos ludos desiderasse, praesertim cum Oicos ludos vel in Senatu nostro spectare possis, Graecos vero ita non ames, ut ne ad villam quidem tuam via Graeca ire soleas? Nam qui ego te athletas putem desiderare, qui gladiatores contentos, in quibus ipse Pompeius confitetur se & operam, & oleum perdidisse. Reliquae sunt venationes, binae per dies quinque magnificae, nemo negat; sed quae potest esse homini politico delectatio, cum aut homo imbecillus a valentissima bestia laniatur, aut praecleara bestia venabulo transuerberabatur? quae tamen si videnda sint, saepe vidisti, neque nos, qui haec spectauimus, quidquam noui vidimus, Elephantorum extremus dies fuit, in quo admiratio magna vulgi, atque turbae, delectatio nulla extitit: quin etiam misericordia quaedam consecuta est, atque opinio eiusmodi, esse quandam illi belluae cum genere humano societatem. His ego tamen diebus, ludis scenicis, ne forte videar tibi non modo beatus, sed liber omnino fuisse: dirupi pene me in iudicio Galli Caninij, familiaris tui. Quod si tam facilem populum haberem, quam Aesopus habuit, libenter mehercule artem desinere, tecumque & cum similibus nostri vinerem. Nam me cum antea tadebat, cum aetas, & ambitio hortabantur, & licebat

bat denique, quem nolebam, non defendere, tum vero hoc tempore vita nulla est. Neque enim fructum vllum laboris expecto, & cogor nonnunquam homines non optimè de me meritos, rogatu eorum, qui bonè meriti sunt, & defendere. Itaque quero causas omnes aliquando viuendi arbitrati meo, & requæram rationem ceteri tui & laudo vehementer, & probo, quod que nòs minus interuasis, hoc fero animo æquiore: quod, si Romæ esses, tamen neque nos lepore tuo, neque te, si quis est in me, nòd frui liceret, propter molestissimas occupationes meas, quibus, si me relaxato, (nam, ut planè exsoluam, non postulo) te ipsum quidem, qui multos annos nihil aliud commentaris, docebo profecto, quid sit humaniter viuere. Tu modo istam imbecillitatem valetudinis tuæ sustenta, & tuere, ut facis, nostras villas obire, & mecum nostra simul lecticula concurrere possis. Hæc ad te pluribus verbis scripsi, quam soleo, non opibus abundantia, sed amoris erga te, quod me quadam epistola subinuitatas, si memoria tenes, ut ad te aliquid eiusmodi scriberem, quo minus te prætermisissè ludos præmitteret. Quod affectus sum, gaudeo, sin minus, hoc me tamen consolabor, quod posthac ad ludos venies, nòsque vides, neque in epistolis relinques meis spem aliquam delectationis tuæ. Vale.

### ARGUMENTVM.

*Marij negotium sibi cura ferè promittit: deinde scribit quanti & faciat, & facere debeat condemnationem T. Munacii Planci Bursa, de quo vide Padianum in commentario Miloniane. Scripta est primis diebus eius anni, quo Seruius Sulpicius, & M. Marcellus Consules fuere; nam paulo post Cicero in Prouinciā eun, & D. Plancum damnatum ait, cum primum exiit e magistratu.*

### CICERO S. D. MARIO.

2

**M**andatum tuum curabo diligenter, sed homo acutus ei mandasti potissimum, cui expediret, illud venire quamplurimo; sed eo vidisti multum, quod præstisti, quòd ne plurius emerem. Quod si mihi permisisses, qui meus amor in te est, confecissem cum cophæredibus; nunc, quando tuum pretium noui,

noui, licitatore[m] potius apponam, quam illud minoris veneat, sed de ioco satis est. Tuum negotium agam, sicuti debeo, diligenter. De Bursa te gaudere certo scio, sed nimis verecundè mihi gratularis; putas enim, ut scribis, propter hominis sordes minus me magnam illam lætitiā putare. Credas mihi velim, magis me iudicio hoc, quam morte inimici lætaturum. Primum enim iudicio malo, quam gladio: deinde, gloria potius amici, quam calamitate. In primisque me delectavit, tantum studium bonorum in me extitisse, contra incredibilem contentionem clarissimi, ac potentissimi viri. Postremo, (quod vix verisimile fortasse videatur) oderam multo prius hunc, quam illum ipsum Clodium. Illum enim oppugnaram, hunc defenderam. Et ille, cum omnis Respublica in meo capite discrimen esset habitura, magnum quiddam spectavit; nec sua quidem sponte, sed eorum auxilio, qui me stante, stare non poterant; hic simiolus, animi causa me, in quem inucheretur, delegerat; perseveratq; nonnullis invidis meis, se in me emissarium semper fore. Quamobrem valde iubeo gaudere te, magna res gesta est. Nunquam ulli fortiores cives fuerunt, quam qui ausi sunt eum contra tantas opes eius, à quo ipsi lecti Iudices erant, condemnare; quod fecissent nunquam, nisi ijs dolori meus fuisset dolor. Nos hic multitudine, & celebritate iudiciorum, & novis legibus ita sustinemur; ut quotidie vota faciamus, ne intercaletur, ut quamprimum te videre possimus. Vale.

## A R G V M E N T V M.

*Causam exponit, cur acie Pharsalica victus, à bello discesserit: quod illi ab iniquis vitio dabatur.*

## CICERO S. D. MARIO.

3

**P**ersæpè mihi cogitanti de communibus miserijs, in quibus tot annos versamur, & ut video, versabimur, solet in mentem venire illius temporis, quo proximè fuimus una, quin etiam ipsum diem memoria teneo. Nam ad III. Idus Maias, Lentulo, & Marcello Cōs. cum in Pompeianum vesperi venissem, tu mihi sollicito animo præsto fuisti. Sollicitum autem te habebat cogitatio tum officij, tum etiam periculi mei.

mei. Si manerem in Italia, verebatur ne officio deessem, si proficisceretur ad bellum, periculum te meum commouebat. Quo tempore vidisti profecto me quoque ita commutatum, ut non explicarem, quid esset optimum factu. Pudori tamen malui, famæque cedere, quam salutis meæ rationem ducere, cuius me mei facti poenituit; non tam propter periculum meum, quam propter vitia multa, quæ ibi ostendi, quod veneram. Primum, neque magnas copias, neque bellicosas: deinde, extra Ducem, paucosque præterea, (de principibus loquor) reliqui primum in ipso bello rapaces, deinde in oratione ita crudeles, ut ipsam victoriam horrerem; maximum autem æs alienum amplissimorum virorum, quin quæris, nihil boni præter causam. Quæ cum vidissem, desperans victoriam, primum cœpi suadere pacem, cuius fuerim semper auctor: deinde, cum ab ea sententia Pompeius valde abhorreret, suadere institui bellum ut duceret. Hoc interdum probabat, & in ea sententia videbatur fore; & fuisset fortasse nisi quadam ex pugna cœpisset suis militibus confidere. Ex eo tempore vir ille sumus, nullus Imperator fuit: signa, tirone, & colle ætate, exercitu, cum legionibus robustissimis, contulit; victus turpissime, amissis etiam castris solus fugit. Hunc ego belli mihi finem feci: nec putaui, cum integris pares non fuisset fractos superiores fore. Discessi ab eo bello, in quo aut in acie cadendum fuit, aut in aliquas insidias insidendum, aut deueniendum in victoris manus, aut ad Iubam confugiendum, aut capiendus tanquam exilio locus, aut consciscenda mors voluntaria: certe nihil fuit, præterea si te victori nolles, aut non auderes committere. Ex omnibus autem ijs, quæ dixi incommodis, nihil tollerabilius exilio, præsertim innocenti, ubi nulla adiuncta est turpitudine: addo etiam cum ea Urbe careas, in qua nihil sit, quod videre possis sine dolore. Ego cum meis, (si quidquam nunc cuiuspiam est) etiam in meis esse malui. Quæ acciderunt, omnia dixi futura, veni domum; non quoddam optima vitæ conditio esset; sed tamen, si esset aliqua forma Reip. tanquam in patria ut essem; si nulla, tanquam in exilio: mortem mihi cur consciscerem, causa non visa est: cur optarem, multæ causæ. Verus est enim *VBI non sis, qui fueris, non esse, cur velis vivere*. Sed tamen, *VACARE culpa*



*magnum est solatium*, præsertim cum habeam duas res, quibus me sustentem: optimarum artium scientiam, & maximarum rerum gloriam; quarum altera mihi viuo nunquam eripietur; altera ne mortuo quidem. Hæc ad te scripsi verbosius; & tibi molestus fui, quod te cum mei, tum Reipub. cognoui amantissimum. Notum tibi omne consilium meum esse volui: ut primum scires, me nunquam voluisse plus quemquam posse, quam vniuersam Remp. postea autem quam alicuius culpa tantum non valeret vnus, ut obisti non posset, me voluisse pacem; amisso exercitu, & eo Duce, in quo spes fuerat vno, me voluisse etiam reliquis omnibus; postea quam non potuerim, mihi ipsi finem fecisse belli. Nunc autem, si hæc ciuitas est, ciuem esse me; si non, exulem esse, non incommodiore loco, quam si me Rhodum, aut Mitylenas contulissem. Hæc tecum coram malueram; sed quia longius fiebat, volui per litteras eadem, ut haberes, quod diceres, si quando in vituperatores meos incidisses. Sunt enim, qui, cum meus interitus nihil fuerint Reip. profuturus, criminis loco putent esse, quod viuam. Quibus ego certo scio non videris satis multos perisse: qui si me audissent, quamuis iniqua pace, honeste tamen viuerent; armis enim inferiores, non causa, fuissent. Habes epistolam verbosio rem forlasse, quam velles. Quod tibi ita videri putabo, nisi mihi longiorem remiseris. Ego, si quæ volo, expediero, breui tempore te, ut spero, videbo. Vale.

## A R G V M E N T V M.

*Pramonet Marium de aduentu suo in Pompeianum.*

## CICERO S. D. MARIO.

**A**D XII. Kal. in Cumanum veni cum Libone tuo, vel nostro potius; in Pompeianum statim cogito; sed faciam te ante certiore. Te cum semper valere cupio, uti certe dum hic sumus; vides enim quanto post vna futuri sumus. Quare si quid constitutum cum podagra habes, fac in alium diem differas. Cura igitur, ut valeas, & me hoc biduo, aut triduo expecta. Vale.

## A R G V M E N T V M.

*Commen dat studiosissime Trebatium iurisperitum Casari Galliarum præfecto.*

M. CIC.

**V** Ide, quâ<sup>(1)</sup> mihi persuaserim, te me esse alterum, non modò in rebus, quæ ad me ipsum, sed etiam in ijs, quæ ad meos pertinent. C. Trebatium cogitaram, quocumque exirem, mecum ducere, ut cum meis omnibus studijs, & beneficijs, quàm ornatissimum domum reducerem. Sed postea, quam, & Pompeij commoratio diuturnior erat, quam putaram: & mea quædam tibi non ignota dubitatio, aut impedire profectorem meam videbatur, aut certe tardare, vide, quid mihi sumptissem: cœpi velle ea Trebatium expectare, à te, quæ sperasset à me: neque mehercule minus ei prolixè de tua voluntate promisi, quam eram solitus de mea polliceri. Casus verò mitificus quidam interuenit, quasi vel testis opinionis meæ, vel sponsor humanitatis tuæ. Nam cum de hoc ipso Trebatio cum Balbo nostro loquerer accuratius domi meæ litteræ mihi, dantur à te, quibus in extremis scriptum erat: *M. Furium, quem mihi commendas vel Regem Galliæ faciam, vel Leptæ logatum; si vis tu, ad me alium mitte, quem ornem.* Sustulimus manus, & ego, & Balbus: tanta fuit opportunitas, ut illud nescio quid non fortuitum, sed diuinum videretur. Mitto igitur ad te Trebatium: atque ita mitto, ut initio mea sponte; post autem in iuratu tuo mittendum duxerim. Hunc, mi Cæsar, sic velim omni tua comitate complectare, ut omnia, quæ per me possis adduci, ut in meos conferre velis, in vnum hunc conferas. De quo tibi homine, hoc spondeo, non illo vetere verbo meo, quod cum te de Milone scripsissem, iure lusisti, sed more Romano, quo modo homines non inepti loquuntur probiorem hominem, meliorem virum, prudentiorem esse neminem. Accedit etiam, quod familiam ducit, in iure ciuili singularis memoria, summa scientia. Huic ego neq; Tribunatam, neq; Præfecturam, neque ullius beneficij certum nomen peto: beneuolentiam tuam, & liberalitatem peto: neque impedio, quo minus, si tibi ita placuerit etiam, hisce eum ornēs gloriosæ insignibus. Totum denique hominem tibi trado de manu, ut aiunt, in manum tuam istam & victoriam, & fide præstantem. Sumus enim putidiusculi, quam per te vix licet; verum, ut video, licebit. Cura ut valeas, & me, ut amas, ama.

## A R G V M E N T V M.

*Trebatium desiderium Urbis vix ferentem hortatur, ut Urbis, urbanitatisque memoriam, quasi quasdam ineptias, abiciat, & de Prouincia, quò se contulerat, tum spe beneficiorum, tum constantia causa cogitet.*

## M. CIC. S. D. TREBATIO.

6

**I**N omnibus meis epistolis, quas ad Cæsarem, aut Balbum mitto, legitima quædam est accessio commendationis tuæ, nec ea vulgaris, sed cum aliquo insigni inditio, meæ erga te beneuolentiæ. Tu modò ineptias istas, & desideria Urbis, & urbanitatis depone: & quo consilio profectus es, id assiduitate, & virtute consequere. Hoc tibi tam ignoscemus nos amici, quàm ignouerunt Medæ, quæ Corinthi arcem aliam habebant, matronæ opulentæ optimates: quibus illa manibus gypsatissimis persuasit, ne sibi vitio ille verterent, quod abesset à patria.

„ Nā multi suam rem benè gessere, & publicam patria procul.  
 „ Multi qui domi atatem agerent, propterea sunt improbat.  
 quo in numero tu certè fuisses, nisi te extruissemus. Sed plura scribemus alias. Tu qui cæteris cauere didicisti, in Britannia ne ab essedarijs decipiaris, caueto: & quando Medeam agere cœpi, illud semper memento. Qui ipse sibi sapiens prodesse nequit, ne quidquam sapit. Cura, ut valeas.

## A R G V M E N T V M.

*Studium suum in commendando Trebatio significat. Locatur de Britannia. Monet ut in familiaritatem Cæsaris se penitus insinuet, & occasione utatur.*

## CICERO S. D. TREBATIO.

7

**E**Go te commendare non desisto: sed quid proficiam ex te scire cupio. Spem maximam habeo in Balbo, ad quem de te diligentissimè, & sæpissimè scribo. Illud soleo mirari, non me toties accipere tuas litteras, quoties à Q. fratre mihi afferuntur. In Britannia nihil esse audio neque auri, neque argenti. Id si ita est, esse dum aliquod suadeo rapias; & ad nos quam-

N pri-

primum recurras. Sin autem sine Britannia tamen assequi id, quod volumus possumus: perfice, ut sis in familiaribus Cæsaris. Multum te in eo frater adiuuabit meus, multum Balbus; sed, mihi crede, tuus pudor, & labor plurimum Imperatorem liberalissimum habes, ætatem opportunissimam, commendationem certè singularem: ut tibi vnum timendum sit, ne ipse tibi defuisse videare. Vale.

### ARGUMENTVM.

*Modeste reprehendit Trebatium, qui Tribunatum militum, à Cæsare delatum, recusauerat.*

### CICERO S. D. TRĒBATIO.

8

**S**cripsit ad me Cæsar perhumaniter, nondum te sibi satis esse familiarem propter occupationes suas, sed certè fore. Cui quidem ego rescripsi, quàm mihi gratum esset futurum, si quamplurimum in te studij, officij, liberalitatis suæ contulisset. Sed ex tuis litteris cognoui præproperam quandam festinationem tuam: & simul sum admiratus cur Tribunatus commoda, dempto præsertim laborem militiæ, contempseris. Quærar cum Vacerra, & Manilio, nam Cornelio nihil audeo dicere, cuius tu periculo stultus es: quando te ab eo sapere didicisse profiteris. Quin tu vrges istam occasionem, & facultatem, qua melior nunquam reperietur? Quod scribis de illo Præciano iuriconsulto: ego te ei non desino commendare. Scribit etiam ipse mihi, te sibi gratias agere debere. De eo, quid sit, cura ut sciam. Ego vestras Britannicas litteras expecto. Vale.

### ARGUMENTVM.

*Litterarum officium à Trebatio requirit: monet, ne reditum in Urbem præpropere cupiat.*

### CICERO S. D. TREBAT.

9

**I**amdium ignoro, quid agas, nihil enim scribis; neque ego ad te his duobus mensibus scripseram, quia cum Quinto fratre meo non eras; quò mitterem, aut cui darem, nesciebam Cupio scire, quid agas, & vbi sis hiematurus. Equidem velim, cum Cæsare;

fate; sed ad eum propter eius occupationes nihil sum ausus scribere; ad Balbum tamen scripsi: tibi deesse noli. Serius potius ad nos, dum plenior. Quod huc properes, nihil est, præsertim Vaceræ mortuo. Sed tibi consilium non deest; quid constitueris cupio scire. Cn. Octavius, an Cn. Cornelius tuus equidem familiaris, summo genere natus, terræ filius: is me, quia scit tuum familiarem esse, crebro ad cenam inuitat; adhuc non potuit perducere: sed mihi tamen gratum est. Vale.

## A G V M E N T V M.

*Leuitatis Trebatium per iocum arguit, quia scripserat, se Cæsari valde iureconsultum videri item timiditatis, quia transire in Britanniam cum Cæsare recusavit; alia nonnulla.*

## CICERO S. D. TREBATIO.

10

**L**Egi tuas litteras, ex quibus intellexi, te Cæsari nostro valde iureconsultum videris. Est, quod gaudeas, te in ista loca venisse, ubi aliquid sapere viderere. Quod si in Britanniam quoque profectus esses, profecto nemo in illam tanta insula peritior te fuisset. Verumtamen (rideamus licet; sunt enim à te inuitatus) subinvideo tibi, vltro te etiam accersitum ab eo, ad quem ceteri, non propter eius superbiam, sed propter occupationem, adspirare non possunt. Sed tui in ista epistola nihil mihi scripsisti de tuis rebus; quæ mehercule mihi non minori curæ sunt, quam meæ; Valde metuo, ne frigeas in hibernis; quamobrem camino luculento vtandum censeo. Idem & Mucio, & Manilio placebat, præsertim, qui sagis non abundares; quamquam vos nunc istic satis calere audio, quo quidem nuncio valde mehercule de te timueram. Sed tu in re militari muldò es cautior, quam in adnotationibus; qui neque in Oceano natate volueris studiosissimus homo natandi; neque spectare effluuiarios, quem antea ne andabatam quidem defraudare poteramus. Sed iam satis iocati sumus. Ego de te ad Cæsarem, quam diligenter scripserim, tute scis; quam sæpè, ego. Sed mehercule iam intermiseram, ne viderer liberalissimi hominis, meique amantiissimi voluntati erga me diffidere. Sed tamen his litteris, quas proximè dedi, putavi esse hominem commonendum. Id feci, quid profecerim facias

N 2 me

quid profecerim facias me velim certiozem, & simul de toto statu tuo, consilijq; omnibus. Scire enim cupio, quid agas, quid expectes, quàm longum istum tuum discessum à nobis futurum putes. Sic enim tibi persuadeas velim, vnum mihi esse solacium, quare faciliùs possim pati, te esse sine nobis, si tibi esse id emolumento sciam. Sin autem id non est, nihil duobus nobis est stultius me; qui te non Romam attraham te, qui non huc aduoles. Vna mehercule nostra, vel seuera, vel otiosa congressio pluri erit, quam non modo hostes, sed etiam fratres nostri Ædui. Quare omnibus de rebus fac vt quamprimum sciam. *Aut consolando, aut consilio, aut re inuero.* Vale.

### ARGUMENTVM.

*Conatur Trebatio desiderium Urbis adimere: precipit tamen, vt nisi absit ab Vrbe, cum emolumento redeat.*

### CICERO S. D. TREBATIO.

II

**N**isi ante Roma profectus esses, nunc eam certè relinqueres quis enim tot inter regnis iureconsultum desiderat? ego omnibus vnde petitur, hoc consilij dederim, vt à singulis inter regibus binas aduocationes postulent. Satis ne tibi videor abs te ius ciuile didicisse? Sed heus tu quid agis? ecquid fit? video enim te iocari per litteras. Hæc signa meliora sunt, quàm in meo Tusculano; sed quid sit, scire cupio Consuli quidem te à Cæsare scribis; sed ego tibi ab illo consuli malletm. Quod si aut fit, aut futurum putas; perfer istam militiam, & permane: ego enim desiderium, tui spe tuorum commodorum consolabor. Sin autem ista sunt inania, recipe te ad nos. Nam aut erit hic aliquid aliquando; aut si minus, vna mehercule collocutio nostra pluri erit, quam omnes Samarobrinx. Denique, si te citò retuleris sermo nullus erit: sin frustra diutius, abfueris; non modò Laberium, sed etiam sodalem nostrum Valerium pertimesco; mira enim persona induci potest Britannici iuro consulti. Hæc ego non rideo, quamuis tu rideas, sed de te seuerissima tecum, vt soleo, iocor. Remoto ioco, tibi hoc amicissimo animo præcipuo: vt, si istic mea commendatione tuam dignitatem obtinebis, perferas nostris desiderium; honestatem, & facultates tuas augeas; sin autem ista frigebunt; recipias te ad nos.

Omnia

Omnia tamen, quæ vis, & tua virtute profectò, & nostro summo erga te studio consequere.

## ARGUMENTVM.

*Ex intermissione litterarum arguit Trebatium Epicureum esse factum, & in eo iocari.*

## CICERO S. D. TREBATIO.

12

**M**irabar quid esset, quod tu mihi litteras mittere inter misisses. Indicauit mihi Pansa meus, Epicureum te esse factum. O castra præclara! quid tu fecisses si te Tarentum, non Samarobrinam misisses: Iam tu mihi non placebas, cum idem intuebare, quod & Titius familiaris meus. Sed quonam modo ius ciuile defendes, cum omnia, tua causa, facias, non ciuium; Vbi porro illa erit formula fiduciæ. *Vt inter bonos bene agere oportet*, quis enim est bonus, qui facit nihil, nisi sua causa. Quod ius statues communi diuidendo, cum commune nihil possit esse apud eos, qui omnia voluptate sua metiuntur. Quo modo autem tibi placebit Iouem lapidem iurare, cum scias Iouem iratum esse memini posse. Quid fiet porro populo Vlubrano, si tu statueris *πολιτεύειν* non oportere. Quare, si planè à nobis deficiis, molestè tero: sin Pansæ assentari commodum est: ignosco: modo scribere aliquando ad nos quid agas, & à nobis quid agi, quid fieri, aut curari velis. Vale.

## ARGUMENTVM.

*Intermissionis litterarum causam dicit: quam non accipiente Trebatio, inde occasionem arripit liberius iocandi.*

## CICERO S. D. TREBATIO.

13

**A**Deo ne me iniustum esse existimasti, vt tibi irascerer: quod parum mihi constans, & nimium cupidus decedendi viderere; ob eamque causam me arbitrarer litteras ad te iamdiu non misisse? Mihi perturbatio animi tui, quam primis litteris perspiciebam molestiam attulit; neque alia fuit vlla causa intermissionis litterarum, nisi quod vbi esses planè nesciebam. Hic tu me etiam insumlas, nec satisfactionem meam accipis. Audi, mi Testa, vtrum superbiorem te pecunia fa-

N 3 cit,

cir, an quòd te Imperator consulit? Moriar, ni (quæ tua gloria est) puto te malle à Cæsare consuli, quam inaurari. Si vero utrumque est, quis te ferret, præter me, qui omnia ferre possum? sed ut ad rem redeam, te istic inuitum non esse, vehementer gaudeo, & ut illud erat molestum, sic hoc est iucundum; tantum metuo, ne artificium tum tibi parum profit; Nam, ut audio, istic.

„ *Non ex iure manu consertum sed mage ferre.*

„ *Rem repetunt.*

Et tu soles ad vim faciendam adhiberi? Neque est, quòd illam exceptionem in interdicto pertimescas, *quod tu prior ut hominibus armatis veneris*. Scio enim te non esse procacem in lacessendo. Sed ut ego quoque te aliquid de nostris cautionibus admoneam; Treuitos vires censeo. Audio Capitales esse: mallet, Auro, Argento, Ære essent. Sed alias iocabimur. Tu ad me de istis rebus omnibus scribas velim quàm diligentissimè. Ad III. Non. Mart. Vale.

### ARGUMENTVM.

*Familiariter, & iocosè Trebatium reprehendit, qui litteras, nullas miserat.*

### CICERO S. D. TREBATIO.

14

**C**hrysippus Vettius, Cyri architecti libertus, fecit, ut te non inmemorem putarem mei, salutem enim mihi verbis tuis nunciauit. Valde iam laurus es, qui grauare litteras ad me dare homini, præsertim propè domestico. Quòd si scribere oblitus es, nimis multi iam te aduocato causa cadent: Sin nostri oblitus es, dabo operam, ut istuc veniam antequam planè ex animo tuo effluam. Sin æstiuorum timor te debilitat, aliquid excogita, ut fecisti de Britannia. Illud quidem perlibenter audiui ex eodem Chrysippo, te esse Cæsari familiarem. Sed mehercule mallet, id quod erat æquius, de tuis rebus ex tuis litteris, quàm sæpissimè cognoscere; quòd certè ita fieret, si tu maluisses beneuolentiæ, quàm litium iure perdiscere. Sed hoc iocati sumus & tuo more, & nonnihil etiam nostro. Te valde amamus, nosque à te amari tum volumus, tum etiam confidimus. Vale.

AR-



## ARGVMENTVM.

*Declarat suum absentis Trebatij desiderium, & gratulatur de C. Marij familiaritate.*

## CICEROS. D. TREBATIO.

15

**Q**uam sint morosi, qui amant, vel ex hoc intelligi potest. Molestè ferebam antea te inuitum istic esse: pungit me rursus, quod scribis te esse istic libenter. Neq; enim tunc in ea commendatione te non delectari, facilè patiebar: & nunc angor quidquam tibi sine me esse iucundum. Sed tamen hoc malo nos ferre desiderium, quam te non ea, quæ spero, consequi. Quod verò in C. Marij suauissimi, doctissimique hominis familiaritatem venisti, non dici potest, quàm valde gaudeam: qui, fac ut te quàm maximè diligat. Mihi crede, nihil ex ista Prouincia potes, quod iucundius sit deportare. Cura, ut valeas.

## ARGVMENTVM.

*Laudare videtur Trebatium, ut sapientem, qui belli pericula vitaret: sed re vera notat ut timidum. Adscribit de Octauiò, de Trebatij diuitijs, de superbia, per iocum.*

## CICERO S. D. TREBATIO.

16

**I**N Equo Troiano scis esse in extremo, SERO SAPIVNT. Tu tamen, mi vetule, non sero. Primum quod illas rabiosulas, sat fatuas dedisti. Deinde, quod in Britannia non nimis φιλοθέωρον, te præbuisi, planè non reprehendo. Nunc vero in hibernis iniectus mihi videris: itaque te cominouere non curas; Vsq; quoq; sapere oportet, id erit telum acerrimum. Ego, si foris occitatem. Cn. Octauiò, familiari tuo, non defuissem: cui tamen dixi, cum me aliquoties inuitaret. Oro te, quis tu es; sed me hercule, extra iocum, homo bellus est: vellem, eum tecum abduxisses. Quid agatis, ecquid in Italiam venturi sitis hac hyeme, fac plenè sciam, Balbus mihi confirmauit te diuitem futurum. Id utrum Romano more locutus sit, bene nummatus te futurum: an, quo modo Stoici dicunt, omnes esse diuites, qui cælo, & terra frui possunt, postea videro. Qui istinc veniant; superbiam tuam accusant, quod negent te percunctantibus re-

spondere. Sed tamen est, quod gaudeas, constat enim inter omnes, neminem te vno Samarobrinæ iuris peritorem esse. Vale.

### ARGUMENTVM.

*Gratulatur Trebatio, quod de reditu in Urbem iam non amplius cogitet; & hortatur, ut Cæsaris amicitiam plurimi faciat: quam ferè fructuosa promittit, insequē ipse recipit.*

### CICERO S. D. TREBATIO.

17

**E**X tuis litteris, & Quincto fratri gratias egi, & te aliquando collaudare possum, quod iam videris certa aliqua in sententia constitisse. Nam primorum mensium litteris tuis vehementer commouebar, quod mihi interdum (pace tua dixerim) leuis in Urbis:urbanitatisque desiderio, interdum piger, interdum timidus in labore militari, sæpè autem etiam, quod à te alienissimum est, sub impudens videbare. Tanquam enim syngrapham ad Imperatorem, non epistolam, attulisses, sic pecunia ablata, domum redire properabas: nec tibi in mentem veniebat eos ipsos, qui cum syngraphis venissent Alexandriam, nullum adhuc nummum auferre potuisse. Ego, si mei commodi rationem ducerem, te mecum esse maximè vellem; non enim mediocri afficiebar vel voluptate ex consuetudine nostra, vel utilitate ex consilio, atque opera tua: sed, cum te ex adolescentia tua in amicitiam, & fidem meam contulisses: semper te non modò tuendum mihi, sed etiam augendum, atque ornandum putavi. Itaque, quoad opinatus sum me in Prouinciā exiturum; quæ ad te ultro attulerim, meminisse te credo. Posteaquam mea mutata ratio est, cum viderem me à Cæsare honorificentissimè tractari, & vnicè diligi: hominisque liberalitatem incredibilem, & singularem fidem nossem; sic ei te commendavi, & tradidi, ut grauissimè, diligentissimèque potui. Quod ille ita, & accepit, & mihi sæpè litteris significauit, & tibi verbis; & te ostendit, mea commendatione sese valde esse commotum. Hunc tu virum nactus, si me aut sapere aliquid, aut velle tua causa putas, ne dimiseris: & si qua te fortè res aliquando offenderit, cum ille aut occupatione, aut difficultate tardior tibi erit visus, perferto, & vltima expectato: quæ

ego tibi, & iucunda, & honesta præstabo. Pluribus te hortari non debeo: tantum moneo, neque amicitia confirmandæ clarissimi, ac liberalissimi viri, neque vberioris Prouinciæ, neque ætatis magis idoneum tempus, hoc si amiseris, te esse vllum, vnumquam reperturum. Hoc quemadmodum vos scribere solitis in vestris libris, idem Q. Cornelio videbatur. In Britanniam te non esse profectum; vehementer gaudeo: quod & tu labore caruisti; & ego te de rebus illis non audiam. Vbi sis hibernaturus, & qua spe, aut conditione, perscribas ad me velim. Vale.

## A R G V M E N T V M.

*Laudat Trebatium, qui de militia cum Casare perferenda cogitaret: iocatur præterea in illius parsimoniam, quia scripserat in palimpsesto.*

## CICERO S. D. TREBATIO.

18

**A**ccepi à te aliquot epistolas vno tempore, quas tu diuersis temporibus dederas. In quibus me cætera delectarunt: significabant enim te istam militiam iam firmo animo ferre, & esse fortem virum, & constantem; quæ ego paulisper in te ita desideravi, non imbecillitate animi tui, sed magis vt desiderio nostri te æstquare, putarem. Quare perge, vt cœpisti; fortis animo istam tolera militiam, multa, mihi crede, assequere: ego enim renouabo commendationem, sed tempore. Sic habero, non tibi maiori esse curæ, vt iste tuus à me discessus fructuosissimus tibi sit, quam mihi. Itaque quando vestræ cautiones infirmæ sunt, græculam tibi misi cautionem chirographi mei. Tu me velim de ratione Gallici belli certiore facias; ego enim ignauissimo cuique maximam fidem habeo. Sed, vt ad epistolas tuas redeam cætera belle; illud miror, quis solet eodem exemplo plus dare, quam qui sua manu scribit; Nam, quod in palimpsesto, laudo equidem parsimoniam, sed miror, quid in illa chartula fuerit, quod dolere malueris, quam hæc scribere, nisi fortè tuas formulas: non enim puto te meas epistolas delere, vt reponas tuas. An hoc significas, nihil fieri, frigere te, ne chartam quidem tibi suppeditare; Iam ista tua culpa est, qui verecundia tecum extuleris,

leris, & non hic nobiscum reliqueris. Ego te Balbo, cum ad nos proficisceretur, more Romano commendabo. Tu, si interuallū longius erit mearum litterarum ne sis admiratus: eram enim abfuturus mense Apr. Has litteras scripsi in Pontino, cū ad villam M.Ænili Philemonis diuertissem: ex qua iam audieram fremitum clientium meorum; quos quidem tu mihi concilia-  
sti. Nam Vlubris, honoris mei causa, vim maximam ranuncu-  
lorum se commosse constabat. Cura ut valeas, VI. Idus Apr.  
de Pontino.

EPISTOLAM tuam, quam accepi à L. Arruntio, conscidi innocentem: nihil enim habebat, quod non vel in concione rectè legi posset. Sed & Arruntius ita te mandasse aiebat, ut tu adscriperas. Verum illud esto: nihil te ad me postea scripsisse demiror, præsertim tam nouis rebus.

### ARGUMENTVM.

*Scribit de Topicis à se conscriptis, ut roganti Trebatio satisfaceret, eaque esse obscuriora significat, nec legenda sine interprete. Addit, si expeditam in questionibus habere doctrinam velit, exercitationem esse necessariam.*

### CICERO S. D. TREBATIO.

19

**V**ide, quanti apud me sis; etsi iure id quidem, non enim amore te vinco. Verū tamen, quod præsentī tibi prope subnegaram, non tribueram certè; id absenti debere non potui. Itaque, ut primum Velia nauigare cœpi, institui. Topica Aristotelica conscribere, ab ipsa vrbe commonitus amantissima tui. Eum librum tibi misi Rhegio scriptum, quam planissimè res illa scribi potuit. Sin tibi quædam videbuntur obscuriora, cogitare debebis; *Nullam artem litteris sine interprete, & sine aliqua exercitatione percipi posse.* Non longè abieris; nam ius ciuile vestrum ex libris cognosci potest, qui quanquam plurimi sunt, Doctorem tamen, lumenque desiderant. Quanquam tu, si attentè legēs, si sapiens per te omnia consequere, ut certè intelligas: ut verò etiam ipsi tibi loci, proposita quæstione, occurrant, exercitatione consequere: in qua quidam nos te continebimus, si & salui redierimus, & salua ista offenderimus. Vale. V. Kal. Sext. Rhegio.

AR-

## A R G V M E N T V M.

*De Amore Velienſium in Trebatium ſcribit; & hortatur, ne poſſeſſiones eas vendat, quæ tam miſeris temporibus perſugium eſſe poſſint.*

## CICERO S. D. TREBATIO.

20

**A** Mabiliſior mihi Velia fuit, quodd te ab ea lenſi amari. Sed quid ego dicam te,quemquis non amat; Ruſio medius fidius tuus ita deſiderabatur, vt ſi eſſet vnus è nobis. Sed ego te non reprehendo, qui illum ad ædificationem tuam trãduxeris: quanquam enim Velia non eſt vilior, quam Lupercal; tamen iſtud malo,quam hæc omnia. Tu,ſi me audies, quam ſoles, hac paternas poſſeſſiones tenebis:neſcio quid enim Velienſes verebantur: neque meletem, nobilem annem,relinques: nec Papi- rianam domum deſeres,quanquam illa quidem habet lûcum,à quo etiam aduenzæ teneri ſolent;quem tamen ſi excideris,mul- tum proſpexeris. Sed in primis opportunum videtur, his præ- fertim temporibus,habere perſugium, primum eorum urbem, quibus carus ſis: denique etiam tuam domum, tuosque agros, eaque remoto, ſalubri,amœnoque loco;idque etiam mea inter- eſſe, mi Trebati,arbitror. Sed valebis, meaque negotia videbis, meque,Dijs iuvãtibz,ante bruinam expectabis. Ego à Sex.Fa- bio Niconis diſcipulo, librum abſtuli *Νέκρωτος περίπολυπραγίας*. O medicum ſuavem, meque docilem ad hanc diſciplinam, ſed Baſſus noſter me de hoc libro celavit, te quidem non videtur. Ventus increbreſcit. Cura vt valeas, XIII. Kal.Sext. Velia.

## A R G V M E N T V M.

*Siliij cauſſam viri optimi, amici ſui Trebatio commendat. Vi- detur autem,cum extra Urbem eſſet,ad Trebatium in Urbem hac ſcripſiſſe.*

## CICERO S. D. TREBATIO.

21

**S** Ilij cauſſam te docui, is poſtea fuit apud me cum ei dice- rem, tibi videri; iponſionem illam nos ſine periculo face- re poſſe. Si bonorum Turpilia poſſeſſionem Q.Capio Prator ex edicto ſuo mihi dedit. Negare aiebat Seruium tabulas teſtamē-  
ti

Otarint hominem; ut ego semper iudicaui, in omni iudicio elegantissimum, quæque me digna putaris, coemisse. Sed velim maneat Damasippus in sententia, prorsus enim ex istis emptionibus nullam desidero. Tu autem ignatus instituti mei, quanti ego genus omne signorum omnium nos æstimo, tanti ista quatuor, aut quinque sumpisti. Sed Bacchas ista cum Musis Metelli comparas: quid simile? primum ipsas ego Musas nunquam tanti putassem: atque id fecissem Musis omnibus approbantibus; sed tamen erat aptum bibliothecæ: studijque nostris congruens. Bacchis verò ubi est apud me locus? At pulchellæ sunt, noui optimè & sæpè vidi; nominatim tibi signa, mihi nota mandassem, si probassem; ea enim signa ego emere soleo, quæ ad similitudinem gymnasiorum exornent mihi in palæstra locum. Martis vero signum quod mihi pacis auctori? Gaudeo nullum Saturni signum fuisse: hæc enim duo signa putarem mihi æs alienum attulisse. Mercurij mallet aliquod fuisset; felicius, puto, cum Auiano transigere possemus. Quod tibi destinatas Trapezophorum, si te delectat, habebis; sin autem sententiam mutasti, ego habebo scilicet, ista quidem summa ne ego multò libentiùs emerim diuersorium Terracinæ, ne semper hospiti molestus sim. Omnino liberti mei video esse culpam, cui planè res certas mandaram: itemque iunij, quem puto tibi notum esse, Auiani fami iarem. Exhedria quadam mihi noua sunt instituta in porticula Tusculani: ea volebam tabellis ornare, etenim, si quid generis istiusmodi me delectat, pictura delectat. Sed tamen, si ista mihi sunt habenda, certior velim me facias, ubi sint, quando accersantur, quo genere vecturæ: si enim Damasippus in sententia non manebit, aliquè pseudo Damasippum vel cum iactura reperiemus, quod ad me de domo scribis iterum; iam id ego proficiscens mandara meæ Tulliæ: ea enim ipsa hora acceperam tuas litteras. Egeram etiam cum tuo Nicia, quod is vitur, ut scis familiariter Cassio. Ut redij autem, prius quam tuas legi has proximas litteras, quæ siui de mea Tullia, quid egisset per Liciniam; se egisse dicebat. Sed opinor Cassium uti non ita multum sorore; eam porro negare se audere, cum vir abesset, (est enim profectus in Hispaniam Decius) illo & absente, & insciente migrare.

Est mihi gratissimum tanti à te æstimatam consuetudinem vitæ, victusque nostri: primum vt eam domum sumeres, vt non modò propè me, sed planè mecum habitare posses; deinde, vt migrare tantopere festines. Sed ne viuam, si tibi concedo, vt eius rei tu cupidior sis, quam ego sum. Itaque omnia experiar video enim quid mea intersit, quid vtriusque nostrum, si quid egero, faciam, vt scias. Tu & ad omnia rescribes, & quando te expectem, facies me, si tibi videbitur certiozem. Vale.

### ARGVMENTVM.

*Narrat, quam iniquè Tigellius sibi irascatur. Idem scribit lib. 13. ad Att. Ep. 47. Nec dubito quin huius nepos sis, de quo Horatius Sat. 2. & 3. lib. 1.*

### CICEROS. D. GALLO.

24

**A**MORIS quidem tui, quoquo me verti, vestigia, vel proximè de Tigellio: sensu enim ex litteris tuis, valde te laborasse. Amo igitur voluntatem: sed pauca de re. Capius opinior olim. *Non omnibus dormio*: sic ego, non omnibus, mi Galle, serui. Et si quæ est hæc seruitus: olim, cum regnare existimabamur, non tam ab vllis, quàm hoc tempore obseruor à familiarissimis, Cæsaris omnibus, præter istum. Id ego in lucris pono, non ferre hominem pestilentiozem patria sua, eumque addictum iam tum puto esse Calui Licinij Hipponacte præconio. At vide, quid succenseat. Phameæ causam susceperam, ipsius quidem causæ; erat enim mihi sanè familiaris. Is ad me venit, dixitque iudicem sibi operam dare constituisse eo ipso die, quod de P. Sextio in consilium iri necesse erat. Respondi, nullo modo me facere posse, cum vellem: alium diem si sumpsisset, me ei non defuturum. Ille autem, qui sciret se nepotem bellum iibicinem habere, & sat bonum victorem, discessit a me, vt mihi videbatur, iratior. Habes Sardos venales alium alio nequiorum: cognosti meam causam, & istius Salaconis iniquitatem Caionem tuum mihi mitte; cupio enim legere, me adhuc non legisse, turpe vtrique nostrum est. Vale.

### ARGVMENTVM.

*Rescribit de epistola non conscissa. Monenti, vt de Casare cautè loqueretur, & scriberet, gratias agit.*

CICERO S. D. L. GALLO.

25

**Q**UOD epistolam conscissam doles noli laborare: salua est domi: petes, cum libebit. Quod autem me mones, valde gratum est: idque, ut semper facias, rogo, videris enim mihi videri, ne nisi iustum habuerimus, rideamus *γέλῳτα σαρδάνιον*. Sed heus tu, manum de tabula: magister adest citius, quam putaramus, vereor ne in Catonem, Cato in nos. Mi Galle, caue putes quidquam melius, quam epistolæ tuæ partem ab eo loco, *Cetera labuntur*. Secretò hoc audi: tecum habeto: ne Apellæ quidem liberto tuo dixeris, præter duos nos loquitur isto modo nemo: bene maleue, videro: sed, quidquid est, nostrum est. Vrge igitur, ne transuersum vnguem, quod aiunt, à stylois enim est dicendi opifex, atque ego quidem aliquantum iam etiam noctis assumo. Vale.

A R G V M E N T V M.

*Scribit de morbo ex herbarum esu contracto.*

CICERO S. D. GALLO.

26

**C**UM decimum iam diem grauitè ex intestinis laborarem, neque ijs, qui mea opera uti volebant, probarem me non valere, quia febrim non haberem; fugi in Tusculanum: cum quidem biduum ita ieiunus fuisset, ut ne aquam quidem gustarem. Itaque, confectus languore, & fame, magis tuum officium desideravi, quam abs te requiri putavi meum. Ego autem cum omnes morbos reformido, tum quòd Epicurum tuum Stoici male accipiunt, qui dicat *δυσουρικὰ*, & *δυσεντερικὰ* πάθη sibi molesta esse; quorum alterum morbum edacitatis esse putant; alterum etiam turpioris intemperantiæ. Sanæ *δυσεντερικῶν* peritaueram; sed visa est mihi vel loci mutatio, vel animi etiam relaxatio, vel ipsa fortasse iam senescentis morbi remissio profuisse. Attamen, ne mirere, unde hoc acciderit quomodo ve commiserim: lex sumptuaria, quæ videtur *λιπέματα* attulisse, ea mihi fraudi fuit. Nam dum volunt isti lauri terra nata, quæ lege excepta sunt, in honorem adducere; fungos, beluellas, herbas omnes ita condiunt, ut nihil possit esse suavius.

In cas



cilium huius Vrbis (cum quidem hæc Vrbis) aptus humanitati, & suauitati tuæ, quam tota Peloponnesus, nedum Patræ. Nunc contra, & vidisse mihi multum videris, cum, propè desperatis his rebus, te in Græciam contulisti; & hoc tēpore non solum sapiens, qui hinc absis, sed etiam beatus; quanquā quis, qui aliquid sapiat, nunc beatus esse potest? Sed quod tu, cui licebat, pedibus es consecutus, ut ibi esses, *Vbi nec Palopidarum*: nostri cætera; nos idem propemodum consequimur alia ratione. Cum enim salutationi nos dedimus amicorum, quæ sit hoc etiam frequentius, quam solebat, quod, quasi autem albam, videntur bene sentientem ciuem videre; abdo me in Bibliothecam. Itaque opera efficio tantā, quanta fortasse tu senties: intellexi enim ex tuo sermone quodam, cum mæstitiam meam, & desperationem, accusares, domi tuæ dicere te, ex tuis libris animum meum, desiderare. Sed mehercule, & tum Rēpub. lugebam, quæ non solum suis erga me, sed etiam meis erga te beneficijs erat mihi carior; & hoc tempore, quanquam me non ratio solum consolatur, quæ plurimum debet valere; sed etiam dies, quæ stultis quoque mederi solet; tamen doleo ita communem rem esse dilapsam, ut ne spes quidem, melius aliquando fore, relinquatur. Nec verò nunc quidem culpa in eo est, in nobis potestate omnia sunt: nisi fortè id ipsum esse non debuit: sed alia casu, alia etiam nostra culpa sic acciderunt, ut de præteritis non sit querendum, reliquam spem nullam video. Quare ad primam redeo: sapienter hæc reliquisti, si consilio: feliciter, si casu. Vale.

## A R G V M E N T V M.

*Memoriam declarat accepti à Cicerone beneficij: & commendatitias ab eo litteras petit ad Sulpicii successorem.*

CVRIVS M. CICERONI SVO S.

29

**S**i vales, bene est: sum enim ὑπὸς τὸν μέν tuus κατὰ τὸν δὲ Attici nostri. Ergo fructus est tuus, mancipium illius: quod quidem si inter senes coemptionales venale proscripserit, egerit non multum. At illa nostra prædicatio quanti est; nos, quod simus, quod habeamus, quod homines existimemur, id omnes

omnes abs te habere? Quare, Cicero mi, perseuera constante nos conseruare; & Sulpicij successori nos de meliore nota commendare: quo facilius tuis præceptis obtemperare possimus, teque ad Urbem lubentes videre; & nostra refigere, deportareque tuto possimus. Sed amice magne, noli hanc epistolam Attico ostendere: sine eum errare, & putare me virum bonum esses, nec solere duos parietes de eadem fidelia dealbare. Ergo, patrone mi, bene vale, Tironemque meum saluta nostris verbis. D. A. D. IV. Kal. Nou.

### ARGVMENTVM.

*Ostendit, quàm miserè agatur cum Rep. cum Caesar Caninium ad aliquos horas Consulē creauerit: & de litteris commendatitijs ad Acilium scriptis significat.*

### CICERO S. D. CVRIO.

39

**E**Go vero iam te nec hortor, nec rogo, vt domum redeas; quin hinc ipso euolare cupio, & aliquò peruenire, *Vbi nec Pelopidarum nomen, nec facta audiam.* Incredibile est, quā turpiter mihi facere videar, qui his rebus intersim. Ne tu videris multo ante prouidisse, quid impenderet eum, cum hinc profugisti, quamquam enim hæc etiam auditu acerba sunt; tamen audire tolerabilius est, quam videre. In Campo certè non fuisti, cum hora secunda, Comitij Quæstorij institutis, sella Q. Maximi, quem illi Consulē esse dicebant, posita esset, quo mortuo nunciato, sella sublata est. Ille autem, qui Comitij Tributis esset auspicatus, Centuriata habuit. Consulē hora septima renunciauit, qui vsque ad Kal. Ian. esset, quæ erant futuræ mane postridie: Ita, Caninio Consule, scito neminem prandisse. Nihil tamen, eo Consule, mali factum est: fuit enim mirifica vigilantia, qui suo toto Consulatu somnum non viderit. Hæc tibi ridicula videntur; non enim ades. quæ si videres, lacrymas non teneres. Quid, si cætera scribam, sunt enim innumerabilia generis eiusdem, quæ quidem ego non ferrem, nisi me in philosophiæ portum contulissem, & nisi habere socium studiorum meorum Atticum nostrum, cuius quando proprium esse scribis mancipio, & nexu, meum autem vsu, & fructu, contentus

tentus isto sum. ID ENIM cuiusque est proprium, quo quisque fruitur, atque vitur. Sed hæc alias pluribus. Acilius, qui in Græciam cum legionibus missus est maximo meo beneficio est; bis enim est à me iudicio capitis, rebus saluis, defensus; & est homo non ingratus, meque vehementer obseruat. Ad eum de te diligentissimè scripsi; eamque epistolam cum hac coniunxi; quam ille cum acceperit, ecquid tibi pollicitus sit, velim ad me scribas. Vale.

## A R G V M E N T V M.

*Invitat eum ad officium mutua; & ad Urbem ut redeat rogat, veteris urbanitatis retinende causa.*

## CICERO S. D. CVRIO.

31

**F**Acilè perspexi ex tuis litteris, quod semper studui, & me à te plurimi fieri, & te intelligere, quàm mihi carus esses. Quod quando uterque nostrum consecutus est; reliquum est, ut officijs ceteremus inter nos, quibus æquo animo vel vincam te, vel vincar abs te. Acilio non fuisse necesse meas dari litteras, faciliè patior, Sulpicij tibi operam intelligo ex tuis litteris non multum opus fuisse, propter res tuas ita contractas, ut quemadmodum scribis, *nec caput, nec pedes*. Equidem vellem uti pedes haberent, ut aliquando redires; vides enim exaruisse iam veterem urbanitatem; ut Pomponius noster suo iure possit dicere, *Nisi nos pauci retineamus gloriam antiquam Atticam*, ergo is tibi, nos ei succedimus. Veni igitur, quæso, ne tantum semen urbanitatis vna cum Rep. intereat. Vale.

## A R G V M E N T V M.

*Scribit hanc epistolam in Prouincia, prima pars de dictis est, secunda de iudicijs, tertia de Rep. ultima de Dolabella, nondum genero.*

## CICERO S. D. VOLVMNIO.

32

**Q**Uod sine prænominè familiariter, ut debebas, ad me epistolam misisti primum addubitaui, num à Volumnio Senatore esset, quo cum mihi est magnus usus; deinde

πείλα litterarum fecit, ut intelligerem tuas esse. Quibus in litteris omnia mihi periucunda fuerunt; præter illud, quod parum diligenter possessio salinarum mearum à te procuratore defenditur. Ais enim, ut ego discefferim, omnia omnium dicta, in his etiam Sextiana, in me conferri. Quid? tu id pateris? non ne defendis? non resistis? equidem sperabam ita notata me reliquisse genera dictorum meorum, ut cognosci sua sponte possent. Sed quanto tanta fæx est in Vrbe, ut nihil sit tam ἀκυρον, quod non alicui venustum esse videatur; pugna, si me amas, nisi acuta ἀμφιβολία; nisi elegans ὑπερβλή; nisi παρρησια; nisi bellum; nisi ridiculum παράπροδοκίαν; nisi cætera, quæ sunt à me in secundo libro de Oratore per Antonij personam disputata de ridiculis, ἐντεχνά, & arguta apparebunt, ut sacramento concedas mea non esse. Nam de iudicijs, quod queris multò labore minus. Trahantur per me pedibus omnes rei; sit vel Selius tam eloquens, ut possit probare se liberum; non laboro Urbanitatis possessionem, amabo, quibusvis interdictis defendamus: in qua te vnum metuo, contemno cæteros. Derideri te putas; nunc demum intelligo te sapere. Sed mehercule, extra iocum, valde mihi tuæ litteræ faceræ, elegantisque visæ sunt. Illa quamvis ridicula essent, sicut erant, mihi tamen risum non mouerunt, cupio enim nostrum illum amicum in Tribunatu quamplurimum habere grauitatis: idque cum ipsius causa, (est enim, mihi, ut scis, in amoribus) tum mehercule etiam Reip. quam quidem, quamvis me ingrata sit, tamen amare non desinam. Tu, mi Volumni, quando & instituisti, & mihi vides esse gratum, scribe ad me quam sæpissimè de rebus urbanis, de Rep. iucundus est mihi sermo litterarum tuarum. Præterea Dolabellam, quem ego perspicio, & iudico cupidissimum esse, atque amantissimum mei cohortare, & confirma, & redde planè meum, non mehercule quo quidquam desit, sed, quia valde cupio, non videor nimium laborare. Vale.

### ARGVMENTVM.

*Hæc epistola missa est post Civile bellum. Scribit, se exercitationis causa declamare, auditoribus Hirtio, Cassio. Dolabella.*  
*Volum-*

*Volumnium vocat ad eadem studia. Addit, deliberatum sibi esse Cæsare permittente, a causis iudiciisque discedere.*

## CICERO S. D. VOLVMNIO.

33

**Q**UOD Declamationibus nostris cares, damni nihil facis. Quod Hirtio inuideres, nisi cum amares; non erat causa inuidendi: nisi forte ipsius eloquentiæ magis, quàm quod me audiret, inuideres. Nos enim plane, mi suauissime Volumni, aut nihil sumus, aut nobis quidem ipsis displicemus, gregalibus illis, quibus te plaudente, vigeamus, amissis: ut, etiam si aliquando aliquid dignum nostrum nomine emisimus, ingemiscamus, quod hæc pennigero, non armigero in corpore tela exerceantur, ut ait Philoctetes apud Accium, abiecta gloria. Sed tamen omnia mihi erunt, si tu veneris, hiliora, quamquam venies, ut ipse intelligis, in maximarum quasi concursum occupationum: quas si, ut volumus exceperimus: ego verò multam salutem & Foro dicam, & Curia: viamque tecum multum, & cum communibus nostris amatoribus. Nam & Cassius tuus, & Dolabella noster, vel potius vsque noster, studijs ijsdem tenentur, & meis æquissimis vtuntur auribus. Opus est huc limatulo, & politulo tuo iuditio, & illis interioribus litteris meis, quibus sæpè verecundiorē in loquendo facis. Mihi enim iudicatum est, si modo hoc Cæsar aut patietur, aut volet, deponere illam iam personam, in qua me sæpè illi ipsi probaui: ac me totum in litteras ardere, tecumque, & cum cæteris earum studiosis honestissimo otio perfrui. Tu, vellem, ne veritus esses, ne perinuitus legerem tuas litteras, si mihi quemadmodum scribis, longiores fortè misisses: ac velim post hac sic statuas, tuas mihi litteras longissimas quasque gratissimas fore. Vale.



# M. COELII EPISTOLARVM

Ad Ciceronem, & alios.

LIBER OCTAVVS.

ARGVMENTVM.

*Commentarium mittit rerum urbanarum, & excusat se, quod alteri negotium dederit ad illa colligenda. Addit hæc de Comitibus Transpadanorum Romæ rumorem nullum; esse de successione Galliarum nihil relatum; de Pompeio cupere se aliquid cognoscere; de Casare varia dissipari; aliaque nonnulla. Respondit Cicero huic epistola ea, quæ est 8. lib. 2.*

M. COELIVS RVFVS S. D. M. CICERONI. I



**Q**UOD tibi decedens pollicitus sum, me omnes res urbanas diligentissimè tibi perscripturū; data opera paravi, qui sic omnia persequeretur, ut verear, ne tibi arguta nimium hæc sedulitas videatur. Tamen si tu scio quàm sis curiosus, & quàm omnibus peregrinantibus gratum sit, minimarum quoque rerum, quæ domi gerantur, fieri certiores. Tamen in hoc te deprecor, ne meum hoc officium arrogantia condempnes, quod hunc laborem alteri delegavi, non quin mihi suauissimum sit & occupato, & ad litteras scribendas, ut tu nosti, pigerrimo, tuæ memoriæ dare operam. Sed ipsum volumen, quod tibi misi, facilè, ut ego arbitror, me excusat. Nescio cuius ocij esset, non modo perscribere hæc, sed omninò animadvertere: omnia enim sunt ibi S. C. Edicta, Fabulæ, Rumores. Quod exemplum si fortè minus te delectarit; ne molestiam tibi cum impensa mea exhibeam, fac me certiores. Si quid in Rep. maius actum erit, quod isti operarij minus commodè persequi possint:

possint: & quemadmodum actum sit, & quæ existimatio consecuta, quæque de eo spes est diligenter tibi perscribemus. Vt nunc est, nulla magnoperè expectatio est: nam & illi rumores de Comitij Transpadanorum Cumarum tenus caluerunt; Romam cum venissem, ne tenuissimam quidem auditionem de ea re accepi. Præterea Marcellus quidem adhuc nihil retulit de successione Prouinciarum Galliarum, in Kal. Iun. ut mihi ipse dixit, eam distulit relationem, sanè quam eos sermones repressit, qui de eo tum fuerant, cum Romæ nos essemus. Tu si Pompeium, ut volebas, offendisti, qui tibi visus sit, & quam orationem habuerit tecum, quamque ostenderit voluntatem (solet enim aliud sentire, & loqui; neque tamen tantum valere ingenio, ut non appareat, quid cupiat) fac mihi perscribas. Quod ad Cæsarem attinet, crebri, & non belli de eo rumores, sed insurrectiones dumtaxat veniunt: alius, equitem perdidisse, quod opinor certè factum alius, septimam legionem vapulasse, ipsum apud Bello, vacos circumferri, interclusum ab reliquo exercitu. Neque adhuc certi quidquam est, neq; hæc incerta tamen vulgo iactantur, sed inter paucos, quos tu nosti planè, secretò narrantur. At Domitius, cum manus ad os apposuit, Te ad IX. kal. Iun. subrostrari, (quod illorum capiti sit) dissipant perijisse, ita ut in Vrbe, ac foro toto maximus rumor fuerit, te à Q. Pompeio in itinere occisum. Ego qui scirem Q. Pompeius Baulis schœnobaticam facere, & usque eò, ut ego miserer eius esurie, non sum commotus, & hoc mendatio, si qua pericula tibi impenderent, ut desungeremur, optaui Plancus quidem tuus Rauennæ est, & magno congiario donatus à Cæsare, nec beatus, nec bene instructus est. Tui polliciti libri omnibus vigent. Vale.

## A R G V M E N T V M.

*Nunciat de absoluto Messala, eiusque defensore Hortensio à populo male accepto. Adijcit quadam de Republica, & de competitoribus suis.*

## M. COELIVS S. D. M. CIC.

2

Certè, inquam absolurus est. Me repræsentante pronunciatum est, & quidem omnibus ordinibus, sed singulis in

uno quoque genere sententijs. Vide modò, inquis, non mehercule; nihil enim vnquam tam præter opinionem, tam quod videretur omnibus indignum accidit. Quin ego, cum pro amicitia validissimè fauerem ei, & me iam ad dolendum præparassem: postquam factum est, obstupui, & mihi visus sum captus esse. Quid alias putas? clamoribus scilicet maximis. Iudices corripuerunt, & ostenderunt planè esse, quod ferri non posset. Itaque relictus lege Licinia, maiore esset periculo videtur. Accessit huc, quod postridie eius absolutionis in theatrum Curionis Hortensius introijt, puto, vt suum gaudium gauderemus. Hic tibi strepitus, fremitus, clamor, tonitrum, & rudentum sibillus. Hoc magis animaduersus est, quod intactus à sibilo peruenerat Hortensius ad senectutem: sed tum ita bene, vt in totam victam cuius satis esset, & peniteret eum iam vicisse. De Rep. quod tibi scribam, nihil habeo. Marcelli impetus resederunt, non inertia, sed, vt mihi videbatur, consilio, de Comitij Consularibus incertissima est existimatio. Ego incidi in competitorem nobilem, & nobilem agentem: nam M. Octavius Cn. F. & C. Hirrus mecum petit. hoc ideo scripsi, quod scio te acriter propter Hirtum nuncium nostrorum Comitiorum expectaturum. Tu tamen simul ac me designatum audieris, vt tibi curæ sit, quod ad pantheras attinet, rogo. Syngrapham Sitianam tibi commendo Commentarium rerum vrbanaarum, primum dedi L. Castrinio Peto; secundum ei qui has litteras tibi reddet. Vale.

### ARGVMENTVM.

*Suum in scribendo officium prædicat; Scribit, de Comitij suis, quæ opinio sit, de Milionis re quid egerit: præterea, cupere, se aliquo Ciceronis libro illustrari.*

M. COELIVS S. D. M. CIC.

3

**E**ST ne? vici? & tibi sæpe quod me negaras discedens curaturum, litteras mitto; Est, si quidem perferuntur, quas do. Atque hoc edò diligentius factito, quod, cum otiosus sum planè, ybi delectem otium meum, non habeo. Tu, cum Romæ eras, hoc mihi certum, ac iucundissimum vacanti, negotium



tium erat, tecum id otij tempus consumere: idque non mediocriter desidero, ut non modò mihi solus esse, sed Romæ, te profecto, solitudo videatur facta, & qui (quæ mea negligentia est) multos sæpè dies ad te, cum hic eras, non accedebam nunc, quotidie non esse ad quem cursitem, discrucior. Maximè vero, ut te dies noctesque quæram, competitor Hirrus curat. Quomodo illum putas, Auguratus tuum competitorem, dolere, & dissimulare me certiozem, quam se, candidatum? de quo, ut quem optas, quamprimum nuncium accipias, tua medius fidius magis, quam mea causa cupio; nam me, si fio, forsitan non locupletiozem referam: sed hoc utique eò suaue est, quod si accideris, tota vita risus nobis deesse non poterit. Sed tantum sed est mehercule, Non multum M. Octavius eorum odia, quæ Hirrum premunt, quæ per multa sunt, subleuat, Quod ad Philotimi liberti officium, & bona Milonis attinet, dedimus operam, ut & Philotimus quam honestissimè Miloni absenti, eiusque necessarij satisfaceret; & secundum eius fidem, & sedulitatem æstimatio tua conservaretur. Illud nunc à te peto, si eris, ut spero, otiosus, aliquod ad nos, ut intelligamus nos tibi curæ esse, *συγγραμματα* conscribas. Qui tibi istuc, inquis, in mentem venit, homini non inepto; aliquod ex tam multis tuis monumentis exstare; quod nostræ amicitiae memoriam posteris quoque prodat, velim. Cuiusmodi puto quæris, tu aptius, qui omnem nostri disciplinam, quod maximè conveniat excogitabis: ex eo genere tamen quod & ad nos pertineat, & *διδακτικὰ* quandam, ut versetur inter manus habeat. Vale.

## A R G V M E N T V M.

*Scribit de iudicijs, de magistratibus, de Rep. de seipso, de syngrapha Sitiana, de Rege Alexandrino.*

## M. COELIVS S. D. M. CIC.

**I** Nuideo tibi, tam multa quotidie, quæ mirere, istuc perferuntur; primum illud, absolutum Messalam, deinde eundem condemnatum; C. Marcellum Consulem factum; M. Claudium à repulsa postulatū à Gallis duobus; P. Dolabellam XV. virum factum. Hoc tibi non inuideo, caruisse te pulcher-  
rimo

rimo spectaculo, & Lentuli Cruris repulsi vultum non vidisse. At qua spe, quam certa opinione descenderat, quàm ipso dissidente Dolabella? & hercule, nisi nostri Equites acutius vidissent, pene concedente aduersario superasset. Illud te non arbitror mirarum, Seruium, Tribunum pl. designatum, condemnatum, cuius locum C. Curio petijt. Sane quam multis, incurit, qui eum, facilitatemque eius non norunt, magnum metum. Sed ut spero, & volo, & ut se fert ipse, bonos, & Senatum mallet, totus, ut nunc est, hic senaturit. Huius autem voluntatis initium, & causa est; quod eum non mediocriter Cæsar, qui solet infirmorum hominum amicitias sibi qualibet impensa adiungere, valde contempsit. Qua in re mihi videtur illud perquam venuste cecidisse, quod à reliquis quoque vsque eo est animaduersum, ut Curio, qui nihil consilio facit, ratione, & consilio vsus videretur in euitandis eorum insidijs, qui se intenderant aduersarios in eius Tribunatum, Lollios, & Antonios. & id genus valentes dico. Has ego tibi litteras eo maiore misi intervallo, quòd Comitiorum dilationes occupatiorem me habebant, & expectare in dies exitum cogeant, ut confectis omnibus, te facerem certior; ad Kal. Sext. vsque expectavi, Prætoris moræ quædam inciderunt: mea porro quem euentum sint habitura nescio; opinionem quidem, quod ad Hirrum attinet, incredibilem Ædiliū pl. Comitijs nacta sunt; nā M. Cæliū Vicinianum mentio illa fatua, quam deriseramus olim, promulgatio de Dictatore subito deiecit, & deiectum magno clamore insecuta est; inde Hirrum cuncti iam non faciendum flagitare. Spero te celeriter, & de nobis, quod sperasti, & de illo, quod vix sperare ausus es, auditurum. De Rep. iam noui quidquam expectare desieramus. Sed, cum Senatus habitus esset ad Appollinis, ad XI. kal. Sext. & referetur de stipendio Cn. Pompeij, mentio facta est de legione ea, quam expensam tulit C. Cæsari Pompeius, quo numero esset, quo appellaretur, cum ex Gallia coactus est dicere Pompeius, se legionem abducturum: sed non statim sub mentionem, & conuiciū obrectatorum, Inde interrogatus de successione C. Cæsaris, de qua, hoc est de Prouincijs, placitum est, ut quamprimum ad Urbem reuertetur Cn. Pompeius, ut coram eo de successione Prouinciatum

ageretur : nam Ariminum ad exercitum Pompeius , erat iturus , & statim ijs , puto Idibus Sext. de ea re actum iri profectò aut transigaretur aliquid , aut turpiter intercedetur : nam in disputando coniecit illam vocem Cn. Pompeius , omnes oportere Senatui dicto audientes esse . Ego tamen sic nihil expecto , quo modo Paulum Cons. Des primum sententiam dicentem . Sæpius te admonéo de syngrapha Sitiana , cupio enim te intelligerem , eam rem ad me valde pertinere . Item de pantheris , vt Cibratas accertras , cure (que mihi vt vehantur . Præterea nuntiatum nobis , & pro certo iam habetur , Regem Alexandrinum mortuum . Quid mihi suadeas , quo modo regoum illud sese habeat , quis procurer , diligenter mihi perscribas velim . kal. Sext. Vale .

## A R G V M E N T V M .

*Monet Ciceronem , vt antequam Parthi bellum inferrent , statueret , quid sibi agendum esset : imparem enim fore dimicationem , de Rep. nihil ait esse noui .*

## M. COEL. S. D. M. CICER.

**Q**ua tu cura sis , quod ad pacem Prouinciæ tuæ , finitimarumque regionum attinet , nescio . Ego quidem vehementer animi pendeo : nam si hoc moderari possemus , vt pro viribus copiarum tuarum belli quoque existerent magnitudo : & quantum gloriæ triumphoque opus esset , assequeremur : periculofam , & grauem illam dimicationem euitaremus , nihil tam esset optandum . Nunc , si Parthus mouet aliquid scio non mediocrem fore contentionem , tuus porro exercitus vix vnum saltum tueri potest . Hanc autem nemo ducit rationem , sed omnia desiderantur ab eo , (tanquam nihil denegatum sit ei , quo minus quàm paratissimus esset) qui publico negotio præpositus est . Accedit huc , quod successionem futuram propter Galliarum controuersiam non video . Tametsi hac de re puto te constitutum , quid facturus esses , habere : tamen , quò maturius constitueres , cum hunc euentum præuidebam , visum est vt te facerem certior . Nosti enim hæc translatoria , de Gallijs constitueretur , erit , qui intercedat , deinde alius exister , qui , nisi liberè liceat de omnibus Prouincijs decer-

decernere Senatui, reliquas impediatur. Sic multum, ac diu luctetur, atque ita diu, ut plus biennium in his tricis moretur. Si quid noui de Rep. quod tibi scriberem, haberem, usus essem, mea consuetudine, ut diligenter, & quid actum esset, & quid ex eo futurum sperarem, perscriberem sane tanquam in quodam scilicet iam omnia adhæserunt. Marcellus idem illud de Prouincijs vrget, sed neque adhuc frequentem Senatum efficere potuit. Quod si præterito anno Curio Tribunus, & eadem actio de Prouincijs, introibit, quàm facile tunc sit omnia impedire, & quam hoc Cæsari, & ijs, qui sua causa Remp. non curent, superet, non te fallit. Vale.

### ARGVMENTVM.

*Capita sunt huius epistola, de Appio à Dolabella accusato, de Ciceronis Officio, de affinitate cum Dolabella iungenda, de Republ. Huic respondebo epistola decimatertia libri secundi.*

M. COELIVS S. D. M. CIC.

6

**N**ON dubito, quin perlatum ad te sit, Appium à Dolabella reum factum, sanè quam non ea, qua existimaui, inuidia, neque enim stulte Appius, qui simul atque Dolabella accessit ad tribunal, introierat in Urbem, triumphique postulationem abiecerat, quo facto retulit sermonem, paratiorque visus est, quam sperauerat accusator, is nunc in te maximam spem habet. Scio tibi eum non esse odio, quam velis eum obligare, in tua manu est, cum quo simulates si tibi non fuissent, liberius tibi de tota re esset. Nunc si ad illam summam veritatem legitimum ius exegeri, cauendum tibi erit, nec parum simpliciter, & candidè posuisse inimicitias videaris, in hanc partem porro turum tibi erit, si quid volueris ei gratificari: nemo enim necessitudine, & amicitia te deterritum ab officio dicet. Illud mihi occurrit, quòd inter postulationem, & nòminis delationem vxor à Dolabella discessit. Quid mihi discedens mandaris, memini, quid ego tibi scripserim, te non arbitror oblitum, non est iam tempus plura narrandi. Vnum illud monere te possunt, ut si res tibi non displicebit, tamen hoc tempore nihil de tua voluntate ostendas, & expectes quemadmodum

dum exeat ex hac causa, ne qua inuidiosum tibi sit, si emanarit: porro significatio vlla si intercesserit, clariùs, quàm deceat, aut expediat, fiat. Neque ille tacere eam re poterit, quæ suæ spei tam opportuna acciderit, quæque in negotio conficiendo tanto illustrior erit cum præsertim is sit, qui, si perniciosum sciret esse loqui de hac re, vix tamen se contineret. Pompeius dicitur valde pro Appio laborare, vt etiam putent alterutrum de filiis ad te missurum. Hic nos omnes absoluius, & hercules confecta omnia, fœda, & inhonesta sunt. Consules autem habemus summa diligentia; adhuc S.C. nisi de feriis Latinis, nullam facere potuerunt, Curioni nostro Tribunatus, conglaciat, sed dici non potest, quomodo hic omnia iaceant, nisi ego cum tabernariis, & acquariis pugnarem veteris ciuitatem occupasset. Si Parthi vos nihil calefaciunt, nos hic frigore frigesimus, tamen quoquo modo hic omnia iaceant potuit, sine Parthis. Bibulus in Armano nescio quid cohorticularum amisit, hoc sic nunciatum est.

Quod tibi suprascripsi, Curionem frigere, iam calet, nam feruentissime concerpitur: leuissimè enim, quia de intercalando non obtinuerat transfugit ad populum, & pro Cæsare loqui cœpit; legemque viaria non dissimilem Agratiæ Rulli, & Alimentariæ, quas iubet Aediles meriti, iactauit; hoc nōdum fecerat, cum priorem epistolæ partem scripsi. Ambo te, si quid quod opus fuerit Appio, facies, posito me in gratiam. De Dolabella integrum tibi reserues, suadeo, & huic rei, de qua loquor, & dignitati tuæ, æquitatisque opinioni hoc ita facere expedit. Turpe tibi erit, pantheras Græcas me non habere. Vale.

## A R G V M E N T V M.

*Scribit de belli Parthici periculo, de Cornificij nuptijs, de Valeria diuortio, de Ocella adulterio.*

M. COELIVS S. D. M. CIC.

**Q**Uàm cito tu istinc decedete cupias, nescio; ego quidem eò magis, quod adhuc felicius rem gessisti (dum istic eris, de belli Parthici periculo cruciabor) ne hunc risum meum metus aliquis perturbet. Breuiores has litteras Properanti publicano-

canorum tabellario subito dedi: tuo liberto pluribus verbis scriptas pridie dederam. Res autem novæ nullæ sanè acciderunt: nisi hæc vis tibi scribi, quæ certè vis. Cornificius adolescens Orestillæ filium sibi despondit. Paula Valeria, soror Triarij, diuortium sine causa, quo die vir è Prouincia venturus erat, fecit: nupta est D. Bruto: nondum retulerat. Multa in hoc genere incredibilia, te absente, acciderunt. Ser. Ocella nemini persuasisset se mecum esse, nisi triduo his deprehensus esset. Quæris vbi? vbi hercules ego minimè vellem; relinquo tibi, quod ab alijs quæras, neque enim displicet mihi, Imperatorem singulos percunctari, cum qua sit aliquis deprehensus. Vale.

### ARGVMENTVM.

*Varia scribit, primum de indicijs quibusdam tum de Rep. satis copiose; postremo de seipso.*

M. COELIVS S. D. M. CIC.

**E**T si de Rep. quæ tibi scribam, habeo; tamen nihil, quo magis gauisurum te putem habeo, quam hoc. Scito C. Sempronium Rufum, Rufum, mel, ac delicias tuas, calumniâ maximo plausu tulisse. Quæris, qua in causa; M. Turcium, accusatorem suum, post ludos Romanos reum lege Plotia de vi fecit: hoc consilio, quod videbat, si extraordinarius nemo reus accessisset, sibi hoc anno causam esse dicendam; dubium porro illi non erat, quid futurum esset. Nemini hoc deferre munusculum maluit, quàm suo accusatori. Itaque sine vlllo subscriptore descendit, & Tuccium reum fecit. At ego, simul atque audiui, inuocatus ad subellia rei acurro: surgo: neque verbum de re facio: totum Sempronium vsque eò perago; ut Vestorium quoque interponam, & illam fabulam narrem, quemadmodum tibi pro beneficio dederit, si quid in iniurijs suis esset, quod Vestorius teneret. Hæc quoque magna nunc contentio forum tenet. M. Seruilius postquam, ut cœperat, omnibus in rebus turbabat, nec, quod non venderet, quidquam reliquerat; maxima nobis traditus erat inuidia; neque Laterensis Prætor, postulante Pausania, nobis patronis, quo ea pecunia peruenisset, recipere voluit. Quod Pilius necessarius

nus Attici nostri, de repetundis eum postulauit; magna illico fama surrexit, & de damnatione feruenter loqui est ceptum. Quo vento proijcitur Appius minor indicet, pecuniam ex bonis paternis peruenisse ad Seruiliū; prauaricationisque causa diceret depositum H. S. LXXXI. Admiraris amentiam quid, si actiones stultissimas, quid, si nefarias patris confessiones audisses? Mittit in consilium eodem illos, qui litis æstimant, Iudices. Cum æquo numero sententiæ fuissent, Latrensis, legens ignorans, pronunciauit, quid singuli ordines iudicassent; & ad extremum ut solet, *Non redigam*. Postquam discessit, & pro absoluto Seruilius haberi ceptus, legisque vnum, & certissimum caput legit, in quo ita erat, *QVO Deorum iudicium maior pars iudicaret, id ius, ratumque esto*, in tabulas absolutum non retulit. Ordinum iudicia perscripsit. Postulante rursus Appio, cum L. Lolio transegit, & se relaturum dixit. Sic nunc neque absolutus, neque damnatus Seruilius, de repetundis, saucius Pilio tradetur. Nam, de diuinatione Appius, cum calumniam iussaret, contendere ausus non est, Pilioque cessit; & ipse de pecunijs repetundis à Seruilijs est postulatus, & præterea de vi reus à quodam suo emissario Sex. Tertio est factus, rectè hoc par habet.

Quod ad Remp. pertinet, omninò multis diebus, expectatione Galliarum, actum nihil est. Aliquando tamen, re sæpe relata, & grauitè acta, & plane perspecta Cn Pompeij voluntate in eam partem, ut eum decedere post kal. Mart. placeret, S. C. quod tibi misi factum est, auctoritatesque perscriptæ, S. C. auctoritas.

Pridie Kal. Octob. in Aede Appollinis scribendo asserunt, L. Domitius, Cn. F. Ahenobarbus: Q. Cecilius Q. F. Metellus Pius Scipio. L. Villius L. F. Pomp Annalis: C. Septimius T. F. Quirina: C. Lucceius C. F. Pup Hirrus: C. Scribonius C. F. Pop, Curius; L. Ateius L. F. An. Capito: M. Oppius M. F. Terentina. Quod M. Marcellus Cos. V. F. de Prouincijs Consularibus D. E. R. L. C. uti L. Paulus, C. Marcellus Coss. cū magistratum inissent ex A. D. Kal. Mart. quæ in suo magistratu futura esset, de Consularibus Prouincijs ad Senatum referret: ne ve quid prius ex Kal. Mart. ne ve quid coniunctim de ea referretur à Consulibus, utique eius

rei causa per dies Comitia ex Senatum haberent, S. Q. C. facerent, & cum de ea re ad Senatum referretur a Consulibus, qui eorum in C. C. C. Iudiciis essent, eos abducere liceret: si quid de ea re ad populum, plebem velato opus esset, ut Ser. Sulpicius, M. Marcellus Cos. Prator Trib. pleb. quibus eorum videretur, ad populum plebem ve ferrent: quod ij non tulissent, uti quicumque deinceps essent, ad populum, plebem ve ferrent.

IV. Pridie Kalend. Octob. in Aede Appolinis scribendo affuerunt, L. Domitius Cn. F. Ahenobarbus: Q. Caelius Q. F. Metellus Pius Scipio: L. Villius L. F. Pomp. Annalis, C. Septimus T. F. Quirina; C. Scribonius C. F. Pop. Curio: L. Atcius L. F. An Capito: M. Oppius M. F. Terentina. Quod M. Marcellus Cos. V. F. de Prouincijs, D. E. R. I. C. Senatum existimare, neminem eorum qui potestatem habent intercedendi, impediendi, moram asferre oportere, q̃no minus de Rep. quam primum ad Senatum referri, S. Q. C. fieri possit: qui impederit eum Senatum existimare contra Rep. fecisse, si quis huic S. C. intercesserit, Senatui placere, auctoritate perscribi, & de ea re ad Senatum, populumque referri Huic S. C. intercessit C. Caelius, L. Vicinius, P. Cornelius, C. Vibius Pansa.

Item Senatui placere, de militibus, qui in exercitu C. Caesaris sunt, qui eorum stipendia emerita, causas, quibus de causis missi fieri debeant, habeant, ad huc ordinem referri, ut eorū ratio habeatur, causasq; cognoscantur. Si quis huic S. C. intercesserit, Senatui placere auctoritatem perscribi, & de ea re ad hunc Ordinem referri. Huic S. C. intercessit C. Caelius C. Pansa, Trib. pl.

Itemq; Senatui placere; in Ciliciam Prouinciam inque VIII. reliquis Prouincijs, quas Pratorijs Propratores obtineret, eos qui Praetores fuerunt, neque in Prouincia cum imperio fuerunt, quos eorum ex S. C. cū imperio in Prouincijs Propratores mitti oporteret, eis sortito in Prouincijs mitti placere. Si ex eo numero, quos S. C. in Prouincijs ire oporteret, ad numerum id non essent, qui in eas Prouincijs proficiscerentur; tum uti quoque Collegium primum praetorium fuissent, neque in Prouincijs profecti essent, ita forte in Prouincijs proficiscerentur. Si ad numerum ij non essent, tunc deinceps proximi cuiusque Collegij, qui Praetores fuissent, neque in Prouincijs profecti essent, in sortem conijcerentur, quoad is numerus



*numerus effectus esset, quem ad numerum in Prouincias mitti oportet. Si quis huic S.C. intercessisset, auctoritas perscriberetur. Huic S.C. intercessit C. Cælius, C. Pansa Trib. pleb.*

Illæ præterea Cn. Pompeij sunt animaduersiones, quæ maximè confidentiam attulerunt hominibus, ut diceret se ante Kal. Mart. non posse sine iniuria de Prouincijs Cæsaris statuere: post Kal. Mart. se non dubitaturum. Cum interrogaretur. Si qui tunc intercederent; dixit, hoc nihil interesse, utrum Cæsar Senatu dicto audiens futurus non esset, an pararet, qui Senatum decernere non pateretur. Quid sis, inquit alius, & Consul esse, & exercitum habere uolet? At ille, quam clementer. Quid, si filius meus fuisse mihi impingere uolet? His uocibus, ut existimarent homines Pompeio cum Cæsare esse negotium, effecit. Itaque, iam, ut video, alterutram ad conditionem descendere, uult Cæsar; ut aut maneat, neque hoc anno sui ratio habeatur; aut, si designari poterit, decedat. Curio se contra eum totum parat quid assequi possit, nescio; illud video, bene sentientem, etsi nihil effecerit, cadere non posse, me tractat liberaliter, & mihi suo munere negotium imposuit: nam, si mihi non dedisset eas, quæ ad ludos eis aduectæ erant Africanæ; poruit supersedeti: nunc quando dare necesse est, uelim tibi curæ sit, quod à te semper petij, ut aliquid istinc bestiarum habeamus; Sitianamque syngrapham tibi commendo. Libertum Philonem, istuc misi, & Diogenem Græcum, quibus mandata, & litteras ad te dedi, eos tibi, & rem, de qua misi, uelim curæ habeas: nam, quam uehementer ad me pertineat, in ijs, quas tibi illi reddent, litteris descripsit. Vale.

### ARGVMENTVM.

*Narrat de Hirro competitore ab Aedilitate deiecto: de Prouincijs nihil actum significat: pantheras petit. M. Feridium commendat; addit nonnulla de Fauonio, Pompeio, Calidio.*

### M. COEL. S. D. M. CIC.

**S**Id tu inquis, Hirrum tractasti? Immo, si scias, quam facile, quam nec contentionis quidem minimè fuerit, pudeat te ausum illum umquam esse incedere tanquam tuum competitori-

titorem. Post repulſam vero riſus facit: ciuem bonum ludit, & contra Cæſarem ſententias dicit: expectationem corripit; Curionem prorsus non mediocriter obiurgat; ſcilicet hac repulſa ſe mutauit. Præter ea, qui nunquam in foro apparuerit, non multum in iudijs verſatus ſit, agit cauſas liberales, ſed raro poſt meridiem. De prouincijs, quod tibi ſcripſeram Idibus Sext. actum iri, interpellat iudicium Marcelli Conſulis designatj: in Kal. reiecta cauſa eſt; ne frequentiam quidem efficere poterant. Has litteras ad IV. Non. Sept. dedi, cum ad eam diem ne proſtigatum quidem quidquam eſſet. Vt video cauſa hæc integra in proximum annum tranſſeretur, & quantum diuino, relinquendus tibi erit, qui Prouinciã obtineat. Nam non expeditur ſucceſſio; quando Galliæ, quæ habent interceſſorem, in eandem conditionem quam cæteræ Prouinciæ vocantur. Hoc mihi non eſt dubium, quod tibi magis ſcripſi, vt ad hunc euentum te parares.

Fere litteris omnibus tibi de pantheris ſcripſi, turpe tibi erit, Paſiſchum Curioni decem miſſiſſe, te non multis partibus plures, quas ipſa Curio mihi, & alias Africanas decem donauit: ne putes illum tantum Prædia ruſtica dare ſcire. Tu, ſi modo memoria tenueris, & Cibyratas accertieris, itemque in Pamphiliã litteras miſeris (nam ibi plures capi ajunt) quod volles, efficies: hoc yehementius laboro nunc, quod ſeorſum à Collega puto mihi omnia paranda. Ambo te, impera tibi; hoc cura: ſoles libenter, vt ego, maiorem partem nihil curare, in hoc negotio nulla tua, niſi loquendi cura eſt, hoc eſt imperandi, & mandandi. Nam ſimul atque erunt capræ, qui alant eas, & deportent, habes eos, quos ad Sitianam ſyngrapham miſi puto: etiam ſi nullam ſpem mihi litteris oſtenderis, me iſto miſſurum alios.

M. Feridium, equitem Romanum, amici mei filium bonum, & ſtrenuum adoleſcentem, qui ad ſuum negotium iſtuc venit, tibi commendo; te rogo, vt eum in tuorum numero habeas Agros, quos fructuarios habent ciuitates, vult tuo beneficio, quod tibi facile, & honeſtum factum eſt, immunes eſſe, gratos, & bonos viros tibi obligaris. Nolo te putare Fauonium à columnarijs præteritum; optimus quiſque eum non fecit. Pompeius

peius tuus apertè non vult Cæsarem Prouinciã tenere cum exercitu, & Consulẽ esse; tamen hanc sententiã dixit nullum hoc tempore S.C. faciundum, Scipio hanc, vt Kal. Mart. de Prouincijs Galijs, neu quid coniunctim referretur. Contristauit hæc sententiã Balbum Cornelium; & scio eum conquestum esse cum Scipione. Calidius in defensione sua fuit disertissimus in accusatione satis frigidus. Vale.

### ARGVMENTVM.

*Scribit de Parthici belli rumore: & de Prouincijs quia putet actum iri. Addit actiones Curionis de agro Campano de Ciceronis decessu. Affirmat se officio suo satis esse facturum.*

M. COELIVS S. D. M. CIC.

10

**S** Anè quam litteris C. Cassij, & Deiotari sumus commoti. Nam Cassius, eius Euphratẽ copias Parthorum esse, scripsi; Deiotarus profectas per Commagenem in Prouinciã nostram. Ego quidem præcipuum metum, quod ad te attinebat, habui (qui scirem quã paratus ab exercitu esses) ne quod hic tumultus dignitati tuæ periculum afferret. Nam de vita, si paratior ab exercitu esses, timuissem; nunc hæc exiguitas copiarum, recessum, non dimicationem mihi tuam prælagiebat. Hoc quo modo acciperent homines, quam probabilis necessitas futura esset; vereor etiã nunc, neque prius desinam formidare, quam tetigisset te Italiã audiero. Sed de Parthorum transitu nuncij varios sermones excitantur. Alius enim, Pompeium mittendum; alius ab Vrbe non remouendum; alius Cæsarem cum suo exercitu; alius Consules; nemo tamen, ex S.C. priuatos Consules autem, quia verentur, ne illud S.C. fiat, vt plaudati exeant; & contumeliosè præter eos ad aliam res transferatur; omnino Senatũ haberi nolunt; vsque eo, vt patum diligentes in Rep. videantur: sed honestè, siue negligentia, siue inertia est, siue ille, quem proposui, metus lateat sub hac temperantiæ existimatione, nolle Prouinciã. A te litteræ non venerunt; & nisi Deiotari subsecutę essent in eam opinionem Cassius venerat, quę diripuisset ipse, vt viderentur ab hoste vasta, finxisse bellum, & Arabas in Prouinciã immisisse, eosque Parthos esse, Senatui

P 2 renun-

renunciassè. Quare tibi suadeo, quicumque est istic status rerum, diligenter, & cautè perscribas; ne aut velificatus alicui dicaris, aut aliquid, quod referret scire reticuisse. Nunc exitus est anni: nam ego has litteras ad XIV. Kal. Dec. scripsi. Planè nihil video ante Kal. Ian. agi posse. Nocti Marcellum, quam tardus, & parum efficax sit: itemque Seruium, quam cunctator, cuiusmodi putas hos esse? aut quam id, quod nolint conficere posse, qui quæ cupiunt, tamen ita frigidè agunt, ut nolle existimentur? Novis magistratibus autem, si Parthicum bellum erit, hæc causa primos menses occupabit. Sin autem aut non erit istic bellum, aut tantum erit, ut vos, aut successores, parvis additis copijs, sustinere possint Curionem vidèo se dupliciter iactaturum: primum, ut aliquid Cæsari adimat; inde, ut aliquid Pompeio tribuat, quod vis, quamlibet tenuè munusculum. Paulus porro non humanè de Prouincia loquitur. Huius cupiditati occursum est. Furnius noster plures suspicari non possum. Hæc nouitalia, quæ possunt accidere, non cerno. Multa tempus asferre, & præparata multa scio: sed intra fines hos, quæcunque acciderint, vertentur. Illud addo actiones C. Curionis, de agro Campano, de quo negant Cæsarem laborare: sed Pompeium valde velle, ne vacuus aduenienti Cæsari pateat. Quod ad tuum decessum attinet, illud tibi non possum polliceri, me curaturum, ut tibi succedatur: illud certè præstabo, ne quid amplius prorogetur. Tui consilij est, si tempus, si Senatus coges, si honestè à nobis recusari non poterit, velis ne perferre. Mei officij est meminisse; qua obtestatione decedens; mihi, ne pateret fieri mandatis. Vale.

#### ARGVMENTVM.

*Supplicationes Ciceroni à Senatu decretas significat pro re in Prouincia bene gesta, &, quæ fuerit cuiusque vel sententia, vel voluntas, docet, adscribit etiam de Republ.*

M. COELIVS S. D. M. CIC.

II

**N**on diu, sed acriter nos tuæ supplicationes torserunt. Incideramus enim in difficilem nodum, nam Curio, tui cupidissimus, cui omnibus rationibus Comitiales eripiebantur negabat

negabat se villo modo pari posse decerni supplicationes: ne si quid furore Pauli adeptus esset boni sua culpa videretur amississe; & præuicator causæ publicæ existimaretur. Itaque ad pacem descendimus, & confirmarunt Consules se, his supplicationibus in hunc annum non viuros. Plane, quod vtriusque Consulibus gratias agas, est Paulo magis certe; nam Marcellus sic respondit ei, se spem in istis supplicationibus non habere; Paulus se omnino in hunc annum non edicturum. Renunciarum nobis erat, Hirrum diutius dicturum. Prendimus eum: non modò non fecit; sed cùm de hostibus ageretur, & posset rem impedire, si vt numerarentur, postularet, tacuit: tantum Catoni assensus est: qui de tam locutus honorificè, non decrerat supplicationes. Tertius ad hos Fauonius accessit. Quare pro cuiusque natura, & instituto gratiæ sunt agendæ: his, quod tantum voluntatem ostenderunt pro sententia; cùm impedire possent non pugnarunt. Curionis verò, quod de suarum actionum cursu tua causa deflexit. Nam Furnius, & Lentulus, vt debuerunt, quasi eorum res esset, vna nobiscum circumierunt, & laborarunt Balbi quoque Cornelij operam, & sedulitatem laudare possum. Nam cū Curione vehèmenter locutus est. & eum, si aliter fecisset, iniuriam Cæsari tacturum dixit: tum eius fidem in suspicionem adduxit. Decrerant, qui mique transigi volebant, Domitij. Scipiones. Quibus hac re ad intercessionem euocandam interpellantibus, venustissimè Curio respondit, se eo libenter non intercedere, quod quosdam qui decernerent, videret confici nolle.

Quod ad Remp. attinet, in vnā causam omnis contentio coniecta est de Prouincijs: in quam adhuc incubuisse eam Senatu Pompeius videtur, vt Cæsar ante Id. Nou. decedat. Curio omnia potius subire constituit, quam id pari: cæteras suas abiectiones. Nostri porro, quos tu bene nosti, ad extremum retinere rem deducere non audent. Scenā rei totius hæc Pompeius, tanquam Cæsarem non impugnet, sed quod illi æquum putet, constituat, ait Curionem quærere discordias. Valde autem non vult, & plane timet, Cæsarem Consulem designari prius, quam exercitum, & Prouinciā tradiderit. Accipitur satis malè à Curione, & totus eius secundus Con-

fulatus exagitur. Hoc tibi dico, si omnibus rebus prement Curionem, Cæsar defendetur: intercessorem, si quod videntur, reformidabunt. Cæsar, quo volet, manebit. Quam quisque sententiam dixerit; in commentario est rerum urbanarum; è quo tu, quæ digna sunt, selige; multa transit in primis ludorum explosiones & funerum, & cæterarum ineptiarum, plura habet inutilia. Denique malo hanc partem ertare, ut, quæ non desideras, audias, quàm quidquam, quod opus est, prætermittatur. Tibi curæ fuisse de Siciâno negotio, gaudeo, sed quando suspicaris minus certa fide eos tibi visos, tanquam procurator sic agas, rogo. Vale.

### ARGUMENTVM.

*Queritur de Appij Claudij iniurijs.*

M. COELIVS S. D. M. CIC.

128

**P**Vdet me tibi confiteri, & quæri de Appij, hominis ingratis-  
simi iniurijs, qui me odisse, quia magna mihi debebat be-  
neficia, cepit, &, cum homo avarus, ut ea solveret, sibi impe-  
rare non posset; occultum bellum mihi indixit, ita occultum ta-  
men, ut multi mihi renunciarent, & ipse facilè animadverte-  
rem, malè eum de me cogitare. Posteaquam vero comperi eum  
Collegium tentasse; deinde apertè cum quibusdam locurum,  
cum L. Domitio, ut nunc est, mihi inimicissimo homine delibe-  
rare velle hoc munusculum deferre Cn. Pompeio; ipsum ut  
reprehenderem, & ab eò deprecarer iniuriam, quem vitam  
mihi debere putaram, impetrare à me non potui. Quid ergo  
est? tum tamen cum aliquot amicis, qui testes erant meorum  
in illum meritorum, locutus sum. Posteaquam illum, ne cui  
satisfacere quidem me dignum habere sensi; malui Collegæ  
eius, homini alienissimo mihi, &, propter amicitiam tuam, non  
æquissimo, me obligare, quam illius simiæ vultum subire. Id  
postquam resciji, incanduit, & nre causam inimicitiarum quæ-  
rere clamitavit, ut, si mihi in pecunia minus satisfacisset, per  
hanc speciem simultatis eum confestaret. Postea non destitit  
accerfere Polam Seruium accusatorem, inire cum Domitio  
côsilia. Quibus cum procederet, ut vlla lege mihi ponerent  
accu-

accusatorem; compellari ea lege me voluerunt, qua dicere non poterant. Insolentissimi homines summis Circensibus ludis meis postulandum me lege Scantinia curant. Vix hoc erat Pola elocutus, cum ego Appium Censorem eadem lege postulavi. Quod melius caderet, nihil vidi. Nam sic est à populo, & non infimo quoque approbatum; ut maiorem Appio dolorem fama, quàm postulatio, attulerit. Præterea cæpi facellum, in domo quod est, ab eo petere. Conturbat me mora serui huius, qui tibi litteras attulit. Nam, acceptis prioribus litteris, amplius quadraginta dies mansit. Quid tibi scribam nescio. Scis Domitio diem timori esse. Expecto te valde, & quamprimum videre cupio. A te peto, ut meas iniurias proinde doleas, ut me existimas & dolere, & vlcisci tuas solere. Vale.

## A R G V M E N T V M.

*Gratulatur affinitate Dolabella: de Curionis intercessione, & de Prouincijs, quod actum sit significat, & de Hortensij præsentiam morte nunciat.*

## M. COELIVS S. D. M. CIC.

13

**G**ratulor tibi affinitate viri medius fidius optimi; nam hoc ego de illo existimo. Cætera porro, quibus adhuc ille sibi parum utilis fuit, & ætate iam sunt decursa, & consuetudine, atque auctoritate tua, pudore Tullia, si qua restabunt, confido celeriter sublatum iui; non est enim pugna vitij, neque hebes ad id, quod melius sit intelligendum; deinde, quod maximum est, ego illum valde amo. Vides, Cicero, Curionem nostrum lautum intercessionis de Prouincijs exitum habuisse, nã cum de intercessione referretur, quæ relatio fiebat ex S. C. primaque M. Marcelli sententia pronunciata esset, qui agendum cum Tribunus pl. censebat, frequens Senatus in alia omnia ijt. Stomacho est magnus nunc ita languenti, ut vix id, quod sibi placeat, reperiat. Transierant illuc, ut ratio esset eius habenda, qui neque exercitum, neque Prouincias traderet. Quemadmodum hoc Pompeius laturus sit, cum cognoscat, quidnam Rep. futurum sit. Si aut non possit, aut nõ curet, vos senes diuites videris Q. Hortensius, cū has litteras scripsi animam agebat. Vale.

## A R G V M E N T V M.

*Hæc epistola multa complectitur, de L. Domitij Ahenobarbi repulsa in Augurato, de Saturnino ab Cn. Domitio Caluino accusato, de Pompeij, Cesarisq; discordia, de Appij ad corrigendam ciuitatē ridicula diligentia.*

M. COELIVS S. D. M. CIC.

14

**T** Anti non fuit Arsaceen capere, Seleuciam expugnare, ut earum rerum, quæ hic gestæ sunt, spectaculo careres. Nunquam tibi oculi doluissent, si in repulsa, Domitij vultum vidisses. Magna illa comitia fuerunt, & planè studia ex partium sensu apparuerunt, perpauci, necessitudinem secuti, officium præstiterunt. Itaque mihi est Domitius inimicissimus, ut ne familiarem quidem suum quemquam tam oderit, quàm me; atque eò magis, quod per iniuriam sibi putat ereptum, cuius ego auctor fuerim. Nunc fuerit tam gauisos homines suum dolorem, vtrumque me studiosiorem Antonij. Nam Cn. Saturninum adolescentem ipse Cn. Domitius reum fecit, sanè quam superiore à vita inuidiosum; quod iudicium nunc in expectatione est, etiam in bona spe, post Sext. Peducæi absolutionem. De summa Rep. sæpè tibi scripsi, me etiamnum pacem non videre, & quò Ptopius ea contentio, quam fieri necesse est, accedit; eò clariùs id periculum apparet. Propositum hoc est, de quo, qui rerum potiuntur, sunt dimicaturi, quod Cn. Pompeius constituit non pati, C. Cæsarem Consulē aliter fieri, nisi exercitum, & Prouincias tradiderit; Cæsari autem persuasum est, se saluum esse non posse, si ab exercitu recesserit; fert illam tamen conditionem, ut ambo exercitus tradant. Sic illi amoris, & inuidiosa coniunctio non ad occultam recidit obreftationem, sed ad bellum se erumpit. Neque mearum rerum quid consilij capiam, reperio; quod non dubito, quin te quoque hæc deliberatio sit perturbatura. Nam mihi cum hominibus his & gratia, & necessitudo est: tum causam illam, non homines odi: illud te non arbitror fugere; *Quin homines in dissensione domestica debeant, quamdiu siuuliter sine armis certetur, honestiorem sequi partem: ubi ad*

bel-



bellum, & castra ventum sit, firmiorem, & id melius statuere, quod tutius sit. In hac discordia video Cn. Pompeius Senatum, quique res iudicant, secum habiturum, ad Cæsarem omnes, qui cum timore, aut mala spe viuunt, accessuros: exercitum conferendum non esse. Omnino sat spatij fit ad considerandas viriusque copias, & ad eligendam partem. Propè oblitus sum, quod maximè fuit scribendum. Scis Appium Censorem hic ostenta facere: de signis, & tabulis, de agri modo, de ære alieno acerrimè agere; persuasum est ei Censuram lamentum, aut nitrum esse, errare mihi videtur. Nam dum sordes eluere vult: venas sibi omnes, & viscera aperit. Curre, per Deos atque homines, & quamprimum hæc risum veni; legis Scantiniæ iudicium apud Drusum fieri: Appium de tabulis, & signis agere. Crede mihi, est properandum. Curio noster sapienter id, quod remisit de stipendio Pompeij, fecisse existimatur: Ad summam quæris, quid putem futurum? si alteruter eorum ad Parthicum bellum non erat, video magnas impendere discordias: quas ferrum, & vis iudicabit. Vterque & animo, & copijs est paratus. Si sine summo periculo fieri posset, magnum, & iucundum tibi fortuna spectaculum parabat. Vale,

## A R G V M E N T V M.

*Pompeium vituperat, Cæsarem laudat; addit de cupiditate sua conueniendi, & alloquendi Ciceronis, & de itinere ad Alpes.*

M. COELIVS S. D. M. CIC.

15.

**E** Quando tu hominem ineptiorem, quam tuum Cn. Pompeius vidisti, qui tantas turbas, qui tam nugax esset, commoritur? ecquem autem Cæsare nostro actiorem in rebus gerendis, eodem in victoria temperatiorem aut legisti, aut audisti? Quid est? nunc tibi nostri milites, qui durissimis, & frigidissimis locis, teterrima hieme bellum ambulando confecerunt malis orbiculatis, esse pasti videntur? Quid? iam, inquis, gloriose omnia. Si scias, quàm sollicitus sim, tum hanc meam gloriam, quæ ad me nihil pertinet, derideas: quæ tibi exponere, nisi coram non possum: idque celeriter fore spero. Nam me, cum exulisset ex Italia Pompeium constituit ad Urbem vocare: id, quod

rei causa per dies Comitia ex Senatum haberent, S. Q. C. facerent, & cum de ea re ad Senatum referretur a Consulibus, quorum in C. C. C. Iudiciis essent, eos abducere liceret: si quid de ea re ad populum, plebem velato opus esset, ut Ser. Sulpicius, M. Marcellus Cos. Prætor Trib. pleb. quibus eorum videretur, ad populum plebem ve ferrent: quod ij non tulissent, uti quicumque deinceps essent, ad populum, plebem ve ferrent.

IV. Pridie Kalend. Octob. in Aede Appolinis scribendo affuerunt, L. Domitius Cn. F. Ahenobarbus: Q. Cæcilius Q. F. Metellus Pius Scipio: L. Villius L. F. Pomp. Annalis, C. Septimus T. F. Quirina, C. Scribonius C. F. Pop. Curio: L. Atreus L. F. An Capito: M. Oppius M. F. Terentina. Quod M. Marcellus Cos. V. F. de Provinciis, D. E. R. I. C. Senatum existimare, neminem eorum qui potestatem habent intercedendi, impediendi, moram asferre oportere, qñ minus de Rep. quam primum ad Senatum referri, S. Q. C. fieri possit: qui impedierit eum Senatum existimare contra Rep. fecisse, si quis huic S. C. intercesserit, Senatui placere, auctoritate perscribi, & de ea re ad Senatum, populumque referri Huic S. C. intercessit C. Cælius, L. Vicinius, P. Cornelius, C. Vibius Pansa.

Item Senatui placere, de militibus, qui in exercitu C. Cæsaris sunt, qui eorum stipendia emerita, causas, quibus de causis missi fieri debeant, habeant, ad huc ordinem referri, ut eorū ratio habeatur, causæq; cognoscantur. Si quis huic S. C. intercesserit, Senatui placere auctoritatem perscribi, & de ea re ad hunc Ordinem referri. Huic S. C. intercessit C. Cælius C. Pansa, Trib. pl.

Itemq; Senatui placere, in Ciliciam Prouinciam inque VIII. reliquis Prouinciis, quas Prætorij Proprætores obtineret, eos qui Prætores fuerunt, neque in Prouincia cum imperio fuerunt, quos eorum ex S. C. cū imperio in Prouinciis Proprætores mitti oporteret, eis sortito in Prouinciis mitti placere. Si ex eo numero, quos S. C. in Prouinciis ire oporteret, ad numerum id non essent, qui in eas Prouinciis proficiscerentur; tum uti quoque Collegium primum prætorium fuissent, neque in Prouinciis profecti essent, ita forte in Prouinciis proficiscerentur. Si ad numerum ij non essent, tunc deinceps proximi cuiusque Collegij, qui Prætores fuissent, neque in Prouinciis profecti essent, in sortem conicerentur, quoad is

NUMERUS

*numerus effectus esset, quem ad numerum in Prouincias mitti oportet. Si quis huic S.C. intercessisset, auctoritas perscriberetur. Huic S.C. intercessit C. Cælius, C. Pansa Trib. pleb.*

Illa præterea Cn. Pompeij sunt animaduersiones, quæ maximè confidentiam attulerunt hominibus, ut diceret se ante Kal. Mart. non posse sine iniuria de Prouincijs Cæsaris statuere: post Kal. Mart. se non dubitaturum. Cum interrogaretur. Si qui tum intercederent; dixit, hoc nihil interesse, utrum Cæsar Senatu dicto audiens futurus non esset, an pararet, qui Senatum discernere non pateretur. Quid si, inquit alius, & Consul esse, & exercitum habere uolet? At ille, quam clementer. Quid, si filius meus fust? mihi impingere uolet? His vocibus, ut existimarent homines Pompeio cum Cæsare esse negotium, effecit. Itaque, iam, ut video, alterutram ad conditionem descendere, uult Cæsar; ut aut maneat, neque hoc anno sui ratio habeatur; aut, si designari poterit, decedat. Curio se contra eum totum parat quid assequi possit, nescio; illud video, bene sentientem, etsi nihil effecerit, cadere non posse, me tractat liberaliter, & mihi suo munere negotium imposuit: nam, si mihi non dedisset eas, quæ ad ludos eis aduectæ erant Africanæ; poruit supersedeti: nunc quando dare necesse est, uelim tibi curæ sit, quod à te semper petij, ut aliquid istinc bestiarum habeamus; Sitianamque syngrapham tibi commendo. Libertum Philonem, istuc misi, & Diogenem Græcum, quibus mandata, & litteras ad te dedi, eos tibi, & rem, de qua misi, uelim curæ habeas: nam, quam uehementer ad me pertineat, in ijs, quas tibi illi reddent, litteris descripsit. Vale.

### ARGUMENTVM.

*Narrat de Hirro competitore ab Aedilitate deiecto: de Prouincijs nihil actum significat: pantheras petit. M. Feridium commendat; addit nonnulla de Fauonio, Pompeio, Calidio.*

### M. COEL. S. D. M. CIC.

**S**Id tu inquis, Hirrum tractasti? Immo, si scias, quam facile, quam nec contentionis quidem minimè fuerit, pudeat te ausum illum umquam esse incedere, tanquam tuum competitor-

titorem. Post repulsam vero risus facit: ciuem bonum ludit, & contra Cæsarem sententias dicit: expectationem corripit; Curionem prorsus non mediocriter obiurgat; scilicet hac repulsa se mouit. Præter ea, qui nunquam in foro apparuerit, non multum in iudicijs versatus sit, agit causas liberales, sed raro post meridiem. De prouincijs, quod tibi scripseram Idibus Sext. actum iri, interpellat iudicium Marcelli Consulis designati: in Kal. reiecta causa est; ne frequentiam quidem efficere potuerant. Has litteras ad IV. Non. Sept. dedi, cum ad eam diem ne profligatum quidem quidquam esset. Ut video causa hæc integra in proximum annum transferretur, & quantum diuino, relinquendus tibi erit, qui Prouinciam obtineat. Nam non expedietur successio; quando Galliae, quæ habent intercessorem, in eandem conditionem quam cæteræ Prouinciæ vocantur. Hoc mihi non est dubium, quod tibi magis scripsi, ut ad hunc euentum te parares.

Fere litteris omnibus tibi de pantheris scripsi, turpe tibi erit, Patiscum Curioni decem misisse, te non multis partibus plures, quas ipsa Curio mihi, & alias Africanas decem donauit: ne putes illum tantum Prædia rustica dare scire. Tu, si modo memoria tenueris, & Cibyratas accertieris, itemque in Pamphiliam litteras miseris (nam ibi plures capi aiunt) quod volles, efficies: hoc yehementius laboro nunc, quod seorsum à Collega puto mihi prœmia paranda. Ambo te, impera tibi: hoc cura: soles libenter, ut ego, maiorem partem nihil curare, in hoc negotio nulla tua, nisi loquendi cura est, hoc est imperandi, & mandandi. Nam simul atque erunt captæ, qui alant eas, & deportent, habes eos, quos ad Sitianam syngrapham misi puto: etiam si nullam spem mihi litteris ostenderis, me isto missurum alios.

M. Feridium, equitem Romanum, amici mei filium bonum, & strenuum adolescentem, qui ad suum negotium istuc venit, tibi commendo; te rogo, ut eum in tuorum numero habeas Agros, quos fructuarios habent ciuitates, vult tuo beneficio, quod tibi facile, & honestum factum est, immunes esse, gratos, & bonos viros tibi obligaris. Nolo te putare Fauonium à columnarijs præteritum; optimus quisque cum non fecit. Pompeius

peius tuus apertè non vult Cæsarem Prouinciã tenere cum exercitu, & Consulem esse; tamen hanc sententiam dixit nulum hoc tempore S.C. faciundum, Scipio hanc, vt Kal. Mart. de Prouincijs Galijs, neu quid coniunctim referretur. Contristauit hæc sententia Balbum Cornelium; & scio eum conquestum esse cum Scipione. Calidius in defensione sua fuit disertissimus in accusatione satis frigidus. Vale.

### ARGUMENTVM.

*Scribit de Parthici belli rumore: & de Prouincijs quia putet actum iri. Addit actiones Curionis de agro Campano de Ciceronis decessu. Affirmat se officio suo satis esse facturum.*

### M. COELIVS S. D. M. CIC.

10

**S** Anè quam litteris C. Cassij, & Deiotari sumus commoti. Nam Cassius, eius Euphratè copias Parthorum esse, scripsi; Deiotarus profectas per Commagenem in Prouinciã nostram. Ego quidem præcipuum metum, quod ad te attinebat, habui (qui scirem quàm paratus ab exercitu esses) ne quod hic tumultus dignitati tuæ periculum afferret. Nam de vita, si paratior ab exercitu esses, timuissem; nunc hæc exiguitas copiarum, recessum, non dimicationem mihi tuam prælagiebat. Hoc quo modo acciperent homines, quam probabilis necessitas futura esset; vereor etiam nunc, neque prius desinam formidare, quam tetigisset te Italiam audiero. Sed de Parthorum transitu nuncij varios sermones excitantur. Alius enim, Pompeium mittendum; alius ab Vrbe non remouendum; alius Cæsarem cum suo exercitu; alius Consules: nemo tamen, ex S.C. priuatos Consules autem, quia verentur, ne illud S.C. fiat, vt plaudati exeant; & contumeliosè præter eos ad alium res transferatur; omnino Senatui haberi nolunt; vsque eo, vt parum diligentes in Rep. videantur: sed honestè, siue negligentia, siue inertia est, siue ille, quem proposui, merus latet sub hac temperantiz existimatione, nolle Prouinciã. A te litteræ non venerunt; & nisi Deiotari subsecutè essent in eam opinionem Cassius venerat, quæ diripuisset ipse, vt viderentur ab hoste vasta, finxisse bellum, & Arabas in Prouinciã immisisse, eosque Parthos esse, Senatui

P a renun-

renunciassse. Quare tibi suadeo, quicumque est istic status rerum, diligenter, & cautè perscribas; ne aut velificatus alicui dicaris, aut aliquid, quod referret scire reticuisse. Nunc exitus est anni: nam ego has litteras ad XIV. Kal. Dec. scripsi. Planè nihil video ante Kal. Ian. agi posse. Nocti Marcellum, quam tardus, & parum efficax sit: itemque Seruium, quam cunctator, cuiusmodi putas hos esse? aut quam id, quod nolint conficere posse, qui quæ cupiunt, ramen ita frigidè agunt, ut nolle existimentur? Novis magistratibus autem, si Parthicum bellum erit, hæc causa primos menses occupabit. Sin autem aut non erit istic bellum, aut tantum erit, ut vos, aut successores, parvis additis copijs, sustinere possint Curionem video se dupliciter iactaturum: primum, ut aliquid Cæsari adimat; inde, ut aliquid Pompeio tribuat, quod vis, quamlibet tenuè munusculum. Paulus porro non humanè de Prouincia loquitur. Huius cupiditati occursum est. Furnius noster plures suspicari non possum. Hæc nouitalia, quæ possunt accidere, non cerno. Multa tempus asserre, & præparata multa scio: sed intra fines hos, quæcunque acciderint, vertentur. Illud addo actiones C. Curionis, de agro Campano, de quo negant Cæsarem laborare: sed Pompeium valde velle, ne vacuus aduenienti Cæsari pateat. Quod ad tuum decessum attinet, illud tibi non possum polliceri, me curaturum, ut tibi succedatur: illud certè præstabo, ne quid amplius prorogetur. Tui consilij est, si tempus, si Senatus coges, si honestè à nobis recusari non poterit, velis ne persenescere. Mei officij est meminisse; qua obtestatione decedens; mihi, ne pateret fieri mandatis. Vale.

### ARGVMENTVM.

*Supplicationes Ciceroni à Senatu decretas significat pro re in Prouincia bene gesta, &, quæ fuerit cuiusque vel sententia, vel voluntas, docet; adscribit etiam de Republ.*

M. COELIVS S. D. M. CIC.

II

**N**on diu, sed acriter nos tuæ supplicationes torserunt. Incideramus enim in difficilem nodum, nam Curio, tui cupidissimus, cui omnibus rationibus Comitiales eripiebantur negabat

negabat se villo modo pati posse decerni supplicationes: ne si quid furore Pauli adeptus esset boni sua culpa videretur amississe; & præuaricator causæ publicæ existimaretur. Itaque ad pacem descendimus, & confirmarunt Consules se, his supplicationibus in hunc annum non viuros. Plane, quod vtriusque Consulibus gratias agas, est Paulo magis certe; nam Marcellus sic respondit ei, se spem in istis supplicationibus non habere; Paulus se omnino in hunc annum non edicturum. Renunciaturum nobis erat, Hirrum diutius dicturum. Prendimus eum: non modò non fecit; sed cùm de hostibus ageretur, & posset rem impedire, si vt numerarentur, postulare, tacuit: tantum Caroni assensus est: qui de tam locutus honorificè, non decrerat supplicationes. Tertius ad hos Fauonius accessit. Quare pro cuiusque natura, & instituto gratiæ sunt agendæ: his, quod tantum voluntatem ostenderunt pro sententia; cùm impedire possent non pugnarunt. Curionis verò, quod de suarum actionum cursu tua causa deflexit. Nam Furnius, & Lentulus, vt debuerunt, quasi eorum res esset, vna nobiscum circumierunt, & laborarunt Balbi quoque Cornelij operam, & sedulitatem laudare possum. Nam cù Curione vehementer locutus est. & eum, si aliter fecisset, iniuriam Cæsari tacturum dixit: tum eius fidem in suspicionem adduxit. Decrerant, qui mique transigi volebant, Domitij. Scipiones. Quibus hac re ad intercessionem euocandam interpellantibus, venustissimè Curio respondit, se eo libenter non intercedere, quod quosdam qui decernerent, videret confici nolle.

Quod ad Remp. attinet, in vnâ causâ omnis contentio coniecta est de Prouincijs: in quam adhuc incubuisse eam Senatu Pompeius videtur, vt Cæsar ante Id. Non. decedat. Curio omnia potius subire constituit, quam id pati: cæteras suas abiectiones. Nostri porro, quos tu bene nosti, ad extremum certamen rem deducere non audent. Scenâ rei totius hæc Pompeius, tanquam Cæsarem non impugnet, sed quod illi æquum putet, constituat, ait Curionem quærere discordias. Valde autem non vult, & plane timet, Cæsarem Consulem designari prius, quam exercitum, & Prouinciâ tradiderit. Accipitur satis malè à Curione, & totus eius secundus Con-

sularis exagitur. Hoc tibi dico, si omnibus rebus prement Curionem, Cæsar defendetur: intercessorem, si quod videntur, reformidabunt. Cæsar, quo volent, manebit. Quam quisque sententiam dixerit; in commentario est rerum urbanarum; è quo tu, quæ digna sunt, selige; multa transit in primis ludorum explosiones & funerum, & cæterarum ineptiarum, plura habet inutilia. Denique malo hanc partem ertare, ut, quæ non desideras, audias, quàm quidquam, quod opus est, prætermittatur. Tibi curæ fuisse de Siciiano negotio, gaudeo, sed quando suspicaris minus certa fide eos tibi visos, tanquam procurator sic agas, rogo. Vale.

### ARGUMENTVM.

*Queritur de Appij Claudij iniurijs.*

M. COELIVS S. D. M. CIC.

128

**P**Vdet me tibi confiteri, & quæri de Appij, hominis ingratis-  
simi iniurijs, qui me odisse, quia magna mihi debebat be-  
neficia, cepit, &, cum homo avarus, ut ea solveret, sibi impo-  
rare non posset; occultum bellum mihi indixit, ita occultum ta-  
men, ut multi mihi renunciarent, & ipse facilè animaduerte-  
rem, malè eum de me cogitare. Posteaquam vero comperi eum  
Collegium tentasse; deinde aperrè cum quibusdam locutum,  
cum L. Domitio, ut nunc est, mihi inimicissimo homine delibe-  
rare velle hoc munusculum deferre Cn. Pompeio; ipsum ut  
reprehenderem, & ab eò deprecarer iniuriam, quem vitam  
mihi debere putatam, impetrare à me non potui. Quid ergo  
est? tum tamen cum aliquot amicis, qui testes erant meorum  
in illum meritorum, locutus sum. Posteaquam illum, ne cui  
satisfacere quidem me dignum habere sensi; malui Collegæ  
eius, homini alienissimo mihi, &, propter amicitiam tuam, non  
æquissimo, me obligare, quam illius simiæ vultum subire. Id  
postquam rescij, incanduit, & me causam inimicitiarum quæ-  
tere clamitavit, ut, si mihi in pecunia minus satisfacisset, per  
hanc speciem simultatis eum confectarer. Postea non destitit  
accersere Polam Seruium accusatorem, inire cum Domitio  
consilia. Quibus cum procederet, ut vlla lege mihi ponerent  
accu-



accusatorem; compellari ea lege me voluerunt, qua dicere non poterant. Insolentissimi homines summis Circensibus ludis meis postulandum me lege Scantinia curant. Vix hoc erat Pola elocutus, cum ego Appium Censorem eadem lege postulaui. Quod melius caderet, nihil vidi. Nam sic est à populo, & non infimo quoque approbatum; ut maiorem Appio dolorem fama, quam postulatio, attulerit. Præterea cœpi sacellum, in domo quod est, ab eo petere. Conturbat me mora serui huius, qui tibi litteras attulit. Nam, acceptis prioribus litteris, amplius quadraginta dies mansit. Quid tibi scribam nescio. Scis Domitio diem timori esse. Expecto te valde, & quamprimum videre cupio. A te peto, ut meas iniurias proinde doleas, ut me existimas & dolere, & vlcisci tuas solere. Vale.

## A R G V M E N T V M.

*Gratulatur affinitate Dolabella: de Curionis intercessione, & de Provincijs, quod actum sit significat, & de Hortensij presenti iam morte nunciat.*

## M. COELIVS S. D. M. CIC.

13

**G**ratulor tibi affinitate viri medius fidius optimi; nam hoc ego de illo existimo. Cætera porro, quibus adhuc ille sibi parum vilis fuit, & ætate iam sunt decursa, & consuetudine, atque auctoritate tua, pudore Tullia, si qua restabunt, confido celeriter sublatum iui; non est enim pugnax virijs, neque hebes ad id, quod melius sit intelligendum; deinde, quod maximum est, ego illum valde amo. Vides, Cicero, Curionem nostrum lautum intercessionis de Provincijs exitum habuisse, nã cum de intercessione referretur, quæ relatio fiebat ex S. C. primaque M. Marcelli sententia pronunciata esset, qui agendum cum Tribunus pl. censebat, frequens Senatus in alia omnia ijt. Stomachio est magnus nunc ita languenti, ut vix id, quod sibi placeat, reperiat. Transierant illuc, ut ratio esset eius habenda, qui neque exercitum, neque Provincias traderet. Quemadmodum hoc Pompeius laturus sit, cum cognoscat, quidnam Rep. futurũ sit. Si aut non possit, aut nõ curet, vos senes diuites videritis Q. Hortensius, cũ has litteras scripsi animam agebat. Vale.

bellum, & castra ventum sit, firmiorem, & id melius statuere, quod tutius sit. In hac discordia video Cn. Pompeius Senatum, quique res iudicant, secum habiturum, ad Cæsarem omnes, qui cum timore, aut mala spe vivant, accessuros: exercitum conferendum non esse. Omnino sat spatij fit ad considerandas viriusque copias, & ad eligendam partem. Propè oblitus sum, quòd maximè fuit scribendum. Scis Appium Censorem hic ostenta facere: de signis, & tabulis, de agri modo, de aere alieno acerrimè agere; persuasum est ei Censuram lamentum, aut nitrum esse, errare mihi videtur. Nam dum sordes eluere vult: venas sibi omnes, & viscera aperit. Curre, per Deos atque homines, & quamprimum hæc risum veni; legis Scantiniæ iudicium apud Drusum fieri: Appium de tabulis, & signis agere. Crede mihi, est properandum. Curio noster sapienter id, quod remisit de stipendio Pompeij, fecisse existimatur: Ad summam quæris, quid putem futurum? si alteruter eorum ad Parthicum bellum non erat, video magnas impendere discordias: quas ferrum, & vis iudicabit. Uterque & animo, & copijs est paratus. Si sine summo periculo fieri posset, magnum, & iucundum tibi fortuna spectaculum parabat. Vale,

### ARGUMENTVM.

*Pompeium vituperat, Cæsarem laudat; addit de cupiditate sua conueniendi, & alloquendi Ciceronis, & de itinere ad Alpes.*

M. COELIVS S. D. M. CIC.

15.

**E**quando tu hominem ineptiorem, quam tuum Cn. Pompeius vidisti, qui tantas turbas, qui tam nugax esset, commoritur? equem autem Cæsare nostro actiorem in rebus gerendis, eodem in victoria temperatiorem aut legisti, aut audisti? Quid est? nunc tibi nostri milites, qui durissimis, & frigidissimis locis, terribilissima hieme bellum ambulando confecerunt malis orbiculatis, esse pasti videntur? Quid? iam, inquis, gloriose omnia. Si scias, quàm sollicitus sim, tum hanc meam gloriam, quæ ad me nihil pertinet, derideas: quæ tibi exponere, nisi cotam non possum: idque celeriter fore spero. Nam me, cum expulisset ex Italia Pompeium constituit ad Urbem vocare: id, quod

quod iam existimo confectum; nisi maluit Pompeium Brundisij circumsedere. Peream, si minima causa est properandi istud mihi, quod te videre, & omnia intima conferre discupio, habeo autem quam multa. Hui, vereor, quod solet fieri, ne cum te videro, omnia obliuiscar. Sed tamen quodnam ob scelus iter mihi necessarium retro ad Alpes versus incidit? adeo, quod Intemelij in armis sunt, neque de magna causa. Bellicenus, verna Demetrii, qui ibi cum praesidio erat. Domitium quemdam, nobilem illic Caesari hospitem a contraria factione nummis acceptis comprehendit, & strangulauit, ciuitas ad arma iit; eo nunc cohortibus mihi per nites eundum est. Usquequaque, inquis, se Domitij male habent. Vellem quidem Venere prognatus tantum animi habuisset in Vestro Domitio, quantum ipse Senatus in hoc habuit. Ciceroni F. S. D. Vale.

### ARGUMENTVM.

*Pulso ex Italia Pompeio, suadet Ciceroni Caelius, ne afflictam fortunam sequatur, consulitque; ut in aliquem locum a bello vacuum se recipiat. Suasio est ab vrili contra honestum, nam esse cum Pompeio Resp. videbatur. Rescribit huic Cicero L. 2. ep. 16.*

M. COEL. S. D. M. CIC.

16

**E**xaminatus sum tuis litteris, quibus te nihil, nisi triste cogitare ostendisti; neque id, quod esset, perscripsisti, neque non tamen, quales esset, quod cogitares, aperuisti. Has ad te illico litteras scripsi. Per fortunas tuas, Cicero, per liberos te oro, & obsecro, ne quid grauius de salute, & incolumitate tua consules. Nam Deos, hominesque amicitiamque nostram testificor, me neque temere tibi praedixisse, neque temere monuisse: sed postquam Caesarem conuenerim, sententiamque eius qualis futura esset Parua victoria cognouerim, te certiore fecisse. Si existimas eandem rationem fore Caesari, in dimittendis aduersariis, & conditionibus ferendis, erras. Nihil, nisi atroce, & saeuum, cogitat, atque etiam loquitur, iratus Senatui exiit; his intercessionibus plane incitatus est: non mehercule erit deprecationi locus. Quare, si tibi tu, si filius vnicus, si domus, si spes tuae reliquae tibi curae sunt; si aliquid apud te nos, si vir

si vir optimus gener tuus valet; eorum fortunas non debes vel-  
le conturbare: ut eam causam, in cuius victor a salus nostra  
est, odiosè, aut relinquere cogamur; aut impiam cupiditatem  
contra salutem tuam habeamus. Denique illud cogita, quod  
offensæ fuerit; in ista cunctatione te subisse. Nunc te contra  
victorem facere, quem dubijs rebus lædere noluisti; & ad eos  
fugatos accedere; quos resistentes sequi nolueris, summæ stul-  
titiæ est. Vide, ne, dum putet te parum. Optimatem esse,  
parum diligenter, quid optimum sit, eligas. Quod si totum  
tibi persuadere non possum, saltem dum quid de Hispanijs  
agamur scitur, expecta; quas tibi nuncio aduentu Cæsaris fore  
nostras. Quam isti spem habeant, amissis Hispanijs, nescio  
quod porro tuum consilium sit ad desperatos accedere; non  
medius fidius reperio. Hoc quod tu, non dicendo, mihi signi-  
ficasti, Cæsar audiat: ac simul atque, Aue mihi dixit, statim.  
quid de te audisset, expoluit. Negavi me scire, sed tamen ab  
eo petij, ut ad te litteras mitteret, quibus maximè ad remanen-  
dum commoueri posses. Me secum in Hispaniam ducit; nam,  
nisi ita faceret, ego prius quàm ad Urbem accederem, vbi-  
cunque essem ad te percurrissem; & hoc à te præsens contendissem  
atque omni vite retinuissem. Etiam atque etiam, mi Cicero,  
cogita, ne te, tuosque omnes funditus euertas; nesciens, pru-  
densque eò demittas, unde exitum vides nullum esse. Quod si  
te, aut voces Optimatum commouent, aut nonnullorum ho-  
minum insolentiam, & iactationem ferre non potes, eligas cen-  
seo, aliquod oppidum vacuum à bello, dum hæc decernuntur,  
quæ iam erunt confecta. Id si feceris, & ego te sapienter fe-  
cisse iudicabo, & Cæsarem non offendes. Vale.

### ARGVMENTVM.

*Queritur, se Curionis amore, & Appij odio ab optima mente de-  
sciuisse, & Cæsaris partes potius, quam Pompeij, secutum esse:  
cuius rei culpam partim infortunam, quod in Hispaniam  
fuerit, quo tempore Cicero ad Pompeium in Graciam profe-  
ctus est: partim etiam in Ciceronem ipsum confert; postre-  
mo, quid moliatur, exponit.*

M. COE-

**E**Rgo me potius in Hispania fuisse tum, quàm Formijs, cum, tu profectus es ad Pompeium? quod utinam, aut non in ista parte Ap. Claudius aut non in hac C. Curio fuisset: cuius amicitia me paulatim in hanc perditam causam imposuit. Nam mihi sentio bonam mentem, iracundia, & amore ablatam. Tu porro, cum ad te, proficiscens noctu Ariminum, venissem; dum mihi pacis mandata data ad Cæsare, & mirificum civem agis; amicis officium neglexisti, neque mihi consulisti. Neque hæc dico, quod diffidam hanc causæ, sed crede mihi, perire satius est, quam hoc videre. Quod si timor vestræ crudelitatis non esset: eiectioni iam pridem hinc essemus. Nam hic nunc præter sceneratores paucos, nec homo, nec ordo quicquam est, nisi Pompeianus. Equidem iam effeci ut maximè, plebes, & qui antea noster fuit, populus vester esset. Cur hoc, inquis? imino reliqua expecta: vos inuitos vincere coegero. Irritavi in me Catonem. Vos dormitis, nec hæc adhuc mihi vide mini intelligere, quàm nos pateamus, & quàm simus imbecilli. Atque hoc nullius præmij spe faciam, sed quod apud me plurimum solet valere, doloris, atque indignitatis causa. Quid istic facitis? prælium expectatis, quod firmissimum est? vestras copias non novi; nostri valde depugnare, & faciliè algere, & esurire consueverunt. Vale.



M. TULLII

CICERONIS

EPISTOLARVM

Ad Varronem, &amp; alios.

LIBER NONVS.

ARGVMENTVM.

*Aduentus cupit Varronis: quod in eius librorumque consuetudine omnem spem reposuerit leniendi doloris, quem ex afflictâ Republica capiebat.*

M. CICERO S. D. M. TERENTIO VARRONI. I



Xijs litteris, quas Atticus a te missa mihi legit, quid ageres, & ubi esses, cognoui: quando autem te visuri essemus, mihi sanè ex eisdem litteris potui suspicari.

In spem tamen venio, appropinquare tuum aduentum: qui mihi vtinam solatio sit: et si tot, tantisque rebus urgemur, vt nullam alleuationem quisquam non stultissimus sperare deberat. Sed tamen, aut tu potes me, aut ego te fortasse aliqua re iuare. Scito enim me, posteaquam in Urbem venerim, rediisse cum veteribus amicis, idest cum liberis nostris, in gratiam. Et si non idcirco eorum usum dimiseram, quod ijs succenterem; sed quod eorum me supponebat. Videbar enim mihi, cum me in res turbulentissimas, infidelissimis socijs, demissem, præceptis illorum non satis paruissè. Ignoscunt mihi, reuocant in consuetudinem pristinam: neque, quod in eo permanseris, sapientior em, quàm me, dicunt fuisse. Quamobrem quando placatis his vtor; videor sperare debere, si te viderim, & ea, quæ premant. & ea, quæ impendeant, me facillè transiturum. Quamobrem siue in Tusculano, siue in Cumano ad te placebit, siue, quod minimè velim, Romæ; dummodo simul sumus; perficiam profectò, vt id vtrique nostrum commodissimum esse videatur. Vale.

AR-

*Diutius retenta epistola causam exponit. Deinde suadet, sibi que ita statutum affirmat; ut hominum frequentiam vites, dum gratulatio ob Africana victoria nuncium deferuescat: suumque iuuanda quoque modo Reip. desiderium declarat.*

## CICERO S. D. VARONI.

2

**C**Aninius idem tuus, & idem noster cum ad me peruesperi venisset, & se postridie mane ad te iturum esse dixisset; dixi ei me daturum aliquid mane, & ut peteret, rogaui: conscripsi epistolam noctui, nec ille ad me rediit: oblitum credidi. Attamen eam ipsam epistolam misissem per meos; nisi audissem ex eodem, postridie te mane à Tusculano exiturum. At tibi repente paucis post diebus cum minimè expectarem, venit ad me Caninius mane, proficisci ad te statim dixit. Etsi erat *Iulios* illa epistola, præsertim tantis postea nouis rebus allatis; tamen perire meam lucubrationem nolui, & eam ipsam Caninio dedi: sed cum eo, & homine docto, & amantissimo tui, locutus ea sum, quæ pertulisse illum ad te existimo. Tibi autem idem consilij do, quod mihi metipsi, ut vitemus oculos hominum, si linguas minùs faciliè possums. Qui enim victoria se effecerunt, quasi victos nos intuentur; qui autem victos esse nostros molestè fuerunt, nos dolent viuere. Quæres fortasse, cur, cum hæc in Vrbe sint, non absim, quæmadmodum tu. Tu enim ipse, qui, & me, & alios prudentia vincis omnia credo, vidisti; nihil omnino te fefellit. Quamuis qui est talynceus, qui in tantis tenebris nihil offendat? nusquam incurrat? Ac mihi quidem iam pridem venit in mentem, bellum esse, aliquo exire; ut ea, quæ agebantur hic, quæque dicebantur, nec viderem, nec audirem. Sed calumniabar ipse; putabam, qui obuiam mihi venisset, ut cuique commodum esset suspicaturum, aut dicturum etiam, si non suspicaretur; Hic aut meruit, & ea te fugit, aut aliquid cogitat; & haber nauem paratam. Denique leuissimè qui suspicaretur, & qui fortasse me nouisset optimè, putaret me idcirco discedere, quod quoddam homines oculi mei ferre non possent. Hæc ego suspicans, adhuc Romæ maneo, & tamen *λελαθὲς*; consuetudo diuturna casum iam obduxit stomacho

macho meo. Habes rationem mei consilij. Tibi igitur hæc. Censeo latendum tantisper ibidem, dum deferuescat hæc gratulatio, & simul dum audiamus, quemadmodum negotium confectum sit, confectum enim esse existimo. Magni autem intererit, qui fuerit victoris animus, qui exitus rerum; Quamquam quò me coniectura ducat, habed; sed expecto tamen. Te verò nolo, nisi ipse rumor iam raucus erit factus; ad Baia venite. Erit enim nobis honestius etiam, cum hinc discesserimus, videri venisse in illa loca ploratum potius, quam natatum. Sed hæc tu melius; modo stet nobis illud, vnà vivere in studijs nostris, à quibus antea delectationem modò petebamus, nunc verò etiam salutem: non deesse, si quis adhibere volet non modo, vt architectos, verum etiam vt fabros ad ædificandam Remp. & potius libenter accurrere, sin nemo vtetur opera, tamen & scribere, & legere *παλαιοις*, & si minùs in Curia, atque in Foro, at in litteris, & libris, vt doctissimi veteres fecerunt, nauare operam Reip. & de moribus, ac legibus quærere. Mihi hæc videntur. Tu quid sis acturus, & quid tibi placeat, pergratum erit, si ad me scripseris.

## ARGUMENTVM.

*Scribit se iturum ad Varronem: sed homines reprehensuros dicit, si, cum Resp. sit miserrima, ipsi ad Vrbe absint, & in villis otio fruantur se tamen eorum inscitiam negligere, & in studijs omnino cum Varrone victurum.*

## CIC. S. D. VARRONI.

3

**E** T si, quid scriberem, non habebam; tamen Caninio ad te cuncti non potui nihil dare. Quid ergo potissimum scribam; quod velle te puto citò me ad te esse venturum. Et si, vide quæso, satisne rectum sit, nos, hoc tanto incendio ciuitatis, in istis locis esse. Dabimus sermonem ijs, qui nesciunt nobis, quacunque in loco simus, eundem cultum, eundem victum esse. Quid refert? tamen in sermonem incidemus. Valde, id credo, laborandum est, ne, cum omnes in omni genere, & scelorum, & flagitiorum volutentur, nostra nobiscum, aut inter nos cessatio vituperetur. Ego vero, neglecta barbarorum inscitiam te persequar. Quamuis enim hæc sint misera, quæ sunt miserrima:



Vima: tamen artes nostræ nescio quomodo nunc vberiores fructus ferre videntur, quàm olim ferebant: siue quia nulla nunc in re alia acquiescimus, siue quòd grauitas morbi facit, vt medicinæ egeamus, eaque nunc appareat, cuius vim non sentiebamus, cum valebamus. Sed quid ego hæc ad te, cuius dominascuntur? *ἡλαυκ' εἰς Αθήνας*, nihil scilicet, nisi vt rescribens aliquid, me expectares. Sic igitur facies. Vale.

### ARGVMENTVM.

*De Varronis aduentu ex Diodori philosophi sententia idcatur, nam in libro de Fato Diodori opinionem improbens, Chrysippo assentitur.*

### CICERO S. D. VARRONI.

**P** *Ἐπὶ δυνάτων* me scito *κατὰ Διόδωρον κρίνειν*; quampropter si venturus es, scito necesse esse te venire: sin autem non es, *τῶν ἀδυνάτων* est te venire, nunc vide, vtra te *κρίσει* magis te delectet. *Χρύσιππειά* ne, an hæc, quam noster Diodorus non concoquebat. Sed de his etiam rebus, otiosi cum erimus loquemur: hoc etiam est *κατὰ Χρύσιππον δυνάτῳ*. De Costio mihi gratum est; nam id etiam Attico mandaram. Tu si minus ad nos, nos accuremus ad te. Si hortum in bibliotheca habes nihil deerit. Vale.

### ARGVMENTVM.

*Probat & diem, quo conuenturi sunt, & Varronis, suumque consilium, quod semel à Cesare victi, ab armis discesserint.*

### CICERO S. D. VARRONI.

**M** Ihi verò, ad Nonas, bene maturum videtur fore, neque solum propter rem, sed etiam propter anni tempus. Quare diem probor: itaque eundem ipse sequar. Consilij nostri, ne si eos quidem, quid secuti non sunt non pœniteret, nobis pœnitendum putarem. Secuti enim sumus non spem, sed officium; reliquimus autem non officium, sed desperationem. Ita verecundiores fuimus, quam qui se domo non commouerunt: famiores, quàm qui amissis opibus, domum non reuerterunt. Sed nihil mihius fero, quàm seueritatem otiosorum, & quo

quo modo res se habet, magis illos vercor, qui in bello occiderunt; quàm hos curo, quibus non satisfacimus, quia viuimus. Mibi si spatium fuerit in Tusculanum ante Nonas veniendi, istic te videbo; sin minus, persequar in Cumanum, & ante te certiotem faciam vt lauatio parata sit. Vale.

## A R G V M E N T V M.

*Nunciat Caesaris aduentum, & belli ciuilis causam in Pompeium potius, quàm in Casarem, confert; Varronem autem laudat, quòd se ab armis ad studia, quasi à tempestate in portum contulerit.*

## CICERO S. D. VARRONI.

6

**C**Aninius noster me suis verbis admonuit, vt scriberem ad te, si quid esset, quod putarem te scire oportere. Est igitur aduentus in expectatione, neque tu id ignoras. Sed tamen, cum ille scripsisset, vt opinor, se in Alsienſe venturum, scripserunt ad eum sui, ne id faceret; multos ei molestos fore, ipsumque multis; Ostiæ videri commodius, eum exire posse. Id ego non intelligebam, quid interesset, sed tamen Hirtius mihi dixit, & se ad eum, & Balbum, & Oppium scripsisse, vt ita faceret; homines, vt cognoui, amantes tui. Hoc ego idcirco nosse te volui, vt scires hospitium tibi vbi parares, vel potius vtrouque, qui enim ille facturus, incertum est, & simul ostentaui tibi me istis esse familiarem, & consilijs eorum interesse. Quod ego cur nolim, nihil video. *Non enim est idem, ferre, si quid ferendum est, & probare, si quid probandum non est.* Et, si quid non probem, quidem nescio, præter initia rerum: nam hæc in voluntate fuerunt, Vidi enim (nam tua aberas) nostros amicos cupere bellum; hunc autem non tam cupere, quàm non timere. Ergo hæc consilij fuerunt; reliqua necesse est. Scio te semper mecum in luctu fuisse; cum videremus, quàm illud ingens malum alterutrius exercitus ex Ducum interitu; tum verò, extremum malorum omnium esse ciuilis belli victoriam, quam quidem ego etiàm illorum timebam, ad quos veneramus. Crudeliter enim otiosis minabantur: eratque ijs, & tua inuisa voluntas, & mea oratio. Nunc verò si essent nostri potiti, valde intemperantes fuissent, erant enim nobis perirati: quasi quid-

Q quam

quam de nostra salute decreuissemus, quod non idem illis censuissemus; aut quasi utilius Reipublicæ fuerit, eos etiam ad bestiarum auxilium confugere, quam vel mori, vel cum spe, si non optima, at aliqua tamen vivere. At in perturbata Rep. vivimus. Quis negat: sed hæc viderint, qui nulla sibi subsidia ad omnes vitæ status parauerunt, huc enim ut venirem, superior longius, quam volui, fluxit oratio. Cum enim te semper magnum hominem duxitum, quod his tempestatibus es prope solus in portu: fructusque doctrinæ percipis eos, qui maximi sunt: ut ea consideres, eaque tractes, quorum & usus, & delectatio est omnibus istorum & actis, & voluptatibus anteponenda. Equidem hos tuos Tusculanenses dies instar esse vitæ puto; libenterque omnibus omnes opes concesserim; ut mihi liceat, vi nulla interpellante isto modo vivere. Quod nos quoque imitamur, ut possumus, & in nostris studiis liberrimè conquiescimus. Quis enim hoc non dederit nobis, ut, cum opera nostra, patria siue non possit uti, siue noluit; ad eam vitam reuertamur, quam multi etiam Reip. præponendam putauerunt. Quæ igitur studia, magnorum hominum sententia, vacationem habent etiam publici numeris, ijs, concedente Rep. cur non abutamur? Sed plus facio, quam Caninius mandauit, is enim, si quid ego scirem, rogarar, quod tu nescires; ego tibi ea narroque tu melius scis, quam ipse, qui narro. Faciam ergo, illud, quod rogatus sum: ut eorum, quæ temporis huius sint, quæ tua interessent audiero, ne quid ignores. Vale.

### ARGUMENTVM.

*Maturum iam esse ait, ut ab Vrbes discedas; & de Caesaris ex Africano bello redeuntis itinere rumores quosdam nunciat.*

### CICERO S. D. VARRONI.

**C**Oenabam apud Seium, cum utriq; nostrum redditæ sunt à te litteræ. Mihi verò iam maturum videtur; nam quod antea te calumniatus sum, iudicabo malitiam meam. Volebam propè alicubi esse te, si quid bonæ salutis *οὐκ ἐν ἐρχομένω*. Nunc quando confecta sunt omnia, dubitandum non est, quin equis, velis: Nam, ut audiui de Lucio Cesare filio, mecum ipse. *Quid hic mihi faciet parti?* Itaq; nō desino apud istos, qui nunc domi-

dominantur, cœnitare. Quid faciam? tempori seruiendū est. Sed ridicula missa faciamus, præsertim cū sit nihil quod rideamus.

„ *Africa terribili tremit horrida terra tumultu.*

itaque nullum est *σπουδαγιμενον*, quod non verear. Sed quod quæris, quando, quā, quō: nihil adhuc scimus: istic ipsum de Baijs: nonnulli dubitant, an per Sardiniam veniat. Illud enim adhuc prædium suum non inspexit; nec vllum habet deterius, sed tamen non contemnit. Ego omnino magis arbitror per Siciliam: vel iam sciemus; adueniat enim Dolabella: cū puto magistrum fore.

*πολλοὶ μαθηταὶ κρείττονές διδασκάλων.*

Sed tamen si sciam, quid tui constitueris, meum consilium accommodabo potissimum ad tuum; quare expecto tuas litteras. Vale.

### ARGVMENTVM.

*Promiserat Varro, quosdam libros se esse in Ciceronis nomine editurum, Cicero nunc admonet eum promissi, missis quasi admonitoribus quatuor libris Academicis, quos Varro dicauit.*

### CICERO S. D. VARRONI.

8

**E** Tū, munus flagitare, quamuis quis ostenderit, ne populus quidem solet, nisi concitatus; tamen ego expectatione promissi tui moneor, vt admoveam te, non vt flagitem. Misi autem ad te quatuor admonitores, non nimis verecundos. Nostri enim profecto os huius adolescentoris Academicæ. Ex ea igitur media excitatos misi: qui metuo, ne te fortè flagitent: ego autem mandavi, vt rogarent. Expectabam omnino iamdiu, meque sustinebam, ne ad te prius ipse quid scriberem, quam aliquid accepissem, vt possem te remunerari quàm similimo munere: sed cum tardius faceres, idest vt ego interpretor, diligentius teneri non potui, quin coniunctionem studiorum, amorisque nostri, quo possem litterarum genere, declararem. Feci igitur sermonem inter nos habitum in Cumano, cum esset vna Pomponius. Tibi dedi partes Antiochenas, quas à te probari, intellexisse mihi videbar; mihi sumpsit Philonis. Puto fore, vt cum legeris, mirere id nos locutos esse inter nos, quod nunquam locuti sumus; sed nostri morem Dialogorum.

Q 2 Post-

Posthac autem, mi Varro, quamplurima, si videbitur, & de nobis, & inter nos, sero fortasse, sed superiorum temporum fortuna Reip. causam sustineat; hæc ipsi præstare debemus. Atque utinam quieris temporibus, atque aliquo, si non bono, at saltem certo statu ciuitatis, hæc inter nos studia exercere possemus. Quanquam tum quidem, vel aliæ quæpiam rationes honestas nobis & curas, & actiones darent. Nunc autem quid est, sine his cur viuere velimus? mihi verò cum his ipsis vix; his autem detractis, ne vix quidem. Sed hæc coram, & sæpius. Migrationem, & emptionem tibi feliciter euenire volo; tumque in ea re consilium probo Cura ut valeas.

### ARGUMENTVM.

*Suadet Dolabella generi Ciceroni, ut aut Caesaris partes sequatur, aut in aliquam ciuitatem à bello vacuam se recipiat, quod idem Calpurnius fecerat. Vide epist. 16. lib. 8.*

### DOLABELLA S. D. M. CIC.

**S**I vales, gaudeo, & ipse valeo, & Tullia nostra rectè valet. Terentia minus bellè habuit: sed certum scio, iam conualluisse eam. Præterea rectissimè sunt apud te omnia. Et si nullo tempore in suspitione tibi debui venire, partium causa potius, quàm tua, tibi suadere; ut te aut cum Cæsare, nobiscumque coniungeres, aut certè in otium referes. Præcipue nunc, iam inclinata victoria, ne possum quidem in ullam aliam incidere opinionem, nisi in eam, in qua scilicet tua de re tibi suadere videar, quod pie tacere non possum. Tu autem, mi Cicero, sic hæc accipies, ut siue probabuntur tibi, siue non probabuntur, ab optimè certè animo, ac deditissimo tibi & cogitata, & scripta esse iudices. Animaduertis Cn. Pompeium nec nominis sui, nec rerum gestarum gloria, nec etiam Regum, aut nationum clientellis, quas ostentare crebro solebat, esse turum, & hoc etiam, quod infirmo cuique contigit, illi non posse contingere, ut honestè effugere possit, pulso Italia, amissis Hispanis capto exercitu veterano, circumuallato; nunc denique; quod nescio, an ulli vnquam nostro acciderit Imperatori. Quamobrem quid aut ille sperare possit, aut tu, animum aduertere pro tua prudentia: sic enim faciliè, quod tibi utilissimum erit, con-

consilij capies. Illud autem à te peto, vt, si iam illè euitauerit hoc periculum, & abdidit in classem, tu tuis rebus consulas, & aliquando tibi potius, quàm cuius sis amicus. Satisfactum est iam à te, vel officio, vel familiaritati; satisfactum etiam partibus, & ei Reipubl. quam tu probas. Reliquum est, vbi nunc est Respub. ibi finis potius, quàm dum illam veterem sequimur, finis in nulla. Quare velim, mi iucundissimè Cicero, si fortè Pompeius, pulsus his quoque locis, rursus alias regiones petere cogatur, vt tute vel Athenas, vel in quamuis quiciam recipias ciuitatem, quod si eris facturus, velim mihi scribas, vt ego, si vllò modo potero ad te aduolem. Quæcunque de tua dignitate ab Imperatore erunt impetranda, qua est humanitate Cæsar facillimum erit ab eo tibi ipsi impetrare, & meas tamen preces apud eum non minimum auctoritatis habituras puto. Erit tuæ quoque fidei, & humanitatis curare, vt is tabellarius, quem ad te misi, reuerti possit ad me, & à te mihi litteras refera. Vale.

## A R G V M E N T V M.

*Quasi per iocum scribit, inter Niciam, & Vidium se iudicem esse constitutum, & item per iocum de P. Sylla morte quiddam scribit.*

## CICERO S. D. DOLAB.

10

**N**on sum ausus Saluio nostro nihil ad te litterarum dare. Nec mehercule habebam, quid scriberem, nisi te à me mirabiliter amari, de quo, etiam nihil scribente me, te non dubitare certò scio. Omnino mihi magis litteræ sunt expectandæ à te, quam à me tibi. Nihil enim Romæ geritur, quod te putem scire curare, nisi fortè scire vis, me inter Niciam nostrum, & Vidium iudicem esse. Profert alter vt opinor, duobus versiculis expensum Niciæ. Alter Aristarchus hos βελίξ. Ego tanquam criticus antiquus, iudicaturus sum, vtrum sint τῶπος κτ, an παρεμβλημένοι. Puto te nunc dicere, Oblitus ne es igitur fungorum illorum, quos apud Niciam? & ingentium cultiuarum cum Sophia Septimæ? Quid ergo? tu adeo mihi excusam seueritatem veterem putas, vt ne in foro quidem reliquæ pristinæ frontis appareant, sed tamen suauissimum

πυμβιάτην nostrum præstabo inregellum, nec commitam, ut, si ego cum condemnato, tu restituas: ne habeat Plancus Bursa, apud quem litteras discat. Sed quid ago? cum mihi sit incertum, tranquillo ne sis animo, an, ut in bello, in aliqua maiuscula cura, negotiove versere, labor longius. Cum igitur mihi erit exploratum, te libenter esse risurum; scribam ad te pluribus. Te tamen hoc scire volo, vehementer populum sollicitum fuisse de P. Syllæ morte antequam certum scierit: nunc quærere desierunt, quo modo perierit: Satis putant se scire, quod sciunt. Ego cæterique animo æquo fero; vnum vereor, ne hasta Cæsaris refrigerit. Vale.

### ARGUMENTVM.

*Deplorat Tuliola mortem; & in Dolabella sermonibus plurimum sibi ait solatii futurum. Quanquam iam eam Dolabella dimiserat, sed fingendum erat Ciceroni, temporis causa; cum Dolabella apud Cæsarem dominantem gratiam plurimum valeret.*

### CICERO S. D. DOLAB. SVO.

11

**V**El meo ipsius interitu malletm litteras meas desiderares, quàm eo casu, quo sum grauissimè afflictus; quem ferrem certè moderatiùs, si te haberem. Nam & oratio tua prudens, & amor erga me singularis multum leuaret. Sed quoniam breui tempore, ut opinio nostra est: te sum visurus, ita me affectum offendes, ut multum à te possim ipuari, non quò ita sim fractus, ut aut hominem me esse, oblitus sim, aut fortunæ succumbendum putem: sed tamen hilaritas illa nostra, & suauitas, quæ te præter cæteros delectabat, erepta mihi omnis est: firmitatem tamen, & constantiam, si modò fuit aliquando in nobis, eandem cognosces, quam reliquisti. Quod scribis prælia te mea causa sustinere; non tam id laboro, ut, si qui mihi obtrecent, à te refurentur; quam intelligi cupio, quod certè intelligitur, me à te amari: Quod ut facias, te etiam atq; etiam rogo ignoscas: quæ breuitati mearum litterarum; nam & celestiter vna futuros nos arbitror, & nondum satis confirmatus sum ad scribendum. Vale.

AR-

## ARGVMENTVM.

*Gratulatur Dolabella de Baiarum salubritate, & orationem, pro Deiotaro Rege ad Cæsarem habitam, mittit.*

## CIC. S. D. DOLABELLÆ.

12

**C**Ratulor Baijs nostris si quidem, vt scribis, salubres repente factæ sunt; nisi forte te amant, & tibi assentantur, & tandem, dum tu ades, sunt oblitæ sui, Quod quidem si ita est; minime miror, celum etiam, & terras vim suam, si tibi ita conueniat, dimittere. Oratiunculam pro Deiotaro, quam requirebas, habebam mecum, quod non putaram; itaque eam tibi misi. Velim sic legas vt causam tenuem, & inopem, nec scripture magnopere dignam. Sed ego hospiti veteri, & amico munusculum mittere volui Lepidentæ Crasso filio, cuiusmodi ipsius solent esse munera. Tu velim animo sapienti, fortique sis; vt tua moderatio, & grauitas aliorum infamet iniuriam, Vale.

## ARGVMENTVM.

*Rogat Dolabellam, vt Suberino, & Planio reditum in patriam conficiat: eosque ita excusat, vt ostendat, casu quodam, & necessitate coactos Pompeij partes in Hispania fouisse.*

## CICERO S. D. DOLABELLÆ.

13

**C**. Suberinus Calenus, & meus est familiaris, & Leptæ, nostri familiarissime, pernecessarius. Is cum vitandi belli causa, profectus esset in Hispaniam cum M. Varrone ante bellum; vt in ea Prouincia esset, in qua nemo nostrum, post Afranium superatum, bellum vllum fore putarat; incidit in ea ipsa mala, quæ summo studio vitauerat; oppressus est enim bello repentino; quod bellum commotum à Scapula, ita postea confirmatum est à Pompeio, vt nulla ratione se ab illa miseria eripere posset. Eadem causa fere est M. Planij Hæredis, qui est item Calenus; Leptæ nostri familiarissimus. Hosce igitur ambos sic tibi commendo, vt maiora cura, studio, sollicitudine animi commendare non possim. Volo ipsorum causa, meque in eo vehementer, & amicitia mouet, & humanitas. Lepta vero cum ita laboret, vt eius fortunæ videantur in discrimen ve-



nirè: non possum ego non aut proximè atque ille, aut etiam æquè laborare. Quapropter, etsi sæpè expertus sum, quantum me amares, tamen sic velim tibi persuadeas, id me in hac re maximè iudicaturum. Peto igitur à te, vel si pateris, oro, vt homines mīseros, & fortuna, quam vitare nemo potest, magis quàm culpa, calamitosos, conserues incolumes; velisque, per te me hoc muneris cum ipsis amicis hominibus, tum municipio Caleno, qui cum mihi magna necessitudo est, cum Leptæ, quem omnibus antepono, dare. Quod dicturus sum, puto equidem nō valde ad rem pertinere: sed tamen nihil obest dicere. Res familiaris alteri eorum valde exigua est, alteri vix equestris. Quapropter, quando his Cæsar vitam sua liberalitatē concessit, nec est, quod ijs præterea magnoperè possit adimi, redditum, si me tantum amas, quantum certè amas, hominibus confice, in quo nihil est præter viam longam, quam idcirco non fugiunt, vt & viuant cum suis, & moriantur domi. Quod vt enitare, contentasque, vel potius, vt, perficia, (posse enim te mihi persuasi) vehementer te etiam, atque etiam rogo. Vale.

### ARGUMENTVM.

*Dolabellam laudibus extollit, quia columnam in foro Cæsari quasi Deo erectam, euerterat. Vide lib. 14. ad Atticum, & Lactantium, lib. 1. cap. 15.*

### CICERO S. D. DOLAB. COS.

14

**E** T si contentus eram, mi Dolabella, tua gloria, satisque ex ea magnam lætitiā, voluntateinque capiebam; tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus. Neminem conueni, (conuenio autem quotidie plurimos; sunt enim permulti optimi viri, qui valetudinis causa, in hæc loca conueniant, præterea ex municipijs frequentes necessarij mei) quin omnes, cum te summis laudibus ad cælum extulerunt, mihi continuo maximas gratias agant. Negant enim se dubitare, quin tu meis præceptis, & consilijs obtemperans præstantissimum te ciuem, & singularem Consulē præbeas. Quibus ego quamquam verissimè possum respondere, te, quæ facias,

tuo

tuo iudicio, & tua sponte facere, nec cuiusquam egere consilio, tamen neque planè assentior, ne imminuam tuam laudem, si omnis à meis consilijs profecta videatur, neque valde nego; sum enim audior etiam, quàm satis est, gloriæ. Est tamen non alienum à dignitate tua, quod ipsi Agamenoni, Regum Regi, fuit honestum, habere aliquem in consilijs capiendis Nestorem, mihi vero gloriosum te iuvenem Consulem florere laudibus, quasi alumnum disciplinæ meæ. L. quidem Cæsar, cum ad eum ægrotum Neapolim venissem, quamquam erat oppressus totius corporis doloribus, tamen antequàm me planè salutavit. O, mi Cicero, inquit, gratulor tibi, cum tantum vales apud Dolabellam, quantum si ego apud sororis filium viderem, iam salui esse possemus: Dolbellæ verò tuo & gratulor, & gratias ago: quem quidem, post te Consulem solum possumus verè Consulem dicere. Deinde multa de facto, ac de re gesta tum nihil magnificentius, nihil præclarius actum unquam, nihil Reipub. salutaris. Atque hæc vna vox omnium est. A te autem peto, vt me hanc quasi falsam hæreditatem alienæ gloriæ sinas cernere, meque aliqua ex parte in societatem tuarum laudum venire patiari. Quamquam, mi Dolabella, (hæc enim iocatus sum) libentius omnes meas, si modò sunt aliquæ meæ laudes, ad te transfuderim: quam aliquam partem exhauserim ex tuis. Nam cum te semper tantum dilexerim, quantum tu intelligere potuisti tum his tuis factis sic incensus sum, vt nihil vnquam in amore fuerit ardentius. *Nihil est enim, mihi crede, virtute formosius, nihil pulchrius, nihil amabilius.* Semper amaui, vt scis, M. Brutum, propter eius summum ingenium, suauissimos mores, singularem probitatem, atque constantiam; tamen Idibus Mart. tantum accessit ad morem, vt mirarer locum fuisse augendi in eo, quod mihi iampridem cumlatum esse videbatur. Quis erat, qui putaret ad eum amorem, quem erga te habebam, posse aliquid accedere? tantum accessit, vt mihi nunc denique amare videat, antea dilexisse. Quare quid est, quòd ego te hortor vt dignitati, & gloriæ seruias? proponam tibi claros viros, quod facere solent? quid hortantur? neminem habeo clariorem, quàm te ipsum. Te imitere oportere, tecum ipsum cernes. Nec licet quidem tibi, iam,

tantis

tu ipse tam amandus es, tamque dulcis, tamque in omni genere iucundus, idest propriè tuum. Accedunt non Attici, sed falsiores, quam illi Atticorum, Romani veteres, atque urbani sales. Ego autem (existimes licet quodlibet) mirificè capior facetijs, maximè nostratibus; præsertim cum eas videam primum oblitas, Latio tum cum in Urbem nostram est infusa peregrinitas: nunc verò etiam braccatis, & transalpinis nationibus, ut nullum veteris leporis vestigium appareat. Itaque te cum video, omnes mihi Grapios, omnes Lucilios, vera ut dicam, Crassos quoque & Lælios, videre videor, Moriar, fili, præter te, quemquam reliquum habeo, in qua possem imaginem antiquæ, & vernaculæ festiuitatis agnoscere. Ad hos lepores cum amor erga me tantus accedat, miraris me tanta perturbatione valetudinis tuæ tam grauitè exanimatum fuisse? Quod autem altera epistola purgas te non dissuasorem mihi emptionis Neapolitanæ fuisse, sed auctorem moderationis urbanæ, neque ego aliter accepi; intellexi tamen idem, quod his intelligo litteris, non existimasse te, mihi licere id, quod ego arbitrabar, res has non omnino quidem, sed magnam partem relinquere. Catulum mihi narras, & illa tempora: quid simile? ne mihi quidem ipsi tunc placebat diutius abesse ab Reip. custodia sedebamus enim in puppi, caluumque tenebamus, nunc autem vix est in sentina locus. An minus multa S.C. futura putas, si ego sim Neapoli? Romæ cum sum, & vrgeo forum, S.C. scribuntur apud amatorem tuum, familiarem meum. Et quidem, cum in mentē venit, pono ad scribendum, & ante audio S.C. in Armeniam, & Syriam esse perlatum, quod in meam sententiam factum esse dicatur, quam omnino mentionem vllam de ea re esse factam. Atque hoc nolim me iocari putes. Nam mihi scito iam à Regibus ultimis allatas esse litteras, quibus mihi gratias agant, quod se mea sententia Reges appellauerim; quos ego non modo Reges appellatos, sed omnino natos nesciebā. Quid ergo est? tamē, quamdiu hic erit noster hic præfectus moribus, parebo, auctoritati tuæ: cum verò aberit, ad fungos me tuos conferam. Domum si habebo, in denos dies, singulos sumptuariæ legis conferam, sin minus inuenero, quod placeat, decreui habitare apud te, scio enim, me nihil gratius tibi facere posse. Domum Sullanam

nam desperabam iam, ut tibi proximè scripsi; sed tamen non abieci. Tu, velim, ut scribis, cum fabris eam perspicias; si enim nihil est in parietibus, aut in tecto vitij: cetera mihi probabuntur. Vale.

### ARGUMENTVM.

*Ostendit primum, nihil à se pratermissum, ut Caesarianorum benevolentiam conciliare: deinde, neque boni ciuis, neque sapientis hominis officium in se desiderari posse; postremo, ad Papirij iocationes respondet.*

### CIC. S. D. PAPIRIO PÆTO.

16

**D**Electarunt me litteræ tuæ, in quibus primum amavi amorem tuum, qui te ad scribendum incitavit, verentem, ne Silius suo nuncio aliquid mihi sollicitudinis attulisset. De quo, & tu mihi antea scripseras, bis quidem eodem exemplo facile ut intelligerem te esse commotum, & ego tibi accurate rescripseram, ut quoquo modo, in tali re, atque tempore aut liberarem te ista cura, aut certè leuarem. Sed quando proximis quoque litteris ostendis, quantæ curæ tibi sit ea res; sic, mi Pæte, habeto, quidquid arte fieri potuerit, (non enim iam satis est consilio pugnare, artificium quoddam excogitandum est) sed tamen, quidquid elaborari, aut effici potuerit ad istorum benevolentiam conciliandam, & colligendam, summo studio me consecutum esse, nec frustrat, ut arbitror. Sic enim color, sic obseruor ab omnibus ijs, qui à Cæsare diliguntur, ut ab eis me amari putem. Nam, etsi *Non facile dijudicatur amor: verus, & fictus, nisi aliquod incidat eiusmodi tēpus, ut quasi aurum igne, sic benevolentia fidelis periculo aliquò perspicui possit cetera sunt signa communia*, sed ego vno vtor argumento, quia mobrem me ex animo, vereque arbitrer diligi, quod & nostra fortuna ea est, & illorum, ut simulandi causa non sit. De illo autem, quem penes est omnis potestas, nihil video, quod timeam; nisi quod omnia sunt incerta cum à iure discessum est, nec præstari quidquam potest, quale futurum sit, quod positum est in alterius voluntate, ne dicam libidine. Sed tamen eius iussus nulla re à me offensus est animus. Est enim adhibita in ea re ipsa summa à nobis moderatio. Ut enim olim arbitrabar esse

meum

meum liberè loqui, cuius opera esset in ciuitate libertas; sic, ea nunc amissa, nihil loqui, quod offendar aut illius, aut eorum, qui ab illo diliguntur voluntatem. Effugere autem si velim nonnullorum acutè, aut facetè dictorum offensionem: fama ingenij mihi est abijcienda: quod si id possem, non recusarem. Sed tamen ipse Cæsar habet peracre iudicium, & vt Seruius, frater tuus, quem litteratissimum fuisse iudico, facile diceret. Hic versus Plauti non est: hic est, quod tritas haberet aures notandis generibus Poetarum, & consuetudine legendi; sic audio Cæsarem, cum volumina iam confecerit, *σποδὺματόν*, si quid afferatur ad eum pro meo, quod meum non sit, reijcere solere. Quod eo nunc magis facit, quia viuunt mecum fere quotidie illius familiares. Incidunt autem in sermone vario multa, quæ fortasse illis, cum dixi, nec illitterata, nec insulsa esse videantur. Hæc ad illum cum reliquis actis perferuntur, ita enim ipse mandauit. Sic fit, vt, si quid præterea de me audiat, non audiendum putet. Quamobrem Oenomao tuo nihil vtor; etsi posuisti loco versus Attianos. Sed quæ est inuidia? aut quid nunc mihi inuideri potest? verum fac esse omnia. Sic video Philosophis placuisse, ijs, qui mihi soli videntur vim virtutis tenere, *Nihil esse sapientis præstare, nisi culpam*. Qua videor mihi dupliciter carere, & quod ea senserim, quæ rectissima fuerunt, & quod, cum viderem præsidij non satis esse ad ea, obtinenda, viribus certandum cum valentioribus non putarim. Ergo in officio boni ciuis certè non sum reprehendendus. Reliquum est, ne quid stulte, ne quid temere dicam, faciamve contra potentes. Id quoque puto esse sapientis. Cæterum vero quid quisque me dixisse dicat, aut quo modo ille accipiat, aut qua fide mecum viuant ij, qui me assidue colunt, & obseruant, præstare non possum. Ita fit, vt & superiorum consiliorum conscientia, & præsentis temporis moderatione me consolet, & illam Atij similitudinem non modò iam ad inuidiam; sed ad fortunam transferam: quam existimo, leuem, & imbecillem, ab animo firmo, & graui tanquam fluctum à saxo, frangi oportere. Etenim, cum plena sint monumenta Græcorum, quemadmodum sapientissimi viri regna tulerint vel Athenis, vel Syracusis, cum seruientibus suis ciuitatibus, fuerint

fuerint ipsi quodammodo liberi; ego me non putem tueri meum statum sic posse, ut neq; offendam animum cuiusquam, nec frangam dignitatem meam?

Nunc venio ad iocationes tuas, quando tu, secundum Oenomaum Attij, non ut olim solebat, Attrallanum, sed ut nunc fit, mimum introduxisti. Quem tu mihi polypum, quem denarium narras? quam tyrotarichi patinam? facilitate mea ista ferebatur antea; nunc mutata res est. Hirtium ego, & Dollabella dicendi discipulos habeo, cenandi magistros. Puto enim te audisse, si foris ad vos omnia perferuntur, illos apud me declamitare, me apud illos cenitare. Tu autem quod mihi bonam copiam eiures, nihil est. Tu enim, cum rem augebas, quæstionculis te faciebam attentiores; nunc, cum tam æquo animo bona perdas, non eo sis consilio, ut, cum me hospitio recipias, æstimationem te aliquam putes accipere, etiam hæc leuior est plaga ab amico, quam a debitore. Nec tamen eas cenas quero, ut magnæ reliquæ fiant; quod erit, magnificum sit, & lautum. Memini te mihi Phemeæ cenam narrare. Temperius fiat, cætera eodem modo. Quod si perseveras me ad matris tuæ cenam vocare; feram id quoque. Volo enim videre animum, qui mihi audeat ista, quæ scribis, apponere, aut etiam polypum Miniani Iouis similem; crede mihi, non audebis. Ante meum aduentum fama ad te de mea noua lauitia venit, eam extimesces. Neque est, quod in promulside spei ponas aliquid, quam totam sustuli. Solebam enim antea delectari oleis, & lucanis tuis. Sed quid hæc loquimur? liceat modo isto venire. Tu vero (volo enim abstergere animi tui metum) ad tyrotarichum antiquum redi. Ego tibi vnum sumptum afferam, quod balneum calefacias oportebit; cætera more nostro. Superiora illa lusimus. De villa Siliciana & curasti diligenter, & scripsisti facetissime: itaque puto me permissurum: satis enim satis est; saniorum parum. Vale.

### ARGUMENTVM.

*Agros quosdam Caesar militibus diuisurus videbatur. Ea diuisio, veritus est Patrus, ne ad ipsius agros perueniret: id querenti Cicero respondet.*

CICE-

**N**on tu homo ridiculus es, quicum Balbus noster apud te fuerit, ex me quæras, quid de istis municipijs. & agris futurum putem? quasi aut ego quidquam sciam, quod iste nesciat; aut, si quid aliquando scio, non ex isto soleam scire. Immo verò, si me amas, tu fac ut sciam, quid de nobis futurum sit; habuisti enim in tua potestate, ex quo vel ex sobrio, vel certè ex ebrio scire posse. Sed ego ista, mi Pæte, non quæro: primum quia de lucro propè iam quadriennium viuimus; si aut hoc lucrum est, aut hæc vita, superstitem Reipub. videre; deinde quòd scire quoque mihi videor, quid futurum sit; fiet enim quodcumque volent, qui valebunt, valebunt autem semper arma; nobis igitur satis esse debet, quidquid conceditur; hoc si quis pati non potuit, mori debuit. Veientem quidem agrum, & Capenatem metiuntur: hic non longè abest à Tusculano; nihil tamen timeo: fruor, dum licet: opto, ut semper liceat. Si id minus contigerit, tamen, quando ego, vir fortis, idemque philosophus vivere pulcherrimum duxi, non possem eum non diligere, cuius beneficio id consecutus sum. Qui si cupiat esse Remp. qualem fortasse & ille vult, & omnes optare debemus; quid faciat tamen non habet, ita se cum multis colligauit. Sed longius progredior, scribo enim ad te. Hoc tamen scitu, non modò me, qui consilijs non intersum, sed ne ipsum quidem principem scire, quid futurum sit: nos enim illi seruiamus, ipse temporibus. Ita nec ille quid tempora postulatuta sint, nec nos quid ille cogitet, scire possumus. Hæc tibi antea non rescripsi: non quòd cessator esse solem, præsertim in litteris; sed, cum explorari nihil haberem, nec tibi sollicitudinem ex dubitatione mea, nec spem ex affirmatione afferre volui. Illud tamen adscribam, quod est verissimum; me his temporibus adhuc de isto periculo nihil audisse. Tu tamen pro tua sapientia debebis optare optima, cogitare difficillima, ferre quæcunque erunt. Vale.

## A R G V M E N T V M.

*Exponit, quibus causis adductus, quasi apertò ludo familiares in eloquentia caperit exercere. Addit nonnulla per iocum de cœnarum lautitia.*

CICE-

CICERO S. D. PAPIRIO PÆTO. 18

**C**Um essem otiosus in Tusculano, propterea quod discipulos obuiam miseram, ut iidem me quam maximè conciliarent familiari suo; accepi tuas litteras plenissimas suauitatis; ex quibus intellexi, probari tibi meum consilium; quod, ut Dionysius tyrannus, cum Syracusis expulsus esset, Corinthi dicitur ludum aperuisse: sic ego sublati iudicijs, misso regno forensi, ludum quasi habere cœperim. Quid quæris me quoque delectat consilium: multa enim consequor. Primum id, quod maximè nunc opus est, munio me ad hæc tempora. Id cuiusmodi sit, nescio; tantum video, nullius adhuc consilia me huic antepone re; nisi fortè mori melius fuit, in lectulo, fateor; sed non accidit, in acie non fui, cæteri quidem; Pompeius, Lentulus tuus, Scipio, Afranius scæde petierunt; at Cato præclare iam quidem, cum volumus, licebit; demus modo operam, ne tam necesse nobis sit, quam illi fuit, id quod agimus ergo hoc primum. Sequitur illud; ipse melior fio, primum valetudine, quam intermissis exercitationibus, amiseram? deinde ipse illa, si qua fuit in me facultas orationis, nisi ad exercitationes reuoluissem exaruisset. Extremum illud est, quod tu nescio an primum putes, plures iam pauones confeci, quam tu pullos columbinos. Tu istuc te Ateriano iure delectato: ego me hic Hirtiano. Veni igitur, si vir es, & discere *προλεγονενα*, quæ quæris, etsi *sus* Mineruam. Sed quando ut video, æstimationes tuas vendere non potes, neque ollam denariorum implere: Romam tibi remigandum est: satius est hic cruditate, quam istuc fame. Video te bona perdidisse: spero idè istuc familiares tuos; actum igitur de te est, nisi provides potes multo isto, quem tibi reliquum dicis esse, quando cantherium comedisti, Romam peruehi sella tibi erit in ludo, tanquam hypodidascalo proxima eam puluinus sequetur. Vale.

## A R G V M E N T V M.

*Cum scripssisse Pæto, Balbum tenuiculo apparatu fuisse contentum; sociam materiam inde arripit Cicero: idque cum arguit in alitiosè scripssisse, ne maiorem apparatus ipse requireret.*

CICE-



CICERO S. D. PAPIRIO PÆTO. 19

**T** Amen à malitia non discedis. Tenuiculo apparatu significas Balbum fuisse contentum; hoc videris dicere, cum Reges tam sint continentes, multò magis Consulares esse oportere. Nescis me ab illo omnia expicatum; recta enim à porta domum meam venisse: neque hoc admiror, quod non ad tuam potius; sed illud, quod nec ad suam. Ego autem tribus primis verbis. Quid noster Pærus? At ille adiurans, nusquam se vnquam libentius. Hoc si verbis affecurus es aures, ad te afferam non minus elegantes, sin autem absonio peto à te, ne pluris esse Balbos, quam disertos putes. Me quotidie aliud ex alio impedit; sed si me expediero; vt in ista loca venire possim, non committam, vt te serò à me certiorum factum putes. Vale.

## A R G V M E N T V M.

*locatur suo more cum Pato. Epicureum se ait esse factum, abiecta Reip. iudiciorumque cura.*

CICERO S. D. PAPIRIO PÆTO. 20

**D** Vplicitè delectatus sum tuis litteris, & quod ipse risi, & quòd te intellexi iam posse ridere: me autem à te, vt scurram velitem, malis oneratum esse, non molestè tuli. Illud doleo in ista loca venire me, vt constituere non potuisse; habuisses enim non hospitem, sed contubernalem, at quem virum? non eum, quem tu es solitus promulsè conficere, integra famem ad ouum assero; itaque ad assum vitulinum opera perducitur. Illa mea, quæ solebas antea laudare. O hominem! facilem! hò hospitem non grauem! abierunt: nam omnem nostram de Rep. curam, cogitationem de dicenda in Senatu sententia, commendationem caussarum abieciimus; in Epicuri nos; aduersarij nostri, castra coniecimus; nec tamen ad hanc insolentiam: sed ad illam tuam lautitiam: veterem, dico, cum in sumptum habebas; etsi nunquam plura prædia habuisti. Proinde te para; cum homine edaci tibi res est, & qui iam aliquid intelligat, & si quid, aut homines scis quàm insolentes sint. Dediscendæ tibi sunt sportellæ, & attolagani tui, nos iam ex arcis tantum habemus, vt Verrum tuum, & Camillum

R

qua

qua munditia homines? qua elegantia? vocare sæpius audeamus. Sed vide audaciam; etiam Hirtio cœnam dedi, sine pa-  
uore tamen: in ea cœna cocus meus, præter ius feruens nihil  
potuit imitari. Hæc igitur est nunc vita nostra, manè saluta-  
mus domi, & bonos viros multos, sed tristes, & hos lætos vi-  
ctores; qui me quidem perofficiosè, & peramanter observant.  
Vbi saluatio defluxit, litteris me inuolo; scribo, aut lego. Ve-  
niunt etiam, qui me audiant, quasi doctum hominem, quia  
pauld sum, quàm ipsi doctior, inde corpori omne tempus datur.  
Patriam eluxi iam & grauius, & diutius, quàm vlla mater vni-  
cum filium. Sed cura, si me amas vt valeas, ne ego; te iacente,  
bona tua comedam; statui enim tibi, ne ægroto quidem parce-  
re. Vale.

### ARGUMENTVM.

*Confutat quo Papirius scripserat, fulmina quadam verborum  
esse in Ciceronis epistolis; qua ipse stultè imitaretur. Confutat,  
& illud, quod negarat Papirium quemquam fuisse patricium.*

CICERO S. D. PAPIRIO PÆTO. 21

**A** It tandem? insanire tibi videris, quodd imitare verborum  
meorum, vt scribis, fulmina? tum insanires, si consequi  
non posses: cum vero etiam vincas, me prius irrideas, quàm  
te oportet. Quare nihil tibi opus est illud à Trabea, sed potius  
ἀποπτεῖν meum. Verumtamen quid tibi ego videor in epi-  
stolis nonne plebeio sermone agere tecum, nec enim semper  
eodem modo; quid enim simile habet epistola aut iudicio, aut  
concioni? quin ipsa iudicia nō solemus omnia tractare vno mo-  
do priuatas causas, & eas tenues agimus subtilius; capitis, aut  
famæ, scilicet ornatius, epistolas verò quotidianis verbis texe-  
re solemus. Sed ramen mi Pæte, quid tibi venit in mentem ne-  
gare. Papirium quemquam vnquam, nisi plebeium, fuisse? sne-  
rant enim patricij minorum gentium: quorum princeps L. Pa-  
pirius Mugillanus, qui Censor cum L. Sempronio Attatino fuit  
cum antea Consul cum eodè fuisset, annis post R. C. CCCXII.  
sed tum Papisij dicebamini. Post hunc XIII, fuerunt, sella cu-  
rali, ante L. Papirio Crassum, qui primus Papisius est vocari de-  
fuit. Is Dictator cum L. Papirio Cursore Magistro equitum  
factus

factus est annis post R. C. CDXY. & quadriennio post Consul cum K. Duillio. Hunc secutus est Cursor, homo valde honoratus, deinde L. Maso Edilicius, inde multi Masones, quorum quidem tu omnium patriciorum imagines haberas volo. Deinde Carbones, & Turdi insequuntur, hi plebeij fuerunt quos contemnas, censeo. Nam, præter hunc Cn Carbonem, quem Camisippus occidit, cuius è Rep. Carbonum nemo fuit. Cognouimus Cn. Carbonem, & eius fratrem scurræ, quid his improbius? de hoc amico meo Rubricæ filio, nihil dico. Tres illi fratres fuere. Publius Caius, Marcus. Publius, Flacco accusante, condemnatus est, fugit Marcus ex Sicilia. Caius accusante L. Crasso cantharidas sumpsisse dicitur, is & Tribunus pl. seditiosus, & P. Africano vim attulisse existimatus est. Hoc verò, qui Lybæi à Pompeio nostro interfectus est, improbius nemo, meo iudicio fuit. Iam pater eius, accusatus à M. Antonio, furor atramento absolutus putatur. Quare ad patricos censeo reuertare Plebeij quàm fuerint importuni vides. Vale.

## ARGUMENTVM.

*Disputat pro Stoicis de libertate loquendi, quos tamen ait se non imitari.*

CICERO S. D. PAPIRIO PÆTO. 22

**A**Mo verecundiam, vel potius libertatem loquendi; atque hoc Zenoni placuit, homini mehercula acuto: etsi Academicæ nostræ cum eo magna rixa est. Sed ut dico, placet Stoicis suo quamque rem nomine appellare. Sic enim differunt: nihil esse obsceni, nihil turpe dictu, nam si quod sit in obscenitate flagitium, id aut in re esse, aut in verbo: nihil esse tertium. In re non est. Itaque non modò in Comædijs res ipsa narratur; ut ille in Demiurgo modo (fortè nosti canticum: meministi Roscium). *Ita me destituit nudum*; totus est sermo verbis reclusus re impudentior; sed etiam in Tragedijs, quid est enim illud; *Quæ mulier una?* quid inquam, est? *Usurpata duplex cubile*, quid illud *Phærei hic cubile inire est ausus?* quid est? *Virginem me quondam inuitam per vim violat?* Iupiter bona, violat? atque idem significat; sed alterum nemo tulisset. Vides igitur, cum eadem res sit, quia verba non sint, nihil videri tur-

R 2 pe,

pe, ego in re non est. Multò minus in verbis, si enim quòd verbo significatur, id turpe non est: verbum, quod significat, esse non potest. *Anum* appellas alieno nomine: cur non suo potiùs? Si turpe est, ne alieno quidem: si non est suo potiùs. Caudam antiqui *penem* vocabant, ex quo est propter similitudinem *peniculus*: at hodie penis est in obscenis. At verò Piso ille Frugi in Annalibus suis quæritur, adolescentes *peni* deditos: esse quod tu in epistola appellas suo nomine, ille rectiùs *penem*; sed iam multis factum est tam obscenum, quàm id verbum, quod tu usus es. Quid, quod vulgò dicitur. *Cum nos te volumus convenire*, num obscenum est? memini in Senatu disertum Consularem ita eloqui; *Hanc culpam maiore, an illam dicam?* potuit obscenius? non, inquis: non enim ita sensit, non ergo in verbo est: docui autem in re non esse, nusquam igitur est, *Liberis dare operam*, quàm honestè dicitur: etiam patres rogant filios: eius operæ nomen non audent dicere. Socratem fidi- bus docuit nobilissimus fidicen. Is *Conus* vocitatus est, num id obscenum putas? Cum loquimur *terni*, nihil flagitij dicimus; at cum *bini*, obscenum est. Græcis quidem, inquires, nihil est ergo in verbo, quando & ego Græcè scio, & tamen tibi dico, *bini*, idque tu facis, quasi ego Græce, non Latine, dixerim. *Ruta, & Menta*, rectè utrumque volo *menta pusillam* ita appellare, ut *rutulam*, non licet. *Bella tectoriosa* dicis, dic ergo etiam *panimenta* isto modo, non potes. Vides igitur nihil esse, nisi ineptias; turpitudinem nec in verbo esse, nec in re; itaque nusquam esse. Ergo in verbis honestis obscena ponimus, quid enim, non honestum verbum est *diuisio*? at inest obscenum, cui respondet *intercapedo*, num hæc ergo obscena sunt? nos autem ridicule; si dicimus. *Ille patrem strangulavit*, honorem non præfamur: sin de Aurelia aliud; aut Lollia, honos præfandus est. Et quidem iam non etiam obscena verba pro obscenis sunt, *batuit*, inquit, impudenter; *depfit*, multo impudentius, at qui neutrum est obscenum, *S T V L T O R P M* plena sunt omnia. *Testes*, verbum honestissimum in iudicio; alio loco non nimis, at honesti *Colei* Lanuini: *Clicernini*, non honesti. Quid ipsa res modo honesta, modò turpis? *suppedit* flagitium est; iam erit nudus in balneo, non reprehendes. Habes scholam Stoi-  
cam,

cam, ὁ σοφὸς ἐφθάρρηται ἔσθ. Quam multa ex vno verbo tuo? Te auersus me omnia audere, gratum est, ego seruo, & serua-  
bo (sic enim assueui) Platonis verecundiam. Itaque tectis ver-  
bis ea ad te scripsi, quæ apertissimis agunt Stoici: sed illi etiam  
crepitus aiunt equè liberos, ac ructus esse oportere; honorem  
igitur Kalendis Mart. Tu me diliges, & valebis.

## A R G V M E N T V M.

*Prenunciat Pato aduentum suum, quanquam enim audierit  
eum pedibus laborare, se tamen putare ait, cocum illius arti-  
culare morbo non impediri, quò minus cenam possit apparare.*

## CICERO S. D. PAPIRIO PÆTO. 23

**H**Eri veni in Cumanum: cras ad te fortasse; sed cum cer-  
tum sciam, faciam te paulò antè certiorē. Etsi M. Cæ-  
parius, cum mihi in silua Gallinaria obuiam venisset; quæsi-  
semque, quid ageres; dixit te in lecto esse, quod ex pedibus la-  
borares. Tuli scilicet moleste, ut debui, sed tamen constitui ad  
te venire, ut & viderem te, & viscerem, & cœnarem etiam, non  
enim arbitror cocum etiam te arthriticum habere. Expecta  
igitur hospitem cum minimè edacem, tum inimicum cœnis  
sumptuosus. Vale.

## A R G V M E N T V M.

*Rufum à Pato commendatum, ait sibi cura etiam atque etiam  
fore. Dein monet, ut omnino ad cœnas, & conuictum amico-  
rum redeat. Concludit, nihil sibi esse Rep. carius.*

## CICERO S. D. PAPIRIO PÆTO. 24

**R**Vsum istum, amicum tuum, de quo iterum iam ad me  
scribis, addiuarem quantum possem, etiam si ab eo læsus  
essem, cum te tantoperè viderem eius causa laborare: cum  
verò & ex tuis litteris, & illius ad me missis intelligam, & iu-  
dicem, magnæ curæ ei salutem meam fuisse, non possum  
ei non amicus esse; neq; solum tua commendatione, quæ apud

me ut debet, valet plurimum, sed etiam voluntate, ac iudicio meo. Volo enim scire, mi Pate, initium mihi suspicionis, & cautionis, & diligentiae fuisse litteras tuas: quibus litteris congruenter fuerunt aliae postea multorum. Nam & Aquini, & Fabrateriae consilia sunt inita de me, quae te video inaudisse, &, quasi diuinarent, quam his molestus essem futurus, nihil aliud egerunt, nisi me ut opprimerent: quod ego non suspicans, incautior fuisset, nisi à te admonitus essem. Quamobrem iste tuus amicus apud me commendatione non eges, utinam ea fortuna Reip. sit, ut ille me quam gratissimum possit cognoscere. Sed haec haec. Te ad coenas itare desisse, molestè fero: magna enim te delectatione, & voluntate priuasti. Deinde etiam vereor, (licet enim verum dicere) ne nescio quid illud, quod solebas didiscas; & obliuiscare coenulas facere. Nam si tum, cum habebas quos imitaret, non multum proficiebas; quid nunc te facturum putem? Spurina quidem, cum ei rem demonstrassem, & vitam tuam superiorem exposuissem, magnum periculum summæ Reip. demonstrabat, nisi ad superiorem consuetudinem, tum cum Fauonius staret, reuertisses, hoc tempore referri posses, si foris frigus ferre non posses. Sed mehercule, mi Pate, extra iocum, moneo te, quod pertinere ad beatè viuendum arbitror, ut cum viris bonis, iucundis, amantiibus tuis viuas, nihil est aptius vitae, nihil ad beatè viuendum accommodatius. Nec id ad voluptatem refero, sed ad communitatem vitae, atque victus, remissionemque animorum, quae maximè sermone efficitur familiari, qui est in conuiuijs dulcissimus ut sapientius nostri, quam Graeci illi *συμπόσια*, aut *συνδαινα*, id est computationes, aut concenationes, nos conuiuia, quod tum maximè simul viuitur. Vides, ut te philosophando reuocare coner ad coenas? Cura ut valeas: id foris coenitando, facillimè consequerè. Sed caue, si me amas, existimes me, quod iocosius scribam, abiicisse curam Reip. Sic tibi, mi Pate, persuade, me dies, & noctes nihil aliud agere, curare, nisi ut mei ciues salui, liberi què sint: nullum locum praetermitto monendi, agendi, prouidendi, hoc denique animo sum, ut, si in hac cura, atque administratione, vita mihi ponenda sit, praeclare actum mecum putem. Etiam, atque etiam Vale.

## A R G V M E N T V M.

*Scriptit hanc epistolam ante bellum civile, cum esset in Cilicia Proconsul. Cauillatur in eo, quia sibi Papirius praecepta de re militari litteris tradiderat. Dein M. Fabium commendat.*

CIC. IMP. S. D. PAPIRIO PÆTO. 25

**S**ummum me ducem litteræ tuæ reddidere. Planè nesciebam, te tam peritum esse rei militaris: Pyrrhi te libros, & Cineæ video lectitasse. Itaque obtemperare cogito præceptis tuis, hoc amplius, naucularum habere aliquid in ora maritima: contra equitem Parthum negant ullam armaturam meliorem inueniri posse. Sed quid ludimus? nescis, quo cum Imperatore tibi negotium sit. *Κύριον πάλαι δέσταιν*, quam contriueram legendo, totam in hoc imperio explicavi. Sed iocabimur alias eorū, & ut spero, breui. Nunc ades ad imperandum, vel ad parendum potius; sic enim antiqui loquebantur. Cum M. Fabio, quod scire te arbitror, summus mihi est usus: valdeque eum diligo, cum propter summam probitatem eius, ac singularem modestiam, tum quod in ijs controuersijs, quas habeo cum tuis conhibonibus Epicureis, optima opera eius uti soleo. Is cum ad me Laodiceam venisset; mecumque eum ego esse vellem, repente percussus esse atrocissimis litteris, in quibus scriptum erat, fundum Herculansensem à Q. Fabio fratre proscriptum esse; qui fundus cum eo communis esset. Id M. Fabius per grauitate tulit: existimauitque, fratrem suum hominem non sapientem impulsu inimicorum suorum eò progressum esse. Nunc, si me amas, mi Pæte, negotium totum suscipe: molestia Fabium libera. Auctoritate tua nobis opus est, & consilio, & etiam gratia. Noli pati litigare fratres, & iudicij turpibus conflictari. Mathon enim, & Pollionem inimicos habet Fabius: Quid multa? non me hercule tam perscribere possum, quam mihi gratum feceris, si otiosum Fabium reddideris, id ille in te positum esse putat, mihi que persuadet. Vale.

## A R G V M E N T V M.

*Descriptio, & excusatio cœna Hilarioris, præsertim accumbente Cytheride meretrice, mima.*

CICERO S. D. PAPIRIO PÆTO. 26

**A**ccubueram hora nona, cum ad te harum exemplum in codicillis exarati. Dices, ubi, apud Volumnium Eutrapelum, & quidem supra me Atticus, infra Verrius, familiares tui. Miraris tam exhilaratam esse seueritatem nostram? quid ergo faciam? te consulo, qui philosophum audis, angar? excruciem ne me? quid assequar? deinde, quem ad finem? Viuas inquis, in litteris. An quidquam me aliud agere censes? haud possem, vivere, nisi in litteris viuerem, sed est earum etiam non satietas, sed quidam modus. A quibus cum discessi, etsi *minimum mihi est in cœna*, quod tu vnum *ἡτρημα* Dionii Philosopho posuisti, tamen, quid potius faciam, prius quam me Dormitum conferam, non reperio. Audi reliqua. Infra Eutrapelum Cytheris accubuit. In eo igitur, inquis, conuiuio Cicero ille; *Quem adspectabant, cuius ab os Graj ora obuertabat sua?* non mehercule suspicatus sum illam affore, sed tamen nec Aristippus quidem ille Socraticus erubuit, cum esset ei obiectum, habere eum *Laida*: *Habeo*, inquit, *non habeor à Laide*. Græcè hoc melius, tu, si voles, interpretabere. Me verò nihil istorum, ne iuuenem quidem nouit vnquam, ne dum senem conuiuio delector, ibi loquor aliquid, quod insolium, vt dicitur, & gemitum etiam in risu maximo transfero. An tu id melius, qui etiam philosophum irriseris; cum ille si quis quid quæreret, dixisset? Cœnam te quærere à mane dixeris. Ille Bâro te putabat quæsiturum. Vnum cœlum esset, an innumerabilia? Quid ad te? At hercule cœna nunquid ad te? Tibi præsertim? Sic igitur viuitur, quotidie aliquid legitur, aut scribitur, deinde, ne amicis nihil tribuamus, epulamus vnâ non modo contra legem, si vlla nunc lex est; sed etiam intra legem, & quidem aliquanto. Quare nihil est, quod aduentum nostrum extimescas: non multi cibi hospitem accipies, sed multi loci. Vale.

M. T V L.



M. TULLII  
CICERONIS  
EPISTOLARVM

Ad Plancum, & alios.

LIBER DECIMVS.

ARGVMENTVM.

*Inuehitur in Antonij immoderatam potentiam, & Plancum, Transalpinam Galliam, quam ultimam Cicero Philippicarum lib. 5. vocat, administrantem, hortatur, vt in Remp. omni cogitatione studioque incumbat. Postremo, agit gratias de Furnio honorifice tractato.*

CIC. S. D. L. MVNATIO PLANCO  
IMP. COS. DES.



**E**T abfui proficifcens in Græciã, & poſteaquam de medio curſu Reip. ſum voce reuocatus, nunquã per M. Antonium quietus fui; cuius tanta eſt nõ inſolentiã, (nã id quidem vulgare vitium eſt) ſed immanitas: nõ modò vt vocem, ſed ne vultum quidem liberum poſſit ferre cuiuſquã. Itaq; mihi maxime curæ eſt non de mea quidẽ vita, cui ſatiſfecì, vel ætate, vel factis, vel (ſi quid etiã hoc ad rẽ pertinet) gloria; ſed me patria ſollicitat, in primisq; mi Plance, expectatio, Conſulatus tui; quæ ita longa eſt, vt optandum ſit, vt poſſimus ad id tempus Reip. ſpiritũ ducere. Quæ poteſt enim ſpes eſſe in ea Rep. in qua hominis potentiffimi, atq; intemperatiſſimi armis oppreſſa ſũt omnia, & in quã nec Senatus, nec populus vim habet vllam; nec leges vllæ ſunt, nec iudicia, nec omnino ſimulacrum aliquod, aut veſtigium ciuitatis; Sed, quando acta omnia mitti ad te arbitrabar, nihil erat, quod ſingulis de rebus ſcribere. Illud autem erat amoris mei, quem à tua pueritia ſuſceptum non

non seruavi solum, sed etiam auxiliari te, atque hortari, ut in Remp. omni cogitatione, curaque incumberes. Quæ si ad tuum tempus perducitur, facilis gubernatio est, ut perducatur autem, magnæ tum diligentia est, tum etiam fortuna. Sed de te aliquantulum ante; ut spero, habebimus, & præterquam quod Reip. consulere debemus, tamen tuæ dignitati ita fauimus, ut omne nostrum consilium, studium, officium, operam, laborem, diligentiam ad amplitudinem suam conferamus. Ita facillimè, & Reipub. quæ mihi carissima est, & amicitia nostræ, quam sanctissimè nobis colendam puto, me intelligo satisfacturum. Furnium nostrum tanti à te fieri, quantum ipsius humanitas, & dignitas postulat, nec miror, & gaudeo; teque hoc existimare volo, quidquid in eum iudicii officijque contuleris, id ita me accipere, ut in me ipsam te putem contulisse. Vale.

### ARGUMENTVM.

*Excusat se, quod in Senatum ad agendam Planci causam non venerit, & officium suum pollicetur in ijs rebus, quæ presentiam suam requirere videbuntur.*

CICERO S. D. PLANCO IMP. COS. DES.

**M**Eum studium honori tuo pro necessitudine nostra non defuisset, si aut tunc in Senatum, aut honestè venire potuissem. Sed nec sine periculo quisquam libetè de Rep. sentiens versari potest in summa impunitate gladiatorum; nec nostræ dignitatis videtur esse, ibi sententiam de Rep. dicere, ubi me, & melius, & propius audiant armati, quàm Senatores. Quapropter in priuatis rebus nullum neque officium, neque studium meum desiderabis, ne in publicis quidem, si quid erit, in quo me interesse necesse sit, voquam deero, ne cum periculo quidem meo, dignitati tuae. In ijs autem rebus, quem nibilominus, ut ego absum, confici possunt, peto à te, ut me rationem habere velis & salutis, & dignitatis meæ. Vale.

### ARGUMENTVM.

*Ancipitur beneuolentiam Planci, partim laudibus partim commemorata.*

*memoratione veteris amicitia. & hortatus, ut Remp. suscipiat; veritus id quod accidit, ne se cum Antonio coniungeret.*

CICERO S. D. PLANCO IMP. COS. DES.

3

**C**Vn ipsum Furnium per se vidi libentissimè, tū hoc libentius, quod illum audiens, te videbar audire. Nam, & in remilitari virtutem, & in administranda Prouincia iustitiam, & in omni genere, prudentiam mihi tuam exposuit, & præterea mihi non ignotam in consuetudine, & familiaritate suauitatem tuam adiunxit, præterea summam erga te liberalitatem; quæ omnia mihi incunda, hoc extremum etiam gratum fuit. Ego, Plance, necessitudinem constitutam habui cum domo vestra antè aliquantò, quàm tu natus es: amorem autem erga te ab incunte pueritia tua, confirmata iam ætate familiaritatem, cum studio meo, tum iudicio tuo constitutam. His de causis mirabiliter faueo dignitati tuæ; quam mihi tecum statuo esse communem. Omnia summa consecutus es, *Virtute dace, comite fortuna*; eaque es adeptus adolescens, multis inuidentibus, quos ingenio, industriaque fregisti. Nunc me, amantiissimum tui, nemi ni concedentem, qui tibi vetustate necessitudinis potior possit esse, si audies, omnem tibi reliquæ vitæ dignitatem ex optimo Reip. statu acquires. Sis profecto, (nihil enim te fugere potuit) fuisse quodam tempus, cum homines existimarent, te nimis seruire temporibus. Quod ego quoque existimarem, si te ea, quæ patiebare probasse etiam arbitrarer. Sed cum intelligerem, quid sentires; prudenter te arbitrabar videre, quid posses. Nunc alia ratio est omnium rerum, tuum iudicium est, idque liberum: Consul es designatus, optima ætate, summa eloquentia maxima orbitate Reip. virorum talium. Incumbe, per Deos immortales, in eam curam, & cogitationem, quæ tibi summam dignitatem, & gloriam afferat. Vnus autem est, hoc præsertim tempore, per tot annos Rep. diuexata, Reip. bene gerendæ cursus ad gloriam. Hæc amore magis impulsus scribenda ad te putavi, quàm quidd arbitrarer te monitis, & præceptis meis egeret. Sciebam enim, ex iisdem te hæc haurire fontibus, ex quibus ipse auferam. Quare modum faciam, hoc tantum significandum putavi, ut potius amorem tibi ostenderem meum,

quam

quam ostentarem prudentiam. Interea, quæ ad dignitatem tuam pertinere arbitrabor, studiosè, diligenterque curabo. Vale.

### ARGUMENTVM.

*Agit gratias Ciceroni, quod eum ad verissimam gloria studium cohortatus sit; seque in Reip. potestate totum fore pollicetur.*

### PLANCVS S. D. M. CICERONI.

4

**G**ratissimæ mihi tuæ litteræ fuerunt, quas ex Furnij sermone te scripsisse animaduerti. Ego autem præteriti temporis excusationem affero, quod te profectum audieram, nec multo ante rediisse sciui, quam ex epistola tua cognoui. Nullum enim in te officium, ne minimum quid sine maxima culpa videor posse præterire, in quo tuendo habeo causas plurimas, vel paternæ necessitudinis, vel meæ à pueritia obseruantia, vel tui erga me mutui amoris. Quare, mi, Cicero, quod mea tuaque patitur ætas, persuade tibi te, vnum esse, in quo ego colendo patriam mihi constituerim sanctitatem. Omnia igitur tua consilia mihi non magis prudentiæ plena, quæ summa est, videntur: quàm fidelitatis, quàm ego ex mea conscientia metior. Quare, si aut aliter sentirem, certe admonitio tua me reprimere, aut, si dubitarem, hortatio impellere posset, vt id sequeretur, quod tu optimum putares. Nunc verò quid est, quod me in aliam partem trahere possit? quæcunque in me bona sunt aut fortunæ beneficio tributa, aut meo labore parta, etsi à te propter amorem carius sunt æstimata; tamen vel inimicissimi iudicio tanta sunt, vt, præter bonam famam, nihil desiderare videantur. Quare hoc vnum tibi persuade, quantum viribus eniti consilio providere, auctoritate mouere potnero, hoc omne Reip. semper futurum. Non est ignotus mihi sensus tuus, neque si facultas: optabilis mihi quidem, tui præsentis esset, vnam à tuis consilijs discreparem, nec nunc committam, vt vllum meum factum reprehendere iure possis. Sum in expectatione omnium rerum, quid in Gallia citeriore, quid in Vrbe Ianuario mense geratur, vt sciám. Interim maximam hic sollicitudinem, curamque sustineo, ne inter aliena vitia hæ gentes nostra mala suam putent occasionem. Quod si proinde vt ipse mereor,

mereor, mihi successerit; certè & tibi, cui maximè cupio, & omnibus viris bonis satisfaciam. Fac valeas, meque mutuo diligas.

## A R G V M E N T V M.

*Hic quoque Plancum ad suspiciendam, tuendamque Remp. gloria simulis incitat.*

CICERO S. D. PLANCO. IMP.  
COS. DES.

**B**Inas à te accepi litteras eodem exemplo: quod ipsum argumento mihi fuit diligentia tua; intellexi enim te laborare, ut ad me tuæ expectatissimæ litteræ perferrentur. Ex quibus cæpi fructum duplicem, mihiq; in comparatione difficilem ad iudicandum; amorem ne erga me tuum, an animum in Rempub. pluris æstimandum putarem. Esto omninò patriæ caritas, meo quidem iudicio maxima: sed amor, voluntatisque coniunctio plus certè habet suauitatis. Itaque commoratio tua paternæ necessitudinis, benevolentiaque eius, quam erga me à pueritia contulisses, cæterarumque rerum, quæ ad eam sententiam pertinebant, incredibilem mihi lætitiā attulerat: rursus declaratio animi tui, quem haberes de Republica quemque habiturus esses, mihi erat iucundissima: eoque maior erat hæc lætitia; quod ad illa superiora accedebat. Itaque te non hortor solum, mi Plance, sed planè etiam oro, quod feci ijs litteris, quibus tu humanissimè respondisti, ut tota mente, omni-que animi impetu in Remp. incumbas. Nihil est, quod tibi maiori fructui, gloriaque esse possit: *neq; quidquam ex omnibus rebus humanis est præclarior, aut præstantius: quam de Rep. bene mereri*; adhuc enim patitur tua summa humanitas, & sapientia, me quod sentiam liberè dicere. Fortuna suffragante: videris res maximas consecutus: quod quāquam sine virtute non potuisses: tamen ex maxima parte ea, quæ es adeptus, fortunæ temporibusque tribuuntur: his temporibus difficillimis, Reip. quidquid subueneris, id erit totum, & proprium tuum. Incredibile est omnium ciuium, latronibus exceptis, odium in Antonium: magna spes in te, & in tuo exercitu, magna expectatio; cuius per Deos, gratia, gloriaque caue tempus amittas:

Sic

Sic moneo, ut filium sic, fauceo, ut mihi, sic hortor, ut & pro patria, & amicissimum. Vale.

### ARGUMENTVM.

*Cum Plancus, litteris ad Senatum scriptis pacem cum Antonio suasset, suadet Cicero, ut pacem armis potius, quam pactione querat, & ut se, à societate malorum civium aliquando seiungens, totum ad Remp. transferat.*

CIC. S. D. PLANCO IMP. COS. DES.

6

**Q**Uæ locutus est Furnius noster de animo tuo in Remp. ea gratissima fuerunt Senatui, populoque Rom. probatissima, quæ autem recitatæ sunt litteræ in Senatu, nequaquam consentire cum Furnij oratione visæ sunt. Pacis enim auctor æras, cum Collega tuus, vir clarissimus à foedissimis latronibus obsideretur, qui aut positis armis; pacem petere debent, aut, si pugnares eam postulant, victoria pax, non pactione, parienda est. Sed de pace litteræ vel Lepidi, veltuæ, quam in partem acceptæ sint, ex viro optimo fratre tuo, & C. Furnio poteris cognoscere. Me autem impulit tui caritas, ut quanquam nec tibi ipsi consilium deesset, & fratris, Furnijque benevolentia, fidelisque prudentia tibi præsto esset futura, vellem tamen meæ quoque auctoritatis, pro plurimis nostris necessitudinibus, præceptum ad te aliquod peruenire. Crede igitur mihi, mi Plance, omnes, quos adhuc gradus dignitatis consecutus sis, (es autem adeptus amplissimos) eos honorum vocabula habituros, non dignitatis insignia: nisi te cum libertate populi Rom. & cum Senatus auctoritate coniunxeris. Seiunge te, quæso, aliquando ab ijs, cum quibus te non tuum iudicium, sed temporum vincula coniunxerunt. Complures in perturbatione Reipublicæ Consules dicti, quorum nemo Consularis habitus, nisi qui animo exitit in Remp. consulari. Talem igitur te esse oportet, qui primum te ab impiorum civium, tui dissimiliumque societate seiungas, deinde te Senatui, bonisque omnibus auctorem, principem, ducem præbeas: postremo, ut pacem esse iudices non in armis positis, sed in abiecto armorum, & servitutis metu. Hæc si & ages, & senties, tum eris non modò Consul, & consularis, sed

sed magnus etiam Consul, & consularis, sin aliter: tum in istis amplissimis nominibus bonorum non modò dignitas nulla erit, sed erit summa deformitas. Hæc impulsus benivolentia, scripsi paulò seueriùs: quæ tu in experiendo, ea ratione, quæ te digna est, vera esse cognosces. XIII. kal. Apr.

## A R G V M E N T V M.

*Exponit, cur breuior sit hæc epistola, & in studium suum in Remp. seruis patefecerit; suamque dignitatem Ciceroni commendat.*

## PLANC. IMP. COS. DES. CIC.

7

**P**Lura tibi de meis consilijs scriberem, rationemque omnium rerum redderem verbosius, quo magis iudicares, omnia me Reip. præstitisse, quæ & tua exhortatione excepi, & mea affirmatione tibi recepi (non minus enim à te probari, quam diligi, semper volui: nec te magis in culpa defensorem mihi parauì, quàm prædicatorem meritorum meorum esse volui) sed breuiorem me duæ res faciunt, vna quòd publicis literis omnia sum persecutus, altera, quòd M. Varisidium, equitem Romanum, familiarem meum, ad te ipsum transire iussi, ex quo omnia cognoscere posses. Non medijs fidius medio-cri dolore afficiebar, cum alij occupare possessionem laudis viderentur: sed vsque mihi temperaui, dum perducerem eò rem, vt dignum aliquid & Consulatu meo, & vestra expectatione efficerem. Quod spero, si me fortuna non fefelleris, me consecuturum, vt maximo præsidio. Reipublicæ nos fuisse & nunc sentiant homines, & in posterum memoria teneant. A te peto, vt dignitati meæ suffrageris, & quarum rerum spe ad laudem me vocasti, harum fructu in reliquum facias alacriorem non minus posse te, quàm velle, exploratum mihi est. Fac valeas, meque maruo diligas.

## A R G V M E N T V M.

*Causas affert, quibus adductus non ita mature, ut homine expectabant, defensorem se publicæ libertatis professus sit: de quo exercitum suo, & statu Præuincia significat.*

PLAN-

PLANCVS IMP. COS. DES. S. D. COSS.

Præt. Trib. pl. S. P. P. L. Q. R.

8

**S**I cui fortè videor, diutius & hominum expectationem, & spem Reipub. de mea voluntate tenuisse suspensam; huic prius excusandum me esse arbitror, quam de insequenti officio quidquam vlli pollicendum, non enim præteritam culpam videri volo redemisse; sed optimæ mentis cogitata iam pridem, maturo tempore enunciare. Non me præteribat, in tanta sollicitudine hominum, & tam perturbato statu ciuitatis, fructuosissimam esse professionem bonæ voluntatis; magnosque honores ex re complures consecutos videbam. Sed, cum in eum casum me fortuna demisisset, ut aut celeriter pollicendo, magna in spe, ad proficiendum impedimenta opponerem; aut si in eo mihi temperauissem, maiores occasiones ad oppitulandum haberem: expeditius iter communis salutis, quam mea laudis; esse volui. Nam quis in ea fortuna, quæ mea est, & ab ea vita, quam in me cognitam hominibus arbitror, & cum ea spe, quam in manibus habeo, aut sordidum quidquam pati, aut perniciosum concupiscere potest? Sed aliquantum nobis temporis, & magni laboris, & multæ impensæ opus fuit: ut quæ Reip. bonisque omnibus polliceremur, exitu præstaremus; neque ad auxilium patriæ nudi cum bona voluntate, sed cum facultatibus accederemus. Confirmandus erat exercitus nobis, magnis sæpe præmijs sollicitatus; ut ab Rep. potius moderatam, quam ab vno infinita speraret. Confirmandæ complures ciuitates, quæ superiore anno largitionibus, concessionibusque præmiorum erant obligatæ, ut & illa vana putarent, & eadem à melioribus auctoribus petenda existimarent. Eliciendæ etiam voluntates reliquorum, qui finitimis Prouincijs exercitibusque præfuerunt, ut potius cum pluribus societatem defendendæ libertatis iniremus, quam cum paucioribus funestam orbi terrarum victoriam pateremus. Muniendi verò nosmetipsi fuimus, aucto exercitu, auxilijsque multiplicatis; ut, cum præferremus sensus apertè, tum etiam inuitis quibusdam sciri, quid defensuri essemus, non esset periculosum. Itaque nunquam diffitebor, multa me, ut ad effectum



effectum horum consiliorum peruenirem, & simulasse inuitum, & dissimulasse cum dolore, quod, præmatura denuncia-  
tio boni cinis imparari, quàm periculosa esset, ex casu Collegæ videbam. Quo nomine etiam C. Furnio legato, viro forti, at-  
que strenuo, plura etiam verbo, quàm scriptura, mandata dedi-  
mus; vt & rectius ad vos perferrentur, & nos essemus tutiores;  
quibusque rebus, & communem salutem muniri, & nos arma-  
ri conueniret, præcipimus. Ex quo intelligi potest, curam  
Reip. summæ defendendæ iam pridem apud nos excubare.  
Nunc, cum Deum benignitate, ab omni re simus paratiores;  
non solum sperare de nobis homines, sed exploratè iudicare  
volumus. Legiones habeo quinque sub signis, & sua fide,  
virtuteque Reip. coniunctissimas, & nostra liberalitate nobis  
obsequentes; Prouinciã omnium ciuitatum consensu para-  
tissimã, & summa contentione ad officia certantem; equita-  
tus auxiliorumque tantas copias, quantas hæ gentes ad defen-  
dendam, suam salutem, libertatemque conficere possunt. Ipse  
ita sum animo paratus vel prouinciã rueri, vel ire, quod Resp.  
vocet, vel tradere exercitum, auxilia, Prouinciãque; vt vel  
omnem impetum belli in me conuertere non recusem; si modò  
meo casu aut confirmare patriæ salutem, aut periculum morari  
possim. Hæc, si iam expeditis omnibus rebus, tranquilloque  
statu ciuitatis, polliceor in damno meæ laudis, Reip. commodo  
lætabor; sint ad societatem integerrimorum & maximorum  
periculorum accedam, consilia mea æquis iudicibus ab obtre-  
ctatione inuidorum defendenda commendo. Mihi quidem  
ipsi, fructus meritorum meorum in Reipublicæ incolumitate  
satis magnus est paratus. Eos verò, qui meam auctoritatem,  
& multo magis vestram fidem secuti, nec vlla spe decipi, nec  
vllò metu terri potuerunt, vt commendatos vobis habeatis,  
petendum videtur. Vale.

## A R G V M E N T V M.

*Suum studium erga Remp. præfert; modestè dignitatem suam  
commendat: quid egerit, quid acturus sit, exponit: qualem du-  
cat exercitum significat.*

PLANCVS IMP. COS. DES. S. D. CIC. 9

**N**ihil me tibi timere, aut te ceteris de me frustra recipisse, laetor, certe hoc maius habes testimonium amoris mei, quò maturius tibi, quàm ceteris consilia mea volui esse nota; in dies verò meritorum meorum fieri accessiones, peruidere te spero; cogniturum magis recipio. Quod ad me attinet, mi Cicero (ita ab imminetibus malis Reip. me adiuvante liberetur) sic honores, præmiaque vestra suspicio, conferenda certè cum immortalitate; vt sine his nihil de meo studio, perseverantiaque sin remissurus. Nisi in multitudine optimorum ciuium imperus animi mei fuerit singularis, & opera præcipua; nihil ad meam dignitatem accedere volo iustificatione vestra; concupisco autem nihil mihi, contraque ipse pugno: sed, & temporis, & rei te moderatorem faciliè patior esse; *Nihil aut sero, aut exigue à patria ciui tributum potest videri.* Exercitum ad VI. Kal. Maias Rhodanum transire; magnis itineribus Viennam equites mille via breuiore præmisi: ipse, si à Lepido non impediatur, celeritate satisfaciam: sin autem itinere meo se opposuerit; ad tempus consilium capiam. Copias adduco, & genere, & numero, & fidelitate firmissima. Te, vt diligas me, si munus me facturum scis, rogo. Vale.

ARGVMENTVM.

*Laudat Plancum de optima voluntate, studioque iuvanda Reip. præmiaque illum à Senatu honorificentissima sperare vult operamque in eo suam pollicetur; & hortatur, vt egregie pergat in Rep. tuenda.*

CIC. S. D. PLANC. IMP. COS. DES. 10

**E**tsi satis ex Furnio nostro cognoueram, quæ tua voluntas, quod consilium de Rep. esset; tamen, lectis tuis litteris, liquidius de toto sensu tuo iudicaui. Quamobrem, quanquam in vno prælio omnis fortuna Reip. disceptat, quod quidem, cum hæc legeres, iam decretum arbitrabar fore: tamen ipsa fama, quæ de tua voluntate percrebuit, magnam es laudem consecutus. Itaque, si Consulem Romæ habuissemus, declaratum esset à Senatu cum tuis magnis honoribus, quam gratus esset

esset conatus, & apparatus tuus, cuius rei non modo non præserijt tempus, sed ne maturum quidem etiam nunc, meo quidem iudicio, fuit. *IS ENIM* denique honos mihi videri solet, qui non propter spem futuri beneficii; sed propter magna merita claris viris deferitur, & datur: Quare, sit modò aliqua Resp. in qua honos elucere possit omnibus mihi crede, amplissimis honoribus abundabis. Is autem qui vere appellari potest honos, non inuitamentum ad tempus, sed perpetuæ virtutis est præmium. Quamobrem, mi Plance, incumbere toto pectore ad laudem: subueni patriæ: opitulare Collegæ; omnium gentium consensu, & incredibilem conspirationem adiuua. Me tuorum consiliorum adiutorem, dignitatis fautorem, omnibus in rebus tibi amicissimum, fidelissimumq; cognosces. Ad eas enim causas, quibus inter nos amore sumus, officijs, vetustate conjuncti, patriæ caritas accessit: eaque effecit, ut tuam vitam anteferebam meæ. IV. kal. April.

## ARGUMENTVM.

*Gratias agit pro officijs, quæ in ipsum Cicero contulerat; & de suo studio erga Remp. omnia pellicetur.*

## PLANCVS S. D. CICERONI.

II

**I**mmortales ago tibi gratias agamque, dum viuam: nam, relaturum me affirmare non possum. Tantis enim tuis officijs non videor mihi respondere posse; nisi forte, ut tu gratissime, disertissimeque scripsisti, ita sensus es, ut tum me referre gratiam putes, cum memoria tenebo. Si de filij tui dignitate esset actum, amabilius certè nihil facere potuisses. Primæ tuæ sententiæ infinitis cum muneribus; posteriores ad tempus, arbitriumque amicorum meorum compositiæ, oratio assidua, & perpetua de me, iurgia cum obrectatoribus propter me, notissima mihi sunt. Non mediocris adhibenda mihi est cura, ut Reip. me ciuem dignum tuis laudibus præstem, in amicitia tua memorem, atque gratum: Quod reliquum est, tuum munus tuere: & me, si quem esse voluisti, cum, exitu rebusque cognoscis, defende, ac suscipe. Cum Rhodanum copias transiecissem, fratremque cum tribus millibus equitum præmissem; ipse iter ad Mutinam dirigerem; in itinere de prælio facto,

Brutoq; & Mutina obsidione libertatis audiui. Animaduerti nullum aliud receptum Antonium, reliquasque, quæ cum eo essent habere, nisi in his partibus: duasque ei spes esse propositas, vnam Lepidi ipsius, alteram exercitus. Quod quædam pars exercitus non minus furiosa est; quàm qui cum Antonio fuerunt, equitarum reuocauit; ipse in Allobrogibus constiti; vt proinde ad omnia paratus essem, ac res me moneret. Si ludus huc se Antonius conferet; facilè mihi videor per me sustinere posse, remque publicam ex vestra sententia administrare, quamuis ab exercitu Lepidi recipiatur. Si verò copiarem aliquid secum adducet; etsi decima legio veterana, quæ nostra opera reuocata cum reliquis est, ad eundem furorem redierit; tamen, ne quid detrimenti fiat, dabitur opera à me: idque me præstaturum spero, dum istinc copię transijciantur, coniunctæque nobiscum faciliùs Perditos opprimant. Hoc tibi spondeo, mi Cicero, neque animum, neque diligentiam mihi defuturam. Cupio mehercule nullam residuam sollicitudinem esse; sed, si fuerit, nec animo, nec beneuolentiæ, nec patientiæ cuiusquam pro vobis cedam. Do quidem eo operam, vt etiam Lepidum ad huius rei societatem incitem; omniaque ei obsequia polliceor, si modò Remp. respicere volet. Vtor in hac re adiutoribus, interpretisque fratre meo, & Latrense, & Furnio nostro. Non me impediunt priuatæ offensiones, quo minus pro Reip. salute etiam cum inimicissimo consentiam. Quod si nihil profecero; nihilominus maximo sum animo; & maiore fortasse cum mea gloria vobis satisfaciam. Fac valeas, meque mutuo diligas.

### ARGVMENTVM.

*Significat quàm grata Senatui fuerint eius litteræ de apparatu, studioque defendendæ Reip. quidque ex eius litteris actum sit; & hortatur, vt solet: ad recuperandam libertatem.*

CIC. S. D. PLANCO IMP. COS. DES. 12

**E** Tū Reip. causâ maximè gaudere debeo, tantum ei te præsidij tantum opi, attulisse extremis pæne temporibus; tamen, ita te victorem complectar Rep. recuperata, vt magnam partem mihi lætitiæ tuæ dignitatis afferat; quam & esse iam:

iam: & futuram amplissimam intelligo. Caue enim putes, vllas litteras vnqua gratiores: quàm tuas, in Senatu esse recitatas: idque contigit, tum meritorum tuorum in Remp. eximia quadam magnitudine, tum verborum, sententiarumque grauitate. Quod mihi quidem minimè nouum: qui & te nossem, & tuarum litterarum ad me missarum promissa meminissem: & haberem à Furnio nostro tua penitus consilia cogita. Sed Senatui maiora visa sunt, quàm erant expectata: non quod vnquam de tua voluntate dubitasset; sed nec, quantum facere posses, nec, quò progredi velles, exploratum satis habebat. Itaque cum ad VII. Id. Apr. mane mihi tuas litteras M. Varisidius reddidisset; easque legissem; incredibili gaudio sum elatus; cumque magna multitudo optimorum virorum, & ciuium me de domo deduceret; feci continuo omnes participes meę voluptatis. Interim ad me venit Munatius noster, vt consueuerat: & ego ei litteras tuas ostendi; nihil dum enim sciebat: nam ad me primum Varisidius; Idque sibi à te mandatum esse dicebat. Paulo post idem mihi Munatius eas litteras legendas dedit, quas ipsi miseras, & eas quas publicè placuit nobis, vt statim ad Cornutum, Præto-rem Urb. litteras deferremus; qui, quòd Consules aberant, consulare munus sustinebat more maiorum. Senatus est continuò conuocatus, frequensque conuenit propter famam, atque expectationem tuarum litterarum. Recitatis litteris, oblata religio Cornuto est, pullariorum admonitu, non satis diligenter cum auspicijs operam didisse; itaque a nostro Collegio comprobatum est: itaque res delata est in posterum. Eo autem die magna mihi fuit pro tua dignitate contentio cum Seruilio: qui cum gratia effecisset, vt sua sententia prima pronunciaretur; frequens eum Senatus reliquit, & in alia omnia discessit: meęque sententię, quę secunda pronunciata erat, cum frequens assentiretur Senatus, rogatu Seruiliij P. Titius intercessit, res in posterum dilata, venit paratus Seruilius, Ioui ipsi iniquus, cuius in templo res agebatur. Hunc quemadmodum frigerim, quantaque contentione Titium intercessorem abiecerim ex aliorum te litteris malo cognoscere; vnum hoc ex meis, Senatus grauior, constantior, amicior tuis laudibus esse non poruit, quantum fuit; nec verò tibi Senatus amicor, quàm cuncta citas; mira-

biliter enim populus Rom. vniuersus, & omnium generum, ordinumque consensus ad liberandam Rempublicam conspiraui. Perge igitur, vt agis, nomenque tuum commenda immortalitati, atque hæc omnia, quæ habent speciem gloriæ, collecta inamissimis splendoris insignibus, contemne: breuia, fugacia, caduca existima. *PERVM decus in virtute positum est, qua maxime illustratur magnis in Remp. meritis.* Eam facultatem habes maximam: quam quando complexus es, & tenes; perficies vt ne minus Resp. tibi, quam tu Reip. debeas. Me tuæ dignitatis non modo fautorem, sed etiam amplificatorem cognosces: id tum Reip. quæ mihi est mea vita carior; tum nostræ necessitudini debere me iudico. Atque in his curis, quas contuli ad dignitatem tuam, cœpi magnam voluptatem, quod bene cognitam mihi T. Munatij prudentiam, & fidem, magis etiam perspexi in eius incredibili erga te beneuolentia; & diligentia. IV. Id. Apr. Vale.

### ARGVMENTVM.

*Scribit de S. C. in suam sententiam facto, ad augendam Planci dignitatem hortaturque, vt Antoniani belli reliquias conficiat.*

CICERO S. D. PLANCO IMP.

COS. DES.

13

**V**T primùm potestas data est augendæ dignitatis tuæ, nihil prætermisi in te ornando, quod positum esset aut in præmio virtutis, aut in honore verborum. Id ex ipso S. C. poteris cognoscere: ita enim est perscriptum, vt à me descripto dicta sententia est: quam Senatus frequens secutus est summo studio, magnoque consensu. Ego quanquam ex tuis litteris, quas mihi misisti; perspexeram te magis iudicio bonorum; quam insignibus gloriæ delectari; tamen considerandum nobis existimaui, etiam si tu nihil postulares, quantum tibi à Republica deberetur. Tu contexes extrema cum primis: qui enim M. Antonium oppresserit, is bellum confecerit. Itaque Homerus non Aiace, nec Achille, sed Vlysses appellauit. *πολύτροπος*, Vale.

AR-

## A R G V M E N T V M.

*Laudat Plancum de subsidio Reip. ferendo; & hortatur, ut Antonium ad Mutinam fufum persequatur, ac perdat.*

CIC. S. D. PLANCO IMP. COS. DES.

14

**O** Gratum famam biduo ante victoriam, de subsidio tuo, de studio, de celeritate, de copijs. Atqui etiam hostibus fufis, spes omnis in te est: fugisse enim ex prælio Mutinensi dicuntur notissimi latronum duces: *est autem non minus gratum extrema delere, quam prima depellere.* Equitem expectabam iam tuas litteras, idque cum militis: sperabamque etiam Lepidum, temporibus admonitum, te cum & Reip. satis esse facturum. In illam igitur curam incumbe, mi Plance, ut ne qua scintilla teterrimi belli relinquantur. Quod si erit factum, & Remp. divino beneficio affeceris, & ipse æternam gloriam consequere. III. Id. Maij. Vale.

## A R G V M E N T V M.

*Nunciat, quid ad opprimendum Antonium paret.*

PLANCVS IMP. S. D. CIC.

15

**H**is litteris scriptis, quæ postea acciderent, scire te, ad Remp. putavi pertinere. Sedulitas mea, ut spero, & mihi, & Reip. tulit fructum: namque assiduis internuncijs cum Lepidos egi, ut omissa omni contentione, reconciliataque voluntate nostra, communi consilio Reip. succurreret: se, liberos, Urbem pluris, quàm vnum perditum, abiectumque latronem putaret; obsequioque meo, si ita faceret, ad omnes res ab uteretur. Profeci itaque per Laterensem internuncium: fidem mihi dedit, se Antonium, si prohibere sua Prouincia non potuisset, bello persecuturum; me, ut venirem, copiasque coniungerem, rogauit: eoque magis quod & Antonius ab equitatu firmus esse dicebatur, & Lepidus ne mediocrem quidem equitatum habebat: nam etiam ex paucitate eius, non multis ante diebus decem, qui optimi fuerant, ad me transferunt. Quibus rebus ego cognitis, cunctatus non sum; in cursu bonorum consiliorum

S 4 Le-

Lepidum adiuvandum putavi. Adventus meus quid profecturus esset, vidi, vel quod equitatu meo persequi, atque opprimere equitatu eius possem, vel quod exercitus, Lepidi eam partem, quæ corrupta est, & ab Rep. alienata, & corrigere, & coercere præsentia mei exercitus possem. Itaque in Isara, flumine maximo, quod in finibus est Allobrogum, ponte vno die facto, exercitum ad IV. Id. Maij transdixi. Cum vero mihi nunciatum esset, L. Antonium præmissum cum equitibus, & cohortibus, ad Forum Iulij venisse; fratrem cum equitum quatuor millibus, ut occurreret ei, nisi ad pridie Id. Maij, ipse maximis itineribus cum quatuor legionibus expeditis, & reliquo equitatu subsequar. Si nos mediocri modo fortuna Reip. adinvenit; & audaciæ perditorum, & nostræ sollicitudinis, hic finem reperiemus. Quod si latro, præcognito nostro adventu, rursus in Italiam se recipere cœperit; Bruti erit officium occurrere ei; cui scio nec consilium, nec animum defuturum. Ego tamen si acciderit fratrem cum equitatu mittam, qui sequatur. Italiamque à vastatione defendat. Fac valeas, meque mutuo diligas.

### ARGUMENTVM.

*Gratissimas Senatui fuisse Planci litteras maximeque opportunas significat: eique auctor est, ut in rebus tam subitis consilium Senatus ne expectet, ipse à sese consilium capiat.*

### CICERO S. D. PLANCO

16

**N**ihil post hominum memoriam gloriosius, nihil gratius, ne tempore quidem ipso opportunius accidere vidi, quâ tuas, Plance litteras. Redditæ sunt enim, frequenti Senatu Cornuto, cum is frigidas sanè, & inconstantes recitasse litteras Lepidi. Sub eas statim recitatæ sunt tuæ, non sine magis quidem clamoribus. Cum rebus enim ipsis essent, & studijs beneficijsq; in Rempub. gravissimæ; tum erant gravissimis verbis, & sententijs. Flagitare cenatus institi Cornutum, ut referret statim de tuis litteris. Ille se considerare ait velle. Cum ei magnum conui-cium fieret cuncto à Senatu, quinque Tribuni pl. retulerunt. Seruilius rogatus rem distulit. Ego eam sententiam dixi, cui sunt assensu ad vnum. Ea, quæ fuerit ex S. C. cognosces. Tu quan-



quanquam consilio non eges, vel abundas potius; tamen hoc animo esse, debes, ut nihil huc reijcias: neve in rebus tam subitis, tamque angustij a Senatu consilium petendum putes: ipse tibi sis Senatus; quodcumque te ratio Reip. ducet, sequare. Cures, ut ante factum aliquid à te egregium audiamus, quàm futurum putamus. Illud tibi promitto, quidquid erit à te factum, id Senatui, non modò ut fideliter, sed etiam, ut sapienter factum comprobaturum. Vale.

## A R G V M E N T V M.

*Præsentem belli statum describit, cum excusatione fratris à se dimissis, & commendatione sua dignitatis.*

## PLANCVS IMP. S. D. CIC.

17

**A** Ntonius Idibus Maij ad forum Iulij cum primis copijs venit, Ventidius bidui spatio abest ab eo. Lepidus ad forum Voconij castra habet; qui locus à Foro Iulij quatuor & viginti millia passuum abest; ibique me expectare constituit, quemadmodum ipse mihi scripsit. Quod si omnia mihi integra & ipse, & fortuna seruauerit; recipio vobis celeriter me negotium ex sententia confecturum. Fratrem meum assiduis laboribus, concursationibusque confectum grauiter se habuisse, antea tibi scripsi. Sed tamen, cum primum posse ingredi cepit; non magis sibi, quàm Reip. conualuisse se existimans, ad omnia pericula princeps esse non recusabat. Sed ego eum non solum hortatus sum, verum etiam coegi isto prociscisci: quod illa valetudine magis conficere se, quam me iuuare posset in castris; quod acerbissimo interitu Consulum Remp. nudatam, tali ciue Prætor in urbanis officijs indigere existimabam: quod si quis vestrum non probabit: mihi prudentiam consilio defuisse sciat non illi erga patriam fidelitatem Lepidus, tandem, quod ego desiderabam, fecit ut Appellam ad me mitteret: quod obside fide illius, & societatis in Rep. administranda vterer. Studium in ea re suum mihi L. Gellius; de tribus fratribus, Segauiano probauit; quo ego interprete nouissimè ad Lepidum sum usus. Amicum cum Reip. cognoscere videor licenterque ei sum testimonio, & omnibus ero, qui bene uerentur. Fac valeas, meque mutuo

mutuo diligas : dignitatem meam ; si mereor, tuearis ; sicut ad huc singulari cum benevolentiam fecisti. Vale.

### ARGUMENTVM.

*Narrat, quibus de causis ad Lepidum profisciscatur.*

PLANCVS S. D. CICERONI. 18

**Q**uid in animo habuerim cum Læus. Nertuque discesserunt à me, & ex litteris, quas eis dedi, & ex ipsis cognoscere potuisti, qui omnibus rebus, consiliisque meis interfuerunt. Accidit mihi, quod homini pudenti, & cupido satisfaciendi Reip. bonisque omnibus accidere solet ; ut consilium sequeretur periculosum magis ; dum me probarem, quam tuum, quod habere posset obrectationem. Itaque, post discessum legatorum, cum binis continui litteris, & Lepidus me, ut venirem rogaret, & Laterensis multò etiam magis prope implorans obtestaretur ; non ullam rem aliam extimescens, quam eandem, quæ mihi quoque facit timorem, varietatem, atque infidelitatem exercitus eius : non dubitandum putavi, quin succurrerem, meque communi periculo offerrem. Sciebam enim, etsi tantius illud erat consilium, expectare me ad Naram, dum Brutum transiret exercitum ; & cum collega consentientes, exercitum concordii, & bene de Rep. sentiente, hostibus obuiam ire ; tamen, si quid Lepidus bene sentiens detrimenti cepisset, hoc omne assignatum iti, aut pertinaciæ meæ, aut timori videbam ; si aut hominem offensum mihi, coniunctum cum Republica non subleuassent ; aut ipse à certamine belli tam necessarij me remouissent. Itaque potius periclitari volui, si possem me à præsentia, & Lepidum tueri, & exercitum facere mellorem, quam nimis cautus videri. Sollicitorem certè hominem non suis contractis neminem puto fuisse. Nam quæ res nulla habebat dubitationem ; si exercitus Lepidi absit, ea nunc magnam affert sollicitudinem, magnumque habet casum. Mihi enim si contigisset, ut prior occurrere rem Antonio ; non mehercule horum constitisset : tantum ergo & mihi confido, & sic percussas illius copias. Ventidijque milionis castra despicio. Sed non possum non exhortescere, si quid intra cutem subest vulneris, quod

quod prius nocere potest, quam sciri, curarique possit. Sed certè, nisi vno loco me tenerem, magnum periculum ipse Lepidus, magnum ea pars exercitus adiret, quæ bene de Republica sentit: magnam etiam perdiri hostes accessionem sibi fecissent, si quas copias à Lepido obstraxissent. Quæ si aduentus meus repperit, agam gratias fortunæ, constantiæque meæ, quæ me ad hanc experientiam excitauit. Itaque ad XII. Kal. Iun. ab Isara castra moui: pontem tamen, quem in Isaram feceram, castellis duobus ab capita positus, reliqui, præsidiaque ibi firma posuit, ut venienti Bruto, exercituique eius sine mora transitus esset paratus. Ipse, ut spero diebus octo, quibus has literas dabam, cum Lepidi copijs me coniungam. Vale.

## ARGVMENTVM.

*Officium Planci in actione gratiarum sibi fuisse gratissimum fatetur: hortaturque, ut ad extinguendas belli reliquias omni studio incumbat.*

CIC. S. D. PLANCO IMP.

19

**Q** Vanquam gratiarum actionem à te non desiderabam, cum te te ipsa, atque animo scirem esse gratissimum; tamen (fatendum est enim) fuit ea mihi periuicunda. Sic enim vidi; quasi ea, quæ oculis cernuntur, me à te amari. Dices: Quid antea? Semper quidem, sed nunquam illustrius. Literæ tuæ mirabiliter gratae sunt Senatui, cum rebus ipsis, quæ erant grauissimæ, & maximæ, fortissimi animi, summique consilij, tum etiam grauitate sententiarum, atque verborum. Sed, mi Plance, incumbere ut belli extrema perficias: in hoc erit summa & gratia, & gloria. Cupio omnia Reipub. causa, sed mehercule, in ea conseruanda iam defatigatus, non multò plus faueo patriæ; quam tuæ gloriæ; cuius maximam facultatem tibi Dij immortales, ut spero, dedere: quam complectere, obsecro. Qui enim Antonium oppresserit, his hoc teterrimum bellum periculosissimumque confecerit. Vale.

## ARGVMENTVM.

*Petit, ut de Lepidi fide significet, utrum à Reip. sit, an se cum Antonio coniunxerit: & hortatur ad belli reliquias opprimendas.*

CIC.

CICERO S. D. PLANCO.

20

**I**Ta erant omnia, quæ istinc afferebantur, incerta; ut quid ad te scriberem non occurreret; modò enim quæ vellemus de Lepido; modò contra nunciabantur. De te tamen constans fama, nec decipi posse, nec vinci. Quorum alterius fortuna partem habet quandam; alterum proprium est prudentiæ tuæ. Sed accepi litteras à Collega tuo, datas Idibus Maij: in quibus erat, te ad se scripsisse, à Lepido, non recepi Antonium; quod erit certius, si tu ad nos idem scripseris: sed minus audes fortasse propter inanem lætitiā litterarum superiorum. Verum ut errare mi Plance potuisti, (quis enim id effugerit?) sic, decipi te non potuisse, quis non videt? nunc vero etiam erroris causa sublata est. Culpa enim illa *Bis ad eundem*, vulgari reprobata proverbio est. Sin, ut scripsisti ad Collegam, ita se res habet, omni cura liberati sumus; nec tamen erimus prius, quam, ita esse, tu nos feceris certiores. Mea quidem, ut ad te sæpius scripsi, hæc sententia est; qui reliquias huius belli oppresserit, cum totius belli confectorem fore, quem te & opto esse, & confido futurum. Studia mea erga te, quibus certè nulla esse maiora potuerunt; tibi tam grata esse, quàm ego putavi fore; minimè miror, vehementerque lætor, quæ quidem tu, si rectè istic erit, maiora, & graviora cognosces. IV. Kal. Iun.

## A R G V M E N T V M.

*Nunciat de Lepidi perfidia, & coniunctione cum Antonio novarumque copiarum subsidium postulat: & suam commendat dignitatem.*

PLANCVS S. D. CICERONI.

21

**P**Vderet me inconstantia mearum litterarum, si non hæc ex aliena leuitate penderet. Omnia feci; quare, Lepido coniuncto ad Remp. defendendam, minore sollicitudine vestra perditis resisterem; omnia ei & petenti recepi, & ultro pollicitus sum scripsique tibi biduo antè, confidere me bono Lepido esse usurum, communique consilio bellum administraturum. Credidi Chirographis eius, affirmationi præsentis Læterensis;

terensis; qui tum apud me erat; reconciliaremque me Lepido fidemque haberem, orabat. Non licuit diutius bene de eo sperare: illud certè caui, & cauebo, mea credulitate Reipubl. summa fallatur. Cum Isaram flumen, vno die ponte confecto, exercitum transduxissem; pro magnitudine rei celeritatem adhibens quod petierat per litteras ipse, vt maturarem venire; præsto mihi fuit stator eius cum litteris; quibus, ne venirem, denunciabat; se posse conficere per se negotium; interea ad Isaram expectarem. Indicabo temerarium meum consilium tibi; nihilominus ire decreueram, existimans eum socium gloriæ vitare. Putabam posse me, nec de laude ieiuni hominis deliberare quidquam, & subesse tamen propinquis locis; vt, si durius aliquid esset, succurrere celeriter possem. Ego non malus homo hoc suspicabat. At Laterensis, vir sanctissimus, suo chirographo mitti mihi litteras: in eisque desperans de se, de exercitu, de Lepidi fide, quærensque se destitutum, apertè denunciat, videam ne fallar; suam fidem solutam esse; Reip. ne desim. Exemplar eius chirographi Titio dedi. Ipsa chirographa omnia, & quibus credidi, & ea, quibus fidem non habenda putavi. Læuo Cispio dabo perferendas, qui omnibus his interfuit rebus. Accessit eò, vt milites eius, cum Lepidus concionaretur, improbi per se corrupti etiam per eos, qui præsunt. Canidios, Rufenosque, & cæteros, quos, cum opus erit, scietis, conclamarint viri boni, pacem se velle: neq; esse cum vllis, pugnatueros, duobus iam Consulib. singularibus viris occisis, tot ciuib. pro patria amissis, hostibus denique omnibus iudicatis, bonisque publicatis. Neque hoc aut vindicarat Lepidus, aut sanarat. Huc me venire, & duobus exercitibus coniunctis obijcere exercitum fidelissimum, maxima auxilia, Principes Galliæ, Prouinciam cunctam summe dementiæ, & temeritatis esse vidi mihiq; , si ita oppressus essem. Remque publ. mecum perdidissem, mortuo non modo honorem, sed misericordiam quoque defutura. Itaque rediturus sum: nec tanta munera perditis hominibus dari possem sinam. Exercitum locis vt habeam opportunis, Prouinciam tuear, etiam si ille exercitus descuerit, omnia vt integra seruem, dabo operam, quoad exercitus huc summitatis, pariq; felicitate Remp. hic vindicetis. Nec depugnare, si occasio iulerit; nec ob-

frideri,

sideri, si necesse fuerit; nec mori, si casus inciderit, pro vobis paratior fuerit quisquam. Quare horrore te, mi Cicero exercitum huc, transijciendum quamprimum cures; & matures prius quàm hostes magis corroborentur, & nostri perturbentur. In quo si celeritas erit adhibita; Respub. in possessione victoriæ, delebit sceleratis, permanebit. Fac valeas, meque diligas Fratrem meum tibi, fortissimum civem, & ad omnia paratissimum, excusam litteris? qui ex labore in febriculam incidit assiduam, & satis molestam. Cum primum poterit istuc recurrere, non dubitabit, ne quo loco Respub. desit. Meam dignitatem commendatam, habeas, rogo. Concupiscere me nihil oportere. Habeo te, & amantissimum mei, & quod optavi, summæ auctoritatis. Tu videris, quantum, & quando tuum munus apud me velis esse. Tantum te rogo, in Hirtij locum me subdas, & ad tuum amorem, & ad meam observantiam. Vale.

### ARGUMENTVM.

*Agris diuidendis præfici Plancus cupiebat, ad militum gratiam colligendam: de ea re Cicero respondet.*

### CICERO S. D. PLANCO.

22

**I**N te, & in Collega omnis spes est Dijs approbantibus. Concordia vestra, quæ Senatui declarata litteris vestris est, & mirificè, & Senatus, & cuncta ciuitas delectata est. Quod ad me scripseras de re agraria, si consultus Senatus esset, ut quisque de te honorificentissimam sententiam dixisset, eam secutus essem; qui certè ego fuisset: sed propter tarditatem sententiarum, moramque rerum; cum ea, quæ consulebantur, ad exitum non peruenirent; commodissimum mihi, Plancoque fratri visum est, uti eo, quod ne nostro arbitratu componeretur, quis fuerit impedimento, arbitror te ex Planci litteris cognovisse. Sed siue in S. C. siue in cæteris rebus desideras aliquid, sic tibi persuade, tantam esse apud omnes bonos tui caritatem, ut nullum genus amplissimæ dignitatis excogitari possit, quod tibi non paratum sit. Litteras tuas vehementer expecto: & quidem tales, quales maximè opto. Vale.

AR-

## ARGUMENTVM.

*Excusat se, quod Lepido crediderit: & suam diligentiam in copiis tuto reducendis declarat, accepto nuncio de Lepidi, Antonijque coniunctione. Quo in periculo subsidium Casariani exercitus postulat.*

PLANCVS S. D. M. CIC.

23

**N** Vnquam mehercule, mi Cicero, me penitebit maxima pericula pro patria subire; dum, si quid acciderit mihi, a reprehensione temeritatis absum. Confiterer imprudentia me lapsum, si vnquam Lepido ex animo credidissem, *CREDV-  
LITAS* enim error est magis, quam culpa: & quidem in optimi cuiusque mentem facillime irrepit. Sed ego non hoc vitio pæne sum deceptus: Lepidum enim pulchre noram. Quid ergo est? pudor me qui in bello maximè est periculosus: hunc casum coegit subire. Nam, si vno loco essem, verebar, ne cui obrectatorum viderer, & nimium pertinaciter Lepido offensus, & mea patientia etiam allere bellum, Itaque copias prope in conspectum Lepidi, Antonijque adduxi: quadragintaque millium passuum spatio relicto, consedi; eo consilio, vt vel celeriter accedere, vel salubriter recipere me possem. Adiunxi hæc in loco eligendo, flumen oppositum vt haberem, in quo mora transitus esset. Vocontij sub manu vt essent, per quorum loca mihi fideliter pateret iter. Lepidus desperato aduentu meo, quem non mediocriter captabar, se cum Antonio coniunxit ad IV. Kal. Iun. eodemque die ad me castra mouerunt. Viginti millia passuum cum abessent, res mihi nuncitata est Dedi operam, Deum benignitate, vt & celeriter me reciperem, & hic discessas nihil fugæ simile haberet; non miles vllus, non eques, non quidquam impedimentorum amitteretur, aut ab illis furentibus latronibus interciperetur. Itaque Pridie Non. Iun. omnes copias Isaram transieci, pontesque quos feceram interrui: vt & spatium ad se colligendum homines haberent; & ego me interea cum Collega coniungerem; quem triduo, cum has dabam litteras expectabam. Latentis nostri, & fidem, & animum singularem in Rempub. semper fatebor. Sed certè nimia eius indulgentia in Lepidum ad hæc pericula perspi-

perspicienda fecit cum minus sagacem. Qui quidem, cum in fraudem se deductum videret, manus, quas iustius in Lepidi perniciem armasset, sibi afferre conatus est. In quo casu tamen interpellatus, adhuc viuit, & dicitur victurus. Sed tamen de hoc mihi parum certum est: ego magno cum dolore parricidarum elapsus sum ijs. Veniebant enim eodem furore in me, quo in patriam, incitati: iracundias autem harum rerum recentes habebant, quod Lepidum castigare non destiteram, ut exstingeret bellum: quod colloquia facta improbabam: quod legatos, fide Lepidi missos ad me, in conspectum venire vetueram quod C. Catrium Vestinum Trib. mil. missum ab Antonio ad eum cum litteris exceperam. In quo hanc capio voluptatem, quod certè, quo magis me periuverunt, tanto maiorem ijs frustratio dolorem attulit. Tu, mi Cicero, quod adhuc fecisti, idem præsta ut vigilanter, neruoseque nos, qui stamus in acie, subornes. Veniat Cæsar cum copijs, quas habet firmissimas, aut, si ipsum aliqua res impedit exercitus eius mittatur: citius ipse magnum periculum agitur. Quidquid aliquando futurum fuit in castris perditorum contra patriam, hoc omne iam conuenit. Pro Urbis vero salute cur non omnibus facultatibus, quas habemus, utamur? quod si vos istic non defueritis, profectò, quod ad me attinet omnibus rebus abundè Reip. satisfaciam. Te quidem, mi Cicero, in dies meherculè habeo cariorem; sollicitudinesque meas quotidie magis tua merita, exacuunt, ne quid aut ex amore, aut ex iudicio tuo perdam. Opto, ut mihi liceat iam præsentì pietate meorum officiorum ea beneficia tibi facere iucundiora. Vale. IX. Id. Iun. Ciuaronè ex finibus Allobrogum.

### ARGVMENTVM.

*Pollicetur se memorem beneficiorum: suas copias narrat: subsidium, aut ab Octaviano, aut Africano exercitu, postulat. Octavianum, quasi negligentem in tuenda Reipub. accusat.*

PLANCVS IMP. COS. DES. S. D. CICERONI. 24

**E**Acere non possum quin in singulas res; meritaque tua tibi gratias agam; sed mehercule facio cum pudore. Neque enim tanta necessitudo, quantum tu mihi tecum esse voluisti, deside-



desiderare, videtur gratiarum actionem: neque ego lubenter pro maximis tuis beneficijs tam vili munere defungor orationis: & malo præsens observantia, indulgentia, assiduitate memorem me tibi probare. Quod si mihi vita contigerit, omnes gratas amicitias, atque etiam pias propinquitates mea in te observantia, indulgentia, assiduitate vincam. Amor enim tuus, ac iudicium de me, vtrum mihi plus dignitatis in perpetuum, an voluptatis quotidie sit allaturus, non facillè dixerim. De militum commodis fuit tibi curæ; quos ego non potentia meæ causa (nihil enim me non salutariter cogitare scio) ornari volui à Senatu; sed primum quòd ita meritos iudicabam: deinde quòd ad omnes casus coniunctiones Reip. esse volebam: nouissimè, vt ab omni omnium sollicitatione auerso eos tales vobis præstare possem, quales adhuc fuerunt. Nos adhuc hic omnia integra sustinuimus. Quod consilium nostrum, etsi, quanta sit auditas hominum, non sine causa, talis victoriæ, scio; tamen vobis probari spero. Non enim, si quid in his exercitijs sit offensum, magna subsidia Resp. habet expedita, quibus subito impetui, ac latrocinio parricidarum resistat. Copias verò nostras notas tibi esse arbitror. In castris meis legiones sunt veteranæ tres, tironum vel lucentissima ex omnibus vna. In castris Bruti vna veterana legio altera bima, octo tironum. Ita vniuersus exercitus numero amplissimus est, firmitate exiguus; quantum autem in acie tironi sit commitendum nimium sæpe expertum habemus. Ad hoc robur nostrorū exercitum, siue Africanus exercitus qui est veteranus, siue Cæsaris accessisset, æquo animo summam Remp. in discrimen deduceremus. Aliquantò autem proprius esse, quod ad Cæsarem attinet, videbamus. Nihil destitit cum litteris hortari; neque ille intermisit affirmare, se sine mora venire: cum interim auersum illum ab hac cogitatione, ad alia consilio video se contulisse. Ego tamen ad eum Furnio nostrum cum mandatis, litterisq; misi; si quid fortè proficere posset. Scis tu, mi Cicero, quod ad Cæsaris amorem attinet, societatem mihi esse tecum; vel quòd in familiaritate Cæsaris, viuo illo, iam tueri eum, & diligere mihi fuit necesse, vt quòd ipse quoad ego nosse potui, moderatissimi, atq; humanissimi fuit sensus, vel quòd ex tā insigni amicitia mea, atq; Cæsaris

T

hunc

hunc, filij loco, & illius, & vestro iudicio substitutum, non perinde habere mihi turpe viderur. Sed quidquid tibi scribo, dolenter mehercule magis, quàm inimice facio. Quod viuit Antonius hodie; quod Lepidus vnà est; quod exercitus habent non contemnendos; quod sperant; quod audent; id omne Cæsari acceptum referre possunt. Neque ego superiora reperam; sed ex eo tempore quo ipse mihi professus est se venire, si venire voluisset; aut oppressum iam bellum esset, aut in aduersissimam illis Hispaniam cum detrimento eorum maximo extrusum. Quæ mens eum, aut quorum consilia à tanta gloria, tibi verò etiam necessaria, ac salutaria; auocant, & ad cogitationem Consulatus bimestris, summo cum terrore hominum, & insulsa cum efflagitatione, transtulerint, exputare non possum. Multum in hac re mihi videntur necessarii eius, & Reipub. & ipsius causa proficere posse: plurimum, ut puto, tu quoque; cuius ille tanta merita habet, quanta nemo præter me: nunquam enim obliuiscar, maxima, ac plurima me tibi debere. De his rebus, ut exigeret cum eo, Furnio mandauì. Quod si, quantam debeo, habuero apud eum auctoritatem: plurimum ipsum iuvero. Nos interea duriori conditione bellum sustinemus: quod neque expeditissimam dimicationem putamus, neq; tamen refugiendo commissuri sumus, ut maius detrimentum Resp. accipere possit. Quod si aut Cæsar se respexerit; aut Africanæ legiones celeriter venerint, securos vos ab hac parte reddemus. Tu, ut institui, me diligas rogo, propterea quod tuum esse, tibi persuadeas V. Kal. Sex. ex castris.

#### ARGUMENTVM.

*Modeste reprehendit, in Furnio prapropèram adipiscendæ Præturæ festinationem.*

CICEROS S. D. C. FURNIO,

25

**S**I interest, id quod homines arbitrantur. Reip. te ut institui, atque fecisti, nauare operam; rebusque maximis, quæ ad extinguendas reliquias belli pertinent, interesse: nihil videris melius, neque laudabilius, neque honestius facere posse: istamque operam tuam, natiuitatem, animum in Remp. celeritati Præturæ anteponendum censeo. Nolo enim te ignorare, quan-

quantam laudem consecutus sis: mihi crede, proxima Planco, idque ipsius Planci testimonio; præterea fama, scientiaque omnium. Quamobrem, si quid operis tibi etiam nunc restat, id maximopere censeo persequendum: quid enim honestius? aut quid honesto anteponderidum? Sin autem satisfactum Reipub. putas, celeriter ad Comitiam, quando maturè factura sunt, veniendum censeo: dummodo ne quid hæc ambitiosa festinatio imminuat eius gloriæ, quam consecuti sumus. Multi clarissimi viri cum Reip. darent operam, annum petitionis suæ non obierunt. Quod facilius nobis est, quod non est annus hic tibi destinatus: ut, si Ædilis fuisse, post biennium tuus annus esset. Nunc nihil prætermittere videbere vsitati, & quasi legitimi temporis ad petendum. Video autem Planco Consule, etsi etiam sine eo rationes expeditas haberes, tamen splendidiorem petitionem tuam fore, si modò ista ex sententiâ confecta essent. Ominò plura me scribere; cum tuum tantum consilium, iudiciumque sit, non ita necesse arbitrabar: sed tamen sententiam meam tibi ignotam esse nolebam; cuius est hæc summa, ut omnia te meriti dignitate malim, quàm ambitione; maioremque fructum ponere in perpetuitate laudis, quàm in celeritate Præturæ. Hæc eadem locutus sum domi meæ, adhibito. Quinto fratre meo, & Cæcina, & Caluissio, studiosissimus tui, cum Dardatus, libertus tuus, interesset. Omnibus probari videbatur oratio mea; sed tu optime iudicabis. Vale.

## A R G V M E N T V M.

*Scripserat Furnius ad Comitiam Prætoriam se venturum: Cicero dissuadet, Comitiamque dilata significat.*

## CICERO S. D. FVRNIO.

26

**L**ectis tuis litteris, quibus declarabas, aut omittendos Narbonenses, aut cum periculo dimicandum; illud magis timui; quod vitatum, non molestè fero. Quod de Planci, & Bruti concordia scribis, in eo vel maximam spem pono victoriæ. De Gallorum studio, nos aliquando cognoscemus, ut scribis, cuius id opera maximè excitatum sit; sed iam, mihi crede, cognouimus, Itaque iucundissimis tuis litteris stomachatus

tus sum in extremo. Scribis enim, si in Sexrilem Comitia, cito te; si iam confecta, citius; ne diutius cum periculo fatuus sis. O mi Furni, quàm tu causam tuam non nosti, qui alienas tam facilè discas. Tu nunc candidatum te putas; & id cogitas, ut aut ad Comitia curras: aut, si iam confecta, domi tuæ sis; scilicetne cum maximo periculo. ut scribis, stultissimus sis. Non arbitror te ita sentire. Omnes enim tuos ad laudem impetus novum. Quod si, ut scribis, ita sentis; non magis te, quàm de te iudicium reprehendo meum. Te adipiscendi magistratus leuissimi, & divulgatissimi, si ita adipiscere, ut plerique præpropere festinatio abducat à tantis laudibus; quibus te omnes in cælum iure, & verè ferunt? scilicet id agitur utrum hac petitione, an proxima Prætor fias; non ut ita de Rep. mereare, omni honore ut dignissimus iudicare. Vtrum nescis quàm altè ascenderis; an pro nihilo id putas? Si nescis, tibi ignosco, nos in culpa sumus. Si intelligis; vllà tibi est Prætura, vel officium, quod pauci; vel gloria quàm omnes sequuntur, dulcior? Hac de re, & ego, & Clauisius, homo magni iudicii, tuique amantissimus, te accusamus quotidie; Comitia tamen, quando ex his pendes, quantum facere possumus, quod multis de causis Reip. arbitramur conducere, in Ianuarium mensem protulimus. Vince igitur, & Vale.

### ARGVMENTVM.

*Lepidum quasi nolle brachio obiurgat, quia summis honoribus à Senatu ornatus, gratiarum agendarum officium neglexerat. Tum, pacem inter Antonium, & bonos ciues conciliare cupientem hortatur, ne se interponat.*

### CICERO S. D. M. LEPIDO.

27

**Q**Uod mihi pro mea summa erga te benevolentia magnæ curæ est, ut quam amplissima dignitate sis: moleste tuli, te Senatui gratias non egisse, cum esses ab eo ordine ornatus summis honoribus. Pacis inter ciues conciliandæ te cupidum esse, lætor: Pacem eam si à seruitute seiungis, consules & Reipub. & dignitati tuæ. Sin ista pax perditum hominem in possessionem impotentissimi dominatus restitutura est; hoc animo scito esse omnes sanos, ut mortem seruituti anteponant. Itaque sapien-

sapientius meo quidem iudicio facies, si te in istam pacificationem non interpones: quæ neque Senatui, neque populo, neque cuiquam bono probatur. Sed hæc audies ex alijs, aut certior fies litteris. Tu pro tua prudentia, quid optimum factum sit, videbis.

## A R G V M E N T V M.

*Dolet se non fuisse participem coniurationis in Casarem, quia superstes Antonius non fuisset, qui perniciem Reip. moliatur. Deinde suum libertatis recuperanda studium declarat.*

## CICERO S. D. C. TREBONIO.

28

**Q**uam vellem ad illas pulcherrimas epulas me Idib. Martij inuitasses, reliquiarum nihil haberemus. At nunc cum his tantum negotij est; ut vestrum illud diuinum in Rempubl. beneficium nonnullam habeat querelam. Quod verò à te, viro, optimo, seductus est, tuoque beneficio adhuc viuit hæc pestis, interdum, quod mihi vix fas est; tibi subirascor. Mihi enim negotij plus reliquisti vni, quam, præter me omnibus. Ut enim primum post Antonij scdissimum discessum Senatus haberi liberè potuit: ad illum animum meum reuerti pristinum; quem tu cum ciue accerrimo, patre tuo, in ore & amore semper habuisti. Nam cum Senatū ad XIII. Kal. Ian. Tribuni pl. vocauissent, deque alia re referrent; totam Rempub. sum complexus; egique accerrimè Senatumque iam languentem, & defessum, ad pristinam virtutem, consuetudinemque reuocaui, magis animi, quàm ingenij viribus. Hic dies, meaq; contentio, atq; actio spem primùm populo Romano attulit libertatis recuperandæ. Nec verò ipse postea tempus vllum intermisi de Republ. non cogitandi solum, sed etiam agendi. Quod nisi res vrbanas, actaque omnia ad te perferri arbitrarer, ipse perscriberem, quamquam eram maximis occupationibus impeditus: sed illa cognosces ex alijs; à me pauca, & ea summatim. Habemus fortem Senatum; Consulares partim timidos, partium malè sentientes. Magnum damnum factum est in Seruio. L. Cæsar optimè sentit: sed, quod auunculus est, non acerrimas dicit sententias Consules egregij, præclarus D. Brutus egregius puer Cæsar; de quo

Ipso equidem reliqua. Hoc verò certum habeto, nisi ille veteranos celeriter conscripseret, legionesque duæ de exercitu Antonij ad eius se auctoritatem consulissent, atque is oppositus esset terror Antonio: nihil Antonium scelerum, nihil crudelitatis præteriturum fuisse. Hæc tibi etsi audita esse arbitrabar, volui tamen notiora esse. Plura scribam, si plus orij habuerō. Vale.

### ARGVMENTVM.

*Scribit de suo studio erga salutem Ampij exulantis: bonamque spem habere iubet.*

CICERO S. D. AMPIO BALBO.

29

**D**E meo studio erga salutem, & incolumitatem tuam credo te cognoscere ex litteris tuorum, quibus me cumulativissimè satisfecisse, certo scio. Nec ijs concedo, quanquam sunt singulari in te benevolentia, ut te saluum malint; quam ego. Illi mihi necesse est concedant, ut tibi plus, quam ipsi hoc tempore prodesse possim. Quod quidem nec desisti facere, nec desistam: & iam in maxima te feci, & fundamenta ieci salutis tuæ. Tu fac bono animo, magnoque sis: meque tibi nulla re defuturum esse cofindas. Pridie Non. Quint. Vale.

### ARGVMENTVM.

*Prælium, victoriaque de Antonio relata nunciantur.*

SER. GALBA S. D. CIC.

30

**X**VII. kal. Maij, quo die Panfa in castris Hirtij erat futurus, cum quo ego eram (nam ei obuiam processeram) millia passuum centum, quò maturius venirem) Antonius legiones eduxit duas, secundam, & quintam trigesimam; & cohortes prætorias duas: vnam suam, alteram Silani, & euocatorum partem. Ita obuiam venit nobis, quod nos quatuor legiones trionum habere solum arbitrabatur. Sed noctu, quo tutius venire in castra possemus, legionem Martiam, cui ego præesse solebam, & duas cohortes prætoras miserat Hirtius nobis. Cum equites Antonij apparuissent, contineri neque legio Martia, neque cohortes prætoriæ potuerunt: quas sequi cœpimus coacti, quando eas retinere non poteramus. Antonius ad

For-

Forum Gallorum suas copias continebat : neque sciri volebat , se legiones haberet tantum equitatum, & leuem armaturam ostendebat. Postea quam vidit, se inuito legionem ire Pansa, sequi se duas legiones iussit tironum. Postea quàm angustias paludis, & silvarum transiimus, acies est instructa à nobis duodecim cohortium. Nondum venerant legiones duæ, cum repentè Antonius in aciem suas copias de vico produxit, & sine mora concutrit. Primò ita pugnatum est, ut actius non posset ex utraque parte pugnari. Sed dexterius cornu, in quo ego eram cum Martiæ legionis cohortibus octo, impetu primo fugauerat legione trigessimamquinam Antonij, ut amplius passus quingentos ultra aciem, quo loco steterat, processerit. Itaque cum equites nostrum cornu circuire vellent, recipere me cœpi, & leuem armaturam opponere Maurorum equitibus, ne auersos nostros aggrederebantur. Interim video me esse inter Antonianos, Antoniumque post me esse aliquanto, repente equum, immisi ad eam legionem tironum, quæ veniebat ex castris scuto reiecto. Antoniani me insequi nostri pila conijcere velle. Itanescio quo fato sum seruatus, quod cito sum à nostris cognitus. In ipsa Æmilia, ubi cohors Cæsaris prætoria erat, diu pugnatum est. Cornu sinisterius, quod erat infirmius, ubi Martiæ legionis duæ cohortes erant, & cohors prætoria, pedem referre cœperunt, quod ab equitatu circumibantur, quo vel plurimū valet Antonius. Cum omnes se recepissent nostri ordines, recipere me nouissimus cæpi ad castra. Antonius, tanquam victor, castra putauit se posse capere. Quod cum venit, complures ibi amisit, nec egit quidquam. Audita re, Hirtius cum cohortibus viginti veteranis redeunti Antonio in sua castra occurrit, copiasque omnes eis deleuit, fugauitque eodem loco, ubi erant pugnatum, ad Forum Gallorum Antonius cum equitibus hora noctis quarta se in castra sua ad Murinam recepit. Hirtius in ea castra redijt, unde Pansa exierat : ubi duas legiones reliquerat, quæ ab Antonio erant oppugnatae. Sic partem maiorem suarum copiarum Antonius amisit veteranarum : nec id tamen sine aliqua iactura cohortium prætoriarum nostrarum, & legionis Martiæ fieri potuit. Aquilæ duæ, signa sexaginta sunt relata Antonij. Res bene gesta est. Ad XL Kal. Maij ex castris. Vale.

## A R G V M E N T V M.

*Excusat se, quod studium suum erga Remp. litteris nondum declarauerit: seque libertatis recuperanda cupidum ostendit.*

C. ASINIVS POLLIO S. D. CIC.

31

**M** Inimè mirum debet tibi videri, nihil me scripsisse de Rep. postea quam itum est ad arma. Nam saltus Castulonensis, qui semper tenuit nostros tabellarios, etsi tunc frequentioribus latrocinij infestior factus est; tamen nequaquam tanta in mora est, quanta qui locis omnibus dispositis ab utraque parte scrutantur tabellarios, & retinent. Itaque nisi nane perlatæ litteræ essent, omninò nescirem, quid istic fieret. Nunc verò nactus occasionem, postea quàm nauigari cœptum est, cupidissimè, & quam creberrimè potero, scribam ad te. Ne mouear eius sermonibus, quem tametsi nemo est, qui videre velit, tamen nequaquam proinde, ac dignus est, oderunt homines, periculum non est. Aded est enim inuisus mihi, ut nihil non acerbum putem, quod commune cum illo sit. Natura autem mea, & studia trahunt me ad pacis, & libertatis cupiditatem. Itaque illud initium civilis belli sæpè defleui. Cum verò non liceret mihi nullius partis esse, quia utrobique magnos inimicos habebam; ea castra fugi, in quibus planè tutum me ab insidijs inimici sciebam non futurum. Compulsus eò, quò minimè volebam; ne in extremis essem, planè pericula non dubitantes adj. Cæsarem verò, quod me in tanta fortuna modò cognitum, vetustissimorum familiarium loco habuit; dilexi summa cum pietate, & fide. Quæ mea sententia gerere mihi licuit, ita feci, ut optimus quisque maximè probarit: quod iussus sum, eo tempore id ita feci, ut appareret, inuito imperatum esse. Cuius facti iniustissima inuidia erudire me potuit, quàm iucunda libertas, & quàm misera sub dominatione vita esset. Ita, si id agitur, ut rursus in potestate omnia vnus sint; quicumque is est, ei me profiteor inimicum, nec periculum est ullum, quod pro libertate aut refugiam, aut depræcer. Sed consules neque S. C. neque litteris suis præceperant mihi quid facerem. Vnas enim post Idus Martij demùm à Pansa litteras accepi: in quibus

hor-



hortatur me, ut Senatui scribam, me, & exercitum in potestate eius futurum. Quod, cum Lepidus concionaretur, atque omnibus scriberet, se consentire cum Antonio, maxime contrarium fuit. Nam quibus commeatibus, inuito illo, per illius Prouinciam legiones ducerem? aut, si cetera transissem, num etiam Alpes poteram transuolare, quæ præsidio illius tenentur? Adde hoc, quod perferri litteræ nulla conditione potuerunt: sexcentis enim locis excutiuntur, deinde etiam retinentur à Lepido rabellarum. Illud me Cordubæ pro concione dixisse, nemo vocabit in dubium; Prouinciam me nulli, nisi qui à Senatu missus venisset, traditurum. Nam de legione trigesima tradenda quantas contentiones habuerim, quid ego scribam? qua tradita quanto pro Rep. infirmior futurus fuerim, quis ignorat? hac enim legione noli acrius, aut pugnacius quidquam putare esse. Quare me cum existima esse, qui primum pacis cupidissimus sum: (omnes enim ciues plane studeo esse saluos) deinde qui & me, & Remp. vindicari in libertatem paratus sum. Quod familiarum meum in tuorum numero habes, opinione tua mihi gratius est inuideo illi tamen, quod ambulat, & iocatur tecum. Quæres, quanti existimem? Si vnquam licuerit viuere in otio, experieris: nullum enim vestigium abs te discessurus sum. Illud vehementer admirror non scripsisse te mihi, manendo in Prouincia ne, an ducendo exercitum in Italiam, Reip. magis satifacere possim. Ego quidem, etsi mihi tutius, ac minus laboriosum est manere; tamen, quia video tali tempore multò magis legionibus opus esse, quam Prouincijs, quæ præsertim recuperari nullo negotio possunt; constitui, ut nunc est; cum exercitu proficisci. Deinde ex litteris, quas Pansa misi, cognosces omnia: nam earum tibi exemplar misi. XVII. kal. Apr. Cordubæ.

## A R G V M E N T V M.

*Enumerat, quæ Balbus, Quæstor suus, flagitiosè commiserit: quæque ipse fecerit ad exercitum in Reip. potestate continendum.*

## ASINIVS POLLIOS S. D. CIC.

32

**B** Albus Quæstor, magna numerata pecunia; magno pondere auri, maiore argenti coactò de publicis exactionibus, ne sit-

Ne stipendio quidem militibus reddito, duxit se à Gadibus : & triduum tempestate retentus ad Calpen: Kal. Iunij transiecit se-  
 se in regnum Bogudis, planè bene peculiatus. His rumoribus  
 utrùm Gades referatur, an Roman (ad singulos enim nuncios  
 turpissimè consilia mutat) nondum scio. Sed, præter furta, &  
 rapinas, & virgis cæsos socios, hæc quoquò fecit; vt ipse glo-  
 riari solet, eadè, quæ C. Cæsar: ludis, quos Gadibus fecit, He-  
 rennium Gallum histrionem, summo ludorum die anulo aureo  
 donatum, in quartumdecimum sexum deduxit: tot enim fece-  
 rat ordines equestris loci: quatuor uiratum sibi prorogauit: Co-  
 mitia biennij biduo habuit, hoc est renunciauit, quos ei visum  
 est; exules reduxit, non horum temporum, sed illorum qui-  
 bus à seditiosis Senatus trucidatis, aut expulsus est Sex. Varo  
 Procos. Illa verò iam ne Cæsaris quidem exemplo, quod ludis  
 Prætextam de suo itinere, ad L. Lentulum Procos. sollicitan-  
 dum posuit: & quidem cum ageretur, flexit, memoria rerum  
 gestarum commotus. Gladiatoribus autem, Fadium quemdam  
 militem Pompeianum, quia, cum depressus in ludum bis gra-  
 tias depugnasset, auctorari se se nolebat; & ad populum confu-  
 gerat: primum Gallum equites immisit in populum (coniecti  
 enim sunt lapides in eum, cum arriperetur Fadius) deinde  
 abstractum defodit in ludo, & viuum combussit; cum quidem  
 pransus, nudis pedibus, tunica soluta, manibus ad tergum re-  
 iectis, inambularer: & illi mihero quiritanti, *Ciuis Romanus  
 sum*, responderet, *Abi nunc, populi fidem implora*. Bestijs verò  
 etiam ciues Romanos, in his circulatorem quemdam auctio-  
 num, notissimum hominem H. spali, quia deformis erat, obie-  
 cit. Cum huiusmodi portento res mihi fuit. Sed de illo plura co-  
 ram. Nunc, quod præstat, quid me velitis facere, constitui te.  
 Tres legiones firmas habeo; quarum vnâ vigesimam octa-  
 uam, cum ad se initio belli accersisset Antonius hac pollicitatio-  
 ne, quo die in castra venisset, denarios quingenos singulis mili-  
 tibus datûrum: in victoria verò eadem præmia, quæ suis legio-  
 nibus. (quorum quis vllum finem, aut modû futurum putauit?)  
 incitatissimam recinui: ægrè meherculè; nec retinuissem, si vno  
 loco habuissem; vt potè cum singulæ quædam cohortes seditio-  
 nem fecerint. Reliquas quoque legiones non destitit litteris, ar-  
 que

que infinitis pollicitat ionibus incitare. Nec vero minus Lepidus vrsit me, & suis, & Antonij litteris, vt legionem trigessimam mitterem sibi. Itaque quem exercitum, neque vendere vllis præmijs volui, nec eorum periculorum, metu quæ victoribus illis, portendebantur, diminuere; debitis existimare retentum, & cōseruatum Reip. esse: atque ita credere, quodcumque imperassetis, facturum fuisse, si, quod iussistis, feci. Nam & Prouinciā in otio, & exercitum in mea potestate tenui: finibus meæ Prouinciæ nusquā n excessi; militem non modo legionarium, sed ne auxiliarium quidem vllum quoquā misi; & si quos equites decedentes nactus sum, supplicio affeci. Quarum rerum fructum satis magnum, Rep. salua tulisse me putabo. Sed Resp. si me satis nouisset, & maior pars Senatus, maiores ex me fructus tulisset. Epistolam, quam Balbo, cum etiā nunc in Prouincia esset, scripsi, legendam tibi misi. Etiam Prætextam, si voles legere, Gallū Cornelium, familiarē meū poscito. VI. Id. Iun. Cordubæ. Vale.

## A R G V M E N T V M.

*Deplorat calamitatem Reip. quæ Mutinensi prælio, & Consules, & robur sobolemque militum amiserat.*

## ASINIVS POLLIVS S. D. CICERONI. 33

**Q**UO tardius certior fierem de prælijs apud Mutinam factis Lepidus effecit, qui meos tabellarios nouem dies retinuit. Tametsi tantam calamitatem Reip. quam tardissimè audire, optandum est sed illis, qui prodesse nihil possunt, neque mederi. Atque vtinam eodem S. C. quo Plancum, & Lepidum in Italiam accersistis, me quoque iussissetis venire: profectò non accepisset Resp. hoc vulnus. Quo si qui lætantur in præsentia, qui videntur & duces, & veterani Cæsaris partium interijisse: tamen postmodum necesse est doleant, cum vastitatem Italiæ respexerint, Nam & robur, & soboles militum interijt: siquidem, quæ nunciantur, vlla ex parte vera sunt. Neque ego non videbam, quanto vsui Reip. essem futurus, si ad Lepidum venissem: omnem enim cunctatione eius discussissem, præsertim adiutore Planco. Sed scribenti ad me eiusmodi litteras, quas leges, & concionibus videlicet, quas Narbone habuisse dicuntur,

rur, similes, palparer necesse erat, si vellem commeatum, per  
 Prouinciam eius iter faciens, habere. Præterea verebar ne, si  
 ante quàm ego incepta perficerem; prælium confectum esset;  
 plium meum consilium raperent in contrariam partem obtre-  
 ctatores mei, propter amicitiam, quæ mihi cum Antonio, non  
 maior tamen quàm Planco fuit. Itaque à Gadibus mense Apri-  
 li binos tabellarios in duas naues imposui: & tibi, & Consuli-  
 bus, & Octauiano scripsi, vt me faceretis certiorum, quonam  
 modò plurimum possem prodesse Reip. Sed, vt rationem in eo,  
 quo die prælium Pansa commisit, eodem à Gadibus naues pro-  
 fectæ sunt; nulla enim post hyemem fuit ante eum diem nauig-  
 ratio. Et herculè, longè remotus ab omni suspitione futuri ci-  
 uilis tumultus, penitus in Lusitania legiones in hibernis collo-  
 caram. Ita porrò festinauit vterque configere, tanquam ni-  
 hil peius timerent, quàm ne sine maximo Reipu. detrimento  
 bellum componeretur. Sed, si properandum fuit, nihil non sum-  
 mi duci consilio gessisse Hirtium video. Nam hæc mihi scri-  
 buntur ex Gallia Lepidi, & nunciantur, Pansæ exercitum conci-  
 sum esse: Pansam ex vulneribus mortuum; eodem Prælio Mar-  
 tiam legionem interiisse, & L. Fabatum, & C. Peducæum, &  
 D. Carfulenum, Hirtiano autem prælio, & quartam legionem,  
 & omnes peræque Antonij cæsas; item Hirtij quartam, cum  
 castra quoque Antonij cepisset, à quinta legione concisam  
 esse; ibi Hirtium quoque periisse, & Pontium Aquilam: dici  
 etiam Octavianum cecidisse: (quæ si, quod Dij prohibeant, ve-  
 ra sunt nō mediocriter doleo.) Antonium turpiter Mutinæ ob-  
 scessionem reliquisse: sed habere equitatum, ac legiones sub si-  
 gnis armatas tres, & P. Vagrenis vnam, inermes benè multos;  
 Ventidium quoque se cum legione septima octaua, nona co-  
 niunxisse; si nihil in Lepido spei sit, decensurum ad extrema, &  
 non modò nationes, sed etiam seruitia concitaturum; Parmam  
 direptam; L. Antonium Alpes occupasse. Quæ si vera sunt,  
 nemini nostrum cessandum est; neque expectandum, quid de-  
 cernat Senatus. Res enim cogit huic tanto incendio succurre-  
 re omnes, qui aut imperium; aut nomen denique populi Ro-  
 mani saluum esse volunt. Brutum enim XVII. cohortes, &  
 duas non frequentes tironum legiones, quas conscripserat An-  
 tonius,

tonius,

tonius, habere Audio. Neque tamen dubito, quin omnes, qui sunt de Hirtij exercitu confluent ad eum. Nam in delectu non multum spei puto esse, præsertim cum nihil sit periculosius, quam spatium confirmandi sese Antonio dari. Anni autem tempus libertatem maiorem mihi dat; propterea quia frumenta, aut in agris, aut in villis sunt itaque proximis litteris consilium meum expedietur. Nam neque deesse, neque superesse Reip. volo. Maximè tamen doleo adeo & longo, & infesto itinere ad me veniri: ut die quagragesimo post, aut ultra etiam quam facta sunt, omnia nuncientur. Vale.

## A R G V M E N T V M.

*Narrat in Antony aduentu, quid egerit; & agit gratias Cicero-  
ni, quod iniquis de se rumoribus non crediderit.*

M. LEPIDVS IMP. ITERVM PONT.

MAX. S. D. CICER.

34

**S**I valeas bene est; ego valeo. Cum audissem, Antonium cum suis copijs, præmisso L. Antonio cum parte equitatus, in Prouinciã meam venire; cum exercitu meo ad confluentem Rhodano castra moui, ac contra eos venire institui. Itaque continuis itineribus ad Forum Vocontium veni, & ultra castra ad flumen Argenteum contra Antonios feci P. Ventidius suas legiones tres coniunxit cum eo; & ultra me castra posuit. Habebat antea legionem secundam, & ex reliquis legionibus magnam multitudinem; sed inermium. Equitatum habet magnum; nam omnis ex prælio, integer discessit; ita ut sint amplius equitum XXX. Itaque ad me complures milites, & equites ab eo transferunt: & in dies singulos eius copię minuuntur, Silanus, & Culeo ab eo discesserunt. Nos, etsi grauiter ab his læsi eramus, quod contra nostram voluntatem ad Antonium ierunt; tamen nostræ humanitatis, & necessitudini causa, eorum salutis rationem habuimus. Nec tamen eorum opera vitimur; neque in castris habemus, neque ulli negotio præfecimus. Quod ad bellum hoc attinet, nec Senatui, nec Reip. deerimus: quæ postea egerimus, faciam te certior. Etsi omni tempore summa studia, officiaque mutua inter nos certatim constiterunt pro nostra  
inter

inter nos familiaritate, & proinde diligēter ab utroque conseruata sunt; tamen non dubito, in tanto, & tam repentino mori Reip. quin nonnulla de me falsis rumoribus à meis obtrectatoribus, me indigna, ad te delata sint, quæ tuum animum magnopere mouerent pro tuo amore in Remp. Ea te moderatè accepisse, neq; temerè credendum iudicasse, à meis procuratoribus certior sum factus: quæ mihi, ut debent, gratissima sunt. Memini autem & illa superiora, quæ abs tua voluntate profecta sunt ad meam dignitatem augendam, & ornandam; quæ perpetuò animo meo fixa manebunt. Abs te, mi Cicero, magnopere peto, si meam vitam, studium, diligentiam superioribus temporibus in Rep. administranda, quæ Lepido digna sunt, perspecta habes; ut paria, aut eò ampliora reliquo tempore expectes; & proinde tua auctoritate me tuendum existimes; quò tibi plura tuo merito debeo. Vale. VII. Kal. Iun. ex castris, ex Ponte Argenteo.

### ARGUMENTVM.

*Antonij recepti causam confert in milites suos, dissensionem ciuium inique ferentes.*

M. LEPIDVS IMP. ITERVM PONT.

MAX. SEN. POP. P. L. Q. R.

35

**S**I vos, liberiq; vestri valeris bene est; ego quoque valeo Deos, hominesq; testor P.C. qua mente, & quo animo semper in Remp. fuerim, & quàm nihil antiquius communi salute, ac libertate iudicari; quod vobis breui probassem, nisi mihi fortuna proprium consilium extorsisset. Nam exercitus cunctus consuetudinem suam in ciuibus conseruandis, communique pace, seditione facta, retinuit: meq; tantæ multitudinis ciuium Rom. salutis, atque incolumitatis causam suscipere, ut verè dicam, coegit. In qua re ego vos P.C. oro, atque obsecro, ut, priuatis offensionibus omissis, summæ Reip. consulatis; neve misericordiam nostram, exercitusque nostri in ciuili dissensione sceleris loco ponatis. Quòd si salutis omnium, ac dignitatis rationem habueritis, melius & vobis, & Reipublicæ consulētis. Data IV. Kal. Iun. à Ponte Argenteo. Valere.

M. TVL-

M. TVLLII  
CICERONIS  
EPISTOLARVM

Ad Brutum, & alios,

LIBER VNDECIMVS.

ARGVMENTVM.

*D. Brutus, M. Bruto, & C. Cassio, quibuscum Casarem occiderat, sermonem cum Hirtio habitum exponit: postulatamque à se liberam legationem significat.*

D. BRVTVS S. D. M. BRVTO,  
ET C. CASSIO.



Vo in statu simus, cognoscite. Heri vesperi apud me Hirtius fuit: qua mente esset Antonius demonstravit; pessima scilicet, & infidelissima. Nā se neq; mihi provinciam dare posse aiebat, neq; arbitrari tutū in Vrbe esse quemquā nostrum: adeo esse militum cōcitatos animos, & plebis. Quod vtrumq; esse falsum, puto vos animaduertēre; atq; illud esse verū, quod Hirtius demonstrabat, timere eū, ne si mediocre auxilium dignitatis nostræ habuissemus, nullæ partes ijs in Rep, relinquerētur. Cū in his angustijs versaret, placitū est mihi, vt postularem legationem liberam mihi, reliquisq; nostris; vt aliqua causa proficiscendi honesta quæreretur. Hoc se impetraturum pollicitus est; nec tamen impetraturū confido; tanta est hominum insolentia, & nostri infectatio. Ac, si dederint quod petimus; tamen paullo post futurū puto, vt hostes iudicemur, aut aqua, & igni nobis interdicatur. Quid ergo est, inquis, tui consilij? Dandus est locus fortunæ: cedendum ex Italia: migrandum Rhodum, aut aliquod terrarū arbitror. Si melior casus fuerit, reuertemur Romā; si mediocris, in exilio vivemus; si pessimus, ad nouissima auxilia descēdemus. Succurrer fortasse hoc loco

nec quidquam aliud libertate communi quæſiſſe, exitus declarat. Fallere nemo nos poteſt, niſi tu: quod certè abeſt à virtute tua, & fide, ſed alius nemo facultatem habet decipiendi nos: tibi enim vni credidimus, & credituri ſumus. Maximo de nobis timore afficiuntur amici noſtri. Quibus etſi tua fides explorata eſt, tamen illud in mentem venit, multitudinem veteranorum faciliùs impelli ab alio quolibet, quam à te retineri poſſe. Reſcribas nobis ad omnia, rogamus. Nam illud valdè leue eſt, ac nugatorium, ea re denunciandum eſſe veteranis, quòd de commodis eorum menſe Iunio ſaturus eſſes: quem enim impedimento futurum putas, cùm de nobis certum ſit nos quieturos? Non debemus cuiquam videri nimium vitæ cupidi, cum accidere nobis nihil poſſit ſine perniciæ, & confuſione omnium rerum. Vale.

## A R G V M E N T V M.

*Expoſtulatatio ad contumelioſas, & minaces Antonij litteras.*

BRVT. ET CASSIVS PRÆT. S. D.  
ANTONIO COS.

**L**itteras tuas legimus: ſimilimas ediſti tui, contumelioſas, minaces, minimè dignas, quæ à te nobis mitterentur. Nos Antonij, te nulla laceſſuimus iniuria: neq; miraturū credidimus ſi Prætores, & ea dignitate homines, aliquid ediſto poſtulemus à Conſule. Quod ſi indignaris auſos eſſe id facere; concede nobis, vt doleamus, ne hoc quidem abs te Bruto, & Caſſio tribui. Nam de delectibus habitis, & pecunijs imperatis, exercitibus ſollicitatis & nuncijs trans mare miſſis, quod te queſtū eſſe negas; nos quidem tibi credimus, optimo animo te feciſſe: ſed tamen neq; agnoſcimus quidquam eorū; & te miramur; cū hæc reticueris, non potuiſſe continere iracundiam tuam, quin nobis de morte Cæſaris obijceres. Illud verò quemadmodū ferendū ſit, tute cogita; nō licere Prætorib; concordia, ac libertatis cauſa per ediſtū de ſuo iure decedere, quin Conſul arma minetur. Quorum ſiducia nihil eſt, quod nos terreas; neq; enim decet, aut conuenit nobis; periculo vlli ſubmittere animum noſtrum; neq; eſt Antonio poſtulandū, vt ijs imperet, quorum opera liber eſt,

V

Nos



Nos si alia hortarentur, ut bellum civile suscitare vellemus? litteræ tuæ nihil proficerent? *Nulla enim minantis auctoritas apud liberos est.* Sed pulchre intelligis, non posse nos quodquam impelli; & fortassis ea te minaciter agis, ut iudicium nostrum metus videatur. Nos in hac sententia sumus, ut te cupiamus etiam in libera Rep. magnum, atque honestum esse, vocemus te ad nullas inimicitias; sed tamen pluris nostram libertatem, quam tuam amicitiam æstimemus. Tu etiam atque etiam vide, quid suscipias, quid sustinere possis; neque quàm diu misceat Cæsar, sed quam non diu regnarit, fac cogites. Deos quæsumus, consilia tua Reip. salutaria sint, ac tibi; sin minus, ut, salva atque honesta Repub. tibi quàm minimum noceant, optamus. Pridie Non. Sext.

### ARGUMENTVM.

*Res à se gestas exponit: pro quibus rogat Ciceronem, ut sibi sua sententia supplicationes decernat.*

D. BRVTVS IMP. COS. DES. S. D. CIC.

**S**Ide tua in me voluntatē dubitare multis à te verbis petere, ut dignitatem meam tuerere; sed profecto est ita, ut mihi persuasū, me tibi esse curæ. Progressus sum ad Transalpinos cum exercitu: non tam nomen captans imperatorium quàm cupiens militibus satisfacere, firmosque eos ad tuendas nostras res efficere: quod mihi videor consecutus: nam & liberalitatem nostram, & animum sunt experti. Cum omnium bellicosissimis bellum gessi: multa castella cepi, multa vastavi: non sine causa ad Senatum litteras misi: adiua nos tua sententia. Quod cum facies, ex magna parte communi commodo inferuieris. Vale.

### ARGUMENTVM.

*Excusat, se, quod Bruti litteris non responderit: hortatur ad libertatem recuperandam: sua studia, officiaque pollicetur.*

CICERO S. D. BRVTO. IMP.

**L**Vpus, familiaris noster, cum à te venisset, cumque Romæ quosdam dies commoraretur, ego eram in ijs locis, in qui-

quibus maximè tuto me esse arbitrabar. Eò factum est, vt ad te Lupus sine meis litteris rediret, cum tamen curasset tuas ad me perferendas. Romam autem veni ad V. Id. Dec. nec habui quidquam antiquius, quam vt Pansam statim conuenirem: ex quo ea de te cognoui, quæ maximè optabam. Quare hortatione tu quidem non eges, sine illa quidem in re, quæ à te gesta est post hominum memoriæ maxima, hortatorem desiderasti. Illud tamen breuiter significandum videtur, populum Rom. omnia à te expectare: atque in te aliquando recuperandæ libertatis omnem spem ponere. Tu, si dies, noctesque memineris, quod te facere certo scio, quantam rem gesseris: non obliuiscere profectò, quantæ tibi etiam nunc gerendæ sint. Si enim idest Prouinciæ nactus erit; cui quidem ego semper amicus fui antequam illum intellexi non modò apertè, sed etiam libenter cum Rep. bellum gerere; spem reliquam nullam video salutis. Quamobrem te obsecro istidem precibus, quibus Senatus, Populusque Rom. vt in perpetuum Rempubl. dominatæ regio liberetur, vt principiis consentiant exitus. Tuum est hoc munus tuæ partes: à te hoc ciuitas, vel omnes potius gentes non expectant solum, sed etiam postulant. Quanquam, cum hortatione non egeas, vt supra scripsi, non vtar ea pluribus verbis, faciam illud, quod meum est; vt tibi omnia mea officia, studia, curas, cogitationes pollicear, quæ ad tuam laudem, & gloriam pertinebunt. Quamobrem velim tibi ita persuadeas, me tum Reip. causa, quæ mihi vita mea carior est, tum quòd tibi ipsi faueream tuamque dignitatem amplificari velim, tuis optimis consilijs, amplitudini, gloriæ nullo loco defuturum. Vale,

## A R G V M E N T V M.

*Suam dignitatem Brutus commendauerat: respondet Cicero sibi eam etiam atque etiam cura fore: idque iam in Senatum declaratum.*

## CICERO S. D. BRVTO IMP.

**L**upus noster, cum Romam sexto die Mutina venisset, post die me mane conuenit, tuaque mihi mandata diligentissimè exposuit, & litteras reddit. Quod mihi tuam digni-

tatem commendas; eodem tempore existimo te mihi meam dignitatem commendare; quam meherculè non habeo tua carior. Quàm mihi gratissimum facies: si exploratum habebis, tuis laudibus nullo loco nec consilium, nec studium meum defuturum. Cum Tribuni pleb. edixissent, ut Senatus adesset ad XIII. Kal. Jan. haberemque in animo de præsidio Consulum Des. referre; quamquam statueram in Senatum ante Kal. Jan. non venire: tamen, cum eo die ipso edictum tuum propositum esset, nefas esse duxi, aut ita haberi Senatum, ut de tuis diuinis in Remp. meritis sileretur; quod factum esset, nisi ego venissem; aut, etiam si quid honorificè de te diceretur, me non adesse. Itaque in Senatum veni mane: quod cum esset animaduersum, frequentissimi Senatores conuenerunt. Qua de re in Senatu egerim, quæ in concione maxima dixerim, aliorum te litteris malo cognoscere. Illud tibi persuadeas velim, me omnia, quæ ad tuam dignitatem augendam pertinebunt, quæ est per se amplissima summo semper studio suscepturum, & defenturum. Quod quamquam intelligo me cum multis esse facturum; tamen appetam huius rei principatum. Vale.

#### ARGUMENTVM.

*Hortatur Brutum ne in salutem populi Romani conseruanda Senatus auctoritatem expectet: sed voluntatem Senatus pro auctoritate habeat.*

#### CICERO S. D. BRUTO IMP.

7

**C**UM adhibuisset domi meæ Lupus me, & Libonem, Seruium consobrinum tuum; quæ mea fuerit sententiâ; cognosce te ex Cn. Seio arbitror, qui nostro sermoni interfuit; reliqua, quamquam statim Scium Græceus est subsecutus, tamen ex Græceo poteris cognoscere. Caput autem est hoc, quod te diligentissimè præcipere, & meminisse velim, ut ne in libertate, & salute populi Romani conseruanda auctoritatem Senatus expectes nondum liberi; ne tuum factum condemnes (nullo enim publico consilio Remp. liberaisti; quod est etiam res illa maior, & clarior) & adolescentem, vel puerum potius Cæsarem iudices temerè fecisse, qui tantam causam publicam priua-

privato consilio suscepit; denique homines rusticos, sed fortissimos viros, civesque optimos, dementes fuisse iudices primum milites veteranos, comilitones tuos, deinde legionem Martiam, legionem Quartam, quæ suum Consulem hostem iudicauerunt, seque ad salutem Reip. defendendam contulerunt. Voluntas Senatus pro auctoritate haberi debet, cum auctoritas impeditur metu. Postremo suscepta tibi causa iam bis est, ut non sit integrum; primum Idibus Mart. deinde proximè exercitu nouo, & copijs comparatis. Quamobrem ad omnia ita paratus, atque animatus esse debes; non ut nihil facias, nisi iussus; sed ut ea geras, quæ ab omnibus summa cum admiratione laudentur. Vale.

## A R G V M E N T V M.

*Scribit de Legatis ad Antonium de pace missis, quæque sit omnium de Bruto expectatio, consensioque ad libertatem recuperandam.*

CIC. S. D. BRUTO IMP.

§

**E**O tempore Polla tua misit ad me ut ad te, si quid vellem, darem litterarum, cum, quid scriberem, non habebam. Omnia enim erant suspensa propter expectationem legatorum: qui quid egissent, nihil dum nunciabatur. Hæc tamen scribenda existimaui: primum, Senatum, populumque Rom. de te laborare non solum salutis suæ causa, sed etiam dignitatis tuæ. Admirabilis est enim quædam tui nominis caritas, amorque in te singularis omnium civium. Ita enim sperant, atque confidunt, ut antea Rege, sic hoc tempore regno te Remp. liberaturum. Romæ delectus habetur, totaque Italia: si hic delectus appellandus est, cum ultro se offerunt omnes; tantus ardor animos hominum occupavit desiderio libertatis, odioque diutinae servitutis. De reliquis rebus à te iam expectare litteras debemus, quid ipse agas; quid noster Hirrius, quid Cæsar meus; quos spero brevi tempore societate victoriæ tecum copulatos fore. Reliquum est, ut de me id scribam, quod te ex tuorum litteris & spero, & malo cognoscere; me neque deesse vlla in re, neque unquam de futurum dignitati tuæ. Fac valeas.

V 3 A R-

## A R G V M E N T V M.

*Rogat Ciceronem, prospiciat, ne utroque Consule ad Mutinam occiso, hostes Reip. conualescant: monetque, quid agendum.*

## BRVTVS S. D. CICERONI.

**P**ansa amisso, quantum detrimenti Resp. acceperis, non te præterit. Nunc auctoritate, & prudentia tua prospicias oportet; ne inimici nostri, Consulibus sublatis, sperent se conualescere posse. Ego, ne consistere possit in Italia Antonius, dabo operam: sequar eum confestim, utrumque præstaturum spero, ne aut Ventidius elabatur, aut Antonius in Italia morietur. In primis rogo te, ad hominem ventrosissimum Lepidum mittas, ne nobis bellum redintegrare possit, Antonio sibi coniuncto. Nam de Pollione Asinio, puto te perspicere, quid sit factururus: multæ, & bonæ, & firmæ sunt legiones Lepidi, & Asinij. Neque hæc idcirco tibi scribo, quod te non eadem animaduertere sciam; sed quod mihi persuasissimum est, Lepidum rectè facturum nunquam, si fortè vobis, id de hoc dubium est. Plancum quoque confirmetis, oro: quem spero, pulso Antonio, Reip. non defuturum. Si se Alpes Antonius transierit, constitui præsidium in alpihus collocare, & te de omni re facere certiore III. Kal. Maij, ex castris Rhegij.

## A R G V M E N T V M.

*Queritur de quorundam maleuolentia, & Reip. periculum exponit.*

## BRVTVS S. D. CIC.

**N**on mihi Rempubl. plus debere arbitror, quàm me tibi. Gratiorem me esse in te posse, quàm isti peruersi sint in me, exploratum habes; si tamen hæc temporis videantur dici causa, malle me tuum iudiciũ, quàm ex altera parte omnium istorum, tu enim accerto sensu, & vero iudicas de nobis, quod isti ne faciant, summa maleuolentiã, & liuore impediuntur. Interpellent me quod minus honoratu sim: dum ne interpellent, quo minùs Resp. à me commodè administrari possit; quæ quanto sit in periculo, quàm potero breuissimè exponam.

Pri-

mi Giannini

Primum omnium, quantam perturbationem rerum vrbana-  
rum afferat obitus Consulum, quantamque cupiditatem homi-  
nibus iniiciat vacuitas, non te fugit: Satis me multa scripsisse,  
quæ litteris commendari possint: arbitror: scio enim cui scri-  
bam. Reuertor nunc ad Antonium; qui ex fuga cum paruu-  
lam manum peditem haberet inermium, ergastula soluendo:  
omneque genus hominum arripiendo, satis magnum nume-  
rum videtur effecisse. Huc accessit manus Ventidij; quæ, trans  
Apenninum itinere facto difficilissimo ad Vada peruenit; atque  
se ibi cum Antonio coniunxit. Est numerus veteranorum, &  
armatorum satis frequens cum Ventidio. Consilia Antonij  
hæc sint, necesse est; aut ad Lepidum vt se conferat, si recipitur;  
aut Apennino, Alpibusque se teneat, & decursionibus per equi-  
tes, quos habet multos vastet ea loca, in quæ incurrerit; aut  
rursus se in Etruriam referat; quod ea pars Italiæ sine exercitu  
est. Quod si me Cæsar audisset, atque Apenninum transisset,  
in tantas angustias Antonium compulissem, vt inopia potius,  
quàm ferro, conficeretur. Sed neque Cæsari imperari potest;  
nec Cæsar exercitui suo; quod vtrumque pessimum est. Cum  
hæc talia sint: quod minus, quod ad me pertinebit, homines in-  
terpellent, vt supra scripsi, non impedio. Hæc quemadmodum  
explicari possint aut, à te cum explicabuntur, ne impediuntur,  
timeo. Alere iam milites non possum. Cum ad Remp. libe-  
randam accessi H. S. mihi fuit pecuniæ quadringenties am-  
plius. Tantum abest, vt meæ rei familiaris liberum sit quid-  
quam; vt meos tam omnes amicos ære alieno obstrinxerim.  
Septenum numerum legionum alo; quia difficultate, tu arbitra-  
re; non, si Varronis thesauros haberem, sustinere sumptum  
possem. Cum primum de Antonio exploratum habuero, fa-  
ciam te certiore. Tu me amabis; ita, si hoc idem me in te  
facere senseris. III. Non. Maij, ex castris, Dertona. Vale.

## A R G V M E N T V M.

*Scribit de Antonij profectiōe ad Lepidum, & de dubia Plan-  
ci fide, suoque in Rempubl. studio, atque constantia.*

BRVTVS IMP. COS. DES. S. D. CICERONI. 11

**E**odem exemplo litteræ à te mihi redditæ sunt, quo pueri mei attulerunt. Tantum me tibi debere existimo, quantum persolvere difficile est. Scripsit tibi, quæ hic gererentur. In itinere est Antonius: Ad Lepidum proficiscitur; ne de Plancio quidem spem adhuc abiecit, ut ex libellis eius animaduerti, qui in me inciderunt; in quibus, quos ad Asinium, quos ad Lepidum, quos ad Plancum mitteret scribebat. Ego tamen non habui ambiguum; & statim ad Plancum misi: & biduo ab Allobrogibus; & totius Galliæ legatos expecto; quos confirmatos domum remittam. Tu, quæ istic opus erunt administrari, prospicies, ut ex tua voluntate, Reiquepub. commodo fiant. Maleuolentiæ hominum in me, si poteris, occurreris: si non. Poteris, hoc te consolabere, quod me de statu meo nullis contumelijs detertere possunt. Pridie Non. Maij, ex castris, finibus Statiensium.

## A R G V M E N T V M.

*Ita queritur bellum ab Antonio renouatum, ut in eo Bruti culpam videatur agnoscere.*

CIC. S. D. BRVTO IMP. COS. DES. 12

**T**Res vno die à te accepi epistolas; vnam breuem, quam Flacco Volumnio dederas; duas pleniores, quarum alteram tabellarius T. Vibij attulit; alteram ad me misit Lupus. Ex tuis litteris, & ex Græcij oratione non modo non restinctum bellum, sed etiam inflammatum videtur. Non dubito autem pro tua singulari prudentia, quin perspicias, si aliquid firmitatis haustus sit Antonius, omnia ille tua præclara in Remp. merita ad nihilum esse ventura. Ita enim Romam erat nunciatum, ita persuasum omnibus, cum paucis inermibus, perterritis metu, fracto animo fugisse Antonium. Qui si ita se habet, ut quemadmodum audiebam Græcio, configi cum eo sine periculo non possit, non ille mihi fugisse à Mutina videtur, sed locum belli gerendis mutasse. Itaq; homines alij fracti sunt; nonnulli etiam quaeruntur, quod persecuti non sitis: opprimi potuisse, si cele-

celeritas adhibita esset, existimant omnino. EST hoc populi, maximèque nostri, in eo potissimum abuti libertate, per quem eam consecutus sit. Sed tamen providendum est, ne qua iusta querela esse possit. Res sic se habet: is bellum confecerit, qui Antonium oppresserit, hoc quam habeat vim, te existimare malo, quam me apertius scribere. Vale.

### ARGVMENTVM.

*Excusat tarditatem suam in Antonio persequendo; & quo res in statu sit, exponit.*

BRVTVS IMP. COS. DES. S. D. CICERONI. 13

**I**Am nō ago tibi gratias: cui enim re vix referre possum, huic verbis non patitur res satisfieri. Attendere te volo, quæ in manibus sunt; qua enim prudentia es, nihil te fugiet, si meas litteras diligenter legeris. Sequi confestim Antonium his de causis, Cicero, non potui, eram sine equitibus, sine iumentis. Hirtiū perijsse nesciebam: Cæsari non credebam prius, quàm conuenissem, & collocutus esse. Hic dies hoc modo abiit; postridie mane à Panfa sum accersitus Bononiam. Cū in itinere essem, nunciatum mihi est eum mortuum esse. Recurri ad meas copias: sic enim verè eas appellare possum. Sunt extenuatissimæ, & inopia omnium rerum pessimè acceptæ. Biduo me Antonius antecessit; itinere multo maiore fugiens, quàm ego sequens; ille enim ijt passim: ego ordinatim. Quæcunque fuit ergastula soluit, homines abripuit: constitit nusquam priusquam ad Vada venit; quem locum volo tibi esse notum, iacet inter Apenninum, & Alpes, impeditissimus ad iter faciendum. Cum ab essem ab eo millia passum triginta, & se iā Ventidio coniunxisset: concio eius ad me est allata; in qua petere cæpit à militibus, ut se trans Alpes sequerentur; sibi cum M. Lepido conuenire. Succlamatum est & frequenter à militibus Ventidianis; (nam suos valdè quam paucos habet) sibi aut in Italia pereundum esse, aut vicendum, & orare ceperunt, ut Pollentiam iter facerent: cum sustinere eos non posset, in posterum diem iter suum contulit. Hac te mihi nunciata, statim quinque cohortes Pollentiam præmisi, meumque iter cōcōtuli. Hora ante præsidiū meum



meum Potentiam venit, quam Trebellius cum equitibus. Sanè quàm sum gauisus: in hoc enim victoriam puto consistere. In spei venerant, quòd neque Planci quatuor legiones omnibus suis copijs pares arbitrabuntur; neque ex Italia tam celeriter exercitum transjici posse credebant: quos ipsi adhuc satis arroganter Allebroges, equitatusque omnis, qui eo præmissus erat à nobis, sustinebant: nostroque aduentu sustineri facilius posse confidimus. Tamen, si quo etiam casu Isaram se transiecerint: ne quid detrimenti Reipublice iniungant, summa à nobis dabitur opera. Vos magnum animum, optimam spem de summa Reip. habere volumus, cū & nos, & exercitus nostros, singulari concordia coniunctos, ad omnia pro vobis videaris paratos. Sed tamen nihil de diligentia remittere debetis; dareque operam, ut quam paratissimi ab exercitu, reliquisque rebus pro vestra salute contra sceleratissimam conspirationem hostium configamus: qui quidem eas copias, quas diu simulatione Reip. comparabant, subito ad patriæ periculum conuertunt.

#### ARGUMENTVM.

*Ad Bruti litteras respondet de Octauiano ornando, de legionibus ad Brutum perducendi, de pecunia, alijsque rebus.*

CICERO S. D. BRUTO IMP.

14

**M**irabiliter, mi Brute, lætor mea consilia, measque sententias à te probari, decemuiris, de ornando adolescente: sed quid refert? mihi crede, homini non glorioso, planè iam Brute frigeo, ὄργανον enim erat meum Senatus, id iam est dissolutum. Tanta in spei attulerat exploratæ victoriæ tuæ præclara Mutina eruptio, fuga Antonij conciso exercitu, ut omnium animi relaxari sint: neque ille vehementes contentiones tanquam σιναμαχίας esse videantur. Sed, ut ad rem redeam, legionem Martiam, & Quartam negant, qui illas norunt, vlla cōditione ad te posse perducì Pecuniæ, quam desideras, ratio potest haberi, eaque habebitur. De Bruto accersendo, Cæsareque ad Italiæ præsidium tenendo, valde tibi assentior. Sed, ut scribis, habes obtrectatores: quos quidem facillimè sustineo: sed impediunt tamen. Ex Africa legiones expectantur: sed bel-

bellum istuc renatum homines mirantur nihil tam præter spem  
vnquam; nam die tuo natali victoria nunciata, in multa sæcu-  
la videbamus Remp. liberatam; noui timores reuertuntur supe-  
riora. Scripsisti autem ad me ijs, quas Idibus Maij dedisti, mo-  
dò te accepisse à Planco litteras non recepi à Lepido Antoniũ :  
Id si ita est omnia faciliora; sin aliter, magnum negotium :  
cuius exitum me extimescam, tuæ partes sunt. Ego plus quam  
feci, facere non possum; te tamen, id quod spero, omnium ma-  
ximum, & clarissimum videre cupio. Vale.

ARGVMENTVM.

*Laudat officium, & diligentiam Bruti: voluptatem, latitiamque  
omnium significat ex Bruti: Plancique coniunctione, eumque  
hortatur, ut in tuenda Rep. seipsum vincat.*

CICERO S. D. BRVTO IMP.

15

**E** T si mihi tuæ litteræ iucundissimæ sunt, tamen iucundius  
fuit, quod in summa occupatione tua Planco Collegæ  
mandasti, vt te mihi per litteras excusaret: quod fecit ille diligen-  
ter, mihi autem nihil amabilius officio tuo, & diligentia. Con-  
iunctio tua cum Collega, concordiaque vestra, quæ litteris  
communibus declarata est, Senatui, populoque Romano gra-  
tissima accidit. Quod superest, perge, mi Brute: & iam non  
cum alijs, sed tecum ipse certa. Plura scribere non debeo, præ-  
sertim ad te, quo magistro breuitatis vti cogito. Litteras tuas  
vehementer expecto, quidem tales, quales maximè opto.

ARGVMENTVM.

*Commendat L. Ælium Lamiam in petitione Prætura.*

CICERO S. D. BRVTO IMP.

16

**P** Ermagni interest, quo tibi hæc tempora epistola reddita  
sit; virum, cum sollicitudinis aliquid haberes; an, cum ab  
omni molestia vacuus esses. Itaque ei præcepi, quem ad te mi-  
si, vt tempus obseruaret epistolæ tibi reddendæ: nam quemad-  
modum coram qui ad nos intempestiuè adeunt, molesti sæ-  
pè sunt: sic epistolæ offendunt, non loco redditæ. Si autem  
spe-

ut spero nihil te perturbat, nihil impedit; & ille, cui mandaui, satis scite, & commodè tempus ad te cepit adeundi: confido me, quod velim; à te facile impetraturum. L. Lamia Præturam petit. Hoc ego vtor vno omnium plurimum: magna vetustas, magna consuetudo intercedit: quodque plurimum valet, nihil est eius familiaritate iucundius: magno præterea beneficio eius, magnoque merito sum obligatus. Nam Clodianis temporibus, cum equestris ordinis princeps esset, proque mea salute acerrimè propugnaret à Gabinio Cos. relegatus est; quod ante id tempus cui Romano Romæ contigit nemini. Hoc cum populus Rom. meminerit, me ipsum non meminisse turpissimum est. Quapropter persuade tibi, mi Brute, me petere Præturam. Quanquam enim Lamia summo splendore, summa gratia est, usus magnificentissimo munere ædilitio; tamen, quasi ea ita non essent, ego suscepi totum negotium. Nunc, si me tanti facis, quanti certè facis; quando equitum centurias teneš, in quibus regnas, mitte ad Lupum nostrum, ut is nobis eas centurias conficiat: Non tenebo te pluribus: ponam in extremo, quod sentio; nihil est Brute, cum omnia à te expectem, quod mihi gratius facere possis. Vale.

### ARGVMENTVM.

*Commendat eundem Lamiam.*

CICERO S. D. BRVTO IMP.

17

**L**amia vno omnium familiarissimè vtor: magna eius in me non dico officia, sed merita sunt, eaque populo Romano notissima. Is, magnificentissimo munere Ædilitatis functus, petit præturam: omnesque intelligunt, nec dignitatem ei deesse, nec gratiam. Sed is ambitus exstare videtur, ut ego omnia pertimescam; totamque petitionem Lamiæ mihi sustinendam putem. In ea re quantum me possis adiuuare, facile perspicio: nec verò, quantum mea causa velis, dubito. Velim igitur, mi Brute, tibi persuadeas, nihil me maiore studio à te petere, nihil te mihi gratius facere posse, quàm si omnibus tuis opibus, omni studio Lamiam in petitione iuueris: quod ut facias, vehementer te rogo. Vale.

AR-

## A R G V M E N T V M.

*Reprehendit in Bruto nonnullam timoris significationem.*

CICERO S. D. BRVTO IMP.

18

**E**T si ex mandatis, quæ Galbæ, Volumnioque ad Senatum dedisti, quid timendum, suspicandumque putares suspicamur, tamen timidiora mandata videbantur, quàm erat dignum tua, populi que Rom. victoria. Senatus autem, mi Brute, fortis est, & habet fortes duces; itaque molestè ferebat, se te quem omnium, quicumque fuissent, fortissimum iudicaret, timidum, atque ignaum iudicari. Etenim cum te incluso, per maximam omnes habuissent in tua virtute, florente, Antonio quis erat, qui quidquam timeret, profligato illo, te liberabo? Nec verò Lepidum timebamus, quis enim esset, qui illum, aut furiosum arbitraretur, ut qui in maximo bello pacem velle dixisset, is in optatissima pace bellum Reip. indiceret? nec subito, quin tu plus prouideas: sed tamen, tam recenti gratulatione, quam tuo nomine ad omnia Deorum templa fecimus, enouatio timoris magnam molestiam afferebat. Quare velim quidem, id quod spero, ut plane abiecto, & fractus sit Antonius: sin aliquid virium fortè collegerit; sentiet, nec Senatui consilium, nec populo Romano virtutem deesse, nec Reipub. te viuo, Imperatorem. XIV. kal. Iun. Vale.

## A R G V M E N T V M.

*Timere se scribit Reip. vicem: & Vicetinos commendat.*

BRVTVS S. D. CICERONI.

19

**A**D Senatum quas litteras misi, velim prius per legas: & si qua tibi videbuntur, commu- es; necessario me scrip- sisse, ple animaduertes. Nam cum putarem Quartam & Mariam regiones mecum futuras, ut Druso, Pauleque placuerat, vobis essentientibus, minus de reliquis rebus laborandum existimaui. Nunc vero, cum sim cum tironibus egen- tissimis: valde & meam & vestram vicem timeam necesse est. Vicetini me & M. Brutum præcipue obseruant; his nequam patiari iniuriam fieri

fieri in Senatu vernarum causa à te peto. Causam habent optimam, officium in Remp. summum, genus hominum aduersariorum seditiosum, & inertissimum, XII. kal. Iun. Vercellis.

ARGUMENTVM.

*Timere se ait Ciceronem causa, cumque monet, ut veteranorum animos sibi conciliat.*

BRVTVS IMP. S. D. CICER.

20

**Q**Uod pro me non facio, id pro te facere meus in te amor, tuaque officia cogunt, vt timeam. Sæpe enim mihi cum esset dictum, neque à me contemptum, nouissimè Labeo Segulius homo suissimissimus, narrauit mihi; apud Cæsarem fuisse, multumque sermonem de te habitum esse: ipsum Cæsarem nihil sanè de te quæstum, nisi dictum, quod diceret te dixisse, laudandum adolescentem, ornandum, tollendum, se non esse commissurum, vt tolli possit. Hoc ego Labeonem credo illi retulisse; aut sinxisse dictum, non ab adolescente prolatum. Veteranos verò pessimè loqui, volebat Labeo me credere, & tibi ab ijs instare periculis; maximèque indignari, quod in decem viris neque Cæsar, neque ego habitii essemus, atque omnia ad vestrum arbitrium essent collata. Hæc cum audissem, & iam in itinere essem; commitendum non putaui prius, vt Alpes transgrederer, quàm, quid istic ageretur, scirem. Nam de tuo periculo, crede mihi, iactatione verborum, & denunciatione periculi sperare eos, te perterrefacto, adolescente impulsio, posse magna consequi præmia; & totam istam cantilenam ex hoc pendere, vt quamplurimum lucri faciant. Neque tamen non te cautum esse volo, & insidias vitantem; nihil enim tua mihi vita potest esse iucundius, neque carius. Illud vide, ne, timendo, magis timere cogare; & quibus rebus potest occurrere veteranis, occurras. Primum quod desiderant de Decem viris, facias; deinde, de præmijs, si tibi videretur, agros militum eorum, qui cum Antonio veterani fuerunt, his dandos censeas ab vtriusque nostrum; de nummis, lentè, ac ratione habita pecuniæ; Senatum de ea re constituturum. Quatuor legionibus ijs, quibus agros dandos censuisti, vide

facul-

facultatem fore ex agris Syllanis, & agro Campano; æqualiter, aut sorte agros legionibus assignari puto oportere. Hæc me tibi scribere non prudentia mea horretur, sed amor in te, & cupiditas otij: quod sine te consistere non potest. Ego nisi valde nece esse fuerit, ex Italia non excedam. Legiones armo, paro; spero me non pessimum exercitum habiturum ad omnes casus, & impetus hominum. De exercitu, quem Pansa habuit, legionem mihi Cæsar non remittit. Ad has litteras statim mihi rescribe: tuorumque aliquem mitte, si quid reconditum magis erit, meque scire opus esse putaris. VIII. Kal. Iun. Eporædia,

## ARGVMENTVM.

*Respondet proxima superiori epistola.*

CICERO S. D. BRVTO IMP.

21

**D**ij isti Segulio malè faciant, homini nequissimo omnium, qui sunt, qui fuerunt, qui futuri sunt. Quid tu illum tecum solum, aut cum Cæsare, qui neminem prætermiserit, qui cum loqui potuerit, cui non eadem ista dixerit? Te tamen, mi Brute, sic amo, ut debeo, quod istud, quidquid esset, nugarum, me scire voluisti: signum enim magnum amoris dedisti. Nam quod idem Segulius ait, veteranos quæri, quod tu & Cæsar in Decem viris non essetis, utinam ne ego quidem essem; quid enim molestius? Sed tamen, cum ego sensissem, de ijs, qui exercitus haberent, sententiam ferri oportere; iidem illi, qui solent, reclamationes; itaque excepti etiam estis, me vehementer repugnante. Quocirca Segulium negligamus, qui res nouas quærit; non quod veterem comederit (nulla enim habuit) sed hanc ipsam recentem nouam deuorauit. Quod autem scribis, te, quod pro te ipso non facias, id pro me facere, ut de me timeas aliquid, omni te, vir optimè, mihi que carissime Brute, de me metu libero. Ego enim quæ prouideri poterunt, non fallar in ijs, quæ cautionem non habebunt, de ijs non ita valde laboro; sin etenim impudens, si plus postulem, quam homini à rerum natura tribui potest. Quod mihi præcipuis, ut caueam, ne, timendo, magis timore cogar; & sapienter, & amicissime præcipis; sed velim tibi persuadeas, cum te consistet excellere hoc genere

genere virtutis, ut nunquam extimescas, nunquam perturbere; me huic tuæ virtuti proximè accedere. Quamobrem neque meruam quidquam, & cauebo omnia. Sed vidi, ne tuam, mi Brute, culpa futura sit, ego quidquam timeam, tuis enim opibus, & Consulatu tuo, etiam si timidi essemus, tamen omnem timorem abijceremus; præsertim cum persuasum omnibus esset, mibique maximè nos à te vnicè diligi. Consilijs tuis, quæ scribis de quatuor legionibus, deque agris assignandis ab virisque vestrum, vehementer assentior. Itaque cum quidam de Collegis nostris agrariam curationem ligurirent; disturbaui rem totamque vobis integram reseruauit. Si quid erit occultius, &, ut scribis, reconditum: meorum aliquem mittam, quò fidelius ad te litteræ perferrantur. Vale. Prid. Non. Iun.

### ARGVMENTVM.

*Petit à Bruto, ut Ap. Claudium, qui Antoni partes secutus erat, in ciuitate retineat.*

CICERO S. D. BRUTO IMP.

22

**C**VM Ap. Claudio C. F. summa mihi necessitudo est, multis eius officijs, & meis mutuis constituta. Peto à te maiorem in modum, vel humanitate tuæ, vel mea causa, ut eum auctoritate tua, quæ plurimum valet conseruatum velis. Volo te, cum fortissimus vir cognitus sis, etiam clementissimum existimari; magno tibi erit ornamento, nobilissimum adolescentem beneficio tuo esse saluum. Cuius quidem causa hoc melior debet esse; quòd pietate adductus, propter patris restitutionem se cum Antonio coniunxit. Quare etsi minus veram causam habebis; tamen vel probabilem aliquam poteris inducere. Nurus tuus potest hominem summo ingenio, summa virtute, officiosissimum præterea, & gratissimum, incolumen in ciuitate retinere. Quod ut facias, ita à te peto, ut maiore studio, magis ex animo petere non possim. Vale.

### ARGVMENTVM.

*Hortatur Ciceronem ad bene sperandum.*

BRV-

## BRVTVS S. D. CICERONI

23

**N**Os hic valemus rectè; & quò melius valeamus, operā dabimus. Lepidus commodè de nobis sentire videtur; omni timore deposito, debemus liberè Reip. consulere. Quod si omnia essent aliena, tamen tribus tātis exercitibus propriis Reipub. valentibus, magnum animum habere debebas, quem & semper habuisti, & nunc fortuna adiuvante, augere potes. Quæ tibi superioribus litteris mea manu scripsi, terrendi tui causa homines loquuntur. Si frænum momorderis, peream, si te omnes, quotquot sunt, conantem loqui ferre poterunt. Ego, tibi vt antea scripsi, dum mihi à te litteræ veniant, in Italia morabor. Vale VIII. Kal. Iun. Eporcædia.

## ARGVMENTVM.

*Bruti epistola, si quid antea fuerat timoris, ademptum significat. Addit quid Bruto sit agendum, & de pecunia decreta.*

## CICERO S. D. BRVTO.

24

**N**arro tibi: antea subira scebar breuitati tuarum litterarum, nunc mihi loquax esse videor; te igitur imitabor. Quàm multa, quàm paucis te rectè valere, operamque dare, vt quotidie melius; Lepidum commodè sentire; tribus exercitibus quiduis non oportere confidere. Si timidus essem, tamen ista epistola mihi omnem metū absterfisse. Sed, vt mones, frenum momordi. Etenim, qui, te incluso, omnem spem habuerim in te; quid nunc putas? Cupio iam vigiliam meam. Brute, tibi tradere: sed ita, vt ne desim constantiæ meæ. Quod scribis, in Italia te moraturum: dum tibi litteræ meæ veniant; si per hostem licet, non erraris: multa enim Romæ, sin aduētū tuo bellum confici potest; nihil sit antiquius. Pecunia, expeditissima, quæ erat, tibi decreta est. Habes amantissimum tui Seruiliū: nos non desumus. Vale. VIII. Id. Iun.

## ARGVMENTVM.

*Scribit se breuitatem in scribendo amare. Bruti exemplo.*

X

Reipu.



*Reipublica spem in ipso, & in Plancio esse: de M. Bruto nihil certi.*

CICERO S. D. BRUTO IMP.

25

**E**Xpectanti mihi tuas quotidie litteras Lupus noster subitò denūciauit, ut ad te scriberem, si quid vellem. Ego autem, etsi, quid scriberem, non habebam, (acta enim ad te miti sciebam: inanem autem sermonem litterarum tibi in incūdū esse audiebam) breuitatem secutus sum, te magistro. Scito igitur in te, & in Collega spe omnem esse. De Bruto autē nihil adhuc certi: quem ego, quem admodū praecepis, privatis litteris ad bellum commune vocare non desino. Qui utinam iā adesset, iustissimum Urbis malum, quod est nō mediocre, minus timeremus. Sed quid ago? non imitor *λαχονιστὸν* tuum: altera iā pagella procedit. Vince, & Vale XIV. kal. Quint.

ARGUMENTVM.

*Sollicitus ob Antonii cum Lepido coniunctionem, postulat, ut & legiones ad eum mittantur, & stipendium.*

BRUTVS IMP. S. D. CICER.

26

**I**N maximo meo dolore hoc solatio utor, quod intelligunt homines, non sine causa me timuisse ista, quae acciderunt. Deliberent, utrum transiciant legiones ex Africa, nec ne, & ex Sardinia, Brutum accersant, nec ne mihi stipendium dent, an non decernant. Ad Senatum litteras misi. Crede mihi, nisi ista omnia ita fiūt, quemadmodū scribo: magnū nos omnes adituros periculum. Rogo te videre, quibus hominibus negotium detis, qui ad me legiones adducant. & fide opus est, & celeritate. Vale III. Non. Iun. ex castris.

ARGUMENTVM.

*Questus erat Matius, se à Cicerone, ut libertatis inimicum, accusari; Cicero factum negat.*

CICERO S. D. C. MATIO.

27

**N**ondum satis constitui, molestiae ne plus, an voluptatis, attulerit mihi Trebatius noster, homo tum plenus offi-

cij

cii, tū vtriusque nostrum amantissimus Nam cū in Tusculanum vesp̄ri venissem; postridie ille ad me, nōdum satis firmo corpore cum esset, mane venit Quem cū obiurgarem, quōd parum valetudini parceret, tum ille, nihil sibi fuisse longius, quam vt me videret. Num quidnā, & inquā, noui? Detulit ad me querelam tuam, de qua prius quā respondeo, pauca præponam. Quantū memoria repetere præterita possū, nemo est mihi te amicus antiquior, sed vetustas habet aliquid commune cū multis, amor non habet. Dilexi te, quo die cognoui, meque à te diligī iudicaui. Tuus deinde discessus, istque diuturnus, ābitio nostra, & vitæ dissimilitudo nō est passa voluntates nostras consuetudine cōglutinari. Tuum tamē erga me animum agnoui multis annis ante bellum ciuile. Cū Cæsar esset in Gallia. Quod enim vehementer mihi vtile esse putabas, nec inutile ipsi Cæsari, perfecisti, vt ille me diligeret, coleret haberet in suis. Multa, prætereo, quæ temporibus illis inter nos familiarissimē dicta, scripta, cōmunicata sunt: grauiora enim sunt consecuta. Et initio belli ciuilis, cū Brundisium versus ires ad Cæsarem venisti ad me in Formianum. Primum, hoc ipsū quanti, præsertim temporibus illis? deinde oblitum me putas cōsiliū, sermonis humanitatis tuæ? quibus rebus interesse memini Trebatii. Nec verò oblitus sū litterarum tuarū, quas de me misisti, cum Cæsari obuiā venissem in agro, vt arbitror, Trebulano. Secutum illud rēpusest, cū me ad Pompeiū proficisci, siue pudor meus coegit, siue officium, siue fortuna. Quod officium tuum, quod studium vel in absentem me, vel in præsentem meos defuit: quem porrò omnes mei, & mihi, sibi te amiciorē iudicauerunt? Veni Brundisium. Oblitum ne me putas, qua celeritate, vt primum audieris, ad me Tarento aduolaris? quæ tua fuerit accessio, oratio, confirmatio animi mei, fracti communium miseriarū metus? Tandem aliquando Romæ esse cœpimus. Quid defuit nostre familiaritatis? in maximis rebus, quonam modo me gererem aduersus Cæsarem, vsus tuo consilio sum. In reliquis officiis, cui tu tribuisti, excepto Cæsare, præter me, vt domum ventitares, horasque multas sæpe suauissimo sermone consumeres? tum, cum etiam, si meministi, vt hæc *πιστολογικὴν* scriberem,

berem, tu me impulisti. Post Cæsaris reditum, quid tibi maiori curæ fuit, quam, ut essem ego illi quam familiarissimus; quod effeceras. Quorsum igitur hæc oratio longior, quam putaram? quia sum admiratus, te, qui hæc nosse deberes, quidquam a me commissum, quod esset alienum nostra amicitia, credidisse. Nam præter hæc, quæ commemoravi, quæ testata sunt, & illustria, habeo multa occultiora, quæ vix verbis exequi possum. Omnia me tua delectât: sed maximè maxima cum fides in amicitia, consilium, gravitas constantia; tum lepos, humanitas litteræ, quapropter redeo nunc ad quærelam. Ego, te suffragium tulisse in illa lege, primum non credidi; deinde, si credidissem, nunquam id sine aliqua iusta causa existimarem te fecisse. Dignitas tua facit, ut animadvertatur, quidquid facias, malevolentia autem hominum, ut nonnulla durius, quàm à te facta sint, proferantur. Ea si tu non audis; quid dicam, nescio. Equidem, si quando audio, tam defendo, quàm me scio à te contra Iniquos meos solere defendi. Defensio autem est duplex; alia sunt, quæ liquido negare soleam, ut de isto ipso suffragio; alia, quæ defendam à te pie fieri, & humanè, ut de curatione ludorum. Sed te, hominem doctissimū, non fugit, si Cæsar Rex fuerit, quod mihi quidem videtur, in utramque partem de tuo officio disputari posse, vel in eam, qua ego uti soleo, laudandam esse fidem, & humanitatem tuam, qui amicum etiam mortuum diligas: vel in eam, qua nonnulli utuntur, libertatem patriæ vitæ amicis anteponendâ. Ex his sermonibus utinam essent delatæ ad te disputationes meæ. Illa verò duo, quæ maxima sunt laudum tuarum, quis aut libentiùs, quàm ego, commemorat, aut sæpius; te & non suscipiendi belli civilis gravissimū auctorem fuisse, & moderatæ victoriæ; in quo qui mihi non assentiretur, inveni neminem. Quare habeo gratiâ Trebatio familiari nostro, qui mihi dedit, causam harum litterarum. Quibus nisi credideris: me omnis officii, & humanitatis experte iudicaris; quo nec mihi gravius quidquam potest esse, nec à te alienus. Vale.

#### ARGUMENTVM.

*Excusatio Matii, & pro se ipso, & contra calumniatores.*

MA-

## MATIVS S. D. CICERO.

28

**M**agnam voluptatem ex tuis litteris cepi, quòd, quā sperare, atque optare, habere te de me opinionem cognoui. De qua etsi non dubitabam; tamen, quia maximi aestimabam, ut incorrupta manere, laborabam. Conscium autem mihi eram, nihil à me commissum esse, quod boni cuiusquam offenderet animum. Eo minùs credebam, plurimis, atque optimis artibus ornato tibi temerè quidquam persuaderi potuisse; præsertim in quem mea propensa, & perpetua fuisset, atque esset benevolentia. Quod quando, ut volui, scio esse: respondēdo criminibus, quibus tu pro me, ut par erat, tua singulari bonitate, & amicitia nostra sæpè restitisti; nota enī mihi sunt, quæ in me post Cæsaris mortem contulerit. Vitio mihi dant, quòd mortem hominis necessarii graviter fero, atque eū, quem dilexi, periisse indignor. Aiunt enim patriam amicitia præponendā esse: perinde ac si iam vicerint, obitū eius Reip. fuisse vtilem. Sed non agam astutè; fateor me ad istum gradum sapientiæ non peruenisse. Neque enim Cæsarem in dissensione ciuili sum secutus; sed amicum, quanquam re offendebar, tamen non deserui; neque bellum vnquam ciuile, aut etiam causam dissensionis probaui. quam etiā nascentē extinguī, sum me studui. Itaque in victoria hominis necessarii, neque honoris, neque pecuniæ dulcedine sum captus; quibus præmiis reliqui, minùs apud eum, quàm ego; cum possent, immoderate sunt abusi. Atque etiā res familiaris mea, lege Cæsaris diminuta est; cuius beneficio plerique, qui Cæsaris morte lætantur, remanserunt in ciuitate. Ciuibus victis ut parceretur, æquè, ac pro mea salute laboraui. Possum igitur, qui omnes voluerim incolames, eum, à quo id impetratum est, periisse non indignari; cum præsertim iidē homines illi & inuidiæ, & exitio fuerint. Plecteris ergo, inquiunt, quando factum nostrum improbare audes. O superbiam inauditam! alios in facinore gloriarī, aliis ne dolore quidem impundè licere. Ac hæc etiam seruis semper libera fuerunt timerent, gauderent, dolerent suo potiùs, quàm alterius arbitrio. Quæ nunc, ut quidē isti dicunt, libertatis auctores; metu nobis extorquere conantur.

X

3

Sed

Sed nihil agūt; nullius vnquam periculi terroribus ab officia, aut ab humanitate desciscā: *Nunquam enim honestam mortē fugiendam, saepe etiam appetendam putau.* Sed quid mihi succēsent; id si opto, vt pœnitēat eos sui facti cupio enim Cæsaris mortem omnibus esse acerbam. At debeo pro ciuili parte Rempubl. vellem saluam. Id quidem me cupere, nisi & ante acta vita, & reliqua mea spes, tacente me, probat; dicendo vincere non postulo. Quare maiorem in modum te rogo, ut rem potiolem oratione ducas; mihiq̃ue, si sentis expedire rectē fieri, credas nullam communionem cū improbis esse posse. An, quod adolescens pręstiti, cum etiam errare cum excusatione possem; id nunc, ætate præcipitata, commutem, ac me ipse retexam? nō faciam; neque quod displiceat, committam; præterquam quodd hominis mihi coniūctissimi, ac uiri aplissimi doleo grauem casum. Quodd si aliter essem animatus; nunquam, quod facerem, negare: ne & in peccando improbus, & in dissimulando timidus, ac uanus existimarer. At ludos; quos Cæsaris uictoriæ Cæsar adolescēs fecit, curau. At id ad priuatum officium non ad statū Reip. pertinebat. Quod tamē munus & hominis amjctissimi memoriæ, ac honoribus præstare etiam mortui debui; & optimæ spei adolescenti, ac dignissimo Cæsare, petenti negare non potui. Veni etiā Cōsulis Antonii sæpē domum, salutandi causa: ad quem, qui me parum patriæ amantem esse existimante, rogandi quidē aliquid, aut auferendi causa frequentes uentitasse reperies. Sed quæ hæc est arrogantia, quod Cæsar nunquam interpellauit, quin quibus uellem, atque etiam quos ipse non diligebat, tamen iis uterer eos, qui mihi amicum eripuerunt, carpēdo me efficere conari, ne, quos uelim diligā? Sed non uereor, ne aut meæ uitæ modestia patum ualitura sint in posterū cōtra falsos rumores; aut etiam iis, qui me, non amant, propter meam in Cæsarem constantiam, non malint mei, quā sui similes amicos habere. Mihi quidem si optata contingent, quod reliquum est uitæ, in otio Rhodī degā; sin casus aliquis interpellarit; ita ero Romæ, ut necdē fieri semper cupiā. Trebatio nostra magnas gratias ago, quodd tuū erga me animum simplicem, atque amicum, aperuit; & quodd cum; quem semper dilexi

lexi lubenter, quo magis iure colere, atque obseruare deberem; fecit. Bene uale, & me dilige.

## ARGUMENTVM.

*Profecturus in Graciam suas res Oppio commendat, commemoratis ante beneficiis ab ipso acceptis.*

CICERO S. D. OPPIO.

29

**D**Vbitanti mihi (quid scit Atticus noster) de hoc toto consilio profectionis, quod in utramque partem in mentem multa ueniebant, magnum pondus accessit ad tollendam dubitationem iudicium, & consiliū tuū; nam & scripsisti aperte, quid tibi uideretur; & Atticus ad me sermonem tuū pertulit. Semper iudicaui in te, & in capiendo consilio prudentiam summam esse, & in dando fidem; maximeque sū expertus, cū initio civilis belli per litteras te consulissem, quid mihi faciendum esse censeret, eundem ne ad Pompeiū, an manendum in Italia; suasisi, ut consulerem dignitati meæ. Ex quo, quid sentires, intellexi; & sum admiratus fidem tuam, & in consilio dando religionē; quod, cū aliud malle amicissimum tuum putares, antiquius tibi officium meum, quā illius uoluntas fuit. Equidem & ante hoc tempus te dilexi, & semper me a te diligī, sensi; & cum abessem, atque in magnis periculis essem, & me absentem, & meos præsentes à te cultos & defensos esse memini; & post meum reditum, quā familiariter mecū uixeris, quæque ego de te & senserim, & prædicarim, dñes, qui solent hæc animaduvertere, testes habemus. Grauiissimū uerò iudicium de mea fide; & de constantia fecisti, cum post mortem Cæsaris totum te amicitiam meam contulisti. Quod tuum iudicium nisi mea summa beneuolentia erga te, omnibusque meritis comprobaro, ipse me hominem non putabo. Tu, mi Oppi, conseruabis amorem tuum, [et si more magis hoc quidem scribo, quam puto te admonendum putem] meaue omnia tuebere; quæ tibi ne ignota essent, Attico mandaui. A me autem cum paulum otii nacti erimus, uberiores litteras expectato. Da operam, ut ualeas hoc mihi gratius facere nihil potes.

X 4

M. TVL.

# M. TVLLII CICERONIS

EPISTOLARVM

Ad Cassium, & alios.



LIBER XII.

ARGVMENTVM.

*Queritur, Tyranno occiso, tyrannidem tamen non esse sublatam: Cassiumque hortatur, vt vna cum M. Bruto, eius uxoris fratres, omni perturbatione Rempub. liberet.*

CICERO S. D. CASSIO.

I

**F**inem nullum facio; mihi credo, Cassi, de te, & de Bruto nostro, id est de tota Rep. cogitandi: cuius omnis spes in vobis est, & in D. Bruto; quam quidem iam habeo ipse meliorem. Repub. à Dolabella meo præclarissime gesta. Manabat enim illud malum vrbani, & ita corroboratur quotidie, vt ego quidem & Vrbi, & otio diffiderem vrbano. Sed ita compressum est, vt mihi videamus omne iam ad tempus, ab illo dumtaxat sordidissimo periculo, tuti futuri. Reliqua magna sunt, & multa; sed posita omnia in vobis. Quanquam primum quidque explicemus; nam ut adhuc quidem actum est, non regno, sed Rege liberati uidemur. Interfecto enī Rege, regios omnes natus tuemur; neque verò id solum; sed etiam, quæ ipse ille, si uiueret, non faceret, ea nos quasi cogitata ab illo, probamus; nec eius quidem rei finem uideo Tabulæ figuntur; immunitates dantur; pecuniæ maxime describuntur; exules reducuntur; S. C. falsa referentur: vt tantummodo odiū illud hominis impuri, & seruitutis dolor depulsus esse uideatur. Resp. iaceat in iis perturbationibus, in quas eam ille coniecit. Hæc omnia uobis sunt expedienda:

nec

nec hoc cogitandum, satis iam habere Remp. à vobis, habet illa quidem tantum, quantum nunquam mihi in mentē venit optare; se contenta non est; & pro magnitudine & animi, & beneficii vestri à vobis magna desiderat. Adhuc vltia suis iniurias est per vos interitu Tyranni, nihil amplius; ornāmēta vera sua, quæ recuperavit; an, quod ei mortuo paret, quem vj-uum ferre non poterat; cuius æra refigere debebamus, eius etiam chirographa defendimus? At enī ita decreuimus, fecimus id quidem temporibus cedentes: quæ valentini Reipubl. plurimum; sed immoderatē quidam, & ingratē nostrā facilitate abutuntur. Verum hæc propē diem, & multa alia coram. Interim velim sic tibi persuadeas, mihi cum Reipubl. quam semper habui carissimam; tum, amoris nostri causa, maximæ curæ esse tuam dignitatem. Da operam, vt valeas.

## A R G V M E N T V M.

*Inuehitur in M. Antonii tyrannicam potentiam; & Reip. statum describit.*

## CICERO S. D. CASSIO.

2

**V**Ehementer lator tibi probari sententiam, & orationem meam; qua si sæpius vti liceret, nihil esset negotii. libertatem, & Remp. recuperare. Sed homo amens, & perditus, multoque nequior, quàm ille ipse, quem tu nequissimū occisum esse dixisti, cædis initium quærit; nullamque aliam ob causam me auctore fuisse Cæsaris interficiendi criminatur, nisi vt in me veterani incitentur. Quod ego periculum non extimesco, modò facti vestri gloriam cum mea laude communicem. Ita nec Pisoni, qui in eum primus inuectus est, nullo assentiente: nec mihi, qui idem tricesimo post die feci, nec P. Servilio, qui me est consecutus, turdè in Senatum venire licet; cædem enim gladiator quærit; eiusque initium ad XII I. Kal. Oct. à me se facturum putauit. Ad quam paratus venerat, cum in villa Metelli complures dies comaretatus esset: quæ autem in lustris, & in vino cōmentatio potuit esse? itaque omnibus est visus, vt ad te antea scripsi, suo more



more uotere non dicere. Quare quod scribis, te confidere; auctoritate, & eloquentia nostra aliquid profici posse; non nihil, ut in tantis malis, est profectum. Intelligit enim Populus Romæ tres esse Consulares, qui, quia quæ de Rep. bene senserint, liberè locuti sunt, tutò in Senatum uenire non possint. Nec est præterea, quod quicquam expectes: tuus enim necessarius affinitate noua delectatur; itaque iam non est studiosus luorum, infinitoque fratris tui plausu dirumpitur; alter item affinis noui cõmentariis Cæsaris delinitus est. Sed hæc tolerabilia; Illud non ferendum, quod est, qui uestro anno Cõsulem filium suum futurum putet; ob eamque causam se huic latroni deferuire præferat. Nam L. Cotta familiaris meus, fatali quadam desperatione, ut ait, minùs in Senatum uenit. L. Cæsar, optimus, & fortissimus ciuis, ualitudine impeditur. Ser. Sulpicius, & summa auctoritate, & optime sentiens, non adest; reliquos, exceptis designatis, ignosce mihi si non numero Cõsulares, habes auctores cõsiliij publici, qui numerus etiam bonis rebus exiguus esset, quid censes, perditis? quare spes est omnis in uobis, qui si idcirco abestis, ut sitis in tuto: ne in uobis quidem; si aliquid dignum uestra gloria cogitatis; uelim, saluis nobis: si id minùs, res tamen publica per uos breui tempore ius suum recuperabit. Ego tuis neque desum, neque deero: qui siue ad me referent, siue non; mea tibi tamen beneuolentia fidelisque præstabitur. Vale.

### ARGUMENTVM.

*Et hic in Antonium, eiusque sectam inuehitur.*

### CIC. S. D. CASSIO.

3

**A**Vget tuus amicus furorem in dies. Primum, in statu, quæ posuit in Rotæis, inscripsit, PARENTI OPTIME MERITO; ut non modo sicarii, sed iam etiam parricidæ iudicemini. Quid dico, iudicemini? iudicemur potius; uestri enim pulcherrimi facti ille furiosus ne principem dicit fuisse. Utinam quidem fuisset! molestus nobis non esset. Sed hoc uestrum fuit; quod quando præterit? utinam haberem, quid dare uobis consiliis? led ne mihi quidem ipse reperio, quid faciendum sit.

fit. *Quid enim est quod contra vim sine vi fieri possit?* contiliū autem omne hoc est illorū, vt mortē Cæsaris persequantur. itaque ante diem VI. Nō. Oct. productus in cōcionem a Canutio, turpissimē ille quidem discessit: sed tamen ea dixit de conseruatoribus patriæ, quæ dici deberēt de Proditoribus, de me quidem nō dubitanter, quā omnia de meo cōsilio, & vos fecissetis, & Canutius faceret. Cætera cuiusmodi sint, ex hoc iudica, quod legato tuo viaticū eripuerūt. Quid eos interpretari putas, cum hoc faciunt? ad hostē scilicet portari. O rem miseram! dominum ferre non potuimus; conseruo seruiamus. Et tamen, me quidem fauente magis, quā sperante, etiā nunc residet spes in virtute tua. Sed vbi sūt copiæ: De reliquo malo te ipsum loqui tecum, quā dicta nostra cognoscere. Vale.

## ARGUMENTVM.

*Varia complectitur hæc epistola, de Antonii nequitia, de Senatu, de populo, de legatis ad Antonium missis, de ipso Cassio.*

## CICERO S. D. CASSIO.

4

**V**ellem idibus Mart. me ad cœnam inuitasses; reliquiarū nihil fuisset. Nunc me reliquiæ vestræ exercēt, & quidem præter cæteros me. Quanquam egregios Cōsules habemus, sed turpissimos Consulares: Senatum fortē, sed infimo quemque honore fortissimum; Populo vero nihil fortius, nihil melius, italiaque vniuersa. Nihil autē scædus Philippo, & pisonē legatis, nihil flagitiosius; qui cū essent missi, vt Antonio ex Senatus sententia certas res renunciarent, cum ille earum rerum nulli paruisset, vltro ab illo ad nos intolerabilia postulata retulerunt. itaque ad nos concurritur: factique iam in te salutari popolare sumus. Sed, tu quid ageres, quid acturus; vbi denique esses; nesciebam. Fama nunciabat te esse in Syria: auctor erat nemo. De Bruto, quod proprius est, eō fieri miora vidētur esse, quæ nunciantur. Dolabella valde vituperabatur, ab hominibus non insulsis, quod tibi tā cito succederet, cum tu vix dum triginta dies in Syria fuisses. itaque constabat, cum recipi in Syriam nō oportere. Summa laus, & cura, & Bruti est, quod exercitum præter spem existimamini com-

comparasse. Scribere plura, si rem causamque nossem; nunc quæ scribo ex opinione hominum, atque fama. Tuas litteras autè expecto. Vale.

### ARGUMENTVM.

*M. Brutum laudat, ut ad eius imitationem Cassium accendat. Addit de bello quod in Italia contra M. Antonium Resp gerebat.*

#### CICERO S. D. CASSIO.

**H**Yemem credo adhuc prohibuisse, quòd, minùs, de te certum haberemus, quid ageres, maximèque vbi esses. Loquebantur omnes tamen, credo quod volebant, in Syria te esse, habere cupias. Id autè eò faciliùs credebatur, quia simile verò videbatur. Brutus quidem noster egregiam laudem est consecutus. Res enim tantas gessit, tamque inopinatas, ut ea per se gratæ essent; tum gratiores propter celeritatem. Quòd si tu ea tenes, quæ putamus; magnis subsidijs fulta Respub. est. A prima enim ora Græciæ usque ad Ægyptum optimorum civium imperijs muniti erimus, & copiis. Quanquã, nisi me fallerat, res sic se habebat, ut totius belli omne discrimen in D. Bruto positum videretur; qui si, ut sperabamus, eripuisset Mutina. Nihil belli reliquum fore videbatur. Paruis omnino iam copijs obsidebatur; quòd magno præsidio Bononiã tenebat Antonius. Erat autè Claternæ noster Hirrius, ad Forum Cornelium Cæsar vtrorque cù firmo exercitu; magnasque Romæ Pansa copias ex delectu italiæ comparat; hyems adhuc rem geri prohibuerat. Hirrius nihil nisi consideratè, ut mihi crebris litteris significat, acturus videbatur. Præter Bononiam, Regium Lepidi, Parmam, totã Galliam tenebamus studiossissimam Reip. tuos etiam cliètes transpadanos mirificè coniunctos cum causis habebamus. Erat firmissimus Senatus exceptis Consularibus; ex quibus vnus L. Cæsar firmus est, & rectus. Ser. Sulpicii morte magnum præsidium amissimus. Reliqui partim inertes, partim improbi nonnulli invidente eorum laudi, quos in Repub probari videt; Populi verò Rom. totiusque italiæ mira consensio est. Hæc erant fere quæ

que tibi nota esse vellem. Nunc autem opto, ut ab istis Orientalibus partibus virtutis tuæ lumen eluceat. Vale.

## A R G V M E N T V M.

Strabonem commendat, quasi aliud agens; & in Cassio Brutoque spem omnem Reipublicæ tam esse dicit, si ad Mutinam res malè geratur.

## CIC. S. D. CASSIO.

6

**Q**ui status rerum fuerit, tum cum has litteras dedi, scite poteris ex C. Tridio Strabone, viro bono, & optima de Rep. sentiente, nam quid dica cupidissimo tuis, qui domo, & fortunis relictis, ad te potissimum profectus sit & itaque cum tibi commendo quidem: aduentus ipsius ad te satis cum commendabit. Tu velim sic existimes, tibi que persuadeas, omne perfugium bonorum in te, & Bruto esse positum, si quod nolum, aduersi quid euenerit. Res, cum hæc scribebam erat in externum deducta discrimen. Brutus enim Mutinæ vix iam sustinebat. Qui si cōseruatus erit: vicinus; sin; (quod Dii omne auertant) omnis omnium cursus est ad vos. Proinde fac tantum animum habeas, tantumque apparatus, quanto opus est ad vniversam Rempublicam recuperandam. Vale.

## A R G V M E N T V M.

Significat sententiam à se in Senatu dictam ex Cassij dignitate, eamque à se etiam in concione defensam.

## CICERO S. D. CASSIO.

7

**Q**uanto studio dignitatem tuam, & in Senatu, & ad populum defenderim, ex tuis te malo, quàm ex me cognoscere. Quæ me sententia in Senatu facile valuisset, nisi Panfa, vehementer obstitisset. Ea sententia dicta productus sum in concionem à Tribuno pl. M. Serullio. Dixi de te quæ potui, tanta contentione, quantum forum est; tanto clamore, consensuque populi, ut nihil vnquam simile viderim. id velim mihi ignoscas, quod inuita socru tua fecerim. Mulier timida verebatur, ne Panfa animus offenderetur. in concione quidem Panfæ dixit, matrem quoque tuam, & fratrem, illam

illam à me sententiam noluisse dici. Sed me hæc non mouebant; alia malebam; fauebam & Resp. cum semper faui, & dignitati, ac gloriæ tuæ. Quod autem, & in Senatu pluribus verbis differui, & dixi in cōcione, in eo velim fidem meam liberes. Promisi enim & propè cōfirmaui, te non expectasse, nec expectaturum decreta nostra; sed te ipsum tuo more Remp. defenditurum. Et quanquam nihil dum audieramus, nec vbi es, ses, nec quas copias haberes: tamen sic statuebā, omnes, quæ tu istis partibus essent; opes, copiasque tuas esse; per teque Asiæ Prouinciæ confidebam iam. Reip. recuperatam. Tu fac in augenda gloria te ipsum vincas. Vale.

### ARGVMENTVM.

*Lepidus viñtum Antonium receperat: vnaque bellum administrabant. Id quaritur Cicero, & Cassium ad liberandam Rep. hortatur.*

CICERO S. D. CASSIO: 8

**S**celus affinis tui Lepidi, summamque leuitatem; & inconstantiam, ex actis, quæ ad te mitti certò scio, cognosce te arbitror. itaq; nos cōfecto bello; vt arbitrabamur, renouatum bellum gerimus; spèque omnem in D. Bruto & planco habemus, si verum quæris in te, & in meo Bruto; non solū ad præsens, per fugiū, si, quod nolim, aduersi quid acciderit, sed etiā cōfirmationem perpetuæ libertatis. Nos hic de Dolabella audiebamus, quæ vellemus; sed certos auctores nō habebamus. Te quidem magnum hominē, & præsentī iudicio, & reliqui temporis expectatione scito esse. Hoc tibi proposito, fac vt ad summa contendas. Nihil est tantum, quod non populus Rom. à te perfici, atque obtineri posse iudicet. Vale.

### ARGVMENTVM.

*Scribit de bello propter Lepidi perfidiam renouato; Cassium. que hortatur, vt in Italiam properet.*

CICERO S. D. CASSIO: 9

**B**reuitas tuarum litterarū me quoque breuiorem in scribendo facit; &, vere vt dicam, non satis occurrit, quod scri-

scribam: nostras enim res in actis perferri ad te certo scio tuas autem ignoramus. Tanquā enim clausa sit Asia, sic nihil perfertur ad nos, præter rumores de oppresso Dolabella: satis illos quidem constantes, sed adhuc sine auctore. Nos confectum bellum cum putaremus, repente à Lepido tuo in summam sollicitudinem adducti sumus. itaque persuade tibi, maximam Reip. spem in te, & in tuis copiis esse. Firmos omnino exercitus habemus: sed tamen, ut omnia; ut spero, prospere procedant, multum interest te venire. Exigua est enim spes Reipub. nam nullam non libet dicere. sed quæcunque est, ea desponderetur anno Consulatus tui. Vale.

## ARGUMENTVM.

*Lepidum hostem iudicatum scribit: & omnino poscere, ut Cassius cum exercitu in Italiam veniat.*

## CICERO S. D. CASSIO.

10

**L**epidus, tuus affinis, meus familiaris, prididit kalēd. Quint. sententijs omnibus hostis à Senatu iudicatus est, cæteri que qui una cum illo à Rep. defecerunt: quibus tamen ad salutem redeundi ante kal. Sept. potestas facta est. Fortis sane Senatus; sed maxime spe, subsidii tui. Bellum quidem, cum hæc scribebam, sane magnum erat, scelere, & leuitate Lepidi. Nos de Dolabella quotidie, quæ volumus, audimus; sed adhuc sine capite, sine auctore, rumore nuncio. Quod cum ita esset, tamen litteris tuis, quas Nonis Maii ex castris datas acceperamus, ita persuasum erat ciuitati, ut illum iam oppressum omnes arbitrarentur, te autem in Italiam venire cum exercitu: ut si hæc ex sententia confecta essent, consilio, atque auctoritate tua: sin quid fortè turbatum esset, ut sit in bello, exercitu tuo niteremur. Quem quidē ego exercitum quibuscumque potero rebus ornabo. Cuius rei tum tempus erit, cum, quid opis Reip. laturus exercitus sit, aut quid iam tulerit, notum esse creperit. Nam adhuc tantum conatus audiuntur; optimi illi quidem, & præclarissimi, sed gesta res expectatur; quam quidem aut iam esse aliquam, aut appropinquare confido. Tua virtute, & magnitudine animi nihil est

NO-

robilius. itaq; optamus, vt quamprimū te in italia videamus. Remp. nos habere arbitrabimur, si vos habebimus præclarè viceramus, nisi spoliatum, inermē, fugientē Lepidus recepiſſet Antoniū, itaq; nunquā tanto odio ciuitati Antonius fuit, quanto eſt Lepidus. ille enim ex turbulenta Rep. hic ex pace, & victoria bellum excitauit. Huic oppoſitos Conſules Deſignatos habemus: in quibus eſt magna illa quidem ſpes, ſed anceps cura, propter incertos exitus præſiorū. perſuade tibi igitur, in te, & in Bruto tuo eſſe ōnia: vos expeſtari, Brutū quidē iam, iāque. Quod ſi, vt ſpero, victis hoſtibus noſtris veneritis: tamē auctoritate veſtra Reſp. exurget, & in aliquo ſtatu tolerabili conſiſter. Sunt enim permulta, quibus erit medēdū etiā ſi Reſp. ſatis eſſe videbitur ſcelerib. hoſtiū liberata Vale.

### ARGVMENTVM.

*Scribit, à quibus copias acceperit, ſequē & Remp. commendat  
Scripta eſt autem hac epiſtola ante prælium Mutinenſe.*

C. CASSIVS. PROCOS. S. D. CICERONI. II

**S**I vales, bene eſt; ego quidem valeo. In Syriam me proſectum eſſe ſcito ad L. Murcum, & Q. Crispum imp. Viri fortes, optimique ciues poſtea quam audierunt, quæ Romæ gererentur, exercitus mihi tradiderunt: ipſique mecum vnā fortiffimo animo Remp. adminiſtrant. item legionem, quam Q. Cæcilius Baſſus habuit, ad me veniſſe ſcito. Quatuorque legiones, quas A. Alienus ex Ægypto eduxit, tarditas ab eo mihi eſſe ſcito. Nunc te cohortatione non puto indigere, vt nos abſentes, remque publicam, quantum opus eſt, defendas. Scire te volo, firma præſidia vobis, Senatuque non deſſe, vt optimā ſpe, & maximo animo Remp. defendas. Reliqua tecum agat L. Carſeus familiaris meus. vale Data Non. Mart. ex caſtris Taticheis.

### ARGVMENTVM.

*Facta mentione beneuolentia Ciceronis erga ſe, ſuam dignitatem ſuoſque milites commendat, ſequē & illos optimè de Rep. meritos affirmat.*

CASS.

## CASS. PROCOS. S. D. CIC.

12

**S**I vales, bene est; ego quidem valeo. Legi tuas litteras, in quibus mirificum tuum, erga me amorem re cognoui. Videbaris enim non solum favere nobis, id quod & nostra, & Reip. causa semper fecisti; sed etiam gravem curam suscepisse, vehementerque esse de nobis sollicitus. Itaque, quod te primum existimare putabam, nos oppressa Repub. quiescere non posse; deinde, cum suspicari nos moliri; quod te sollicitum esse, & de salute nostra, & de rerum eventu putabam; simul ac legiones accepi, quas A. Allienus eduxerat ex Ægypto, scripsi ad te, tabellariosque complures Romam misi. Scripsi etiam ad Senatum litteras, quas reddi vetui prius, quam tibi recitatae essent; si forte mei obtemperare mihi voluerunt. Quod si litterae perlatæ non sunt: non dubito, quin Dolabella, qui, nefarie Trebonio occiso, Asiam occupavit, tabellarios meos deprehenderit, litterasque interceperit. Exercitus omnes, qui in Syria fuisse teneo. Habui paululum moræ, dum promissa militibus persoluo; nunc iam sum expeditus. A te peto, ut dignitatem meam tibi commendatam habeas; si me intelligis nullum neque periculum neque laborem patriæ denegasse; si contra importunissimos latrones arma cepi, te hortante, & auctore: si non solum exercitum ad Remp. libertatemque defendendam comparavi, sed etiam crudelissimis Tyrannis eripui; quem si occupasse Dolabella; non solum aduentu, sed etiam opinione, & expectatione exercitus sui Antonium confirmasset. Quas ob res milites tuere, si eos mirifice de Rep. meritos esse animaduertis; & effice, ne quem pœniteat, Rempub. quam spem prædæ, & rapinarum sequi maluisse. Item Murci & Crispi Imp. dignitatem, quantum est in te, tuere. Nam Bassus misera noluit mihi legionem tradere. Quod nisi milites invito eo legatos ad me misissent: clausam Apameam tenuisset, quoad vi esset expugnata. Hæc à te peto non solum Reipub. quæ tibi semper fuit carissima, sed etiam amicitiae nostræ nomine; quam confido apud te, plurimum posse. Crede mihi hunc exercitum, quem habeo, Senatus, atque optimi cuiusque esse, maximeque tuum: de cuius voluntate assidue audiendo, mirifice te diligit, carumque habet; qui si intel-

Y

lexcrit



lexerit commodat sua curæ tibi esse, debere etiam se tibi omnia putabit. Litteris scriptis, nudiū D. Octavianus in Ciliciam venisse cum suis copijs. Proficiscar in Ciliciam. Quid egerim celeriter ut scias dabo operam. Ac velim, videremur de Repub. sic felices simus. Fac valeas, meque ames. Noñis M. iij ex castris.

### ARGUMENTVM.

*Gratulatur de victoria Mutinensi, & res à se gestas enumerat.*

### Q. CASSIVS S. D. CICERONI.

**S**I vales, bene est, ego quidem valeo. Cum Reipub. vel saluti, vel victoria gaudeamus; tum in salutatione tua tum laudum: quod maximus consolaris maximū. Consulē te ipse vicisti, & lætāmur, & mirari satis non possumus. Fatale nescio quid tuæ virtuti datum id, quod, iam tæpē experti sumus. Est enim tua toga omnium armis felicior; quæ nunc quoque nobis pene victam Remp. ex manibus hostium eripuit, ac reddidit. Nunc ergo viuemus liberi; nunc te, omnium maximè ciuis, & mihi carissimè, id quod maximè Reipub. tenebris comperisti, nunc te habebimus testem nostri, & in te, & in coniunctissimam tibi Remp. amoris: & quæ tæpē pollicitus es te, & taciturnum, dum seruiremus, & dicturum de me, tum cū profutura essent, nunc illa non ego quidem dici tantopere desiderabo, quam sentiri à teipso. Neque enim omnium iudicio nilum me à te commendari, quàm ipse tuo iudicio digne, ac mereor, commendatus esse: ut hæc nouissima nostra facta non subita: nec inconuenientia, sed similia illis cogitationibus, quarum tu testis es fuisse iudices; meque ad optimam spem patriæ non minimum tibi ipsi producendum putes. Sunt tibi M. Tullij liberi propinquire digni quidem te, & merito tibi carissimi; esse etiam debent in Repub. proximè hos cari, qui studiorum tuorum sunt æmuli: quorum esse cupio tibi copiam. Sed tamen non maxima me turba puto excludi; quo minus tibi vacet me excipere, & ad omnia, quæ velis, & probes, producere. Animum tibi nostrum fortasse probauimus: ingenium certè diutina seruitus, quaecunque est, minus tamen, quam erat, passa est videri. Nos ex ora maritima Asiæ Prouinciæ, & ex Insulis, quas

quas potuimus, naues deduximus. Delectum remigum, magna contumacia ciuitarum, tamen satis celeriter habuimus. Secuti sumus classem Dolabellæ, cui Lucilius præerat: qui, spem sæpè transiionis præbendo, neque vnquam non decedendo nouissimè Corycum, se contulit, & clauso portu se tenere cepit. Nos, illa relictæ, quod & in castra peruenire satius esse putabamus; & sequebatur classis altera, quam anno priore in Bithynia Tillius Cimber comparat, cui Turulius Quæstor præerat; Cyprum petiuimus. Ibi, quæ cognouimus, scribere ad vos quam celerrimè voluimus Dolabellam, vt Tarsentes pessimi socij, ita Laodicensi multo amentiores vltro accersierunt. Ex quibus vtrisque ciuitatibus, Græcorum militum numero, speciem exercitus effecit. Castra habet ante oppidum Laodiceam posita; & partem muri demolitus est, & castra oppido coniunxit. Cassius noster cum decem legionibus, & cohortibus viginti auxiliarijs; & quatuor milibus equitum à millibus passuum viginti castra habet posita ΠΛΑΤΩΙ, & existimat se sine prælio posse vincere. Nam iam ternis retradrachmis triticum penes Dolabellam est. Nisi, quid nauibus Laodicenorum supportarit, cito fame pereat; necesse est: ne supportare possit, & Classij classis bene magna, cui præest Sextilius Rufus, & tres, quas adduximus ego, Turulius, & Patiscus, faciliè præstabunt. Volo igitur vos bene sperare, & Remp. vt vos istic expediistis, ita pro nostra parte celeriter à nobis expediri posse, confidere. Vale. Data Idibus Iun. Cypro Acamantide.

## A R G V M E N T V M.

*Exponit res à se gestas: Rhodios accusat: procuracionem Asiae petit: merita sua in Rempub. commemorat.*

## LENTVLVS S. D. CIC. SVO.

14

**C**VM Brutum nostrum conuenissem: eumque tardiùs in Asiam venturum animaduertentem: in Asiam redi, vt reliquias mei laboris colligerem, & pecuniam quamprimum Romanam mitterem. Interim cognoui in Lycia esse classem Dolabellæ ampliusque centum naues onerarias, in quas exercitus eius imponi posset; idque Dolabellam ea mente comparasse,

Y 2 vt,

vt, si Syriæ spes eum frustrata esset, conscenderet in naues, & Italiam peteret; seque cum Antoniis, & reliquis latronibus coniungeret. Cuius rei tanto in timore fui, vt, omnibus rebus relictis, cum paucioribus, & minoribus nauibus ad illas ire conatus sim. Quæ res, si à Rhodijs non essem interpellatus, fortasse tota sublata esset; tamen magna ex parte profligata est; quandoquidem classis dissipata est; aduentus nostri timore milites, ducesque effugerunt; onerariæ omnes ad vnam à nobis sunt exceptæ. Certe, quod maximè timui, videor esse consecutus; vt non possit classe Dolabella in Italiam peruenire, nec socijs suis firmatis, durius vobis efficere negotium: Rhodij nos & Remp. quam valdè desperauerint, ex litteris quas publicè misi, cognosces. Et, quidem multò parcius scripsi, quam re vera furere eos inueni. Quod verò aliquid de his scripsi, mirari noli; mira est eorum amentia. Nec me meæ vllæ priuatim iniuriæ mouerunt vnquam. Malus animus eorum in nostra salute, cupiditas partium aliarum, perseuerantia in contemptione optimi cuiusque, ferenda mihi non fuit. Nec tamen omnes perditos esse puto. Sed iidem illi, qui tum fugiente me patrem meum, qui L. Lentulum, qui Pompeium, qui cæteros viros clarissimos non receperunt; iidem, tanquam aliquo fato, & nunc aut magistratum gerunt, aut eos, qui sunt in magistratu in sua habent potestate; itaque eadem superbia in prauitate vtuntur. Quorum improbitatem aliquando retundi, & non pati impunitate augeri, non solum vtile est Reipub. nostræ sed etiam necessarium. De nostra dignitate velim tibi vt semper, curæ sit, & quocumque tempore occasionem habueris, & in Senatu, & in cæteris rebus laudi nostræ suffragere. Quoniam Consulibus decreta est Asia, & permissum est is, vt, dum ipsi venient, darent negotium qui Asiam obtineant; rogo te petas ab ijs, vt hanc dignitatem potissimum nobis tribuant: & mihi dent negotium, vt Asiam obtineam, dum ipsorum alteruter venit. Nam, quod huc properent in magistratu venire, aut exercitum mittere causam non habent. Dolabella enim in Syria est; &, vt tu diuina tua mente prospexisti, & prædicasti, dum isti venient, Cassius eum opprimeret. Exclusus enim ab Antiochia Dolabella, & in oppugnando ma-

1<sup>o</sup> acceptus, nulla alia confixus Vrbe, Laodiceam, quæ est in Syria ad mare, se contulit. Ibi spero celeriter eum pænas daturum. Nam neque quo refugiat, habet; neque diutius ibi poterit tantum exercitum Cassij sustinere. Spero etiam confectum esse iam, & oppressum. Quare non puto Pansam, & Hirtium in Consulatu properaturos in Prouincias exire; sed Romæ aucturos Consulatum. Itaque si ab his perieris, ut interea nobis procuratione Asiæ dent; spero te posse impetrare. Præterea mihi promiserunt Pansa, & Hirtius coram, & absenti mihi scripserunt. Verioque nostro Pansa affirmavit, se daturum operam, ne in suo Consulatu mihi succedatur. Ego porro non medius fidius cupiditate Prouinciæ produci longus spatium mihi volo: nam mihi fuit ista Prouincia plena laboris, periculi, detrimenti: quæ ego ne frustra subierim, ne ve prius, quam reliquias meæ diligentiae consequar, decedere cogar, valdè laboro. Nam, si potuissem quam exegeram, pecuniam vniuersam mittere, postularem, ut mihi succederetur. Nunc quod Cassio dedi, quod Trebonij morte amisimus, quod etiam crudelitate Dolabellæ, aut perfidia eorum, qui mihi fidem, reique publ. non præstiterunt, id consequi, & reficere volo: quod aliter non potest fieri, nisi spatium habuero; ut id per te consequar, velim, ut solet, tibi curæ sit. Ego me de Rep. puto esse meritum; ut non prouinciæ istius beneficium expectare debeam; sed tantum quantum Cassius, & Brutus, non solum illius facti periculi; societate, sed etiam huius temporis studio, & virtute Primus enim ego leges Antonianas fregi; primus equitatum Dolabellæ ad Remp. transduxi, Cassioque tradidi: primus delectus habui pro salute omnium contra coniurationem sceleratissimā: solus Cassio, & Reip. Syriam exercitusque qui ibi erant, coniunxi. Nam nisi ego tantam pecuniā: tantaq; præsidia, & tam celeriter Cassio dedissem: ne ausus quidem esset ire in Syriam & nunc non minora pericula Reipub. à Dolabella instarent, quàm ab Antonio. Atque hæc omnia is feci, qui & sodalis, & familiarissimus Dolabellæ eram coniunctissimus sanguine Antonijs; Prouinciam quoq; illorum beneficio habebam: sed πατρίδα ἐμὴν μάλλον φιλῶν, omnibus meis bellum primus indixi. Hæc etsi adhuc non magnoperè mihi tulisse fructum animaduerto: tamen

non despero ; nec defatigabor permanere non solum in studio libertati , sed etiam in labore , & periculis . Attamen , si etiam aliqua gloria iusta , & merita prouocabimur , Senatus , & optimi cuiusque officijs ; maiore cum auctoritate apud ceteros erimus , & cò plus prodesse Reipub. poterimus . Filium tuum , ad Brutum cum veni , videre non potui ; ideo quod iam in hiberna cum equitibus erat profectus ; sed ne medius fidius , esse eum opinione , & tua , & ipsius . & in primis mea causa gaudeo : fratris enim loco mihi est , qui ex te natus , reque dignus est . Vale . Data IV. Kal. Iun. Pergæ .

### ARGVMENTVM.

*Hic quoque res à se gestas exponit : inuebitur in Rhodios : de Dolabella optabilia nunciat .*

P. LENTVL. P. F. PRO QVÆS. PRO PRÆT. S. D.

COSS. PRET. TRIB. PL. Senatui ,

Populo Plebique Rom.

15

**S**I valetis , liberique vestri valent , bene est ; ego valeo . Sceleræ Dolabellæ oppressa Asia , in proximam Prouinciam Macedoniam , præsidiaque Reip. quæ M. Brutus , vir clarissimus , tenebat , me contuli ; & id egi , vt , per quos celerrimè posset , Asia Prouincia , vectigaliaque in vestram potestatem redigerentur . Quod cum pertinuisset Dolabella ; & vastata Prouincia , correptis vectigalibus , præcipuè ciuibus Rom. omnibus crudelissimè denudatis , ac diuexatis , celerius Asia accessisset , quam cò præsidium adduci potuisset ; diutius morari , aut expectare præsidium non necesse habui , & quamprimum ad meum officium reuertendum mihi esse existimaui : vt & reliqua vectigalia exigerem ; & quam de posui , pecuniam colligerem ; quidquid ex ea correptum esset , aut quorum ; id culpa accidisset , cognoscerem quamprimum , & vos de omni re facerem certiores . Interim , cùm per insulas in Asiam nauiganti mihi nunciatum esset , classem Dolabellæ in Lycia esse , Rhodiosque naues complures instructas , & paratas in aqua habere ; cùm ijs nauibus , quas aut mecum adduxeram , aut comparauerat Patiscus Proquæst. homo mihi cum familiaritate , tum etiam sen-

sensibus in Rep. coniunctissimus, Rhodum reuerſi; confusus  
 auctoritate vestra, Senatuque consulto, quo hostem Dola-  
 bellam iudicatis; fœdere quoque, quod cum ijs M. Marcello,  
 Ser. Sulpitio Coſs. renouatum erat; quo iurauerant Rhodij, eos-  
 dem hostes, se habituros, quos Senatus, Populusque Rom. Quæ  
 res non vehementer sefellit; tantum enim abfuit vt illorum  
 præſidio noſtram firmaremus classem: vt etiam à Rhodijs. vr-  
 be, portu, ſtatione, quæ extra urbem eſt, comeatu, à qua deni-  
 que prohiberentur noſtri milites: nos vix ipſi ſingulis cum na-  
 uigioliſ recipemur. Quam indignitarem, diminutionemque  
 maiestatis non ſolum iuris noſtri, ſed etiam imperij, populi-  
 que Roman. idcirco tulimus, quòd, interceptis litteris, cognora-  
 mus, Dolabellam, ſi deſperaffet de Syria, Ægyptoque, quod  
 neceſſe erat fieri, in naues cum omnibus ſuis latronibus, atque  
 omni pecunia conſcendere eſſe paratum, Italiamque petere;  
 idcirco etiam naues onerarias, quarum minor nulla erat duum  
 millium amphorarũ, contractas in Lycia a claſſe eius obſideri.  
 Huius rei timore P. C. percitus, iniurias perpeti, & cum con-  
 tumelia etiam noſtra omnia prius experiri malui. Itaque ad il-  
 lorum voluntatem introductus in urbem, & in Senatum eo-  
 rum, quàm diligentiffimè potui, cauſſam Reipub. egi pericu-  
 lumque omne, quod iſtaret, ſi ille latro cum omnibus ſuis  
 naues conſcendiſſet, expoſui. Rhodios autem tanta in prauita-  
 te animaduerti; vt omnes firmiores putarent quàm bonos; vt  
 hanc concordiam, & conſpirationem omnium ordinum ad de-  
 fendendam libertatem propenſe non crederent eſſe factam;  
 vt patientiam Senatus, & optimi cuiuſque manere etiam nunc  
 conſiderent; nec potuiſſe audere quemquam Dolabellam ho-  
 ſtem iudicare; vt denique omnia, quæ improbi finge-  
 bant, magis vera exiſtimarent, quàm quæ verè facta erant, & a nobis  
 docebantur. Qua mente etiam ante noſtrum aduentum poſt  
 Trebonij indigniſſimam cædem, cæteraque tor, tamque neſa-  
 ria; facinora, binæ proſectæ erant Dolabellam legationes eo-  
 rum; & quidem nouo exemplo, contra leges ipſorum, prohi-  
 bentibus ijs, qui tu magiſtratus, gerebant. Hæc ſiue timo-  
 re, vt dictitant, de agris, quos in continenti habent, ſiue fu-  
 rore, ſiue potentia paucorum (qui & antea pari contumelia

viros clarissimos affecerant, & nunc maximos magistratus gerentes) nullo exemplo, neque vestra ex parte, neq; nostro presentium, neque imminenti Italiae, Urbique nostrae periculo, si ille parricida cum suis latronibus, nauibus, ex Asia, Syriaque expulsus, Italiam perisset, mederi, cum facile possent, voluerunt. Nonnullis etiam ipsi magistratus veniebant in suspicionem, detinuisse nos, & demorati esse, dum classis Dolabellae certior fieret de aduentu nostro. Quam suspicionem consecutae res aliquot auxerunt; maxime quod subito ex Lycia Sex. Marius, & C. Titius, legatis Dolabellae, à classe discesserunt, nauique longa profugerunt onerarijs relictis: in quibus colligendis non minimum temporis, laborisque consumpserunt. Itaque cum à Rhodo cum ijs, quas habueramus, nauibus in Lyciam venissemus, naues onerarias recepimus, dominisq; restituiimus: idemque, quod maxime vetebamur, ne posset Dolabella cum suis latronibus in Italiam venire, timere desijmus: classem fugientem persecuti sumus vsque ad Syriam, quae extrema regio est Prouinciæ meae. Ibi cognoui partem nauium Dolabellae dif-fugisse reliquas Syriam, Cyprumque petisse. Quibus dissectis, cū scirem C. Cassij singularis ciuis, & ducis, classem maximam fore praesto in Syria; ad meum officium reueri: daboque operam, vt meum studium, & diligentiam vobis. P. C. & Reipub. Praestem, pecuniamque quam maximam potero, & quam celerissime, cogam; omnibusque cum rationibus ad vos mittam. Si percurrero Prouinciā; & cognouero, qui nobis, & Reip. fidem praestiterunt in conseruanda pecunia à me deposita, quique scelere, vltro deferentes pecuniam publicam, hoc munere societatem facinorum cum Dolabella inierunt; faciam vos certiores: de quibus, si vos videbitur, si, vt meriti sunt grauiter constitueritis: nosque vestra auctoritate firmaueritis; facilius, & reliqua exigere vectigalia, & exacta seruire poterimus. Interea quò commodius vectigalia tueri, Prouinciāque ab iniuria defendere possum, praesidium necessarium, voluntariumque comparauī. His litteris, scriptis, milites, circiter XXX. quos Dolabella ex Asia conscripserat, è Syria fugientes in Pamphyliam venerunt. Hi nunciauerunt, Dolabellam Antiochiam, quae in Syria est, venisse; non receptum, conatum esse aliquoties

vi introire ; repulsum semper esse cum magno suo detrimento ; itaque, centum circiter amissis , ægrisque compluribus relictis, noctu Antiochia profugisse Laodiceam versus ; ea nocte omnes ferè Asiaticos milites ab eo discessisse : ex his ad octingentos Antiochiam rediisse , & se ijs tradidisse , quia Cassia relictis, ubi illi præerant ; cæteros per Amanum in Ciliciam descendisse : quo ex numero se quoque esse dicebant : Cassium autem, cum suis omnibus copijs , nunciatum esse, quadridui iter a Laodicea abfuisse tum , cum Dolabella eo tenderet . Quamobrem opinione celerius confido, sceleratissimum latronem penas daturum. IV. Non. Iun. Pergæ .

### ARGVMENTVM.

*Gratulatur de Ciceronis filii indole ad virtutem: versus in malum ciuem à se conscriptos, mittit : petit, includatur in Ciceronis scripta de Casaris interitu .*

### C. TREBONIVS S. D. CICERONI. 16

**S**I vales, bene est. Athenas veni ad XI. kal. Iun. atque ibi, quod maximè optabam, vidi filium tuum deditum optimis studijs, summaque modestiæ fama. Qua ex re quantam voluntatem caperim, scire potes etiam me tacente : non enim nescis, quanti te faciam, & quam pro nostro veterrimo, verissimoque amore omnibus tuis etiam minimis commodis, non modò tanto bono, gaudeam. Noli putare, mi Cicero, me hoc auribus tuis dare: nihil adolescente tuo, teque adedò nostro, (nihil enim mihi à te potest esse seiunctum) aut amabilem omnibus ijs, qui Athenis sunt, est ; aut studiosius earum artium, quas tu maximè amas, hoc est optimarum. Itaque tibi, quod verè facere possum libenter quoque gratulor, nec minus etiam nobis, quòd eum, quem necesse erat diligere, qualicumque esset, talem habemus, vt libenter quoque diligamus. Qui cum mihi in sermone iniecisset, se velle Asiam visere, non modò inuitatus, sed etiam rogatus est a me, vt id potissimum nobis obrinentibus Prouinciæ, faceret : cui nos & caritate ;



rate, Illud quoque erit nobis curæ, ut Cratippus una cum eo sit: ne putes in Asia feriam illum ab ijs studijs, in quæ tua cohortatione incitatur, tutum. Nam illum paratum, ut video, & ingressum pleno gradu cohortari non intermitteremus, quò in dies longius discendo, exercendoque se procedat. Vos quid ageretis in Rep. cum hæc litteras dabam, non sciebam; audiebam quædam turbulenta; quæ scilicet cupio esse falsa ut aliquando onerosa libertate fruamur; quod vel minimè adhuc mihi contingit. Ego tamen, nactus in nauigatione nostra puillum, laxamentum, concinnavi tibi munusculum ex instituto meo; & dictum, cum magno nostro honore à te dictum, conclusi, & tibi infra subscrpsi. In quibus versiculi si tibi quibusdam verbis *de supposito* videbor; turpitudine personæ eius, in quam liberius inuenimur, nos vindicabit, ignoscet etiam iracundiæ nostræ, quæ iusta est in eiusmodi & homines, & ciues. Deinde, qui magis hoc Lucilio licuerit assumere libertatis, quam nobis? cum etiam si odio par fuerit in eo, quos læsit; tamen cerè non magis dignos habuerit, in quos tanta libertate verborum incurreret. Tu, sicut mihi pollicitus es, adiunges me quamprimum ad tuos sermones. Namque illud non dubito, quin, si quid de interitu Cæsaris scribas, non patiaris me minimam partem & rei, & amoris tui ferre. Vale, & matrem, meosque tibi commendatos habe. VIII. kal. Iun. Athenis.

### ARGUMENTVM.

*Varia scribit de rumoribus à Syria allatis, de ciuitatis otio, de Oratore à se scripto, de suo studio in Cornificium, is autem Syriam regebat, ut infra patet.*

### CICERO S. D. Q. CORNIFICIO COLLÈGÆ.

17

**C**Rata mihi vehementer est memoria nostri tua, quam significasti litteris: quam ut conserues non quò de tua constantia dubitem, sed quia mos est ita rogandi rogo. Ex Syria nobis tumultuosiora, quædam nunciata sunt, quæ quia tibi sunt propiora, quam nobis, tua me causa magis mouent, quam

mea.

mea. Romæ summum orium est; sed ita, ut malis salubre aliquod, & honestum negotium: quod spero fore, quia video id curæ esse Cæsari. Me scito, dum tu absis, quasi occasionem quamdam, & licentiam nactum, scribere audacius: & cætera quidem fortasse, quæ etiam tu concederes; sed proximè scripsi. De optimo genere dicendi: in quo sæpe suspicatus sum te à iudicio nostro, sic scilicet, ut doctum hominem à non indocto, paululum dissidere: huic tu libro maximè velim ex animo, si minus, gratiæ causa suffragere; dicam tuis, ut eum, si velint, describant, ad teque mittant puto enim, etiam si rem minus probabis, tamen in ista solitudine, quicquid à me profectum sit, iucundum tibi fore. Quod mihi existimationem tuam, dignitatemque commendas; facias tu quidem omnium more; sed velim sic existimes, me cum amori, quem inter nos mutuum esse intelligam, plurimum tribuere; tum de summo ingenio, & de optimis tuis studijs, & de spe amplissimæ dignitatis ita iudicare, ut neminem tibi antepoñam, comparem paucos. Vale.

## A R G V M E N T V M.

*Purgat se de infrequentia litterarum: prudentiam Cornificijs gravitatemque laudat: presentem Reip. statum accusat, cum Cæsaris excusatione.*

CICERO S. D. CORNIFICIO  
COLLÆ.

18

**Q**uod extremum fuit in epistola, quàm à te proximè accepi, ad id primùm respondebo; animaduerti enim hoc vos magnos oratores facere nonnunquam. Epistolas requiris meas, ego autem nunquam, cum mihi denunciatum esset à tuis ire aliquem, non dedi. Quod mihi videor ex tuis litteris intelligere, te nihil commissurum esse temere: nec antequam scisses, quo iste nescio qui Cælius Bassus erumperet, quidquam certi constituturum: id ego & speratam prudentiam tua fretus; & ut considerem, fecerunt tuæ gravissimæ litteræ: idque ut facias quam sæpissimè, ut, & quid tu agas, & quid agatur, scire possim, & etiam quid acturus sis, valdè te rogo. Et si  
per

per iniquo patiebar animo te à me digredi ; tamen eo tempore me consolabar ; quod & in summum orium te ire arbitrabar , & ab impendentibus magnis negotijs descendere . Vtrumque contra accidit , istic enim bellum est exortum , hic pax consecuta : sed eiusmodi pax , in qua , si adesses , multa te non delectarent ; ea tamen , quæ ne ipsum Cæsarem quidem delectent. **BELLORVM** enim ciuiliū , vt semper exitus sunt , vt non eam solum fiant , quæ velit victor , sed etiam vt ijs mos gerendus sit , quibus adiutoribus parata sit victoria . Equidem sic iam obdurai , vt ludis Cæsaris nostri æquissimo animo viderem. **T. Plancum** audirem **Laberij** , & **Publij** poemata . Nihil tam deesse scito , quam quicum hæc familiariter , doctèque rideam , is tu eris , si , quamprimùm veneris ; quod vt facias , non mea solum , sed etiam tua interesse arbitror . Vale .

### ARGVMENTVM.

*Gratulatur de Syria administratione, eamque optat à bello vacuam; quod si bellum sit, consulit quid sit agendum.*

### CICERO S. D. GORNIFICIO.

19

**L**ibentissimè legi tuas litteras ; in quibus iucundissimum mihi fuit quòd cognoui meas tibi redditas esse : non enim dubitabam , quin eas libenter lecturus esses ; verebar , vt redderentur . Bellum , quod est in Syria , Syriamque prouinciam tibi tributam esse à Cæsare , ex tuis litteris cognoui , eandem rem tibi volo bene , & feliciter euenire . Quod ita fore confido ; fretus , & industria , & prudentia tua . Sed de Parthici belli suspitione quod scribis , sanè me commouit . Quantum copiarum haberes , cùm ipse coniectura consequi poteram , tum ex tuis litteris cognoui . Itaque opto , ne se illa gens moueat hoc tempore , dum ad te legiones eæ perducantur , quas audio duci . Quòd si pares copias ad configendum non habebis ; non te fugiet vti consilio **M. Bibuli** , qui se oppido minutissimo , & copiosissimo tamdiu tenuit , quamdiu in Prouincia Parthi fuerunt . Sed hæc melius ex re : & ex tempore constitues . Mihi quidem vsque curæ erit , quid agas , dum , quid egeris , sciero .

Litteras

Litteras ad te nunquam habui cui darem, quin dederim; à te, vt idem facias, peto in primisque, vt ita ad tuos scribas, vt me tuum sciat esse. Vale.

## ARGVMENTVM.

*locatur, quia Cornificius Sinuessana villa hospitio vti noluerat, & crebras ab eo litteras petit.*

CICERO S. D. CORNIGIO.

COLLEGÆ.

20

**G**RATÆ mihi tuæ litteræ, nisi quòd Sinuessanum diuersorium contempnisti. Quam quidem contumeliam villæ pusilla iniquo animo ferret, nisi in Cumano, & Pompeiano reddideris *πάντα δὲ πάντα*: sic igitur facies, meque amabis, & scripto aliquo laceffēs ego enim respondere facilius possum quam prouocare quod si, vt es, cessabis; laceffam: nec tua ignauia etiam inertiam afferet. Plura otiosus, hæc, cum essem in Senatu, exarui. Vale.

## ARGVMENTVM.

*Commendat Anicium senatorem, eiusque negotia, & dignitatem.*

CICERO S. D. CORNIFICIO.

21

**C**Anicius, familiaris meus, vir omnibus rebus ornatus, negotiorum suorum causa legatus est in Africam, legatione libera. Eum, velim, rebus omnibus adiunes: operamque des, vt quam commodissimè sua negotia conficiat. In primisque quod ei carissimum est, dignitatem eius tibi commendo. Idque à te peto, quod ipse in Prouincia facere sum solitus non rogatus, vt omnibus Senatoribus lictores darem: quod idem, acceperam, & cognoueram, a summis viris factitatum. Hoc igitur, mi Cornifici, facies: cæterisque rebus omnibus eius dignitati, reique, si me amas, consules, id erit mihi gratissimum. Da operam: vt valeas.

AR-

## A R G V M E N T V M.

*Narrat de statu Reipub. post Caesaris mortem : hortaturque Cornificium, ut Prouinciā retineat in potestate Reip.*

## CICERO S. D. CORNIFICIO.

22

**N**Os hic cum homine gladiatore, omnium nequissimo, collega nostro Antonio bellum gerimus : sed non pari conditione, contra arma verbis. At etiam de te concionatur : nec impunè; nam sentiet, quos laceggerit. Ego autem acta ad te omnia arbitror perscribi ab alijs : à hinc futura debes cognoscere, quorum quidem non est difficillimis coniectura. Oppressa omnia sunt; nec habent ducem boni; nostri *τυραννοί* longè gentium absunt, Pansa & sentit bene, & loquitur fortiter. Hirtius noster tardius conualescit, quid futurum sit, planè nescio; spes tamen vna est, aliquando populum Rom. maiorem similem fore. Ego certè Reip. non deero: & quidquid acciderit, à quo mea culpa absit, animo forti feram, & dignitatem tuebor, ad XII I. Kal. Ian. Senatus frequens mihi est assensus cum de cæteris rebus magnis, & necessarijs, tum de Prouincijs ab ijs, qui obtinerent, retinendis; neque cuiquam tradendis, nisi qui ex S. C. successisset. Hoc ego cum Reipub. causa censui, tum meherculè in primis retinendæ dignitatis tuæ. Quamobrem te amoris nostri causa rogo. Reipub. causa hortor, ut ne cui quidquam iuris in tua Prouincia esse patiari; atque ut omnia referas ad dignitatem, qua nihil potest esse præstantius. Verè tecum agam, ut necessitudo nostra postulat; in Sempronio, si meis litteris obtemperasses maximam ab omnibus laudem adeptus esses; sed illud & præterijt, & leuius est; hæc magna res est; fac ut prouinciā retineas in potestate Reip. Plura scripsissem, nisi tui festinarent; itaque Cherippo nostro me velim excluses. Vale.

## A R G V M E N T V M.

*Primum respondet ad ea, quæ de Prouincia Cornificij à Stratio cognouerat; deinde quasi formam Reip. mittit; & philosophiam laudat.*

CIC.

## CICERO S. D. CORNIFICIO. 23

**O**Mnem conditionem imperij tui, statu nq; Prouinciæ mihi demonstrauit Stratorius. O multa intollerabilia locis omnibus! Sed, quod tua maior dignitas, eò, quæ tibi acciderunt, minus ferenda. Neque enim, quæ tu propter magnitudinem, & animi, & ingenij moderate fers, à te non vlciscenda sunt, etiam si non sint dolenda. Sed hæc posterius. Rerum urbanarum acta tibi mitti certo scio. Quod vi ita putare, ipse perscriberem, in primisque Cæsaris Octauiani conatum: de quo multitudini fictum ab Antonio crimen videtur; ut in pecuniam adulescentis impetum faceret. Prudentes autem, & boni viri, & credunt factum, & probant. Quid quæris, magna spes est in eo; nihil est, quod non existimeretur laudis, & gloriæ causa facturus. Antonius autem, hoster familiaris, tanto se odio esse intelligit, ut cum interfectores suos domi comprehenderit, rem proferre non audiat. Ad VII. Id. Oct. Brundisium venerat, profectus obuiam legionibus Macedonicis quatuor; quas sibi conciliare pecunia cogitabat, easque ad Urbem adducere, & in ceruicibus nostris collocare. Habes formam Reip. si in castris potest esse Resp. In qua tuam vicem sæpe doleo, quod nullam partem per æratem sanæ, & saluæ Reip. gustare potuisti; atque ante hac quidem sperare saltem licebat; nunc etiam illud ereptum est. Quæ enim spes est, cum in concione dicere ausus sit Antonius, Canitiu apud eos locum sibi querere, quibus se saluo, locus in ciuitate esse non posset? Equidem & hæc, & omnia, quæ homini accidere possunt, sic fero; ut magnam habeam philosophiæ gratiam, quæ ne non modo à sollicitudine abducit, sed etiam contra omnes fortunæ impetus armat. Tibique idem censeo faciundum, *Nec à quo culpa absit, quidquam in malis numerandum*. Sed hæc tu melius, Stratorium nostrum cum semper probassem; tum maximè in tuis rebus summam eius fidem, diligentiam, prudentiamque cognoui. Da operam, ut valeas. Hoc mihi gratius facere nihil potes.

## ARGUMENTVM.

*Hortatur Cornificium, ut omni cura in Rempub. incumbat. Ser-*

*bit de Legatis ad Antonium à Senatu missis . Pinarium commendat .*

## CICERO S. D. CORNIFICIO.

24

**E**Go nullum locum prætermitto (nec enim debeo) non modò laudandi tui, sed ne ornandi quidem. Sed mea studia erga te, & officia malo tibi ex tuorum litteris, quam ex meis, esse nota. Te tamen hortor, ut omni cura in Remp. incumbas. Hoc est animi, hoc est ingenij tui, hoc eius spes, quam habere debes amplificandæ dignitatis tuæ. Sed hac de re aliàs ad te pluribus: cum enim hæc scribebam, in expectatione erant omnia. Nondum legati redierant, quos Senatus non ad pacem depræcandam, sed ad bellum denunciandum milerat, nisi legatorum nuncio paruisset. Ego tamen, ut primum occasio data est, meo pristino more Remp. defendi: me principem Senatui, populoque Rom. professus sum, nec, postea quam suscepi causam libertatis, minimum tempus amisi tuendæ salutis, libertatisque communis. Sed hæc quoque te ex alijs malo cognoscere. T. Pinarium, familiarissimum meum, tanto tibi studio commendo, ut maiore non possim; cui tum propter omnes virtutes, tum etiam propter studia communia sum amicissimus. Is procurat rationes, negotiaque Dionysij nostri: quem & tu multum amas, & ego omnium plurimum. Ea tibi ego non debeo commendare, sed commendo tamen. Facies igitur, ut ex Pinarij, gratissimi hominis litteris tuum & erga illum, & erga Dionysium studium perspiciamus. Vale.

## A R G V M E N T V M.

*Scribit, ex litteris Cornificij S. C. esse factum: hortatur, ut Republica causam amplectatur, Lucceio se nulla re defuturum pollicetur.*

## CICERO S. D. CORNIFICIO.

25

**L**iberalibus litteras accepi tuas, quas mihi Cornificius altero vigesimo die ut dicebat, reddidit: eo die non fuit Senatus,

tus neque postero. Quinquatribus, frequenti Senatu, causam tuam egi, non inuita Minerva. Etenim eo ipso die Senatus decreuit, ut Minerva nostra, custos Urbis, quam turbo deiecerat, restitueretur. Pansa tuas litteras recitauit: magna Senatus approbatio consecuta est, cum summo gaudio, & offensione Minotauri, id est Clauisii, & Tauri. Factum de te S. C. honorificum; postulabatur, ut etiam illi notarentur: sed Pansa clementior. Ego, mi Cornifici, quo die primum in spem libertatis ingressus sum, & cunctantibus ceteris, ad XIII. Kalen. Ian. fundamenta Reip. feci; eo ipso die prouidi multum, atque habui rationem dignitatis tuæ. Mihi enim est assensus Senatus de obtinendis Prouinciis. Nec uerò postea destiti labefactare eum, qui summa cum tua iniuria, contumeliaque Reip. Prouinciā absens obtinebat. Itaque crebras, vel potius quotidianas compellationes meas non tulit, seque in Urbem recepit inuitus: neque solam spe, sed certa re iam, & possessione deturbatus est. Meo iustissimo, honestissimoque conuicio te tuam dignitatem summa tua uirtute tenuisse, Prouinciæque honoribus amplissimis affectum, uehementer gaudeo. Quod te mihi de Sempronio purgas, accipio excusationem: fuit enim illud quoddam Græcum tempus seruitutis. Ego tuorum consiliorum auctor, dignitatique fautor, iratus temporibus in Græciam, desperata libertate, rapiebam cum me Etesia, quasi boni ciues, relinquentem Remp. prosequi noluerunt: Austerque aduersus maximo flatu me ad tribules tuos Rhægium retulit, atque inde uentis, remisque in patriam omni festinatione properaui: postridieque in summa reliquorum seruitute liber uirius fui: sic sum in Antonjum inuectus, ut ille non ferret, omnemque suum uinolentum furor, rem in me unum effunderet; meque cum elicere uellet ad cædis causam, tum tentaret insidiis; quem ego rusticantem, & nauscantem conieci in Cæsaris Octauiani plagas. Puer enim egregius præsidium sibi primum, & nobis, deinde summæ Reip. comparauit: qui nisi fuisset, Antonii reditus à Brundisio pestis patriæ fuisset. Quæ deinceps acta sint, scire te arbitror, sed redeamus ad illud, unde diuertimus. Accipio excusationem tuā de Sempronio; neque enim statuti quid in tanta per-



turbatione habere potuisti. *Nunc hic dies aliam vitam affert, alios mores postulat*, ut ait Terentius. Quamobrem, mi Quinte, conscende nobiscum, & quidem ad puppim. Vna navis est iam bonorum omnium quam quidem, nos damus operâ, ut rectam teneamus; utinam prospero cursu, sed, quicumque venti erunt, ars nostra certè non aberit. Quid enim præstare aliud virtus potest? Tu fac ut animo magno sis, & excelsio, cogitesque omnem dignitatem tuam cum Rep. coniunctam esse debere.

P. Lucceium mihi meum commēdas; quem, quibuscūque rebus potero, diligenter tuebor. Hirtium quidem, & Pansam, collegas nostros homines in Consulatu Reip. salutes, alieno sanè tempore amisimus; Rep. Antoniano quidē latrocinio liberata, sed nondum omninò explicata: quam nos, si licebit, more nostro tuebimur: quanquam admodum sumus iam defatigati: sed *NULLA lassitudo impedire officium, & si dē debet*. Verum hæc hæctenus: ab alijs te de me, quàm à me ipso, malo cognoscere. De te audiebamus ea, quæ maximè vellemus. De Cn. Minucio, quem tu quibusdam litteris ad cælum laudibus extulisti, rumores duriores erant. Id quale sit, omninòque quid istic agatur, facias me velim certiores. Vale,

## ARGUMENTVM.

*Hæredes Turii commendat.*

CICERO S. D. CORNIF.

26

**Q** Turius, qui in Africa negotiatus est, vir bonus, & honestus, hæredes fecit similes sui Cn. Saturninum, Sex. Aufidium C. Anneium, Q. Consiliū Gallū L. Seruiliū Postumum, C. Rubellinum. Ex eorum oratione intellexi, gratiarū actione eos magis egere, quàm commendatione. Tanta enim liberalitate se tua vsos prædicabant, ut iis plus à te tributum intelligerem, quàm ego auderem te rogare. Audebo tamen; scio enim quantum ponderis mea commendatio sit habitura. Quare à te peto, ut ad eam liberalitatem, qua sine meis litteris

ris

ris vltus es, quam maximus his litteris cumulus accedat. Ca-  
put autem est meæ commendationis, ne patiare Erotem Tu-  
rium. Q. Turii libertum, vt adhuc fecit, hæreditatem Turia-  
nam auertere: cæterisque omnibus rebus habeas eos à me  
commendatissimos; magnam ex eorum splendore, & obser-  
uantia capies voluptatem. Quod vt velis, te vehementer e-  
tiam atque etiam rogo. Vale.

## A R G V M E N T V M.

*Aufidii equitis R. Africana negotia commendat.*

## CICERO S. D. CORNIFICIO.

27

**S**Ex. Aufidius & obseruantia, qua me colit, accedit ad pro-  
ximos; & splendore equitis Romani nemini cedit: est au-  
tem ita temperatis, moderatisque moribus, vt summa seueri-  
tas cum humanitate iungatur. Caius tibi negotia quæ sūt in  
Africa, ita commendo, vt maiore studio, magisue ex animo  
commendare non possim. Pergratum mihi feceris, si dederis  
operam, vt is intelligat meas apud te litteras maximum pō-  
dus habuisse. Hoc te vehementer, mi Cornifici rogo. Vale.

## A R G V M E N T V M.

*Cornifici factum non probat: quia nō animaduertat in quos-  
dam Lilybæo minantes: studium in Remp. laudat. De emse-  
tenda gratiarū actione assentitur: addit de pecunia, & de Rep*

## CICERO S. D. CORNIFICIO.

28

**A**ssentior tibi: eos, quos scribis Lilybæo minari, istic pē-  
nas dare debuisse. Sed metuisti, vt ais, ne nimis liber in-  
vicissendo viderere; metuisti igitur, ne grauis ciuis, ne nimis  
fortis, ne nimis te dignus viderere. Quod societatem Reipu-  
conseruandæ, tibi mecum à patre acceptam, renouas; gratum  
est; quæ societas inter nos sēper, mi Cornifici, manebit Gra-  
tum etiam illud, quod mihi tuo nomine gratias agendas non  
putas; nec enim id inter nos faceres debemus. Senatus sapius

pro dignitate tua appellaretur, si, absentibus Consulibus, unquam, nisi ad rem nouam, cogeretur. Itaque nec de HS. xx. nec de HS. DCC. quidquā agi nunc per Senatum potest; tibi autem ex S. C. imperandū, mutuūque sumendum cenſeo. In Rep. quid agatur, credo te ex eorū litteris cognoscere, qui ad te acta debent præscribere. Ego sū spe bona consilio, cura, labore non desum; ōnibus inimicis Reip. esse me accerimū hostē præmefero. Res neque nunc difficili loco mihi videtur esse, & fuisset facilimo, si cūpa à quibusdam abfuiſet. Vale.

### ARGVMENTVM.

*Commendat studiosè. L. Ælii Lamia negotia, eumque suspectum Cornificio, quasi affuisset eidam S. C. contra dignitatem eius, excusat.*

### CICERO S. D. CORNIFICIO.

29

**N**ON modò tibi, cui ōnia nostra notissima sunt, sed neminem In populo Rom arbitror esse, cui sit ignota ea familiaritas, quæ mihi cū L. Lamia est. Etenim magno theatro spectata est tum, cum est ab A. Gabinio Cos. relegatus, quod liberè, & fortiter salutem meā defendisset. Nec ex eo amor inter nos natus est; sed, quòd erat uetus, & magnus propterea nullum periculū pro me adire dubitauit. Ad hæc officia, uel merita potius iucundissima consuetudo accedit, ut nullo prorsus plus homine delecter. Non puto te iam expectare, quibus eum tibi uerbis cōmendem, causā enim tanti amoris intelligis, quæ uerba desideret, iis me omnibus usū putato. Tanuū uelim existimes, si negotia Lamiæ, procuratores ibertos, familiam, quibuscumque rebus opus erit, defenderis gratius mihi futurū, quā si ea tua liberalitas pertinuisſet ad rem familiarem meam. Nec dubito, quin sine mea commendatione: quod tuū est iudicium de hominibus, ipsius Lamiæ causa studiosè omnia facturus sis. Quanquā erat nobis dictum, te existimare, alicui S. C. quod contra dignitatem tuā fieret, scribendo Lamiā affuisse: qui omninò Consulibus illis nunquam affuit scribendo; deinde omnia tū falsa S. C. deferantur.

bantur. Nisi fortè etiam illi Semproniano S. C. me censeres affuisse; qui ne Romæ quidem tum fui, vt de eo ad te scripsi re recentis, Sed hæc hæc hactenus. Te, mi Cornifici, etiam atque etiã rogo, vt ònia Lamix negotia, mea putes esse: cureſque, vt intelligat hanc commendationem maximo sibi vsui fuisse; hoc mihi gratius facere nihil potes. Cura ut ualeas.

## ARGUMENTVM.

*Officium litterarum requirenti Cornificio se purgas: scribit de bello Antoniano renouato, de suo studio in amicitia colenda aliisque de rebus.*

CICERO S. D. CORNIF.

30

**I**ne præter litigatores, nemo ad te meas litteras. ? multæ istæ quidem. Tu enim perfecisti, vt nemo sine litteris meis tibi se commendatum putaret. Sed quis vnquam tuorū mihi dixit esse, cui darem, quin dederim? aut quid mihi iucundius, quàm, cum coram tecum loqui non possim, aut scribere ad te, aut tuas legere litteras? Illud magis mihi solet esse molestum; tantis me impediri occupationibus, vt ad te scribendi meo arbitratu facultas nulla detur; non enim te epistolis, sed voluminibus lacefferem; quibus quidē me à te pro uocari oporteret. Quamuis enim occupatus sis; otii tamen plus habes, aut, sine tu quidem vacas. noli impudens esse, nec mihi molestiam exhibere; & à me litteras crebriores, cum tu mihi raras mittas, flagitare. Nam cum antea distinebar maximis occupationibus, propterea quòd ònibus curis Rēp. mihi tuendam putabam; tū hoc tempore multò distineor vehementiùs. Vt enim grauius, ægrotant si, qui cum leuati morbo uiderentur, in eum de integro inciderunt; sic vehementiùs nos laboramus, qui profligato bello, ac pænè sublatò, renouatum bellum gerere conamur. Sed hæc hactenus. Tu tibi, mi Cornifici, fac vt persuadeas, non esse me tam imbecillo animo, ne dicā inhumano; vt à te uinci possim, aut officiis, aut amore non dubitabā equidē; verumtamen multò mihi notio rem amorem tuū effecit Cherippus. O hominē semper illum quidem mihi aptum; nunc uerò etiam suauem

vultus mehercule tuos mihi expressit omnes: non solum animum, ac verba petulit. Itaque noli vereri, ne tibi succensus fuerim, quod eodem exemplo ad me, quo ad ceteros. Requiſui equidem proprias ad me vnum à te litteras, sed neque vehementer, & amanter. De sumptu, quem te in rem militarem facere, & fecisse dicis, nihil sane polsum tibi opitulari: propterea quod & orbus Senatus, Consulibus amissis; & incredibiles angustiae pecuniae publicae: quae cōquiritur vndique, ut optime meritis militibus promissa solvantur; quod quidē fieri sine tributo posse non arbitror. De Accio Dionysio nihil puto esse; quoniam mihi nihil dixit Stratorius. De P. Luceio, nihil tibi concedo, quod studiosior eius sis, quam ego sum: est enim nobis necessarius. Sed, à magistris cum contenderem de proferendo die, probauerunt mihi, sese, quod minus id facerent, & compromisso, & iureiurando impediri: quare veniendum arbitror Luceio. Quamquam, si meis litteris obtemperauit, cum tu hae leges, illum Romae esse oportebit. Ceteris de rebus, maximeque de pecunia, cum Pantae mortem ignorares, scripsisti quae per nos ab eo consequi te posse arbitrare; quae te non fefellerint, si viues; retinam te diligebat, post mortem autem eius quid fieri posset, non videbamus. De Venuleio, Latio, Horatio, valde laudo. Illud non in iudicium probo, quod scribis, quod illi animo æquiore ferrent, te tuis etiā legatis lectores ademisſe: honore enim, cum ignominia dignis, non erant comparandi: eosque ex S. C. si non decedunt, cogendos, ut decedant exilium. Hæc ferè ad eas litteras, quas eodem exemplo binas accepi. De reliquo, velim tibi persuadeas, non esse mihi meam dignitatem tua cariorē. Vale.



# M. TVLLII CICERONIS

EPISTOLARVM

Ad Memmium, & alios.

LIBER XIII.

ARGVMENTVM.

*Memmius, lege Pompeia de ambitu, vt Appianus tradit lib. 2. de bel. ciu. condemnatus, Athenis exsul habitabat, ab eo petit Cicero, vt in gratiam redeat cum Patrone Epicureo: ei que locum concedat, vbi, Epicurus habitauerat. Ibat Cicero in prouinciam, cum hac scripsit, vt in ep. II. lib. 5. ad Att.*

CICERO S. D. C. MEMMIO.

**E**T si non satis mihi constituerat, cum aliquantè animi mei molestia, an potius libenter te Athenis visurus essem; quoddam iniuria, quam accepisti, dolore me afficeret; sapientia tua, qua fers injuriam, lætitia; tamen vidisse te mallem Nam, quod est molestiæ, non sanè multò leuius est, cum te non video: quod esse potuit voluptatis, certè, si vidissem, te, plus fuisset; Itaque non dubitabo dare operam; vt te videam, cum id satis cōmodè facere potero: interea, quod per litteras & agi tecum, & vt arbitror, confici potest, agam. Nunc à te illud primum rogabo, ne quid inuitus mea causa facias: sed id, quod mea intelliges multum, tua nullā in partē interesse, ita mihi des, si tibi, vt id libenter facias, ante persuaseris. Cum Patrone Epicureo mihi omnia sunt; nisi quoddam in philosophia vehementer ab eo dissentio. Sed & initio Romæ, cū te quoque, & tuos omnes obseruabat, me co-

lunt in primis: & nuper, cum ea, quæ uoluit, de suis com-  
modis, & præmiis consecutus est, me habuit suorum defen-  
sorum, & amicorum ferè principem: & iam à Phædro, qui  
nobis, cum pueri essemus: antequam Philonem, cognouimus  
valdè, ut philosophus; postea tamen, ut uir bonus, & sua-  
uis, & officiosus, probabatur, traditus mihi commendatus-  
que est. Is igitur Patro, cum ad me Romam litteras misisset,  
uti, te sibi placarem, peteremque, ut nescio, quid illud Epicuri  
parietinarum sibi concederes; nihil scripsi ad te, ob eam rem,  
quod ædificationis tuæ consilium mea cõmendatione nole-  
bam impediri. Idem, ut ueni Athenas, cum idem, ut ad te scri-  
berè, rogasset; ob eam causam impetrauit, quod te abieciſſe  
illam ædificationem, constabat inter omnes amicos tuos:  
Quod si ita est; & si iam planè tua nihil interest; uelim, si qua  
offensùcula facta est animi tui, peruersitate aliquorum; (no-  
ui enim gentem illam) des te ad lenitatem, uel propter tuam  
summam humanitatem, uel etiã honoris mei causa. Equi-  
dem, si, quid ipse sentiam, quæris, nec, cur ille tantoperè  
contendat, uideo; nec cur tu repugnes; nisi tamen multò mi-  
nus tibi concedi potest, quàm illi, laborare sine causa. Quan-  
quam Patronis, & orationem, & causam tibi cognitam esse,  
certo scio; honorem, officium, testamentorũ ius, Epicuri au-  
thoritatem, Phædri obtestationem, sedem, domicilium, ut ue-  
ligia summorum hominum sibi tuenda esse dicit. Totam ho-  
minis uitam, rationemque, quam sequitur in philosophia, de-  
rideamus licet, si hanc eius contentionem uolumus reprehẽ-  
dere. Sed meherculè, quando illi, cæterisque, quos illa dele-  
ctant, non ualdè inimici sumus; nescio an ignoscendum sit  
huic, si tantoperè laborat; in quo, etiam si peccat, magis  
ineptiis, quam improbitate peccat. Sed, ne plura: dicendum  
enim aliquando est: Pomponium Atticum sic amo, ut alterũ  
fratrem: nihil est illo mihi nec carius, nec iucundius. Is, non  
quò sit ex istis, (est enim omni liberali doctrina politissimus)  
sed quia ualdè diligit Patronem, ualdè Phædram amauit, sic  
à me hoc contendit, homo minime ambitiosus, minime in ro-  
gitando molestus, ut nihil unquã magis: nec dubitat, quin ego  
à te nunc hoc consequi possim: ita etiam, si ædificaturus esses,  
Nunc

Nunc uerò, si audierit te ædificationē deposuissē, neque tamen à te impetrasse, non te in me liberalem, sed me in se negligentem putabit. Quamobrem peto à te, ut scribas ad tuos, posse tua uoluntate decretum illud Arcopagitarum, quē ὡς ἀποκαταστήσειν illi uocant, tolli. Sed redeo ad prima. Prius uelim tibi persuadeas, ut hæc mea causā libenter facias, quam ut facias. Sic tamen habeto, si feceris, quod rogo fore mihi gratissimum. Vale.

## ARGUMENTVM.

*Petit, ut Euandro statuario de sacrarii habitatione accommodet*

CICERO S. D. MEMMIO.

2

**C**ausano Euandro, qui habitat in suo sacrario, & ipso multū utor, & patrono eius M. Emilio familiarissimē. Peto igitur à te maiorem in modū, quod sine tua molestia, fiat, ut ei de habitatione accommodes: nam propter opera instituta multa multorum, subitum est ei remigrare Kalen. Quintæ. Impedior uerecundia, ne te pluribus uerbis rogem. Neque ramen dubito, quin, si tua nihil, aut non multum interfit, eo sis animo, quod ego essem, si quid tu me rogares, mihi certē gratissimum feceris. Vale.

## ARGUMENTVM.

*Fustum cōmendat, quem & antè prasens prasēti cōmendarat.*

CICERO S. D. MEMMIO.

3

**F**ustum, unum ex meis intimis, obseruantissimū studio-  
sissimumque nostri, eruditum hominem, & summa humanitate, tuaque amicitia dignissimum, uelim ita tractes, ut mihi coram recepisti; tam mihi gratum id erit, quam quod gratissimum. Ipsum præterea, summo officio, & summa obseruantia, tibi in perpetuum deninxeris. Vale.

AR-



## ARGVMENTVM.

*Volaterranos accurate commendat.*CICERO S. D. Q. VALERIO Q. F. ORCÆ,  
LEGATO PROPRIET.

**C**VM municipibus Volaterranis mihi sūma necessitudo sit. Magno enī meo beneficio affecti, cumulatissimē mihi gratiam retulerunt: nā nec in honoribus meis, nec in laboribus vnquā defuerunt. Cū quibus si mihi nulla causa intercederet, tamen, quod te vehementissimē diligo, quodque me a te plurimi fieri sentio, & monerem te, & hortarer, vt eorū fortunis consuleres; præsertim cum propē præcipuam causam haberent ad ius obtinendum. Primam, quod Syllani temporis acerbitatem. Deorū immortalium benignitate subterfugerunt: Deinde, quod summo studio Populi R. à me in Consulatu meo defensi sunt. Cum enim Tribuni pleb. legem iniquissimam de eorum agris promulgassent, facilē Senatui, Populoque R. persuasi, vt eos ciues, quibus fortuna pepercisset, saluos esse vellēt. Hanc actionē meā C. Cæsar primo suo Consulatu in lege agraria comprobauit: agrumque Volaterranum, & opidum omni periculo in perpetuū liberauit, vt mihi dubium non sit, quin is, qui nouas necessitudines adiungat, vetera sua beneficia cōseruari velit. Quamobrem est tuæ prudentiæ, aut sequi eius auctoritatem, cuius sectam, atque imperium summa cum tua dignitate secutus es: aut certē illi integram omnem causam referuare. Illud verò dubitare nō debes, quin tam graue, tam firmum, tam honestum municipium tibi tuo summo beneficio in perpetuum obligare velis. Sed hæc, quæ scripta sunt supra, eò spectant, vt te hortet, & tibi suadeam; reliqua sunt, quæ pēttinent ad rogandum; vt non solum tua causa tibi consilium me dare putes. sed etiā quod mihi opus sit, me à te petere, & rogare: Gratiissimum igitur mihi feceris, si Volaterranos omnibus rebus integros, incolumesque esse volueris. Eorum ego domicilia, sedes, rē, fortunas, quæ & à Diis immortalibus, & à præstātissimis in  
nostra

noſtra Rep. ciuibus, ſummo Senatus, populiſque Rom. studio conſeruatae ſunt, tuæ fidei, iuſtitiaæ, bonitatieque commendo. Si pro meis priſtinis opibus facultatē mihi res hoc tempore daret, vt ita defendere poſſem Volaterranos, quemadmodum conſueui tueri meos; nullum officium, nullum deniq; cet̄amen, in quo illis prodeſſe poſſem, prætermitterem. Sed, quando apud te nihilominus hoc tempore valere me conſido, quā valuerim ſemper apud ōnes; pro noſtra ſūma neceſſitudine, parique inter nos, & mutua beneuolentia abs te peto, vt ita de Volaterranis mereare, vt exiſtiment eum, quaſi diuino cōſilio iſti negotio præpoſitum eſſe, apud quem vnum nos, eorū perpetui deſenſores; plurimum valere poſſemus. Vale.

## A R G V M E N T V M.

*Rogat, ne Curtii ager diuidatur: idque etiam rationibus conatur perſuadere.*

CICERO S. D. Q. VALERIO, Q. F. ORCÆ,  
LEGATO, PROPRIET.

**N**ON moleſtē fero, eam neceſſitudinem, quæ mihi tecū eſt, notam eſſe quamplurimis. Neque tamen ob eam cauſam, quod tu optimē exiſtimare poteſ, te impedio, quod minus ſulceptum negotium pro tua fide, & diligentia ex voluntate Cæſaris, qui tibi rem magnam, difficilemque cōmiſit; gerere poſſis. Nam, cum multi à me petant multa, quod de tua erga me voluntate non dubitent; non committo, vt ambitione mea conturbem officium tuum. C. Curtio ab ineunte ætate familiariffimē ſum vſus. Eius & Syllani tēporis iuſtiſſima calamitate dolui: & cum iis, qui ſimilem iniuriam acceperant, amiſſis omnibus fortunis, reditus tamen in patriam voluntate omnium concedi videretur; adiutor incolumitatis ſui, is habet in Volaterrano poſſeſſionem, cū in eam, tanquam è naufragio, reliquias contuliſſet. Hoc autem tempore cum Cæſar in Senatum legit: quem ordinem ille, iſta poſſeſſionem amiſſa, tueri vix poteſt; Grauiſſimum autem eſt, cū ſuperior factus ſit ordine, inferiorē eſſe fortuna: minimē quoniam

conuenit, ex eo agro, qui Cæsaris iussu diuidatur, cum moueri, qui Cæsaris beneficio Senator sit. Sed mihi minus libet multa de æquitate scribere; ne causa potius apud te valuisse videar, quam gratia. Quamobrè te maiorem in modum rogo, vt C. Curtii rem meam putes esse; quidquid mea causa faceres, vt id C. Curtii causa cum feceris, meum existimes; quod ille per me habuerit; id me habere abs te putato. Hoc te vehementer etiam atque etiam rogo. Vale.

### A R G V M E N T V M.

*Generatim omnes amicos Cuspia commendat, nominatim L. Iulium, & P. Cornelium.*

C I C. S. D. Q. V A L. Q. F. O R C Æ, L E G A T O,  
P R O P R Æ T. 6

**S**I vales, bene est; ego quidem valco. Credo te memoria tenere me, & coram P. Cuspio tecum locutum esse, cum te prosequeretur paludatum, & idem postea plurimis verbis te cõegisse; vt quoscumque tibi eius necessarios commendare haberes eos in numero meorum necessariorum. id tu pro tua summa erga me beneuolentia, perpetuaque obseruantia, mihi liberalissime, atque humanissime recepisti. cuspianus, homo in omnes suo officiosissimus, mirifice quosdã homines ex ista Prouincia tueretur, & diligit; propterea quod fuit in Africa bis cum maximis locieratis negotiis præfisset, itaque hoc eius officium, quod adhibet erga illos, ego mea facultate, & gratia soleo, quantum possum; adiuuare. Quare cuspianorum omnium commendationis causam hac tibi epistola exponendam putavi: reliquis epistolis, tantum faciam, vt notam apponam eam, quæ mihi tecum conuenit, & simul significet de numero esse Cuspia amicorum. Sed hanc commendationem, quæ his litteris consignare volui, scito esse omnium grauissimam. Nam P. Cuspianus singulari studio contendit à me, vt tibi quæ diligentissime L. Iulium commendarem. Eius ego studio vix videor mihi satisfacere posse, si utar verbis ijs, quibus, cum diligentissime quid agimus, uti solemus. Noua quædam po-  
stulat

flulat; & putat me eius generis artificium quoddam tenere; Ei ego pollicitus sum, me ex intima nostra arte deprompturum mirificum genus cōmendationis. Id quando assequi nō possum; tu re velim efficias, ut ille genere mearum litterarū incredibili quodam perfectum arbitretur. Id facies, si omne genus liberalitatis, quod & ab humanitate, & potestate tua proficisci poterit, non modò res, sed etiā verbis, vultu denique expresseris: quæ quantū in Prouincia ualeant, uellē expertus es. Sed tamen suspicor ipsum hominem, quē tibi commendo; perdignū esse tua amicitia. Nec id solum, quia mihi Cuspius dicit, credo; tamen si id satis esse debebat. sed quia noui eius iudiciū in hominibus, & amicis diligendis. Harū litterarū vis quanta fuerit, propediē iudicabo; tibi que, ut confido, gratias agā. Ego quæ te uelle, quæq; ad te pertinere arbitror, ōnia studiosè, diligenterque curabo. Cura, ut ualeas. P. Cornelius, qui tibi has litteras reddidit, est mihi à P. Cuspio commendatus. Cuius causa quantopere cuperem, debereque, profecto ex me faciliè cognouisti. Vehementer te rogo, ut cures, ut ex hac commendatione mihi Cuspius quàm maximas, quàm primum, quàm sæpius gratias agat.

## A R G V M E N T V M.

*Petit à Clunio, ne uectigal. Atellano municipio impositum exigat: sed integram causam Casari conseruet.*

## CICERO S. D. CLVIO.

7

**C**Um, in Galliā proficiscens, pro nostra necessitudine, tuaque summa in me obseruantia, ad me domum uenisses, locutus sum tecū de agro uectigali municipii Atellani, quī esset in Gallia; quātoque opere eius municipii causa laborarem, tibi ostendi. Post tuam autem profectiōem, cum & maximæ res municipii honestissimi, mihi que coniūctissimi, & summū meū officium ageretur; pro tuo animo in me singulari, existimaui me oportere ad te accuratius scribere: etsi non sum nescius, & quæ temporū ratio, & quæ tua potestas sit; tibi que negotium datum esse à C. Casare, non iudicium, præ-

præclarè intelligo. Quare à te tantum peto, quantum & te facere posse, & libenter mea causa facturum esse arbitror. Et primum velim existimes, quod res est, municipii fortunas omnes in isto vectigali consistere; his autem temporibus hoc municipium, maximis oneribus pressum, summis affectum esse difficultatibus. Hoc etsi commune videtur esse cum multis, tamen mihi crede singulares huic municipio calamitates accidisse: quas idcirco non commemoro, ne, de miseris eorum necessariorum conquerens, homines, quos nolo, videar offendere. itaque, nisi magnam spem habere, C. Cæsari nos causam municipii probaturos; non erat causa, cur à te hoc tempore aliquid contenderem. Sed, quia confido mihi que persuasi, illum & dignitatis municipii, & æquitatis, & voluntatis etiam erga se habiturum esse rationem; ideo à te non dubitavi contendere, ut hanc causam illi integram conseruares. Quod etsi nihilominus à te peterem, si nihil audiuissem te tale fecisse; tamen maiorem spem impetrandi pactus sum, postea quam mihi dictum est; hoc idem à te Rhégienses impetrauisse. Qui etsi te aliqua necessitudine attingunt, tamē tuus amor in me sperare me cogit, te, quod tuis necessariis tribueris, idem esse tributurum meis: præsertim cum ego pro his vnis petam: habeam autem, qui simili causa laborent, eoque plures necessarios. Hoc me non sine causa facere, neque aliqua leui ambitione commotum a te contendere, etsi te existimare arbitror: tamē mihi affirmāti credas velim, me huic municipio debere plurimum: nullum vnquā fuisse tempus neque bonorum, neque laborum meorum, in quo non huius municipii studium in me extiterit singulare. Quapropter à te etiam atque etiam pro nostra summa coniunctione, proque tua in me perpetua, & maxima beneuolentia maiorem in modum peto, atque contendo: ut, cum fortunas agi eius municipii intelligas, quod sit mihi necessitudine, officiis, beneuolentia coniunctissimum, id mihi des; quod erit huiusmodi, ut, si à Cæsare, quod speramus, impetrauerimus; tuo beneficio nos id consecutos esse iudicemus; sin minus, pro eo tamen id habeamus; quando à te data sit opera, ut impetraremus. Hoc cum mihi gratissimum feceris; tū viros optimos, homines honestissimos, eosdemque

demque gratissimos, & tua necessitudine dignissimos, summo beneficio perpetuum tibi, tuisque deuinxeris. Vale.

## A R G V M E N T V M.

*Rogas Rutilium, ut in agrorum diuisione Albini prædia me attingat.*

CICERO S. D. M. RUTILIO.

8

**C**VM & mihi conscius essem quanti te facerem: & tuam erga me beneuolentiam expertus essem: non dubitavi a te petere, quod mihi petendum esset. P. Sextium quanti faciam, ipse optimè scio: quanti autem facere debeam, & tu, & omnes homines sciunt. Is cū ex aliis te mei studiosissimū esse cognosceret: petiuit à me, ut ad te quàm accuratissimè scriberem de re C. Albini Senatoris; cuius ex filia natus est L. Sextius adolescens, filius P. Sextii. Hoc idcirco scripsi, ut intelligeres, non solum me pro P. Sextio laborare debere, sed Sextium etiam pro Albino. Res autem hæc est. A M. Laberio C. Albinus prædia in æstimationem accepit: quæ prædia Laberius emerat à Cæsare de bonis Plotianis. Ea si dicā nō esse è Rep. diuidi, docere te videar, non rogare. Sed tamen cum Cæsar Syllanas venditiones, & assignationes ratas esse velit quò firmiores existimentur suæ: si ea prædia diuidētur, quæ ipse Cæsar vendidit, quæ tandē in eius venditionibus esse poterit auctoritas? sed hoc quale sit, tu pro tua prudentia considerabis. Ego te planè rogo, atque ita, ut maiore studio, iustiore, de causâ, magis ex animo rogare nihil possim; ut Albino parcas, prædia Laberiana ne attingas. Magna me affeceris non modo lætitiâ, sed etiam quodam modò gloria, si P. Sextius homini maximè necessario per me satisfecerit, cū ego illi plurimum debeam. Quod ut facias, te vehementer etiam atque etiam rogo, maius mihi dare beneficium nullū potes: id mihi intelliges esse gratissimum. Vale.

## A R G V M E N T V M.

*Bithynicam publicanorum societatem, nominatimque Cn. Papium commendat.*

CI.

## CICERO S. D. CRASSIPEDI.

**Q**uanquam tibi præsens commendavi, ut potui diligentissimè, socios Bithyniæ; teque cum mea commendatione, tum etiam tua sponte intellexi cupere ei societati, quibuscumque rebus posses, commodare; tamen cum ii, quorum res agitur, magni sua interesse arbitrarentur, me etiam per litteras declarare tibi, qua essem erga ipsos voluntate, non dubitavi hæc ad te scribere. Volo enim te existimare, me cum uniuerso ordini publicanorum multum semper libentissimè tribuerim: idque pro magnis eius ordinis erga me meritis facere debuerim; tum in primis amicum esse huic Bithyniæ societati; quæ societas ordine ipso, hominum genere pars est maxima ciuitatis, constat enim ex cæteris societatibus: & casu, per multi sunt in ea societate valdè mihi familiares; in primisq; is, cuius præcipuum officium agitur hoc tempore, P. Rupilius P. F. Men. qui est magister in ea societate. Quæ cum ita sint; maiore in modum à te peto, Cn. pupium, qui est in operis eius societatis, omnibus tuis officiis, atque omni liberalitate tueare; curesque, ut eius operæ, quod tibi facile factum est, quam gratissimæ sint locis, remque, & utilitatem sociorum (cuius rei quantam potestatem. Quæstor habeat, non sum ignarus) per te, quam maximè defensam, & auctā velis. id cum mihi gratissimum feceris; tū illud tibi, expertus, promitto, & spondeo, te, socios Bithyniæ, si iis commodaris, memores esse, & gratos cogniturum. Vale.

## A R G V M E N T V M.

*M. Terentium Varronem Quæstorem M. Bruto commendat, quem Cæsar Gallia cæteriori præfecerat. ep. 6. lib. 6. & in Oratore.*

## CICERO S. D. M. BRUTO.

10

**C**um ad te, tuus Quæstor M. Varro proficeretur, commendatione egere cum non putabam; satis enim commendatum tibi cum arbitrabar ab ipso more maiorū, qui ut

te sua

te non fugit, hanc Quæsturæ coniunctionem liberorū neces-  
 situdini proximā voluit esse. Sed, cū sibi ita persuasisset ip-  
 se, meas de se accuratè scriptas litteras maximè apud te pon-  
 dus habjturas; à meque contenderet, vt quam diligentissimè  
 scriberem: malui facere, quod meus familiaris tanti lua inter-  
 esse arbitrarètur. Vt igitur debere me facere hoc intelligas;  
 cum primū M. Terentius in forum venit, ad amicitia se meā  
 contulit. Deinde, vt se corroborauit, duæ causæ accesserunt,  
 quæ meam in illū beneuolentiam augerent, vna quod versa-  
 batur in hoc studio nostro, quo etiam nunc maximè delecta-  
 mur, & cū ingenio, vt nosti, nec sine industria, deinde, quod  
 maturè se contulit in societates publicanorum; quod quidem  
 nollem, maximis enim damnis affectus est; sed tamen causa  
 communis ordinis mihi commendatissimi fecit amicitia no-  
 strā firmiorē. Deinde uersatus in vtrisque subselliis optima  
 & fide, & fama iam ante hanc cōmutationem Reip. petitioni  
 sese dedit: honorēque honestissimum existimauit fructū la-  
 boris sui. His autem tēporibus me Brundisio cum litteris, &  
 mandatis profectus est ad Cæsarem: qua in re, & amorem  
 eius in suscipiendo negotio perspexi, & fidem in conficiendo  
 ac renunciendo. Videor mihi cum separatim de probitate  
 eius, & moribus dicturus fuissem, si prius causam, cur eū tā-  
 to perē diligerem, tibi exposuissem; in ipsa causa exponenda  
 satis etiam de probitate dixisse. Sed tamen separatim promit-  
 to, in meque recipio, fore cum tibi, & voluptati, & vsui. Nā  
 & modestum hominem cognosces, & prudentē, & à cupidi-  
 tate omni remotissimū; præterea magni laboris, summæque  
 industriæ. Neque ego hæc polliceri debeo, quæ tibi ipsi, cum  
 bene cognoueris, iudicāda sunt: sed tamē *In omnibus nouis co-  
 niunctionibus interest, qualis primus aditus sit, & qua commē-  
 datione quasi amicitia fores aperiuntur.* Quod ego his litte-  
 ris efficere uolui: etsi id ipsa per se necessitudo Quæsturæ ef-  
 fecisse debet: sed tamen nihilo infirmius illud, hoc addito.  
 Cura igitur, si me tanti facis, quanti & Varro existimat, &  
 ipse sentio, vt quamprimum intelligam, hanc meam com-  
 mendationem tantum illi vtilitatis attulisse, quantum & ipse  
 sperarit, nec ego dubitarim. Vale.



## A R G V M E N T V M.

*Arpinatis municipii Gallicana vectigalia Bruto; Galliam ceteriorem administranti; commendat.*

## CICERO S. D. BRUTO.

**Q**uia semper animaduerti, studiosè te operam dare: ut ne quid meorum tibi esset ignotum, propterea non dubito, quin scias, non solum cuius municipii sim, sed etiam quam diligenter soleam meos municipes Arpinates tueri. Quorum quidem omnia commoda, omnesque facultates, quibus; & sacra conficere, & iarta tecta ædium sacrarum, locorumque cõmuniũ tueri possint, consistunt in iis vectigalibus, quæ habent in Prouincia Gallia. Ad ea visenda, pecuniaque, quæ à colonis debentur, exigendas, totamque rem, & cognoscendâ, & administrandâ legatos equites Romanos misimus Q. Fufidium Q. F. M. Fancium M. F. Q. Mamercum Q. F. Peto à te maiorem in modũ pro nostra necessitudine, ut ea res tibi curæ sit: operamque des, ut per te quam commodissimè negotium municipii administretur, quamprimumque conficiatur ipsolq; , quorum nomina scripsi, ut quam honorificentissimè pro tua natura, & quam liberalissimè tractes. Bonos viros ad tuam necessitudinẽ adiunxeris; municipiumque gratissimum beneficio tuo deuinxeris; mihi uero etiam eo gratius feceris; quod cũ semper tueri municipes meos consueui; tum hic animus præcipuè ad meam curam, officiumque pertinet. Nã, cõstituendi municipii causa, hoc Anno Ædilem filium meũ fieri volui, & fratris filium, & M. Cæsium hominẽ mihi maxime necessariũ; is enĩ magistratus in nostro municipio, nec alius ullus, creari solet. Quos cohonestaris. I primisque me, si Respub. municipii, tuo studio, & diligentia bene administrata erit. Quod ut facias te vehementer etiam atq; etiã rogo. Vale.

## A R G V M E N T V M.

*Q. Fufidium, Arpinatis municipii legatum, qui tribunus, mil. in Cilicia fuerat diligenter commendat.*

## CICERO. S. D. BRVTO.

12

**A**lia epistola communiter cōmendauī tibi legatos Arpinatium, vt potui diligentissimē; hac separatim Q. Fufidium quo cū mihi omnes necessitudines sunt, diligentis cōmendo; non vt aliquid de illa cōmendatione deminuā, sed vt hanc addam. Nā & priuignus est M. Cæsi mei maximē & familiaris, & necessarii & fuit in Cilicia mecū Tribunus militum quo in munere ita se tractauit, vt accepisse ab eo beneficium viderer, non dedisse: est præterea, quod apud te valet, plurimum, à nostris studiis non abhorrens. Quare velim eū quam liberalissimē complectare, operamque des, vt in ea legatione quam suscepit contra suum commodum, secutus auctoritatē meam, quā maximē eius excellat industria. Vult enim, id quod optimo cuique natura tributum est, quam maximā laudem cum à nobis, qui eum impulimus, tum à municipio consequi: quod ei contingeret, si hac mea commendatione tuum erga se studium erit consecutus. Vale.

## ARGVMENTVM.

*L. Castronium ex Lucensi municipio commendat.*

## CICERO S. D. BRVTO.

13

**L**. Castronius Pætus longē princeps municipii Lucēsis est. honestus grauis: plenus officii, bonus planē vir, & cum vjrutibus, tum etiā fortuna, si quid hoc ad rem pertinet, ornatus; meus autē est familiarissimus, sic prorsus, vt nostri ordinis obseruet neminem diligentius. Quare & vt meum amicum, & vt tua dignum amicitia, tibi commendo: cui quibuscunque rebus commodaueris, tibi profectō iucundum, mihi certē erit gratum. Vale.

## ARGVMENTVM.

*Petit, vt exactionem eius pecunia, quam Straboni Cornelius debebat, suo studio, & diligentia cures.*

## CICERO S. D. BRVTO.

14

**L**. Tito Strabone, equite Romano in primis honesto & ornato, familiarissimē vtor; omnia mihi cū eo intercedūt

Aa 2

iura

Iura summæ necessitudinis. Huic in tua Prouinciâ pecuniâ debet P. Cornelius: ea res à Volcatio, qui Romæ ius dicit, relecta in Galliam est; Peto à te hoc diligentius, quàm si mea res esset, quò est honestius de amicorum pecuniâ laborare, quàm de sua; ut negotium conficiendum cures, ipse suscipias transgastopera mque des, quod tibi æquum & rectû videbitur ut quâ cōmodissima conditione libertus Strabonis, qui eius rei causa missus est, negotium conficiat, ad nūmosque perueniat. Id & mihi gratissimum erit: & tu ipse L. Titium cognosces amicitia tua dignissimū Quod ut tibi curæ sit, ut omnia solent esse, quæ me velle scis, te uehementer etiam atque etiam rogo. Vale.

### ARGUMENTVM.

*Præcilium adolecentem, patrem natum Casari amicissimo, commendat.*

CICERO S. D. C. CÆSARI IMP. 15

**P**Ræcilium cōmendo vnicè, tui necessarii, mei familiarissimi, viri optimi filium. Quem cum adolecentem ipsum propter eius modestiam; humanitatem, animum, & amorem erga me singularem mirificè diligo; tum patrem eius, re doctus, intellexi, & didici mihi fuisse semper amicissimum. En hic ille est de illis maximè, qui irridere, atque obiurgare me soliti sunt, quod me non tecum, præsertim cū abs te honorificentissimè Inuitarer, coniungerem.

*ἀλλ' ὁ μὲν ἔπειτα θυμὸν ἐνὶ στήθεσιν ἔπθην.*

Audiebam enim nostros proceres clauitantes.

*ἀλλήμος εἶσ', ἵνα τίς σε, καὶ ὁ ψιγόνων' ἀειπῶς περὶ με ἐκάλυψε μέλαινα.*

Sed tamen idem me consolatur. Et iam hominem perustum, etiam nūm gloria volunt incendere; atque ita loquuntur: Μὴ μὲν ἀσπυδεῖ γε, καὶ ἀκλειῶς ἀπολοίμην, Ἀλλὰ μὲν γὰρ ῥέξας τίς, καὶ ἑσομένοισι πυνθέσθαι. sed me minus iam mouent, ut vides. Itaque ab Homeri magniloquentia confero me ad vera præcepta, Euripi δὲ.

*Μισῶ σοφιστὴν. ὅστις ἔχ' αὐτῷ σοφός.* Quem verum senex Præcilius laudat egregiè; & ait posse eundem, & ἀμα πρῶτα, καὶ

καὶ ὁ πῖσις. videre? & tamen nihilominus ἀνὲν ἀπὸς αὐτοῦ, καὶ ὑπεύχον ἐμμεναι ἄλλων.

Sed ut redeam ad id, unde coepi; vehementer mihi gratum feceris, si hunc adolescentem humanitate tua, quæ est singularis, comprehenderis: & ad id, quod ipsorum Præcilioſum causa te velle arbitror, addideris cumulum cōmendationis meæ. Genere nouo sum litterarum ad te vsus; ut intelligeres, non vulgarem esse commendationem. Vale.

## A R G V M E N T V M.

*Appollonium. P. Crassi libertum Cæsari, bellum in Hispania contra Pompeii liberos gerenti commendat.*

CICERO S. D. CÆSARI IMP.

16

**P** Crassum, ex omni nobilitate, adolescentem dilexi plurimum; & de eo cum ab ineunte eius ætate bene sperauissem; tum optimè existimare coepi ex iudicijs, quæ de eo feceram cognitis. Eius libertum Appollonium iam tum equidem, cum ille uiueret; & magni faciebam; & probabam. Erat enim & studiosus Crassi, & ad eius optima studia vehementer aptus, itaque ab eo admodum diligebatur. Post mortem autem Crassi, eò mihi etiam dignior uisus est, què in fide, atque amicitiam ineam recipere; quòd eos à se obseruandos, & colendos putabat, quos ille dilexisset, & quibus carus fuisset. Itaque & ad me in Ciliciam uenit, multisque in rebus mihi magno vsui fuit & fides eius, & prudentia; & ut opinor, tibi in Alexandrino bello, quantum studio, & fidelitate consequi potuit, nō defuit. Quod cum speraret te quoque ita existimare in Hispaniam ad te, maximè ille quidem tuo consilio, sed etiam me auctore est profectus. Cuj ego commendationem non solum pollicitus; non quin eam ualituram apud te arbitrarer; sed neque mihi egerè cōmendatione uidebatur, qui & in bello tecum fuisset & propter memoriam Crassi de tuis vnus esset; & si uti commendationibus uellet, etiam per alios eum uidebam id consequi posse. Testimoniū meum de eo iudicii, quod & ipse magni æstimabat, & ego apud te ualere eram expertus, ei libenter dedi. Doctum igitur hominem cognoui, & studiis optimis debitum, idque à

puero. Nam domi meæ cum Diodoto Stoico, homine, meo iudicio, eruditissimo, multum à puero fuit. Nunc autem in census studio rerum tuarum, eas litteris Græcis mandare cupiebat. Posse arbitror; valet ingenio; habet usum: iam pridem in eo genere studii, litterarumque versatur: satisfacere immortalitati laudum tuarum mirabiliter cupit. Habes opinionis meæ testimonium: sed tu hoc facilius multo, pro tua singulari prudentia; iudicabis: & tamen quod negaueram, commendo tibi eum. Quidquid ei commodaueris, erit mihi maiorem in modum gratum. Vale.

### ARGUMENTVM.

*Sulpicio, Achaia præfecto, Manium Curiam commendat. Vide ep. 4. & lib. 4. & ep. 6. lib. 6. & 29 lib. 7. & 50. huius libri. & lib. 16.*

CICERO S. D. SER. SULPICIO. 17

**M**AN. Curius, qui Patris negotiatur, multis, & magnis de causis à me diligitur. Nam & amicitia peruetus mihi cum eo est; ut primum in forum venit, instituta: & Patris, cum aliquoties antea, tum proxime hoc miserrimo bello, domus eius tota mihi patuit; quæ, si opus fuisset, tam essem usus, quam mea. Maximum autem mihi vinculum cum eo est, quasi sanctioris cuiusdā necessitudinis, quod est Attici nostri familiarissimus, eumque: vnum præter cæteros obseruat, ac diligit. Quem si tu iam fortè cognouisti; puto me hoc, quod facio facere, serius. Ea enim est humanitate, & obseruantia; ut eum tibi iam ipsum per se commendatum putem. Quod tamen si ita est; magnopere à te quæso ut ad eam voluntatem. si quam in illum ante has meas litteras contulisti, quam maximus postea mea commendatione cumulus accedat. Sin autem propter verecundiam suam minus se tibi obtulit: aut eum nondum satis habes cognitum; aut quæ causa est, cur maioris commendationis indigeat, sic tibi eum commendo. ut neque maiore studio quemquā, neque iustioribus de causis commendare possim. Faciamque id, quod debent facere illi, qui religiose, & sine ambitione commendant: spondebo enim tibi, vel

po.

potius spondeo, in meque recipio, eos esse Man. Curii merces  
eamque tum probitatem, tum etiam humanitatem: vt eū, &  
amicitia tua, & tam accurata cōmendatione si tibi sit cogni-  
tus, dignū sis existimaturus. Mihi certē gratissimum feceris,  
si intellexero has litteras tantum quantum scribens confide-  
bam, apud tē pondus habuisse. Vale.

## A R G V M E N T V M.

*Primum agit gratias de optima in Pomponium Atticum vo-  
luntate. Deinde non necessariam commendationem addit vt  
neque in Epiroticis negotiis, neque aliis in rebus Attico desit*

## CICERO S. D. SVLPICIO.

18

**N**ON concedam, vt Attico nostro, quem elatum lætitia  
vidi, iucundiores tuæ, suauissimæ ad eum, & humanissi-  
me scriptæ, litterę fuerint, quàm mihi. Nam etsi vtrique no-  
strū propē æquē gratae erant; tamen ego admirabar magis te  
quàm si rogatus, aut certē admonitus liberaliter Attico res-  
pondisses. [quod tamen dubium nobis, quin ita futurum fue-  
rit, non erat] vltro ad eum scripsisse: eique nec opināti volun-  
tatem tuam tantam per litteras detulisse. De quo non modo  
rogare te. vt eò studiosius mea quoque causa facias, non de-  
beo, [nihil enim cumulatius fieri potest, quàm polliceris] sed  
ne gratias quidem agere, quod tu, & ipsius causæ.  
& tua sponte feceris. Illud tamen, dicam, mihi id,  
quod fecisti, esse gratissimum. Tale enim tuum iudicium  
de homine eo, quem ego vnicē diligo, non potest mihi non  
summè esse iucundum; quod cum ita sit, esse gratum necesse  
est. Sed tamen, quando mihi, pro coniūctione nostra vel pec-  
care a pud te in scribendo licet; vtrumque eorum, quę negaui  
mihi faciendā esse, faciam. Nam & ad id, quod Attici causa  
te ostendisti esse facturum, tantum velim addas, quantum ex  
nostro amore accessionis fieri potest; & quod modo verebar  
tibi gratias agere, nunc plane ago: teque ita existimare volo,  
quibuscumque officiis in Epiroticis, reliquisque rebus Atti-  
cum obstrinxeris, iisdem me tibi obligatum fore; Vale.

## A R G V M E N T V M.

*Rogat, ut Lysonem iam antea commendatum, in fidem, necessitudinemque suam recipiat.*

CICERO S. D. SVLPICIO.

19

**C**VM Lysonem Patrensis est mihi quidem hospitium uetus, quam ego necessitudinem sanctè colendam puto, sed ea causa est etià cum aliis compluribus: familiaritas tanta nullo cum hospite: & ea cum officiis eius multis, tum etiam cōsuetudine quotidiana sic est aucta; ut nihil sit familiaritate nostra coniunctius. Is cū Romæ anquā propè ita fuisset, ut mecū uiueret: et si eramus in magna spē te meis litteris cōmendationeque diligentissimè facturū id, quod fecisti, ut eius rē, & fortunas absentis tuereretur: tamen quod in unius potestate erāt ōnia, & quod Lyso fuerat in nostra causa, nostrisque præsidiis, quotidie aliquid timebamus. Effectū tamen est, & ipsius splendore, & nostro, reliquorumque hospitum studio, ut omnia, quæ uellemus, à Cæsare impetrarētur: quod intelliges ex iis litteris, quas Cæsar ad te dedit. Nunc non modo non remittimus tibi aliquid ex nostra commendatione, quasi adepti iam omnia; sed eò uehementius à te contendimus, ut Lysonē in fidem, necessitudinemque tuam recipias. Cuius dubia fortuna timidiùs tecum agebamus; uerentes, ne quid accideret eiusmodi, ut ne quidē mederi posses; explorata verò eius incolumitate, omnia à te studia summa cura peto. Quæ ne singula enumerem; totam tibi domum cōmendo; in his adolescentem filiū eius; quem C. Memmius Gemellus, cliēs meus, cum in calamitate exiliū sui Patrensis ciuis factus esset, Patrensiū legibus adoptauit: ut eius ipsius hæreditatis ius, causamque tueare. Caput illud est, ut Lysonem, quem ego uirū optimum, gratissimumque cognoui recipias in necessitudinē tuam. Quod si feceris; non dubito, quin in eo diligendo, cæterisque postea cōmendando, idem, quod ego, sis iudicii, & uoluntatis habiturus. Quod cōm fieri uehementer studeo; tum etià illud uereor, ne, si minùs cumulatè uideberis fecisse aliquid eius causa; me ille negligenter scripsisse de se putet, nō

te oblitum mei. Quanti enim me faceres, cum ex sermonibus quotidianis meis, tum ex epistolis etiam tuis potuit cognoscere. Vale.

## ARGVMENTVM.

*Commendat Asclaponem medicum ut amicum, ut doctum, ut fidelem.*

## CICERO S. D. SVLPICIO.

20

**A**sclapone Patrensi, medico, utor ualdè familiariter; eiusque tum consuetudo mihi iucunda fuit, tum etiam ars, quam sum expertus in ualetudine meorum; in qua mihi tum ipsa scientia, tum fidelitate, beneuolentiæque satisfecit. Hunc igitur tibi commendo; & à te peto, ut des operam, ut intelligat, diligenter me scripsisse de se, meamque commendationem vsui magno sibi fuisse: erit id mihi uehementer gratum. Vale

## ARGVMENTVM.

*Domum, & rem familiarem M. Æmilii, maximèque C. Hammonium, libertum eius, commendat.*

## CICERO S. D. SVLPICIO.

21

**M**Æmilijus Auianus ab ineunte adolescentia me obseruauit, semperque dilexit: uir cum bonus, tum perhumanus, & in omni genere officii diligendus. Quem si arbitraret esse Sicyone, & nisi audirem, ibi eum etiam nunc, ubi ego reliqui, Cibyrae cōmorari, nihil esset necesse plura me ad te de eo scribere. Perficeret enim ipse profectò suis moribus, suaque humanitate, ut sine cuiusquam cōmendatione diligeretur abs te non minus, quam & à me, & à ceteris suis familiaribus. Sed cum illum abesse putem: commendo tibi maiorem in modum domum eius, quæ est Sicyone, remque familiarem: maximè C. Auianum Hammonium, libertum eius, quem quidem tibi etiam suo nomine commendo. Nam cum propterea mihi est probatus, quòd est in patronū suū officio & fide singulari, tum etiam, quòd in me ipsum magna officia contulit; mihiq; molestissimis temporibus ita fideliter, beneuo-



beneuolèquè præsto fuit, ut si à me manumissus esset. Itaque peto a te, ut enim Hammonium & in patroni eius negotio sic tueare, ut eius procuratorem, quem tibi commendo; & ipsū suo nomine diligas. habeasque in numero tuorum. Hominē prudentem, & officiosum cognosces, & dignum qui a te diligatur. Vale.

### ARGUMENTVM.

*T. Manlium /no, Varronisque nomine commendat.*

CICERO S. D. SVLPICIO.

22

**T** Manlium, qui negotiatur Thelpiis, vehementer diligo; nam & semper me coluit, diligētissimèque obseruauit & a studiis nostris non abhorret; accedit eo, quod Varro Murena magnopere eius causa uult omnia. Qui ita existimauit, et si suis litteris, quibus tibi Manlium commendabat, valde consideret; tamen mea cōmendatione aliquid accessionis fore. Me quidē cum Manlii familiaritas, tum Varronis studiū commouit; ut ad te quam accuratissimè scriberem. Gratissimum igitur mihi feceris, si huic commendationi meæ tantū tribueris, quantum cui tribuisti plurimum; id est, si T. Manliū quam maximè, quibuscumque rebus honestè, ac pro tua dignitate poteris, iuueris, atque ornaueris. Ex ipsius præterea gratissimis, & humanissimis moribus, confirmo tibi, eum, te, quem soles fructum à bonorum virorum officiis expectare esse capturum. Vale.

### ARGUMENTVM.

*L. Cossinium libertum commendat.*

CICERO S. D. SVLPICIO.

23

**L** Cossinio, amico, & tribuli meo, valde familiariter vtor. Nam & inter nosmetipsos uetus usus intercedit, & Atticus noster maiorem etiam mihi cum Cossinio consuetudinē fecit; itaque tota Cossinii domus me diligit in primisque libertus

betus eius L. Cossinius Anchialus homo, & patrono, & patroni necessarius; quo in numero ego sum probatissimus. Hunc tibi ita commendo: ut si meus libertus esset, eodēq; apud me loco esset; quo & est apud patronum suum, maiore studio commendare non possem. Quare pergratum mihi feceris, si eū in amicitiam tuam receperis; atque eum; quod sine molestia tua fiat, si qua in re opus ei fuerit, iuueris. Id & mihi vehementer gratum erit, & tibi postea iucundum; hominem enim summa probitate, humanitate, obseruantiaque cognosces. Vale.

## A R G V M E N T V M.

*Primum agit gratias Sulpicio, quod se totum Lysoni remisisset. Deinde rogat ut eundem omnibus officiis, omnique liberalitate complectatur.*

CICERO S. D. SULPICIO.

24

**C**Um antea capiebam ex officio meo voluptatem, quod memineram, quam tibi diligenter Lysonem hospitem, & familiarem meum commēdassē, tum verò, postea quā ex litteris eius cognoui, tibi eū falsò suspectum fuisse, vehementissimè lætatus sum, me tam diligentem in eo commendando fuisse. Itā enim scripsit, ad me, sibi meam commendationem maximo adiumento fuisse: quod ad te delatū diceret, sese contra dignitatem tuam Romæ de te loqui solitum esse. De quo etsi pro tua facilitate, & humanitate purgatum se tibi scribit esse: tamē primum, ut debeo tibi maximas gratias ago, cum tantum litteræ meæ potuerunt, ut, iis lectis, omnem offensionem suspicionis, quā habueras de Lysonē, deponerēs; deinde, credas mihi affirmāti velim, me hoc non pro Lysonē magis, quam pro omnibus, scribere; hominem esse, qui vnam mentionē tui sine tua summa laudē fecerit. Lyso verò, cum mecum prope quot die esset, vnaque viueret, non solum quia me libenter audire arbitrabatur, sed quia libentius ipse loquebatur, omnia mihi tua, & facta, & dicta laudabat. Quapropter, etsi à te ita tractatur, ut iam non desisteret commendationem meam; vniſque se litteris meis omnia consecutum putet: tamen a te peto maiorem in modum, ut cum etiam at-

que

que etiā tuis officiis, liberalitate complectare. Scriberem ad te, qualis vir esset, vt superioribus litteris feceram: nisi eum iam per se ipsum tibi satis esse notum arbitrarer. Vale.

ARGVMENTVM.

*Hagefaretum breuiter, sed accuratè commendat.*

CICERO S. D. SVLPICIO. 25

**H**agefaretus Larissus, magnis meis beneficiis ornatus in Consulatū meo, inemor, & gratus fuit; meque postea diligētissimē coluit. Eum tibi magnopere commendo, vt & hospitem, & familiarem meum, & gratū hominem, & Virū bonum, & principē ciuitatis suæ, & tuā necessitudine dignissimum. Pergratum mihi feceris, si dederis operam, vt is intel. ligat, hanc meam commendationem magnum apud te pondus habuisse. Vale.

ARGVMENTVM.

*Commendat Mesciniis achaica negotia ex fratris hereditate.*

CICERO S. D. SVLPICIO. 26

**L**Mescinius ea mecum necessitudine coniūctus est, quodd mihi Quæstor fuit. Sed hanc causam quā ego, vt a maioribus accepi, semper grauem duxi, fecit virtute, & humanitate sua iustiorē: itaque eo sic vtor vt nec familiaris illo, nec libentiū Is quanquā confidere videbatur, & sua causa, quæ honestè posses, libenter te esse facturum; magnum tamen esse sperauit apud te meas quoque litteras pondus habituras. Id cum ipse ita iudicabat: tum pro familiari consuetudine sæpè ex me audierat, quā in suauis esset inter nos, & quāta coniunctio. Peto igitur a te, tanto scilicet studio, quanto intelligis debere me petere pro homine tam mihi necessario, & tam familiari; vt eius negotia, quæ sunt in Achaia, ex eo quodd hæresest M. Mindio fratri suo, qui Elide negotiatus est, explices. & expedias, tum iure. & potestate quam habes: tum etiā auctoritate, & consilio tuo. Sic enim præscriptimus iis, quibus ea negotia mandauimus, vt omnibus in rebus, quæ in ali-

quam

quam controuersiam vocarentur, te arbitro, & quod cōmo-  
do tuo fieri posset, te disceptatore vterentur. Id vt honoris  
mei causa suscipias, vehementer te etiam atque etiam rogo.  
Illud præterea, si non alienum à tua dignitate putabis esse, fe-  
ceris mihi pergratum; si qui difficiliorez erunt, vt rem sine  
controuersia confici nolint; si eos, quando cum Senatore res  
est, Romam reieceris. Quod quò minore dubitatione facere  
possis, litteras ad te à M. Lepido Consule, non quæ te aliquid  
iuberet (neque enim id tuæ dignitatis esse arbitrabamur) sed  
quodam modo quasi commēdatitias sumpsimus. Scriberē,  
quàm id beneficiū bene apud Mescinium positurus esses: nisi  
& te scire considerem. & mihi peterem. Sic enim velim exi-  
stimes, nō minùs me de illius te laborare, quam ipsum de sua.  
Sed cum illum studeo quam facillimè ad suum peruenire; tū  
illud laboro, vt non minimum hac mea commendatione se  
consecutum arbitretur.

## A R G V M E N T V M.

*Gratias agit Sulpitio, quod Æmilium Auianum liberatiter  
honorificeque tractasset, eundemque denuò commendat:  
laudat in extremo Seruium filium.*

## CICERO S. D. SER. SVLPICIO.

27

**L**icet eodem exemplo sæpius tibi huius generis litteras  
mittam, cum gratias agam, quod meas cōmendationes  
tam diligenter obserues: quod feci in aliis, & faciā, vt video,  
sæpius: sed tamen nō parcam operæ; & vt vos in vestris for-  
mulis sic ego in epistolis de eadem re alio modo. C. Auianus  
igitur Hāmonius incredibiles mihi gratias per litteras egit, &  
suo, & Æmilii Auiani, patroni sui, nomine; nec liberalius, nec  
honorificentius potuisse tractari; nec se præsentem, nec rem  
familiarem absentis patroni sui id mihi cū iucundū est co-  
rum causa, quos ego tibi, summa necessitudine, & summa  
coniunctione adductus, commēdaui, quod M. Æsopus  
vnus est ex meis familiarissimis, atque intimis maxime neces-  
sarius, homo & magnis meis beneficiis deinctus & propē  
omnium, qui mihi aliquid debere videntur (gratissimus) um  
multo

multo iucundius, te esse in metalli voluntate, ut plus, proflis amicis meis, quàm ego præsens fortissimè prodessem: credo, quod magis ego dubitarem, quid illorum causa facerem, quam tu quid mea. Sed hoc non dubito quin existimes mihi esse gratum, illud te rogo, ut illos quoque gratos homines esse putes quod ita esse tibi promitto, atque confirmo. Quare velim, quidquid habent negotii, des operam, quod còmodo tuo fiat, ut te obtinente Achaiam, conficiant. Ego cum tuo Servio iucundissimè coniunctissimèque vltuo magnàque cum ex ingenio etus, singularique studio, tum ex virtute, & probitate voluptatem capio. Vale.

### ARGVMENTVM.

*Agit gratias de Mescinio humanissimè tractato; rogatque ut sua in eum beneficia, quibus rebus possit, augeat; commendat etiam Lacademonios.*

### CICERO S. D. SVLPICIO.

28

**E**T si libenter pètere à te soleo; si quid opus est meorum capiàm; tamen multò libentiùs gratias tibi ago, cum fecisti aliquid commendatione mea: quod semper facis. Incredibile est enim, quas mihi gratias omnes agant, etiam medio-criter à me tibi commendati. Quæ mihi omnia grata; sed de L. Mesciniò gratissimum; sic enim est mecum locutus: te, ut meas litteras legeris, statim procuratoribus suis pollicitum esse omnia; multo verò plura, & maiora fecisse. id igitur (puto enim etiam atque etiam mihi discendum esse) velim existimes, mihi te fecisse gratissimum. quod quidem hoc vehementiùs lætor; quod ex ipso Mescinio te video magnam capturū voluptatem. Est enim in eo cum virtus, & probitas, & summum officiū, summaque observantia, tum studia, illa nostra, quibus antea delectabamur, nunc etiam viuimus. Quod reliquū est; velim augeas tua in eū beneficia omnibus rebus, quæ tibi digne: sed duo sunt, quæ te nominatim rogo: primū, ut quid latiscandū erit, amplius eo nomine nō peti, cures, ut latiscetur fide mea; deinde, cum fere consistat hæreditas in his rebus; quas auertit Oppia, quæ vxor Midii fuit, adiuues, in eaque ratione quemadmodum ea mulier Romam perducatur,

tur, quod si putarit illa fore, ut opinio nostra est : negotium conficiemus. Hoc ut assequamur, te vehemēter etiam atque etiam rogo. Illud quod supra scripsi, id tibi confirmo, in meque recipio; te ea, quæ fecisti Messinii causa, quæque feceris ita bene collocaturum, ut ipse iudices, homini te gratissimo, iucundissimo benignè fecisse: Volo enī ad id, quod mea causa fecisti, hoc etiam accedere. Nec Lacædemonios dubitare arbitror, quin ipsi sua, maiorūque suorum auctoritate satis cōmendati sint fidei, & iustitiæ tuæ; & ego, qui te optimè novissem, non dubitavi, quin tibi notissima, & iura, & merita populorum esset. Itaque, cum à me peteret Philippus Lacædemonius, ut tibi ciuitatem commendarem; etsi meminera me ei ciuitati omnia debere; tamen respondi, cōmendatione Lacædemonios apud te non egere. Itaque sic veli existimes, me omnes Achaïæ ciuitates arbitrari, pro horum temporū perturbatione, felices, quod tu iis præsis; eundemque me ita indicare, te quod vnus optimè noles nō nostra solū, sed etiā Græciæ monumenta omnia, tua spōte amicū Lacædemoniis, & esse, & fore. Quare tantum à te peto, ut cum ea facies Lacædemoniorum causa, quæ tua fides, amplitudo, iustitia postulat; his, si tibi videbitur, significes, te non molestè ferre, quod intelligas ea; quæ facias mihi quoque grata esse. Pertinet enim ad officium meum, eos existimare, curæ mihi suas res esse. Hoc te vehemēter etiam atque etiam rogo. Vale.

## A R G V M E N T V M.

*Diligentissima cōmendatio Capitonis pro hereditate Antistii.*

M. CIC. S. D. L. PLANCO.

29

**N**ON dubito, quin scias in, iis necessariis, qui tibi à Patre relictī sunt; me tibi esse vel coniunctilimum; non iis modo causis, quæ speciem habēt magnæ coniunctionis; sed iis etiam, quæ familiaritate, & consuetudine tenentur; quam scis mihi iucundissimam cum patre tuo & summā fuisse. Ab his initiis noster in te amor profectus, auxit paternā necessitudinem, & eò magis, quod inrellexi, ut primum per ætatem iudicium facere potueris, quanti quisque tibi faciendus esset

me à te in primis cæptum esse, obseruari, coli, diligi. Accedebat non mediocre vinculum cum studiorum, quod per seipsum est graue, cum eorum studiorum, earumque artium, quæ per se ipsæ eos, qui voluntate eadem sunt, etiam familiaritate deuinciunt. Expectare te arbitror, hæc tam longe repetita principia quo spectent, id primum ergo habeto, non sine magna, iustaq; causa hanc à me commemorationem esse factâ. C. Ateio Capitone vtor familiarissimè. Notæ tibi sunt varietates meorum temporum, in omni genere, & honorum, & laborum meorum, & animus, & opera, & auctoritas, & gratia, etiam res familiaris C. Capitonis præsto fuit, & patuit & reperiis, & fortunæ meæ. Huius propinquus fuit. T. Antistius: qui cum sorte Quæstor Macedoniam obtineret; neque ei successum esset, Pompeius in eam Prouinciâ cum exercitu venit. Facere Antistius nihil potuit: nam si potuisset, nihil ei fuisset antiquius, quàm ad Capitonem, quem, ut parentem diligebat, reuerti præsertim cum sciret, quantis is Cæsarem faceret, semperque fecisset; sed oppressus tantum attigit negotii, quantum recusare non potuit. Cum signaretur argentum Appolloniæ: non possum dicere, eum præfuisse, neque possum negare eum affuisse: sed non plus duobus, aut tribus mēsis. Deinde abfuit à castris; fugit omne negotiū: hoc mihi, ut testis, velim credas; meam enim ille mœstitiâ in illo bello videbat mecum omnia communicabat. itaque abdidit se in intimam Macedoniam, quâ potuit longissimè à castris non modò, ut non præesset ulli negotio, sed etiâ ut ne interesset quidē. is post prælium se ad hominem necessarium A. Plautium in Bythiniâ contulit: ibi eum Cæsar cum vidisset; nihil asperè, nihil acerbè dixit; Romam iussit venire. ille in morbum continuè incidit, ex quo non conualuit. Ager Corcyram venit; ibi est mortuus. Testamēto, quod Romæ Paulo, & Marcello Coss. fecerat, hæres ex parte dimidia, & tertia est Capito; in sextante sunt ii, quorum pars sine vlla cuiusquam querela publica potest esse. Ea est ad. H. S. XXX. millia. sed de hoc Cæsar viderit. Te, mi Plance, pro paterna necessitudine, pro nostro amore, pro studiis, & òni cursu nostro totius vitæ simillimo, rogo, & atē ita peto, ut maiore cura, maiore studio

non possim; vt hanc rem suscipias; meam putes; enitare, contendas efficias, vt mea commendatione, tuo studio, Cæsaris beneficio hæreditatem propinqui sui C. Capito obrineat. Omnia, quæ potui in hac summa gratia tua, ac potentia à te impetrare, si petiuissem: vltro te ad me detulisse putabo, si hanc rem impetrauero. Illud fore tibi adiumento spero, cuius ipse Cæsar optimus esse iudex potest; semper Cæsarem Capito, & dilexit, & coluit. Sed ipse huius rei testis est, noui hominis memoriam. Itaque te nihil doceo; tantum tibi sumito pro Capitone apud Cæsarem, quantum ipsum meminisse senties. Ego, quod in me ipso experiri potuit, ad te deferam; in eo quantum sit ponderis, tu videbis. Quam partem in Repub. causamque defenderim; per quos homines, ordinesque steterim; quibusque munitus fuerim, non ignoras. Hoc mihi velim credas; si quid fecerim hoc ipso in bello minus, ex Cæsaris voluntate, quod intellexerim scire ipsum Cæsarem, me inuitissimum fecisse; id feci aliorum consilio, hortatu, auctoritate; quod fuerim moderatior, temperatiorque quàm in ea parte quisquam, id me fecisse maxime auctoritate Capitonis. Cuius similes si reliquos necessarios habuissem, Reipub. fortasse non nihil, mihi certe plurimum profuissem. Hanc rem, mi Piance, si effeceris: meam de tua erga me beneuolentia spem confirmaueris: ipsum Capitonem, gratissimum, officiosissimum optimum virum, ad tuam necessitudinem tuo summo beneficio adiunxeris. Vale.

## A R G V M E N T V M.

*L. Manlium in hæreditate fraterna, & omnibus in rebus commendat.*

## CICERO S. D. ACIL. PROCOS.

30

**L**. Manlius est Sosis. Is fuit Catinensis: sed est vna cum reliquis Neapolitanis ciuis Romanus factus, decurioque Neapoli. Erat enim adscriptus in id municipium ante ciuitatem socijs, & Latinis datam. Eius frater Catinæ nuper mortuum est. Nullam omnino arbitramur de ea hæreditate controuersiam eum habiturum; & est hodie in bonis. Sed, quando habet præterea negotia vetera in Sicilia sua: & hanc hæ-

Bb

ditatem



ditatem fraternam, & omnia eius tibi commendo, in primisque ipsum, virum optimum, mihiq; familiarissimum, ijs studijs litterarum, doctrinaeque praeclitum, quibus ego maxime delector. Peto igitur abs te, ut eum, siue aderit, siue non venerit in Siciliam, in meis intimis, maximeque necessarijs scias esse; itaque tractes, ut intelligat meam commendationem sibi magno adiumento fuisse. Vale,

### ARGUMENTVM.

*Plautum, Pisonis, generi sui cum viueret per necessarium commendat.*

### CIC. S. D. ACIL. PROCOS.

31

**C**. Flauio, honesto, & ornato equite Romano, ut or valde familiariter. Fuit enim generis mei C. Pisonis per necessarius; meque diligentissime obseruat, & ipse, & L. Flavius, frater eius. Quapropter velim, honoris mei causa; quibus rebus honeste, & pro tua dignitate poteris, quam honorificentissime, & quam liberalissime C. Flauium tractes. Id mihi sic erit gratum, ut gratus esse nihil possit. Sed praeterea tibi affirmo, neque id ambitione adducto facio, sed tum familiaritate, & necessitudine, tum etiam veritate; te ex C. Flauij officio, & obseruantia, & praeterea splendore, atque inter suos gratia magnam voluptatem esse capturum. Vale.

### ARGUMENTVM.

*Commendat duos hospites suos Alesinos.*

### CICERO S. D. ACIL. PROCOS.

32

**I**N Alesina ciuitate tam laeta, quam nobili, coniunctissimos habeo, & hospitio, & familiaritate M. & C. Clodios, Archagathum, & Philonem. Sed vereor, ne, quia complures tibi praecipue commendo, exaequare videar ambitione quadam commendationes meas. Quanquam à te quidem cumulate satisfat, & mihi, & meis omnibus. Sed velim sic existimes; hanc familiam, & hos mihi maxime esse coniunctos vetustate, officijs,

officijs, beneuolentia. Quamobrem peto à te maiorem in modum, vt his, omnibus in rebus, quantum tua dignitas, fidesque patietur, commodes. Id si feceris, erit mihi vehementissimè gratum. Vale.

## ARGVMENTVM.

*Libertos, & negotia Nasonis commendat.*

## CIC. S. D. ACIL. PROCOS.

33

C N. Otacilio Nasone vtor familiarissimè; ita prorsus, vt illius ordinis nullo familiarius. Nam & humanitate eius, & probitate in consuetudine quotidiana magnopere delector. Nihil iam opus est expectare te, quibus cum verbis tibi commendem, quo sic vtar, vt scripsi. Habet in Prouincia tua negotia, quæ procurant liberti Hilarius, Antigonus, Demonstratus; quos tibi, negotiaque omnia Nasonis non secus commendo, ac si mea essent gratissimum mihi feceris, si intellexero hanc commendationem magnum apud te pondus habuisse. Vale.

## ARGVMENTVM.

*Commendat Lysonem, hospitem suum.*

## CICERO S. D. ACIL. PROCOS.

34

A Vtum mihi hospitium est cum Lysonem, Lysonis filio, Lilybetano; valdèque ab eo obseruor; cognouique dignum & patre, & auo: est enim nobilissima familia. Quapropter commendo tibi maiorem in modum rem, domumque eius; magnoque opere abs te peto, cures, vti intelligat, meam commendationem maximo sibi apud te & adiumento, & ornamento fuisse. Vale.

## ARGVMENTVM.

*Commendat hospitem, & familiarem suum Philoxenum.*

## CICERO S. D. AGIL. PROCOS.

35

C Aius Auianus Philoxenus antiquus est hospes meus, & præter hospitum, valdè etiam familiaris: quem Cæsar,

meo beneficio, in Nouo comenses retulit. Nomen autem Auiani consecutus est, quod homine nullo plus est usus, quam Flacco Auiano, meo, quemadmodum te scire arbitror familiarissimo. Quæ ego omnia collegi, ut intelligeres, non vulgatem esse commendationem hanc meam. Peto igitur abs te, ut omnibus rebus, quod sine molestia tua facere possis, ei commodes, habeasque in numero tuorum; perficiasque, ut intelligat has litteras meas magno sibi vsui fuisse. Erit id mihi maiorem in modum gratum. Vale.

### ARGVMENTVM.

*Commendat Demetrium Megam in iure ciuitatis, omnibusque in rebus.*

CICERO. S. D. ACIL PROCOS. 36

**C**VM Demetrio Mega mihi vetustum hospitium est: familiaritas autem tanta quanta cum Siculo nullo. Ei Dolabella, rogatu meo, ciuitatem à Cæsare impetrauit: qua in re ego interfui: itaque nunc P. Cornelius vocatur. Cumque propter quosdam sordidos homines, qui Cæsaris beneficia vendebant, tubulam, in quo nomina ciuitate donatorum incisa essent, reuelli iussisset; idem Dolabellæ, me audiente, Cæsar dixit, nihil esse, quod de Mega vereretur; beneficium suum in eo manere. Hoc te scire volui, ut eum in ciuium Romanorum numero haberes: cæterisque in rebus tibi eum ita commendo, ut maiore studio neminem commendarim. Gratissimum mihi feceris, si eum ita tractaris, ut intelligat, meam commendationem magno sibi ornamento fuisse. Vale.

### ARGVMENTVM.

*Commendat Hippium in liberatione bonorum, & omnibus in rebus.*

CIC. S. D. ACILIO PROCOS. 37

**H**ippium, Philoxeni filium, Calatinum, hospitem, & necessarium meum, tibi commendo maiorem in modum. Eius bona, quemadmodum ad me delata res est, publicè possidentur alieno nomine, contra leges Calatinorum. Id si ita est,

est, etiam sine mea commendatione ab æquitate tua res ipsa impetrare debet, ut ei subuenias. Quoquo modo autem se res habet: peto à te, ut honoris mei causa eum expedias; tantumque ei commodas, & in hac re, & in cæteris, quantum tua fides, dignitasque patietur. Id mihi vehementer gratum erit. Vale.

## A R G V M E N T V M.

*Brutij negotia, procuratoresque commendat.*

CIC. S. D. ACILIO PROCOS. 38

**L**. Brutius, æques Romanus, adolescens omnibus rebus ornatus, in meis familiarissimis est; meque obseruat diligentissime: cuius cum patre magna mihi fuit amicitia iam inde à Quæstura mea Silicensi. Omnino nunc ipse Brutius Romæ mecum est: sed tamen domum eius, & rem familiarem, & procuratores tibi sic commendo: ut maiore studio commendare non possim. Gratissimum mihi feceris, si curaris, ut intelligat, id quod ei recepi, hanc meam commendationem sibi magno adiumento fuisse.

## A R G V M E N T V M.

*Commendat Titurnium Rufum.*

CIC. S. D. ACILIO PROCOS. 39

**C**um familia Titurnia necessitudo mihi intercedit vetus, ex qua reliquus est M. Titurnius Rufus; qui mihi omni diligentia, atque officio est tuendus. Est igitur in tua potestate, ut ille in me satis, sibi præsidij putet esse. Quapropter eum tibi commendo maiorem in modum; & abs te peto, efficias, ut is commendationem hanc intelligat sibi magno adiumento fuisse. Erit id mihi vehementer gratum.

## A R G V M E N T V M.

*L. & C. Aurelios fratres commendat.*

CIC. S. D. Q. ANCARIO Q. F. PROCOS. 40

**L**. Et C. Aurelios L. F. quibus & ipsi, & patre eorum, viro optimo, familiarissimè vtor, commendo tibi maiorem in modum: adolescentes omnibus optimis artibus ornatos, meos per necessarios, tua amicitia dignissimos. Si vlla mea apud te commendatio valuit, quod scio multas plurimum valuisse; hæc ut valeat, rogo. Quod si eos honorificè, liberaliterque tractaris, & tibi gratissimos, optimosque adolescentes adiuxerit, & mihi gratissimum feceris. Vale.

## A R G V M E N T V M.

*Gratias agit, & suo, & Pompeij nomine de Luceio benignissimè tractato; eundemque denuo commendat.*

CICERO S. D. L. CVLLEOLO. 41

**Q**uæ fecisti L. Lucceij causa, scire te planè volo, te homini gratissimo commodasse: & cum ipsi, quæ fecisti, per gratia sunt; tum Pompeius, quotiescunque me videt, (videt autem sæpissimè) gratias tibi agit singulares. Addo etiam illud, quod tibi iucundissimum esse certo scio, me ipsum, ex tua erga Lucceium benignitate, maxima voluptate affici. Quod superest, quanquam mihi non est dubium, quin cum antea nostra causa, nunc iam etiam tuæ constantiæ, gratia, mansurus sis in eadem ista liberalitate; tamen abs te vehementer etiam atque etiam peto, ut ea, quæ initio ostendisti, deindeque fecisti, etiam ad exitum augeri, & cumulari per te velis. Id & Lucceio, & Pompeio valde gratum fore, teque apud eos præclarè positurum, confirmo, & spondeo. De Rep. deque his negotijs, cogitationibusque nostris perscripseram ad te diligenter paucis ante diebus; easque litteras dederam pueris tuis. Vale.

## A R G V M E N T V M.

*Lucceium commendat, iam antè commendatum.*

CICERO S. D. CVLL. PROCOS. 42

**L**. Lucceius meus, homo omnium gratissimus, mirificas tibi apud me gratias agit, cum diceret, omnia te cumulatifsimè,

simè, & liberalissimè procuratoribus suis pollicitum esse. Cum oratio tua tam ei grata fuerit, quàm gratam rem ipsam existimas fore, cum, ut spero, quæ pollicitus es, feceris. Omnino ostenderunt Bulliones, sese Luceio Pompeij arbitrato satisfacturos; Sed vehementer opus est nobis, & voluntatem, & auctoritatem, & imperium tuum accedere. Quod ut facias, te etiam atque etiam rogo. Illudque mihi gratissimum est, quod ita sciunt Luceij procuratores, & ita Luceius, ipse ex litteris tuis, quas ad eum misisti, intellexit; hominis nullius apud te auctoritatem, aut gratiam valere plus, quàm meam. Id ut te experiatur, iterum, & sæpius te rogo. Vale.

## A R G V M E N T V M.

*Oppium commendat Gallio in Ciliciam proficiscenti.*

CICERO S. D. Q. GALLIO.

43

**E**tsi plurimis rebus spero fore, ut perspiciam quod tamen iam pridem perspicio, me à te amari; tamen nunc ea causa tibi datur, in qua facile declarare possis tuam erga me benevolentiam. L. Oppius M. F. Philomeli negotiatur, homo mihi familiaris. Eum tibi vnicè commendo: eoque magis, quòd cum ipsum diligo; tum quod negotia procurat L. Egnatij Rufi; quo ego vno equite Romano familiarissimè vtor, & qui cum consuetudine quotidiana, tum officijs plurimis, maximisque mihi coniunctus est. Oppium igitur præsentem ut diligas, Egnatij absentis rem, ut tueare, æquè à te peto, ac si mea negotia essent. Velim memoriæ tua causa, des litterarum aliquid, quæ tibi in Prouincia reddantur: sed ita conscribas, ut tum, cum eas leges, facile recordari possis huius meæ commendationis diligentiam. Hoc te vehementer etiam atque etiam rogo. Vale.

## A R G V M E N T V M.

*Eundem Oppium rursus eidem commendat.*

CIC. S. D. Q. GALLIO.

44

**E**tsi ex tuis, & L. Oppij, familiarissimi mei, litteris cognoui, te memorem commendationis meæ fuisse; idque pro

tua summa erga me benevolentia, proque nostra necessitudine minimè sum admiratus: tamen etiam atque etiam tibi L. Oppium præsentem, & L. Egnatij, mei familiarissimè, absentis negotia commendo. Tanta mihi cum eo necessitudo est, familiaritasque, ut si mea res esset, non magis laborarem. Quapropter mihi gratissimum feceris, si curaris, ut is intelligat, me à te tantum amari, quantum ipse existimo. Hoc mihi gratius facere nihil potes; idque ut facias vehementer te rogo. Vale.

### ARGUMENTVM.

*Egnatij, & seruum Anchialum, & negotia Appuleio commendat.*

CIC. S. D. APPVLEIO PROQVÆST. 45

**L**. Egnatio vno equite Romano vel familiarissimè vtor. Eius Anchialum seruum, negotiaque, quæ habet in Asia, tibi commendo non minore studio, quam si rem meam commendarem. Sic enim existimes velim, mihi cum eo non modò quotidianam consuetudinem summam intercedere; sed etiam officia magna, & mutua nostra inter nos esse. Quamobrem etiam atque etiam à te peto, ut cures, ut is intelligat, me ad te satis diligenter scripsisse; nam de tua erga me voluntate non dubitabat. Id ut facias te etiam atque etiam rogo. Vale.

### ARGUMENTVM.

*Nostrum cohæredem suum commendat.*

CIC. S. D. APPVLEIO PROQVÆST. 46

**L**. Nostrum Zoilus est cohæres meus, hæres autem patroni sui. Ea re vtrumque scripsi, ut & mihi cum illo causam amicitia scires esse: & hominem probum existimares, qui patroni iudicio ornatus esset. Eum tibi igitur sic commendo, ut vnum ex nostra domo. Valdè mihi gratum erit, si curaris, ut intelligat hanc commendationem sibi apud te magno adiumento fuisse. Vale.

AR-

ARGVMENTVM.

*Egnatium, communem amicum, commendat.*

CICERO S. D. SILIO.

47

**Q**uid ego tibi commendem eum, quem tu ipse diligis; sed tamen, ut scires, eum non à me diligi solum, verum etiam amari; ob eam rem tibi hæc scribo. Omnium tuorum officiorum, quæ & multa, & magna sunt, mihi gratissimum fuerit, si ita tractaris Egnatium, ut sentiat, & se à me, & me à te amari. Hoc te vehementer etiam atque etiam rogo. Illa nostra scilicet ceciderunt. Utamur igitur vulgari consolatione; *Quid si hoc melius?* sed hæc coram. Tu fac quod facis, ut me ames: teque amari à me scias. Vale.

ARGVMENTVM.

*Omnes Cyprios, maximèque Paphios commendat.*

CICERO S. D. C. SEXTILIO

RVFO QVÆST.

48

**O**mnes tibi commendo Cyprios, sed magis Paphios: quibus tu quæcunque commodaris, erunt mihi gratissima. Eoque facio libentius, ut eos tibi commendem, & quod & tuæ laudi, cuius eius fautor sum, conducere arbitror, cum primus in eam Insulam Quæstor veneris, ea te instituere: quæ sequantur alij. Quæ, ut spero, facilius consequere, si & P. Lentuli necessarii tui, legem, & ea, quæ à me constituta sunt, sequi volueris: quam rem tibi confido magnæ laudi fore. Vale.

ARGVMENTVM.

*Commendat Q. Pompeium.*

CIC. S. D. CVRIO PROCOS.

49

**Q** Pompeius Sext. F. multis, & veteris causis necessitudinis mihi coniunctus est. Is cum antea meis commendationibus, & rem, & gratiam, & auctoritatem suam tueris consueverit: nunc profecto, te Prouinciā obtinente, meis



meis litteris assequi debet, ut nemini se intelligat commendatorem vnquam fuisse. Quamobrem à te maiorem in modum peto: ut, cum omnes meos æquè, ac tuos obseruare pro nostra necessitudine debeas; hunc in primis ita in tuam fidem recipias; ut ipse intelligat, nullam rem sibi maiori vsui, aut ornameto, quàm meam commendationem esse potuisse. Vale.

### ARGVMENTVM.

*Petit, ut Manium Curium ab omni incommodo, detrimento, molestia integram conseruet. Vide epist. 17.*

### CIC. S. D. ARISTOPROCOS.

50

**S** Vmpsi hoc mihi pro tua in me obseruantia, quam penitus perspexi; quamdiu Brundisij fuimus, ut ad te familiariter, & quasi pro meo iure scriberem, si qua res esset, de qua valde laborarem: Man. Curius, qui Patris negotiatur, ita mihi familiaris est, ut nihil possit esse coniunctius. Multa illius in me officia, multa in illum mea, quodque maximum est, summus inter nos amor, & mutuus. Quæ cum ita sint; si vllam in amicitia mea spem habes: si ea, quæ in me officia, & studia Brundisij contulisti, vis mihi etiam gratiora efficere, quamquam sunt gratissima, si me à tuis omnibus amari vides, hoc mihi dare, atque largire; ut Man. Curium sartum, & rectum, ut aiunt, ab omniq; incommodo, detrimento, molestia sincerum, integrumq; conserues. Et ipse spondeo, & omnes hoc tibi tui pro me recipient, ex mea amicitia, & ex tuo in me officio maximū te fructum, summamque voluptatem esse capturum. Vale.

### ARGVMENTVM.

*P. Messienum commendat.*

### CICERO S. D. P. CÆSIO.

51

**P.** Messienum, equitem Romanum, omnibus rebus ornatum meumque per familiarem, tibi commendo ea commendatione, quæ potest esse diligentissima. Peto à te, & pro nostra, & pro paterna amicitia, ut eum in tuam fidem recipias, eiusque rem, famamque tueare. Virum bonum, tuaque amicitia dignum tibi adiunxeris mihi gratissimum feceris. Vale.

AR-

## ARGVMENTVM.

*Hospitem suum Aristorelem commendat.*

## CICERO S. D. REGI.

52

**A**. Licinius Aristoteles, Melitenſis, antiquiſſimus eſt hospes meus, & præterea mihi coniunctus magno vſu familiaritatis. Hæc cum ita ſint, non dubito, quin tibi ſaris commendatus ſis: etenim ex multis cognoſco, meam commendationem plurimum apud te valere. Nunc ego à Cæſare liberaui, frequens enim fuerat nobiſcum: atque etiam diutius in cauſa eſt, quàm nos commoratur: quò melius te eo exiſtimaturum arbitror. Fac igitur, mi Rex, vt intelligat, has ſibi litteras plurimum proſuiſſe. Vale.

## ARGVMENTVM.

*Genucilium Curuum commendat.*

## CIC. S. D. Q. THERMO PROPRÆT.

53

**L**. Genucilio Curuo iam pridem familiariffimè vtor, optimo viro, & homine gratiffimo, Eum tibi penitus commendo, atque trado: primum vt omnibus in rebus ei te commodos, quoad fides tua, dignitasque patietur: patietur autem in omnibus: nihil enim abs te vnquam, quod ſit alienum tuis, aut etiam ſuis moribus, poſtulabit. Præcipuè autem tibi commendo negotia eius, quæ ſunt in Hellesponro: primum, vt obtineat id iuris in agris, quod ei Pariana ciuitas decreuit, & dedit, & quod ſemper obtinuit ſine vlla controuerſia: deinde, ſi quid habebit cum aliquo Hellespontio controuerſiæ, vt nullam *ſtoixnon*, reiicias. Sed non mihi videor, cum tibi totum hominem diligentiffimè commendarem, ſingulas ad te eius cauſas præſcribere debere. Summa illa ſit: quidquid officij, beneficij, honoris in Genucillium contuleris, id te exiſtimabo in meipſum, atque in rem meam contuliſſe. Vale.

## ARGVMENTVM.

*Primum agit gratias Thermo, quod Maciliū liberatiſſimè tra-*  
*et auorit: deinde petit: operam det, ne ſocrus Marcilij rea fiat.*

CI-

CICERO S. D. THERMO  
PROPRÆT.

54

**C**VM mihi multa grata sunt, quæ tu, adductus mea commendatione fecisti: tum in primis, quod M. Marcilium, amici, atque interpretis mei filium, liberalissimè tractauisti. Venit enim Laodiceam, & tibi apud me mihiq; propter te gratias maximas egit. Quare, quod reliquum est, à te peto: quando apud gratos homines beneficium ponis, vt eò libentiùs his commodas, operamque des, quoad fides tua patietur, vt socrus adolescentis rea ne fiat. Ego cùm antea studiosè commendabam Marcilium, tùm multò nunc studiosius, quod in longa apparitione singularem, & prope incredibilem patris Marcilij fidem, obtrinentiam, modestiamque cognoui. Vale.

## ARGVMENTVM.

*Commendat Anneium, legatum suum, in controuersia Sardinia.*

CICERO S. D. THERMO  
PROPRÆT.

55

**E**TŪ mihi videor intellexisse, cùm tecum Ephesi de te M. Anneij, legati mei, locutus sum, te ipsius causa vehementer omnia velle, tamen & M. Anneium tanti facio, vt mihi nihil putem prætermittendum, quod illius interfit; & me à te tanti fieri puto, vt non dubitem, quin ad tuam voluntatem magnus cumulus accedat commendationis meæ. Nam cum iamdiu diligerem M. Anneium; deq; eo sic existimarem, vt res declarat, quòd ultro ei detulerim legationem, cum multi petentibus denegassem; tum vero, postea quam mecum in bello, atque in re militari fuit tanta in eo virtutem, prudentiam, fidem, tantamque erga me beneuolentiam cognoui, vt hominem neminem pluris faciam. Eum cum Sardinianis habere controuersiam scis: causam tibi exposuimus Ephesi: quam tu tamen eoram faciliùs, meliusque cognosces. De reliquo mihi mehercule diu dubium fuit, quid ad te potissimum scriberem. Ius enim quemadmodum dicas, clarum, & magna cum tua laude notum est: nobis autem in hac causa nihil aliud opus est, nisi  
te

te ius instituto tuo dicere. Sed tamen cum me non fugiat : quanta sit in Prætorè auctoritas , & præsertim ista integritate , grauitate , clementia , qua te esse inter omnes constat ; peto abs te , pro nostra coniunctissima necessitudine : plurimisque officijs paribus , ac mutuis , vt voluntate , auctoritate , studio tuo perficias , vt M. Anneius intelligat , te & sibi amicum esse ( quod non dubitat : sæpe enim mecum locutus est ) & multò amicio-rem his meis litteris esse factum. In tuo toto imperio , atq; Prouincia nihil est , quod mihi gratius facere possis. Iam apud ipsum gratissimum hominem , atq; optimum virum , quam bene possurus sis studium tuum , atque officium , dubitare te non existimo . Vale .

## A R G V M E N T V M .

*Negotia Cluij Puteolani commendat .*

## CIC. S. D. THERMO PROPRAET.

56

**C**luuius Puteolans valde me obseruat , valdèque est mihi familiaris . Is ita sibi persuadet , quod in tua prouincia negotij habet , nisi , te Prouinciã obtinente , meis commendationibus confecerit , id se in perditis , & desperatis habiturum. Nunc , quando mihi ab amico officiosissimo tantum oneris imponitur ; ego quoque tibi imponam pro tuis in me summis officijs : ita tamen , vt tibi nolim molestus esse . Mylasij , & Alabandenses pecuniam Cluio debent . Dixerat mihi Euthydemus , cum Ephesi essem , se curaturum , vt ecclici Mylasij Romam mitterentur ; id factum non est ; legatos audio missos esse ; sed malo ecclicos : vt aliquid confici possit . Quare peto à te , vt eos , & Alabandenses iubeas ecclicos Romam mittere , præterea Philotes Alabandensis *πρόδικας* , Cluio dedit : hæ commissæ sunt . Velim cutes , vt aut de hypothecis decedat , easque procuratoribus Cluij tradat ; aut pecuniam soluat . Præterea Heracleote , & Bargileæ , qui item debent ; aut pecuniam soluant , aut fructibus suis satisfaciant . Caunij præterea debent : sed aiunt se depositam pecuniam habuisse . Id velim cognoscas , & , si intellexeris , eos neque ex dicto , neque ex decreto positam habuisse ; des ope-  
ram ,

nam, ut usurae Cluuius, instituto tuo, conseruentur. His de rebus eò magis laboro, quòd agitur res Cn. Pompeij etiam, nostri necessarijs; & quòd is magis etiam mihi laborare videtur, quam ipse Cluuius, cui satisfactum esse à nobis, valdè volo. His de rebus te vehementer etiam atque etiam rogo. Vale.

### ARGVMENTVM.

*Petit à Thermo, ut Anneium, legatum suum, remittat: eumque in negotio suo commendat.*

### CICERO S. D. THERMO PRÆT. 57

**Q**Uòd magis quotidie ex litteris, nuncijsque, bellum magnum esse in Syria cognosco; eò vehementius à te pro nostra necessitudine contendo, ut mihi M. Anneium legatum primo quoque tempore remittas. Nam eius opera, consilio, scientia rei militaris, vel maximè intelligo me, & Remp. adiuuari posse. Quod nisi tanta res eius ageretur; nec ipse adduci potuisset, ut à me discederet; neque ego, ut eum à me dimitterem. Ego in Ciliciam proficisci cogito circiter Kal. Maias. Ante eam diem Anneius ad me redeat, oportet. Illud quod tecum & coram, & per litteras diligentissimè egis, id, & nunc etiam atque etiam rogo; curæ tibi sit, ut suum negotium, quod habet cum populo Sardonio, pro causæ veritate, & pro sua dignitate conficiat. Intellexi ex sua oratione, cum tecum Ephesi locutus sum, te ipsius Anneij causa omnia velle; sed tamen sic veli n existimes, te mihi nihil gratius facere posse, quam si intellexero per te, illum ipsum negotium ex sententia confecisse. Idque quamprimum ut efficias, te etiam atque etiam rogo. Vale.

### ARGVMENTVM.

*Commendat L. Custidium.*

### CICERO S. D. C. TITIO L. F. RVFO.

PRÆT. VRB.

**L**. Custidius est tribulis, & municeps, & familiaris meus. Is causam habet, quam causam ad te deferet. Commendo

do tibi hominem, sicuti tua fides, & meus pudor postulat; tantum, ut faciles ad te aditus habeat: quæ equa postulat, ut, iubente te impetret: sentiatque meam sibi amicitiam etiam cum longissimè absim, prodesse in primis apud te. Vale.

## ARGUMENTVM.

*Commendat M. Fabium.*

CICERO S. D. C. CVRTIO, PRÆ-  
DVCEANO PRÆT.

59

**M.** Fauium vnice diligo: summaque mihi cum eo consuetudo, & familiaritas est peruetus. In eius controuersijs quid decernas, à te non peto (seruabis, ut tua fides, & dignitas postulat, edictum, & institutum tuum) sed ut quàm facillimos ad te aditus habeat, quæ erunt æqua, iubente te, impetret: ut meam amicitiam: sibi etiam cum procul absim, prodesse sentiat; præsertim apud te. Hoc vehementer etiam atque etiam te rogo. Vale.

## ARGUMENTVM.

*Commendat Liuium libertum.*

## CICERO S. D. MANVTIO C. F.

60

**L.** Liuius Thypho est omnino L. Reguli familiarissimi mei, libertus; cuius calamitas etiam officiosorem me facit in illum; nam beneuolentior, quàm semper fui, esse non possum: sed ego libertum eius per se ipsum diligo. Summa enim eius erga me officia extiterunt ijs nostris temporibus; quibus facillimè beneuolentiam hominum, & bonam fidem perspicere potui. Eum tibi ita commendo: ut homines grati, & memores benemeritos de se commendare debent. Pergratum mihi taceris, si ille intellexerit, se, quod pro salute mea multa pericula adierit, sæpe hyeme summa nauigari, pro tua erga me beneuolentia gratum etiam tibi fecisse. Vale.

## ARGUMENTVM.

*Commendat Pinnium in exactione pecunia, quam ei Nicaenses debent.*

C.I.

## CICERO S. D. SILIO PROP.

61

**T**. Pinnio familiarissimè me vsū esse, scire te arbitror. Quod quidem ille testamento declarauit, qui me tum tutorem, tum etiam secundum heredem instituerit. Eius filio, mirè studioso, & erudito, & modesto pecuniam Nicæneses grandem debent, ad H. S. octogies; &, vt audio, in primis volunt ei soluere. Pergratum igitur mihi feceris (quando non modò reliqui tutores, qui sciunt quanti me facias, sed etiam puer ipse sibi persuasit, te omnia mea causa facturum esse) si dederis operam, quoad tua fides, dignitasque patietur; vt quamprimum pecunia Pinnio soluiatur. Nicæensium nomine. Vale.

## A R G V M E N T V M.

*Primum de Attilio gratias agit; deinde Quintum fratrem commendat.*

## CICERO S. D. SILIO PROPÆT.

62

**E**T in Attilij negotio te amaui; cum enim sero venissem, tamen honestum equitem Romanum beneficio tuo conseruaui; & mehercule semper sic in animo habui, te in meo ære esse propter Lamiaë nostri coniunctionem, & singularem necessitudinem. Itaque primum tibi ago gratias, quod me omni molestia liberas; deinde impudentia prosequor: sed idem scitiam. Te enim semper sic colam, & tuebor, vt quem diligentissimè, Quintum fratrem meum, si me diligis, eo numero cura vt habeas, quo me. Ita magnum beneficium tuum magno cumulo auxeris. Vale.

## A R G V M E N T V M.

*Commendat M. Lanium studiosè admodum.*

## CICERO S. D. SILIO PROPÆT.

63

**N**on putaui fieri posse, vt mihi verba decissent: sed tamen in M. Lænio commendando defuit. Itaque rem tibi exponam paucis verbis; sed tamen, vt planè perspicere possis voluntatem meam. Incredibile est, quanti faciamus, & ego, & iratet

frater meus, qui mihi carissimus est, M. Lanius. Id fit cum plurimis eius officijs, tum summa probitate, & singulari modestia. Eum ego a me inuitissimus dimisi, tum propter familiaritatem, & consuetudinis suauitatem, tum quod consilio eius fideli, ac bono libenter utebar. Sed vereor, ne iam mihi superesse verba putes, quæ dixeram de futura. Commendo tibi hominem, sicut intelligis me, de quo ea supra scripserim debere commendare: à teque vehementer etiam atque etiam peto; ut, quod habet in tua Prouincia negotij, expedias; quod tibi videbitur rectum esse, ipsi dicas: hominem facillimum, liberalissimumque cognosces. Itaque te rogo, ut eum solutum, liberum, confectis eius negotijs per te, quamprimum ad me remittas. Id mihi, fratrique meo gratissimum feceris. Vale.

## A R G V M E N T V M:

*Agit gratias de Nerone honorificentissime tractato: eumque in omnibus rebus vehementer commendat.*

## CIC. S. D. SILIO. PROPRÆT.

64

**N**Ero meus mirificas apud me tibi gratias egit, prorsus incredibiles: ut nullum honorem sibi haberi potuisse diceret, qui à te prætermisus esset. Magnum fructus ex ipso capies; nihil est enim illo adolescente gratius. Sed mehercule mihi quoque gratissimum fecisti. Pluris enim ex omni nobilitate neminem facio. Itaque si ea feceris, quæ ille per me tecum agit voluit; gratissimum mihi feceris. Primum de Pausania Albandensi, sustentens rem, dum Nero veniat: vehementer enim eius causa cupere eum intellexi: itaque hoc valde te rogo. Deinde Niseos, quos Nero in primis habet necessarios, diligentissimeque tuetur, ac defendit, habeas tibi commendatissimos; ut intelligat illa ciuitas, sibi in Neronis patrocinio sum num esse præsidium. Strabonem Seruilius tibi sæpe commendaui; nunc eò facio id impensius, quod eius causam Nero suscepit. Tantum à te petimus, ut agas eam rem; nec relinquo hominem innocentem ad alicuius, tui dissimilis, quæ-

Cc      flum,



flum. Id tum gratum mihi erit; tum etiam existimabo te humanitate tua esse usum. Summa huius epistolæ hæc est, ut omnes omnibus rebus Nerone, sicut instituisti atque fecisti. Magnum theatrum habet ista Prouincia, non ut hæc nostra, adolescentis nobilis, ingeniosi, abstinentis commendationem, atque gloriam. Quare si te fautore usus erit, sicut & utetur profectò, & usus est; amplissimas clientelas, acceptas à maioribus, confirmare poteris, & beneficijs suis obligare. Hoc in genere si eum adiuueris eo studio, quo ostendisti; apud ipsum præclarissimè posueris, sed mihi etiam gratissimum feceris. Vale.

### ARGVMENTVM.

*Cupit pactiones per Hyssponem cum ciuitatibus confici: in eoque illum Silio commendat.*

CICERO S. D. SILIO PROPRÆT.

65

**C**VM P. Terentio Hysspone, qui operas in scriptura pro magistro dat, mihi summa familiaritas, consuetudoque est; multaque & magna inter nos officia paria, & mutua intercedunt, Eius summa existimatio agitur in eo, ut pactiones cum ciuitatibus reliquis conficiat. Non me præterij; nos eam rem Ephesi expertos esse; neque ab Ephesijs villo modo impetrare potuisse. Sed quando quemadmodum omnes existimant, ego intelligo, tua cum summa integritate, tum singulari humanitate, & mansuetudine consecutus es, ut libentissimis Græcis nuntius, quod velis consequare; peto à te maiorem in modum; ut honoris mei causa, hac laude Hyssponem affici velis. Præterea cum socijs scripturæ mihi summa necessitudo est; non solum ob eam causam, quod ea societas vniuersa in mea fide est; sed etiam quod plerisque socijs vtor familiarissimè. Itaque & Hyssponem meum per ornaris; & societatem mihi coniunctiorem feceris; tuoque ipsa, & ex eius obseruantia, gratissimi hominis: & ex sociorum gratia, hominum amplissimorum, maximum fructum capies: & me summo beneficio affeceris,  
Sic

Sic enim velim existimes; ex tota tua Prouincia, omniq[ue] isto imperio, nihil esse, quod mihi gratius facere possis. Vale.

## A R G V M E N T V M.

*Cæcinam in colligendis Asiatica negotiationis reliquijs commendat.*

CIC. S. D. P. SERVILIO ISAVRICO  
PROCOS.

66

**A**. Cæcinam maximè proprium clientem familiæ vestræ, nō commendarem tibi, cum scirem, qua fide in tuos, qua clementia in calamitosos soleres esse: nisi me, & patris eius, quo sum familiarissimè vsus memoria, & huius fortuna ita moueret; vt hominis, omnibus mecum studijs, officijsque coniunctissimi mouere debeat. A te hoc omni contentione peto, sic vt maiore, cura, maiore animi labore petere non possim: vt ad ea, quæ tua sponte sine cuiusquam commendatione faceres in hominem tantum, & talem, calamitosum aliquem afferrant cumulum meæ litteræ, quò studiosius eum, quibuscumque rebus possis, iuues. Quod si Romæ fuisses, etiam salutem A. Cæcinæ essemus, opinio mea fert, per te consecuti, de qua tamen magnam spem habemus, freti clementia Collegæ tui. Nunc, quando, iustitiam tuam secutus tutissimum sibi portum prouinciam istam esse duxit: etiam atque etiam te rogo, atque oro, vt eum & in reliquijs veteris negotiationis colligendis iuues, & cæteris rebus regas, atque tueare. Hoc mihi gratius facere nihil potes. Vale.

## A R G V M E N T V M.

*Commendat Andronem, Arthemonis filium, Laodicensem.*

CICERO S. D. SERVILIO.

67

**E**X Prouincia mea Cilicensi, cui scis *τῆς δαοικισίας*, Asiaticas attributas fuisse, nullo sum familiarius vsus, quam Androne, Arthemonis filio, Laodicensi; eumque habui in ca-

Cc 2 ciui-

ciuitate tum hospitem, tum vehementer ad meæ vitæ rationem, & consuetudinem accommodatum. Quem quidem multò etiam pluris, posteaquam decessi, facere cœpi: quòd multis rebus expertus sum gratum hominem, meique memorem; itaque cum Romæ libentissimè vidi. Non te enim fugit, qui plurimis in ista Prouincia benignè fecisti, quam multi grati repariantur. Hæc propterea scripsi, vt me non sine causa laborare intelligeres: & vt tu ipse eum dignum hospitio tuo iudicares. Feceris igitur mihi gratissimum, si ei declararis, quanti me facias: id est, si receperis eum in fidem tuam, & quibuscumque rebus honestè, ac sine molestia tua poteris, adiuueris. Hoc mihi vehementer erit gratum. Idque vt facias, te etiam atque etiam rogo. Vale.

### ARGVMENTVM.

*Significat, quàm sibi gratum fuerit, cursum illius navigationis cognoscere. Petit, vt de statu Prouincia, institutisque suis scribat: postremo suum officium ad omnia pollicetur.*

CIC. S. D. SERVILIO ISAVRICO  
PROCOS. COLLEGÆ.

68

**G**Ratæ mihi vehementer tuæ litteræ fuerunt; ex quibus cognoui cursus nauigationum tuarum; significabas enim memoriam tuam nostræ necessitudinis: qua mihi nihil poterat esse iucundius. Quod reliquum est, multò etiam erit gratius, si ad me de Rep. id est de statu Prouinciæ, de institutis, tuis familiariter scribis. Quæ quanquam ex multis pro tua claritate audiam: tamen libentissimè ex tuis litteris cognoscam. Ego ad te, de Reip. summa quid sentiam, non sæpè scribam, propter periculum eiusmodi litterarum: quid agatur autem, scribam, sæpius Sperare tamen videor, Cæsari, Collegæ nostro, fore curæ, & esse, vt habeamus aliquam Rempub. cuius consilijs, magni referebat, te inter esse; sed si tibi utilius est, id est gloriosius, Asiæ præesse, & istam partem Reipub. male affectam tueri; mihi quoque idem, quod tibi, & laudi tuæ profuturum est, optatius debet esse. Ego, quæ ad tuam dignitatem per-

pertinere arbitror, summo studio, diligentiaque curabo: in primisque tuebor omni obseruantia clarissimum virum patrem tuum; quod & pro vetustate necessitudinis, & pro beneficijs vestris, & pro dignitate ipsius facere debeo. Vale.

## A R G V M E N T V M.

*Petit, ut C. Curtium in fidem recipiat, habeatque in numero suorum.*

## CIC. S. D. SERVILIO COLLEGÆ. 69

**C**. Curtius mithres est ille quidem, vt scis libertus Posthumij, familiarissimi mei; sed me colit, & obseruat æquè, atque illum ipsum patronum suum. Apud eum ego sic Ephesti fui, quotiescumque fui, tanquam domi meæ: multaque acciderunt, in quibus, & beneuolentiam eius erga me experiret: & fidem. Itaque si quid aut mihi, aut meorum cuipiam in Asia opus est, ad hunc scribere consueui: huius cùm opera, & fide, tum domo, & re vtī, tamquam mea. Hæc ad te eò pluribus scripsi, vt intelligeres, me non vulgariter, nec ambitiosè, sed vt pro homine intimo, ac mihi per necessario scribere. Peto igitur a te, vt in ea controuersia, quam habet de fundo cum quodam Colophonio, & in cæteris rebus, quantum fides tua patietur, quantumque tuo commodò poteris, tantum ei, honoris mei causa, commodes. Etsi, vt eius modestiam cognoui, grauis tibi nulla in re erit. Si & mea commendatione, & sua probitate, affecutus erit, vtī de se bene existimes; omnia se adeptum arbitrabitur. Vt igitur eum recipiam in fidem habeasque in numero tuorum, te vehementer etiam atque etiam rogo. Ego, quæ te velle, quæque ad te pertinere arbitror, omnia studio, diligenterque curabo. Vale.

## A R G V M E N T V M.

*T. Ampium Menandrum non vulgariter commendat.*

CIC. S. D. SERVILIO COLLEGÆ. 70

**Q**uia non est obscura tua in me benevolentia, sic fit, ut multi per me tibi velint commendari. Ego autem tribuo non nunquam in vulgus; sed plerumque necessarijs, ut hoc tempore. Nam cum T. Ampio Balbo mihi summa familiaritas, necessitudoque est. Eius libertum T. Ampium Menandrum, hominem frugi, & modestum, & patrono, & nobis vehementer probatum, tibi commendo maiorem in modum. Vehementer mihi gratum feceris, si quibuscumque rebus sine tua molestia poteris, ei commodaris. Quod ut facias, te vehementer etiam atque etiam rogo. Vale.

## A R G V M E N T V M.

*Commendat T. Agusium, veterem amicum.*

CIC. S. D. SERVILIO COLLEGÆ. 71

**M**ultos tibi commendem, necesse est, quando omnibus tota nostra necessitudo est, tuaque in me benevolentia. Sed tamen si omnium causa, quos commendo, velle debeo; tamen cum omnibus non eadem mihi causa est. T. Agusius, & comes meus fuit illo miserrimo tempore, & omnium itinerum, nauigationum, laborum, periculorum meorum socius neque hoc tempore discessisset à me, nisi ego ei permisisssem. Quare sic tibi eum commendo, ut vnum de meis domesticis & maximè necessarijs. Pergratum mihi feceris, si eum ita tractaris, ut intelligat hanc commendationem sibi magno usus, atque adiumento fuisse. Vale.

## A R G V M E N T V M.

*Petit à Servilio, ut omnibus rebus Carelia benigne faciat, quem admodum receperat.*

## CIC. S. D. SERVILIO COLLEGÆ. 72

**C**ærelliæ, necessariæ meæ, rem, nomina, possessiones Asiaticas commendam tibi præsens in hortis tuis, quam potui diligentissimè; tuque mihi, pro tua consuetudine, proque tuis in me perpetuis, maximisque officijs; omnia te facturum liberalissimè recepisti; meminisse te id spero, scio enim solere; sed tamen Cærelliæ procuratores, scripserunt, te, propter magnitudinem Prouinciæ, multitudinemque negotiorum etiam atque etiam esse communefaciendum. Peto igitur, ut memineris, te omnia, quæ tua fides pateretur, mihi cumulatè recepisse. Equidem existimo habere te magnam facultatem (sed hoc tui est consilij, & iudicij) ex eo S. C. quod in hæredes C. Vennonij factum, est; Cærelliæ commodandi. Id S. C. tu impetrare pro tua sapientia: scio enim eius ordinis auctoritatem semper apud te magni fuisse. Quod reliquum est, sic velim existimes, quibuscumque rebus Cærelliæ benignè feceris, mihi te gratissimum esse facturum. Vale.

## A R G V M E N T V M.

*Gratulatur de reditu incolumi: gratias agit quodam modo de Egnatio, & Oppio; petit, ut Antipars filios sibi condones.*

CICERO S. D. Q. PHILIPPO  
PROCOS.

73

**G**ratulor tibi, quod ex Prouincia saluum te ad tuos recepisti incolumi fama, & Rep. Quod si Romæ te vidissem, coram gratias egissem, quod tibi L. Egnatius familiarissimus meus absens L. Oppius præsens curæ fuisset. Cum Antipatro Derbere mihi non solum hospitium, verum etiam summa familiaritas intercedit. Ei te vehementer succensuisse audiui, & molestè tuli. De re nihil possum iudicare: nisi illud mihi certè persuadeo, te talem virum nihil temerè fecisse. A te autem pro vetere nostra necessitudine etiam atque etiam peto, ut eius filios, qui in tua potestate sunt, mihi potissimum con-

Cc 4 dones:

dones: nisi quid existimas in ea re violari existimationem tuam, quod ego si arbitrarer, nunquam te rogarem: mihi que tua fama multò antiquior esset, quam illa necessitudo est. Sed mihi ita persuadeo, (potest fieri, ut fallar) eam rem laudi tibi potius, quam vituperationi, fore. Quid fieri possit, & quid mea causa facere possis, (nam quid velis, non dubito) velim, si tibi graue non erit, certio rem me facias. Vale.

### ARGVMENTVM.

*Oppium praesentem, & Egnatij absentis negotia commendat.*

CIC. S. D. PHILIPPO PROCOS. 74

**E**tsi non dubito, pro tua in me obseruantia, proque nostra necessitudine, quin commendationem meam memoria teneas; tamen etiam atque etiam eundem tibi L. Oppium, familiarem meum, praesentem; & L. Egnatij, familiarissimi mei, absentis negotia commendo. Tanta mihi cum eo necessitudo est, familiaritasque; ut, si mea res esset, nos magis laborarem. Quapropter gratissimum mihi feceris, si curaris, ut is in intelligat me à te tantum amari, quantum ipse existimo. Hoc mihi gratius facere nihil potes: idque ut facias, te vehementer rogo. Vale.

### ARGVMENTVM.

*Commendat Auianum Flaccum.*

CIC. S. D. TITIO T. F. LEGATVS. 75

**E**tsi non dubito, quin apud te mea commendatio prima satis valeat; tamen obsequor homini familiarissimo C. Auiano Flacco: cuius causa omnia tum cupio, tum mehercule etiam debeo. De quo & praesens tecum egi diligenter, cum tu mihi humanissime respondisti; & scripsi ad te accurate antea; sed putat interesse sua, me ad te quam saepissime scribere: Quare velim mihi ignoscas, si, illius voluntati obtemperans, minus videbor meminisse constantiae tuae. *A te*  
idem

idem illud peto, ut de loco, quò deportet frumentum, & de tempore Auiano commodus; Quorum utrumque per eundem me obtinuit triennium, dum Pompeius isti negotio præfuit summa est, in quo mihi gratissimum facere possis, si cutaris, ut Auianus, quando se à me amari putat, me à te amari sciat. Erit id mihi pergratum. Vale.

## A R G V M E N T V M.

*Petit, ut C. Valgius emptam possessionem in agro Fragellano liberam, immunemque habeat.*

CICERO S. D. QUATVOR VIRIS,  
ET DECVRIONIBVS.

76

**T**Antæ mihi cum Q. Hippii causæ necessitudinis sunt, ut nihil possit esse coniunctius, quam nos inter nos sumus. Quod nisi ita esset, vterer mea consuetudine, ut vobis nulla in re molestus essem. Etenim vos mihi optimi testes estis, cum mihi persuasum esset, nihil esse, quod à vobis impetrare non possem, nunquam me tamen grauem vobis esse voluisse. Vehementer igitur vos etiam atque etiam rogo, ut honoris mei causa liberalissimè C. Valgium Hippianum tractetis, remque cum eo conficiatis; ut, quam possessionem habet in agro Fragellano, à vobis emptam, eam liberam, & immunem habere possit. Id si à vobis impetraro, summo me beneficio vestro affectum arbitrabor. Valete.

## A R G V M E N T V M.

*Narrat officium suum: commendat M. Bolanum; petit, ut sibi seruum suum Dionysium restituendum curet.*

## CIC. S. D. P. SVLPICIO IMP.

77

**C**Um his temporibus non sane in Senatum ventitarem, tamen ut tuas litteras legi, non existimaui me saluo iure nostræ veteris amicitiae, multorumque inter nos officiorum, facere posse, ut honori tuo deessem; Itaque affui; supplic-  
tionem



tionemque tibi lubenter decreui; nec reliquo tempore villo, aut rei, aut existimationi, aut dignitatis tuæ deero: atque ut hoc tui necessarii sciant, hoc me animo erga te esse, velim facias eos, per litteras certiores; ut, si quid tibi opus sit, ne dubitent mihi iure suo denunciare. M. Bolanum virum bonum, & fortem, & omnibus rebus ornatum, meumque veterem amicum, tibi magnoperè commendo. Pergratum mihi feceris, si curaris, ut is intelligat hanc commendationem sibi magno adiumento fuisse: ipsumque virum optimum gratissimumque cognosces: promitto tibi te ex eius amicitia magnam voluptatem esse capturum. Præterea à te peto maiorem in modum, pro nostra amicitia, & pro tuo perpetuo in me studio, ut in hac re etiam elaborēs. Dionysius seruus meus, qui meam bibliothecam multorum hummorum tractauit, cum multos libros surripuisset, nec se impunè laturum putaret, aufugit. Is est in Prouincia tua: eum & M. Bolanus, familiaris meus, & multi alij Naronæ viderunt; sed cum te à me manumissum esse diceret, crediderunt. Hunc tu si mihi restituendum curaris, non possum dicere, quam mihi gratum futurum sit. Res ipsa parua, sed animi mei dolor magnus est. Vbi sit, & quid fieri possit, Bolanus te docebit. Ego si hominem per te recuperato, summum e beneficium affectum arbitrabor. Vale.

### ARGVMENTVM.

*Petit, ut Democritum Sycionium in suam fidem recipiat.*

CICERO S. D. ALIENO

PROC.

78

**D**emocritus Sycionius non solum hospes meus est, sed etiam (quod non multis contingit, Græcis præsertim) valde familiaris. Est enim in eo summa probitas summa virtus, summa in hospites liberalitas, & obseruantia, meque præ cæteris, & collit, & obseruat, & diligit. Eum tu non modò suorum ciuium, verum etiam prope Achaia principem cognosces. Huic ego tantummodo ad tum ad tuam cognitionem patefacio, & munio: cognitum, per se ipsum, quæ tua natura est,

est, dignum tua amicitia, atque hospitio iudicabis. Peto igitur à te, ut, his litteris lectis, recipias eum in tuam fidem; pollicere omnia te facturum mea causa. De reliquo, si, id quod confido fore, dignum eum tua amicitia, hospitioque cognoueris; peto, ut eum complectare, diligas, in tuis habeas. Erit id mihi maiorem in modum gratum. Vale.

## A R G V M E N T V M.

*Caium, & Marcum Auianos, fratres commendat, alterum praesentem, alterum absentem.*

CICERO S. D. ALIENO  
PROCOS.

79

**E**T te scire arbitror, quanti fecerim C. Auianum Flaccum: & ego ex ipso audieram, optimo; & gratissimo homine, quam à te liberaliter esset tractatus. Eius filios dignissimos illo patre, meosque necessarios, quos ego vnicè diligo, commendo tibi sic, ut maiore studio nullos commendare possim. C. Auianus in Sicilia est: Marcus est nobiscum. Ut illius dignitatem praesentis ornes, rem vtriusque defendas te rogo. Hoc mihi gratius in ista Prouincia facere nihil potes; idque ut faciat, te vehementer etiam atque etiam rogo. Vale.



M. TVLLII  
CICERONIS  
EPISTOLARVM

Ad Terentiam Vxorem.

LIBER XIV.

ARGVMENTVM.

*Exul deflet suam, suorumque calamitatem: eiusque culpam, confert in amicorum consilia vici venditionem prorsus improbat: alia quadam scribit.*

CIC. TERENCE, ET TVLLIOLÆ,  
ET CICERONIS VIS. S. D.

I



Litteris multorum, & sermone omnium perfertur ad me, incredibilem tuam virtutem, & fortitudinem esse; teque nec animi, nec corporis laboribus defatigari. Me miserum, te, ista virtutē, fide, probitate, humanitate, in tantas ærumnas propter me incidisse! Tulliolamque nostra, ex quo parte tantas voluptates capiebat, ex eo tantos percipere luctus! Nam quid ego de Cicerone dicam? qui cum primum sapere cœpit, acerbissimos dolores miseriaque percepit. Quæ si, ut tu scribis, fato facta putarem; ferrem paulo facilius; sed omnia sunt mea culpa commissa; qui ab ijs me amari putabam, qui inuidebant: eos, non sequebar, qui petebant. Quodd si nostris consilijs vti essemus; neq; apud nos tantum valuisset sermo aut stultorum amicorum, aut improborum beatissimi viveremus. Nunc quando sperare nos amici iubent: dabo operam, ne mea valerudo tuo labori desit: Res quanta sit, intelligo, quantoque fuerit facilius manere domi, quam redire. Sed

ta-

tamen, si omnes Tribunos pl. habemus, si Lentulum tam studiosum, quàm viderur, si verò etiam Pompeium, & Cæsarem, non est desperandum. De familia, quomodo placuisse amicis scribis faciemus. De loco, nunc quidem iam abiit pestilentia; sed, quandiu fuit, me non attigit. Plancius, homo officiosissimus, me cupit esse secum, & adhuc retinet. Ego volebam loco magis deserto esse in Epiro, quo neque Hyspo veniret, nec milites: sed adhuc Plancius me retinet; sperat posse fieri, ut me cum in Italiam decedat. Quem ego die si videro; & si in vestrum complexum venero, ac si & vos, & me ipsum recuperaro; satis magnum mihi fructum videbor percepisse & vestræ pietatis, & meæ. Pisonis humanitas, virtus, amor in omnes nos tantus est, ut mihi supra possit: utinam ea res ei voluptati sit: gloriæ quidem video fore. De Q. fratre nihil ego te accusari; sed vos, cum præsertim tam pauci sitis, volui esse quam coniunctissimos. Quibus me voluisti agere gratias, egit: & me à te certiorum factum esse scripsi. Quod ad me, mea Terentia, scribis, te vi cum vendituram, quid, obsecro te, (me miserum) quid futurum est; & si nos præmet eadem fortuna, quid puero misero fiet; non queo reliqua scribere, (tanta vix lacrymarum est, ne te in eundem fletum adducam. Tantum scribo: si erunt in officio amici, pecunia non deerit; si non erunt, tu efficere tua pecunia non poteris. Per fortunas miseras nostras, vide; ne puerum perditum perdamus; cui si aliquid erit, ne egeat; mediocri virtute opus est, & mediocri fortuna ut cætera consequatur. Fac valeas, & ad me tabellarios mittas, ut sciam, quid agatur, & vos quid agatis. Mihi omninò iam brevis expectatio est. Tulliolæ, & Ciceroni salutem dic. Valete. Datum ante diem VI. Kal. Dec. Dyrrachij, Dyrrachium veni; quod & libera ciuitas est, & in me officiosa, & proxima Italiæ. Sed si offenderet me loci celebritas, alio me conferam, & ad te scribam.

## ARGUMENTVM.

*Breuitatem suarum litterarum excusat: Pisoni generi officia in se laudat: dolet Terentia vicem: rogat, ne suam dotem proiciat, & ut valetudini seruiat.*

CIC.

CICERO S. D. TERENTIÆ, ET TVLLIOLÆ,  
ET CICERONI SVIS.

2

**N**Oli putare me ad quemquam longiores epistolas scribere, nisi si quis ad me plura scripsit, cui puto rescribi oportere; nec enim habeo, quod scribam; nec hoc tempore quidquam difficilius facio. Ad te verò, & ad nostram Tulliolam, non queo sine plurimis lacrymis scribere. Vos enim video esse miserrimas, quas ego beatissimas semper esse volui; idque præstare debui, &, nisi tam timidi fuissetis, præstitissem. Pisonem nostrum merito eius amo plurimum; cum, ut potui, per litteras cohortatus sum, gratiasque egi, ut debui. In novis Tribunis pl. intelligo spem te habere; id erit firmum, si Pompeij voluntas erit, sed Crassum tamen meruo. A te quidem omnia fieri fortissimè, & amantissimè video; nec miror; sed mæreo casum eiusmodi, ut tantis tuis miserijs meæ miseriæ subleventur. Nam ad me P. Valerius homo officiosus, scripsit, id quod ego maximo cum fletu legi, quemadmodum a Vesta ad Tabulam Valeriam ducta esses, Hem, mea lux, meum desiderium, unde omnes opem petere solebant; te nunc, mea Terentia, sic vexari, sic iacere in lacrymis, & sordidibus, idque fieri mea culpa, qui cæteros, servavi, ut nos periremus? Quod de domo scribis; hoc est de area, ego verò tum denique mihi videbor restitutus, si illa nobis erit restituta: verum hæc non sunt in nostra manu. Illud doleo, quæ impensa facienda est, in eius partem te, miseram, & despoliatam venire. Quod si conficitur negotium; omnia consequemur; sin eadem nos fortuna premet; etiam ne reliquias tuas misera proijcies? Obsecro te, mea vita, quod ad sumptum attinet, siue alios, qui possunt si modo volunt sustinere; & valetudinem istam infirmam, si me amas, noli vexare. Nam mihi ante oculos dies, noctesque versaris; omnes labores te excipere video; timeo, ut sustineas; sed video in te esse omnia: quare, ut id, quod speras, & quod agis, consequamur, servi valetudini. Ego, ad quos scribam, nescio, nisi, aut ad eos, qui ad me scribunt, aut ad eos, de quibus ad me vos aliquid scribitis. Longius, quoniam vobis ita placet, non discedam; sed velim  
quam

quam sæpiſſimè litteras mittatis, præſertim ſi quid eſt firmius, quod ſperemus. Valete, mea deſideria, Valete. Datum ad III. Nou. Oct. Theſſalonicæ,

## ARGVMENTVM.

*Quæritur, quòd ſua culpa & ipſe, & omnes ſui maximas in miſerias inciderint. Deinde ad varia capita reſpondet: ſed ita dolenter: vt ideo à nonnullis iure fortasſe, tanquam molliſ, reprehendatur.*

TULLIVS S. D. TERENCE, TVLLIOLÆ,  
ET CIC. SVIS.

3

**A** Ccepi ab Ariſtocrìto tres epiſtolas, quas ego lacrymis propè deleui. Conſcior enim mærore, mea Terentia; nec me meæ miſeriæ magis excruciant, quàm tuæ, veſtræque. Ego autè hoc miſerior ſum, quàm tu, quæ es miſerrima; quod ipſa calamitas communis eſt vtriuſque noſtrum, ſed culpa mea propria eſt. Meum fuit officium, vel legatione vitare periculum, vel diligentia, & copijs reſiſtere, vel cadere fortiter. Hoc miſerius; turpius, indignius nobis nihil fuit; quare cùm dolore conſcior, tum etiam pudore. Pudet enim me vxori meæ optimæ ſuauiſſimis liberis virtutem, & diligentiam non præſtiſſe. Nam mihi ante oculos dies, nocteſque verſatur ſqualor veſter, & mæror, & in firmitas valetudiniſ tuæ; ſpes autè ſalutis per tenuis oſtenditur. Inimici ſunt multi, inuidi pæne omnes; eiſcere nos magnum fuit; excludere facile eſt. Sed tamen, quandiu vos eritis in ſpe non deficiam; ne omnia mea culpa cecidiſſe videantur. Vt tutò ſim, quod laboras, id mihi nunc facillimum eſt, quem etiam inimici volunt viuere in tantis miſerijs; ego tamen faciam, quæ præcipis. Amicis, quibus voluiſti, egi gratias: & eas litteras Dexippo dedi; meque de eorum officio ſcripſi à te certioreſſe factum. Piſonem noſtrum mirifico eſſe ſtudio in nos, & officio, & ego perſpicio, & omnes prædicant. Dij faxint, vt tali genero mihi præſenti tecum ſimul, ac cum liberis noſtris frui liceat. Nunc ſpes reliqua eſt in nouis Tribunis pl. & in primis quidem diebus: nam ſi inueterarit, actu m eſt. Ea re ad te ſtatim Ariſtocrìtum miſi, vt ad me continuo initia rerum, & rationem totius negotij poſſe ſcribere. Eſſi Dexippo quoque

ita

ita imperavi, statim ut recurreret; & ad fratrem misi, ut crebro tabellarios mitteret. Nam ego eo nomine sum Dyrrachij hoc tempore, ut quam celerrime, quid agatur, audiam, & sim turo; ciuitas enim hæc semper à me defensa est, cum inimici nostri venire dicentur; tum in Epirum ibo. Quod scribis, te, si velim, ad me venturam; ego verò, cum sciam magnam partem istius oneris abs te sustineri, te istic esse volo. Si perficitis, quod agitis: me ad vos venire oportet; sin autem; sed nihil est opus reliqua scribere. Ex primis, aut ad summum secundis litteris tuis constituere poterimus, quid nobis faciendum sit. Tu modò ad me velim omnia diligentissime perscribas: etsi magis iam rem, quam litteras, debeo expectare. Cura ut valeas: & ita tibi persuadeas, mihi te carius nihil esse, nec vnquam fuisse. Vale mea Terentia; quam ego videre videor; itaque debilitor lacrymis. Vale. Pridie Kal. Dec. Dyrrachij.

### ARGUMENTVM.

*Scripta est hæc epistola non solum dolenter, sed etiam molliter. Argumentum est multiplex, quia respondet ad varia capita litterarum Terentia.*

### TVLLIVS S. D. TERENTIAE TVLLIOLÆ, ET CIG. SVIS.

**E**Go minus sæpè ad vos do litteras, quam possum propterea quod cum omnia mihi tempora sunt misera; tum vero, cum aut scribo ad vos, aut vestras lego, conficior lacrymis sic, ut ferre non possim. Quod utinam minus vitæ cupidus fuisssem; certè nihil, aut non multum in vita mali vidissemus. Quod si nos ad aliquam alicuius commodi aliquando recuperandi spem fortuna reservauit: minus est erratum à nobis; sin hæc mala fixa sunt: ego verò te quamprimum, mea vita, cupio videre, & in tuo complexu emori; quando neque Dij, quos tu castissime coluisti, neque homines, quos ego seruaui semper, nobis gratiam retulerunt. Nos Brundusij apud M. Lænium Flaccum dies XIII. fuimus, virum optimum; qui periculum fortunarum, & capitis sui pro mea salute neglexit, ne que legis improbiissimæ pæna deductus est, quo minus hospi-

hospicii, & amicitiae ius, officiumque præstaret. Haec utinā aliquando gratiam referre possimus; habebimus quidē semper. Brundisio profecti sumus ad V. Kal. Martias; per Macedoniam Cyzicum petebamus. O me perditum, o me afflictum! quid nunc rogem, te uenias, mulierem ægram, & corpore, & animo confectam? Non rogem? sine te igitur sum? Opinor, sic agam; si est spes nostri reditus, eam confirmes, & rē adiuues; sin, ut ego metuo transactum est; quoquo modo potes, ad me fac uenias. Vnū hoc scito; si te habebo, non mihi videbor planē periisse. Sed quid de Tulliola mea fiet; iam id nos uide-te: mihi deest consilium; sed certē, quoquo modo res se habebit, illius misellæ & matrimonio, & famæ seruiendū est. Quid Cicero meus, quid aget? iste uerō sit in sinu semper, & complexu meo. Nō queo iam plura scribere impedit mæror. Tu quid egeris, nescio, utrū aliquid teneas; an, quod metuo, planē sis spoliata. Pisonem, ut scribis, spero fore semper nostrum. De familia liberata, nihil est, quod te moueat. Primum tuis ita promissum est, te facturam esse, ut quisque esset meritis. Est autē in officio adhuc Orpheus; præterea magnoperē nemo. Cæterorum seruorum ea causa est, ut, si res à nobis abesset, liberti nostri essent, si obtinere potuissent; sin ad nos pertinerent: seruirent, præterquam oppido pauci. Sed hæc minora sunt. Tu quod me hortaris, ut animo sim magno, & spem habeam recuperandæ salutis; id velim sit eiusmodi, ut rectē sperare possimus. Nunc miser quando tuas iam litteras accipiā; quis ad me perferet? quas ego expectassem Brundisii, si esset licitum per nautas, qui tempestatem prætermittere noluerūt. Quod reliquum est, lassenta te, mea Terentia, ut potes, honestissime viximus; florauimus; non vitium nostrū, sed uirtus nostra nos afflixit; peccatum est nullum, nisi quod non vna animam cum ornamentis amisimus. Sed si hoc fuit liberis nostris gratus, nos uiuere; cætera, quanquam ferenda non sunt, feramus; atque ego, qui te confirmo, ipse me non possum. Clodium Philæterum, quod ualitudine oculorum impediabatur hominem fidelem, remisit; Sallustius officio uincet omnes spes. Cennius est perbeneuolus nobis: quem semper spero tui fore obseruantē. Sica dixerat, se mecum fore: sed Brundisio discessit.

Dd

Cura



Cura, quoad potes, vt valeas, & sic existimes, vehemētius me tua miseria, quam mea commoveri. Mea Terentia, fidissima, atque optima vxor, & mea carissima Tulliola, & spes reliqua nostra Cicero, valeat. Prid. kal. Maii, Brundisio.

### ARGVMENTVM.

*Scripsit hanc aliquot annis post superiores. L. Paulo, C. Marcello Coss. cum ex Prouincia Romam rediret. Significat de navigatione sua, de litteris acceptis, de hereditate Prætiana*

TVLLIVS S. D. TERENT. ET TVLLIÆ SVIS.

**S**I tu, & Tullia, lux nostra, valetis; ego, & suauissimus Cicero ualeamus Pridie Id. Oct Athenas uenimus, cū sanè aduersis uentis vñ essemus, tardeque, & incommodè nauigassemus. De naue exētibz nobis Acastus cū litteris præsto fuit vno & uicesimo die, sanè strenuè. accepi tuas litteras: quibus intellexistē vereri, ne superiores mihi redditæ nō essēt. Omnes sunt redditæ idiligentiissimèque à te perscripta sunt omnia: idque mihi gratissimum fuit. Neque sum admiratus, hāc epistolā, quā Acastus attulit, breuē fuisse: iam enim me ipsum expectas, siue nos ipsos: qui quidem quamprimū ad vos venire capimus: et si, in quam Rempublicā veniamus intelligo. Cognoui enim ex multorum amicorū litteris, quas attulit Acastus, ad arma rem spectare: vt mihi, cum veniro, dissimulare non liceat, quid sentiam. Sed quando subeunda fortuna est, eò citius dabimus operam, vt veniamus, quò facilius de tota re deliberemus. Tu velim, quod commodò valetudinis tuæ fiat, quam longissimè poteris, obuiam nobis prodeat. De hereditate Prætiana, quæ quidem mihi magno dolori est (valde enim illum amauit) hoc uelim cures: si auctio ante meum aduentum fiet; ut Pōponius, aut, si is minus poterit, Camillus nostrum negotium curet. Nos cū venerimus, reliqua per nos agemus. Sin tu iam Roma profecta eris; tamen curabis, vt hoc ita fiat. Nos, si Dii adiuuabunt, circiter Id. Nou. in Italia speramus fore. Vos, mea suauissima, & optatissima Terentia, & Tulliola, si nos amatis, curate vt valeatis. Athenis, ad XV. Kalend. Nouemb.

AR.

## ARGVMENTVM.

*Excusat infrequentiam litterarum: mandat vt creditoribus satisfiat: gratias actas nescio à qua non miratur: Pollicem expectat.*

CIC. S. D. TERENCE SVÆ. 6

**N**Ec sc̃pe est, cui litteras demus, nec rem habemus vllam, quam scribere velimus. Ex tuis litteris, quas proximè accepi, cognoui prædium nullum venire potuisse. Quare vedeatis velim, quo modo satisfiat ei, cui scitis me satisfieri velle. Quodd nostra tibi gratias agit, id ego non miror te mereri, vt ea tibi merito tuo gratias agere possit. Pollicem, si adhuc non est profectus, quamprimum fac extrudas. Cura vt valeas. Idib. Quint.

## ARGVMENTVM.

*Exponit, quæ fuerit molestiarum causa, quoque modo liberatus sit: deinde scribit de sua ad Pompeium navigatione.*

CIC. S. D. TERENCE SVÆ. 7

**O**Mnes molestias, & sollicitudines, quibus, & te miserriam habui, id quod mihi molestissimam est, Tulliolâ quæ, quæ nobis nostra vita dulcior est, deposui, & eieci. Quid causæ autem fuerit, postridie intellexi, quàm à uobis discessi. *χολήν ἀκρατὸν*, noctu eieci: statim ita sum leuatus, vt mihi Deus aliquis medicinam fecisse videatur. Cui quidē tu Deo, quemadmodum soles, piè, ac castè satisfacias, id est Apollini, & Esculapio. Naui spero nos valdè bonam habere; in eam sinulatque conscendi, hæc scripsi. Deinde cōscribam ad nostros familiares multas epistolas quibus te, & Tulliolâ nostram diligentissimè cōmendabo. Cohortarer vos, quò animo fortiores esletis; nisi vos fortiores cognoscerem, quàm quemquā uirum; & tamen eiusmodi spero negotia esse, vt & vos istic commodissimæ sperem esse, & me aliquando cū similibus nostri Rentipubl. defensuram. Tu primum valetudinem tuam velim cures; deinde, tibi si videbitur, villis iis vtare quæ longissimè aberunt à militibus. Fūdo Arpinati bene po-

remis vti cum familia urbana, si annona carior fuerit. Cicero  
bellissimus tibi salutem plurimam dicit. Etiam atque etiam  
vale. Datum VII. Id. Iun.

### ARGVMENTVM.

*Rogat uxorem, ut valetudinem curet: laudat eius diligentiam: etaque ut deinceps utatur mandat.*

### CIC. S. D. TERENT. SVÆ.

8

**S**i vales, bene est; ego quidem ualeo. Valetudinem tuam uel  
lim cures diligentissimè, nam mihi & scriptum, & nūcia-  
tum est, te in febrem subito incidisse. Quod celeriter me feci-  
sti de Cælaris litteris certiolem, fecisti mihi gratum. Item  
posthac, si quid opus erit, si quid acciderit noui, facies ut sci-  
am. Cura ut ualeas, Vale. Datum IV. Non. Iun.

### ARGVMENTVM.

*Significat dolorem suum ex Dolabella, generi sui, Tulliolæque  
filia valetudine.*

### CIC. S. D. TERENT. SVÆ.

9

**A**d cæteras meas misérias accessit dolor è Dolabellæ va-  
letudine, & Tulliæ. Omnino de omnibus rebus nec  
quid consilij capiam, nec quid faciam, scio. Tu uelim tuam,  
& Tulliæ valetudinem cures. Vale.

### ARGVMENTVM.

*Mandat, ut cum Attico colloquatur, litteras mittat.*

### CIC. S. D. TERENT. SVÆ.

10

**Q**uid fieri placeret, scripsi ad Pomponium, seriùs, quàm  
oportuit. Cum eo si locuta eris, intelliges, quid fieri ue-  
lim: Apertiùs scribi, quando ad illum scripseram necesse nō  
fuit. De ea re, & de cæteris rebus quamprimum uelim nobis  
litteras mittas. Valetudinem tuam cura diligenter. Vale.  
VII. Id. Quint.

### ARGVMENTVM.

*Tulliam ad se uenisse dicit: sibi autem in animo esse Cicero-  
nem filium ad Cæsarem mittere.*

CI.

CICERO S. D. TERENT. SVÆ. II

**S**I vales, bene est: ego ualeo, Tullia nostra uenit ad me Pridi-  
 lun. Cuius sūma uirtute, & singulari huma nitate, grauiore  
 etiam sum dolore affectus, nostra factum esse negligētia, ut  
 longē alia in fortuna esset, atque eius pietas, ac dignitas postu-  
 labat. Nobis erat in animo Ciceronem ad Cæsarem mittere,  
 & cū eo Cn Sallustiū. Si profectus erit, faciam te certio rem.  
 Valetudinem tuam cura diligenter. Vale. XVII. Kal. Quin et.

## A R G V M E N T V M.

*Ferē suum consiliū reprehendit, quod, victo in Pharsalia  
 Pompeio, in Italiam redierit, Monet uxorem ne ad ipsū eat*

CIC. S. D. TERENT. SVÆ. 12

**Q**Uod nos in Italiam saluos uenisse gaudes; perpetuū gau-  
 deas uelim: sed perturbati dolore animi, magnisque  
 iniuriis, metuo, ne id consilii ceperimus, quod non faciliē ex-  
 plicare possimus. Quare, quantum potes, adiuua: quid autem  
 possis, mihi in mentem nō uenit. In ulam, quod de te des hoc  
 tempore, nihil est: & longum est iter, & non tutum, & non  
 video, quid prodesse possis, si ueneris. Vale. Datum Prid.  
 Non. Nou. Brundisio.

## A R G V M E N T V M.

*Permittit uxori, ut de nuncio remittendo consiliū capiat ex  
 tempore.*

CIC. S. D. TERENT. SVÆ. 13

**Q**Uod scripsi ad te proximis litteris de nuncio remitten-  
 do; quæ sit istius uis hoc tempore, & quæ concitatio  
 multitudinis ignoro. Si metuendus iratus est, quies tamen ab  
 illo fortasse nascetur. Totum iudicabis quale sit; & quod in  
 miserrimis rebus minimē miserum putabis, id facies. Vale.  
 VI. Id. Quin et.

## A R G V M E N T V M.

*Rogat uxorem, & filiam, consulerent & ipsa, & cum amicis, ab  
 Vrbe discedant, ne cne, adueni in Cæsaris.*

TVLLIVS S. D. TERENTIÆ, ET PATER

Tulliolæ, duabus animis suis, & Cicero matri  
optimæ, & suauissimæ sorori.

14  
**S**I nos ualeatis, nos ualemus. Vestrum iam consilium est, nō solum meum, quid sit nobis faciendum. Si ille Romam modestè uenturus est; rectè in præsentia domi esse potestis: sin homo amens diripiendâ Urbē daturus est; vereor, ut Dolabella ipse satis uobis prodesse possit. Etiam illud metuo, ne iam intercludamini, ut, cum uelitis, exire non liceat. Reliquum est, quod ipsæ optimè considerabitis, vestri similes forminæ sint ne Romæ. Si enim non sunt; videndum est, ut honestè vos esse possitis; quomocumque nunc se res habet, modò ut hæc uobis loca tenere liceat, bellissimè, vel mecum uel in nostris prædiis esse poteritis. Etiam illud verendum est ne breui tempore fames in Vrbe sit. His de rebus uelim cum Pomponio, cum Camillo, cum quibus uobis uidebitur cōsideretis; ad summam, animo forti sitis. Labienus rem molior rem fecit; adiunat etiam Pilo, quod ab Vrbe discedit, & celeris condemnat generum suum. Vos, meæ carissimæ animæ quam læpissimè ad me scribite, & vos, quid agatis, & quid istic agatur. Quinctus pater, & filius, & Rufus uobis salutem dicunt. Valete. VIII. kal. Quinctus Minturnis.

## A R G V M E N T V M.

*Dicit se mutasse consilium de mittendo ad Cæsarem Cicerone filio. Hac autem epistola uidetur scripta post eam, quæ XI. loco impressa est.*

TVLLIVS S. D. TERENT. SVÆ. 15

**S**I uales, bene est; ego ualeo. Constitueramus, ut ad te antea scripseram obuiam Ciceronem Cæsari mittere; sed mutaui nus consilium, quia de illius aduentu nihil audiebamus. De cæteris rebus, etsi nihil erat noui, tamen, quid uelimus, & quid hoc tempore putemus opus esse, ex Sicca poteris cognoscere. Tulliam adhuc mecum teneo. Valetudinem tuam cura diligenter. Vale. XII. kal. Quinct.

AR.

AD TERENCEM.  
ARGUMENTVM.

441

*Argumentum est de litteris, & de Volumina.*

TVLLIVS S. D. TERENCE SVÆ. 16

**S**uales, bene est; ego ualeo. Etsi eiusmodi tempora nostra sunt, ut nihil habeam, quod aut à te litterarum expectem, aut ipse ad te scribam; tamen nescio quomodo, & ipse uestras expecto, & scribo ad uos, cum habeo, qui ferat. Volumina debuit in te officiosior esse, quam fuit: & id ipsum, quod fecit, potuit diligentius facere, & cautius. Quanquam alia sunt, quæ magis curemus, magisque doleamus, quæ me ita conficiunt, ut si uoluerunt, qui me de mea sententia detruserunt, Cura ut ualeas. Pridie Non. Ian.

ARGUMENTVM.

*Doloris index epistola.*

TVLL. S. D. TERCENT. SVÆ. 17

**S**iquid haberem, quod ad te scriberem, facerem id & pluribus uerbis, & sæpius. Nunc, quæ sunt negotia, uides: ego autem quomodo sum affectus, ex Lepta, & Trebatio poteris cognoscere. Fac ut tuam, & Tullie ualitudinem cures. Vale.

ARGUMENTVM.

*Monet uxorem: & filiam, ut mature considerent, num Roma tuto esse possent, & cum dignitate.*

TVLLIVS S. D. TERENCE SVÆ, ET PATER  
suauissimæ filie. Cicero matri, & sorori. 18

**C**onsiderandum vobis etiam atque etiam animæ meæ, diligenter puto, quid faciatis. Romæ ne sitis, an mecum in aliquo tuto loco: id non solum meum consilium est; sed etiam vestrum. Mibi veniant in mentem hæc: Romæ vos esse tutò posse per Dolabellam; eamque rem posse nobis adiumento esse, si qua vis, aut si quæ rapinæ fieri cœperint. Sed rursus illud me mouet, quod video, omnes bonos abesse Romam; & eos mulieres suas secum habere. Hæc autem regio, in

qua ego sum nostrorum est tum oppidorum: tum etiam prædiorum; ut & multum esse mecum, & cum abieritis, commode, etiam in nostris prædiis esse possitis. Mihi planè nō satis constat adhuc, utrum sit melius. Vos uidete, quid aliæ faciāt isto loco sœmine, & ne, cum uelitis, exire non liceat; id uelim diligenter etiam atque etiam uobiscum, & cum amicis, cōsideretis. Domus ut propugnacula, & præsidiū habeat, Philotimo dicetis Et uelim tabellarios instituat is certos, ut quotidie aliquas à uobis litteras accipiam. Maxime autem date operā ut ualeatis, si nos uultis ualere. VIII. Kal. Febr. Formiis

### ARGVMENTVM.

*Dolorem significat ex hlia ualeitudine, & difficultatem, quominus possit propius accedere.*

TVLL. S. D. TERENCE SVÆ. 19

**I**N maximis meis doloribus excruciat me ualeitu lo Tullie nostræ. De qua nihil est, quod ad te plura scribam: tibi enim æquè magnæ curæ esse certo scio. Quod me propius uultis accedere, uideo ita esse faciendum; etiam ante fecissem; sed me multa impediunt, quæ ne nunc quidem expedita sunt. A Pomponio expecto litteras, quas ad me quamprimum perferendas cures uelim. Da operam ut ualeas.

### ARGVMENTVM.

*Mandat ut in Tusculano omnia sint parata ad hospites accipiendos.*

TVLL. S. D. TERENCE SVÆ. 20

**I**N Tusculanum nos uenturos putamus. aut Nonis, aut postidie. Ibi fac, ut sint omnia parata: plures enim fortasse nobiscum erunt: & ut arbitror, diutius ibi commorabimur. Labrum si in balneo non est, fac, ut sit; item cætera, quæ sunt ad uictum, & ad ualeitudinem necessaria. Vale IV. Kal. Oct. de uenestino.

### ARGVMENTVM.

*Scribit, ut, qua tempus postulabit, provideat, sibi quæ absenti administret, litterasque mittat.*

TVLL.

## AD TERENCEM.

TVLL. S. D. TERENCE. SVÆ. 21

**S**I uales, bene est: ego ualeo. Da operam, ut conualescas: quod opus erit, ut res, tempusque postulat, prouideas, atque administres: & ad me de omnibus rebus, quam sæpissimè litteras mittas. Vale.

## ARGUMENTVM.

*Dicit se tabellarios expectare, ut consilium capere possit.*

TVLL. S. D. TERENCE. SVÆ. 22

**S**I uales, bene est: ego ualeo. Nos quotidie tabellarios vestros expectamus: qui si uenerint, fortasse erimus certiores, quid nobis faciendum sit: faciemusque te statim certiores. Valetudinem tuam cura diligenter. Vale. kal. Septemb.

## ARGUMENTVM.

*Nondum se neque de Caesaris aduentu, neque de eius litteris quidquam scire dicit.*

TVLL. S. D. TERENCE. SVÆ. 23

**S**I uales, bene est: ego ualeo. Nos neque de Caesaris aduentu, neque de litteris, quas Philotimus habere dicitur, quidquam adhuc certi habemus; si quid erit certi, faciam te statim certiores. Valetudinem tuam fac, ut cures. Vale. IV. Id. Sext.

## ARGUMENTVM.

*Scribit de litteris à Caesare acceptis, de eius aduentu, de obuiatione.*

TVLL. S. D. TERENCE. SVÆ: 24

**S**I uales, bene est: ego ualeo. Reddita mihi iam tandè sunt à Caesare litteræ, satis liberales; & ipse opinione celerius uenturus esse dicitur. Cui utrum obuiam procedam, an hic cum expectem, cum constituerò, faciam te certiores. Tabellarios mihi uelim quamprimum remittas. Valetudinem tuam cura diligenter. Vale. Pridie Idib. Sexæ.

M. TVLL.



# M. TVLLII CICERONIS

EPISTOLARVM

Ad Senatum, & alios.

LIBER XV.

ARGVMENTVM.

*Cum Parthi maximis copiis Euphratem, qui terminus erat imperii Romani, transissent, sollicitus Cicero de sua Prouincia, item de reliquis, quæ ab impetu belli non longè abessent, monet, ut maiores exercitus summittantur.*

M. TVLL. M. F. CIC. PROCOS. S. D.

COSS. PRÆT. TRIB. PL.

SENAT. P. Q. R.

**S**I uos bene ualeatis, bene est; ego quidem ualeo. Et si non dubiè mihi nunciabatur, Parthos transisse Euphratem cum omnibus ferè suis copiis; tamen, quod arbitrabar à M. Bibulo Procos. certiora de his rebus ad uos scribi posse, statuebam mihi non necesse esse publicè scribere ea, quæ de alterius Prouincia nunciarentur. Postea uerò quàm certissimis auctoribus, legatis, nunc is, litteris sum certior factus, uel quod tanta res erat, uel quod nondum audieramus Bibulum in Syriam uenisse, uel quia administratio huius belli mihi cum Bibulo pæne est communis; quæ ad me delata essent scribenda ad uos, putavi. Regis Antiochi Comageni legati primi mihi nunciarunt, Parthorum magnas copias Euphratem transire coepisse. Quo nuncio allato, cum essent nonnulli, qui ei Regi minorem fidem habendam putarent, statui expectandū esse,

(c.)

se, si quid certius afferretur. Ad VIII. kal. Oct. cum exercitū in Ciliciā ducere, in finibus Licaoniæ, & Cappadociæ mihi litteræ redditæ sunt à Tarcōdimoto, qui fidelissimus socius trās Taurum, amicissimusque populi R. existimatur; Pacorū Orodīs regis Parthorum filium, cū per magno equitatu Parthico transisse Euphratem, & castra posuisse Tybæ; magnūque tumultum esse in Prouincia Syria excitatum; Eodē die ab Iamblico, Phylarco Arabū, quem homines opinantur bene sentire, amicūque esse Reip. nostræ, litteræ de iisdem rebus mihi redditæ sunt. His rebus allatis, etsi intelligebam socios infirmē animatos esse, & nouarū rerū expectatione suspensos: sperabam tamen eos, ad quos iam accesseram, quique nostram consuetudinem, integritatēque perspexerant, amiciores populo Romano esse factos, Ciliciā autē firmiorem fore, si æquitatis nostræ particeps facta esset. Et ob eam causam, & ut opprimerentur ii, qui ex Cilicū gente in armis essēt, & ut hostis is, qui esset in Syria, sciret exercitū populi Romani non modò non cedere his nunciis allatis, sed etiam propius accedere exercitum ad Taurum institui ducere. Sed, si quid apud vos auctoritas mea ponderis habet, in ijs præsertim rebus, quas vos audistis, ego pene cerno, magnopere vos, & horror, & moneo, ut his Prouincijs seruis vos quidem, quam decuit, sed aliquando tamen consulatis. Nos quemadmodum instructos, & quibus præsidis munitos ad tanti belli opinionem miseritis, non estis ignari. Quod ego negotiū, non stultitia obsecutus, sed verecundia deterritus, non reculaui; neque enim vnquam vllum periculum tantum putauī, quod subterfugere mallē, quā vestræ auctoritati obtemperare. Hoc autem tēpore res sese sic habet; ut, nisi exercitum tantum, quantum ad maximū bellum mittere soletis, maturē in has Prouincias miseritis; summū periculum sit, ne amittendæ sint ōnes hæ Prouinciæ: quibus vectigalia populi Romani continētur. Quamobrem, autem in hoc prouinciali delectu spē habeatis aliquam, causa nulla est. Neque multi sunt, & diffugiunt, qui sunt, metu oblato; & quod genus hoc militū si quis iudicauit vir fortissimus, M. Bibulus in Asia; qui, cū ei permississet, delectū habere nosset, Nam sociorum auxilia,

xilia, propter acerbitatē, atque iniurias imperii nostri, aut ita imbecilia sunt, ut non multū nos iuuare possint, aut ita alienata à uobis, ut neque expectandū ab iis, neque committendum, iis quidquā esse videatur. Regis Deiotari, & voluntatē, & copias, quantæcūque sunt, nostras esse duco. Cappadocia est inanis. Reliqui Reges, Tyrānique neque opibus satis firmi, nec uolūtate sunt. Mihi, in hac paucitate militū, animus certē non deerit: spero, ne consilium quidem: quid casurum sit, incertum est. Utinam salutē nostrā consulere possimus; dignitati certē consulemus. Valete.

### ARGVMENTVM:

*Exponit, quid in Prouincia, audito Parthorum aduentu, egerit ad tuendam Prouinciā, & socios in fide continendos: addit de Ario barzane Rege ab insidiis liberato.*

CICERO PROCOS. S. D. COSS. PRÆT. TRIB. PL.  
SENATV I, P. Q. R.

**S**I vos benè valetis, benè est: ego quidem valeo. Cum pridie Kal. Sext. in prouinciā venissem; neque maturiūs propter itineris, & nauigationum difficultatem venire potuissem maximè cōuenire officio meo, Reipub. conducere putaui, parare ea, quæ ad exercitum, quæque ad rem militārē pertinerent. Quæ cū essent à me cura magis, & diligentia, quàm facultate, & copā cōstituta, nūciique & litteræ de bello à parthis, in Prouinciā Syriā illato quotidie fere afferrentur: iter mihi faciendum per Lycaoniā, & per isauros, & per Cappadociā arbitratus sum. Erat enim magna suspitio Parthos, si ex Syria egredi, atque irrumpere in meā Prouinciā conarentur iter eos per Cappadociā, quod ea maxime pateret, esse facturos, itaque cum exercitu per Cappadociæ partem eā, quæ cū Cilicia continens est, iter feci: castraque ad Cybistra, quod oppidum est ad Mōtē Taurū locaui: ut Artuaspes, Rex Armenius, quocunq; animo esset, sciret nō procul à suis finibus exercitū populi Rom. esse: & Deiotarum, fidelissimū Regē, atq; amicissimū Reip. nostræ: maximè coniunctum habere, hominem cuius, & consilio, & opibus adiuuari posset Resp.

Quo

Quo cū in loco castra habere; equitatumque in Ciliciā missē; ut & meus aduentus iis ciuitatibus, quæ in ea parte essēt, nunciatus, firmiores animos hominū faceret: & ego maturē, quid ageretur in Syria, scire possē; tempus eius tridui, quod iis castris morabar in magno officio, & necessario mihi ponēdum putauī. Cum enim vestra auctoritas intercessisset; ut ego Regē Ariobarzanē, Eusebem, & Philoromæum tuerer; eiusque Regis salutem, & incolamitatem Regni defenderem; Regi, Regnoque præsidio essem; adiunxissetisque salutē eius Regis Populo, Senatuique magnæ curæ esse, quod nullo vnquā de Rege decretū esset a nostro ordine: existmani me iudicium vestrum ad Regem deferre debere, eique præsidium meum, & fidem, & diligentiam polliceri; ut, quādo salus ipsius & incolumitas Regni mihi cōmendata esset à vobis, diceret, si quid vellet. Quæ cū essem in consilio meo cum Rege locutus; initio ille orationis suæ vobis maximas, ut debuit, deinde etiā mihi gratias egit; quod ei permagnum, & perhonorificū videbatur, Senatui, populoque Rom. tantæ curæ esse salutem suam: neque tantam diligentiam adhibere, & mea fides, & cōmendationis vestræ auctoritas perspicui posset. Atque ille primo, quod mihi maximæ lætitiæ fuit, ita mecum locutus est; ut nullas insidias neque vitæ suæ, neque Regno diceret se, aut intelligere fieri, aut etiā suspicari. Cum ei ego gratulatus essem, idque me gaudere dixissē, cohortatus, ut recordaretur casum illum interitus patroni, & vigilanter se tueretur, atque admonitu Senatus consuleret salutē suæ; tūc a me discessit in oppidum Cibystra. Postero autem die cum Ariarathe, fratre suo, & cum paternis amicis, maioribus natu, ad me in castra venit; perturbatusque, & flens cum idem, & frater faceret, & amici, meam fidem, vestram cōmendationem implorare cœpit. Cum admirarer, quid accidisset noui, dixit, ad se inditta manifestarum insidiarum esse delata, quæ esse ante aduentum meum occultata, quod ii, qui ea patefacere possent, propter metum reticuisent; eo autem tempore, spe mei præsidii, cōplures, ea, quæ scirent, audacter ad se delulisse: in his amantissimū sui, summa pietate præditum fratrem dicere ea, quæ is, me quoque audiēte, dicebat, se sollicitatum

tatum esse, ut regnare vellet; id, viuo fratre suo, accidere non potuisset: tamen ante illud tempus eam rem nunquā in medium, propter periculi metum, protulisse. Quæ cū esset secutus, monui Regem, ut omnem diligentiam ad se conseruandū adhiberet: amicosque in patris eius fide, atque iudicio probatos, hortatus sum; Regis sui vitam, docti casu acerbissimo patris eius, cum cura, custodiaque defenderent. Cū Rex à me equitarū, cohortesque de exercitu meo postularet. & si intellegebam vestro S. C. non modò posse me id facere, sed etiam debere, tamen, cum Resp. postularet, propter quotidianos ex Syria nuncios, ut quamprimum exercitū ad Ciliciæ fines adducerem; cumque mihi Rex, patefactis, iā insidiis, non egere exercitu populi Rom. sed posse se suis opibus defendere videretur: illum cohortatus sum, ut in sua vita cōseruanda primū regnare disceret; à quibus perspexisset sibi insidias paratas, in eos vteretur iure regio; pœna afficeret eos, quos necesse esset reliquos metu liberaret; præsidio exercitus mei ad eorū, qui in culpa essent, timorē potius, quā ad contentionem vteretur; fore autē, ut omnes, quādo S. C. nossent, intelligerent me Regi, si opus esset, ex auctoritate vestra præsidio futurum. Itaque cōfirmato illo, ex eo loco castra moui, & iter in Ciliciam facere institui; cum hac opinione e Cappadocia discederē; ut consilio vestro, casu incredibili; ac pæne diuino Regē, quem vos honorificentissimē appellassetis nullo postulante, quemque meæ fidei cōmendassetis, & cuius salutem magnæ vobis curæ esse decreuissetis, meus aduētus præsentibus insidiis liberasset. Quod ad vos à me scribi, non alienum putavi: ut intelligeretis ex iis, quæ pæne acciderūt, vos multo ante ne ea acciderent, prouidisse. Eòque vos studiosius feci certiores, quod in Rege Ariobarzane ea mihi signa videor virtutis ingenii, fidei, beneuolentiæque erga vos perspexisse; ut non sine causa tantam curam, diligentiamque in eius uos salutem vjdeamini contulisse. Valete.

## ARGVMENTVM.

*Scribit de rumore Parthici belli; & affert excusationem, cur publicè non scripserit.*

M. CICERO IMP. S. D. M. CATONI. 3

**C**VM ad me legati, missi ab Antiocho Commageno, venissent in castra ad iconium ante diē III. Non. Sept., iique mihi nūciaissent, regis Parthorū filium, quo cum esset nupta Regis Armeniorū soror, ad Euphratem cū maximis Parthorū copiis, multarumque præterea gentium magna manu venisse, Euphratemque iam transire cœpisse: dicique, Armenium Regem in Cappadociam impetum esse facturū; putavi pro nostra necessitudine me hoc ad te scribere oportere. Publicè propter duas causas nihil scripsi; quod & ipsū Cōmagenum legati dicebant ad Senatū statim nuncios; litterasque misisse: & existimabā M. Bibulū Præcos. qui circiter Id. Sext. ab Epheso in Syriam nauibus profectus erat, quod secundos ventos habuisset, iam, in Prouinciā suā peruenisse, cuius litteris omnia certiora perlatum iri ad Senatū putabā. Mihi, ut in eiusmodi re, tantoq; bello, maximæ curæ est, ut quæ copiis; & opibus tenere vix possumus, ea, mansuetudine, & continentia nostra, sociorum fidelitate, teneamus. Tu velim, ut consuesti, nos absentes diligas, & defendas. Vale.

## ARGVMENTVM.

*Narrat, quæ in Prouincia gesserit: pro quibus rebus à Catone petit, ut in Senatu supplicationes sibi decernat.*

M. CICERO IMP. S. D. M. CATONI. 4

**S**VMMA tua auctoritas fecit, meumque perpetuum de tua singulari virtute iudicium, ut magni mea interesse putarem, & res eas, quas gessisse, tibi notas esse, & non ignorari, à te, qua æquitate, & continentia tuerer socios, Prouinciāque administrarem: his enim à te cognitis, arbitrabar facilius me tibi, quæ vellē, probaturum. Cū in Prouinciā Pridie Id. Sext. venissem, & propter anni tempus ad exercitum mihi

hi confestim esse eundem viderem, biduum Laodiceæ fui, dein de Apameæ quatrduum; triduum Synadæ, totidem dies, Philomeli. Quibus in oppidis cum magni cōuentus fuissent: multas ciuitates acerbissimis tributis, & grauissimis vsuris, & falso ære alieno liberaui. Cūque atē aduentum meum seditione quadam exercitus esset dissipatus; quinque cohortes sine legato, sine tribuno mil. denique etiā sine cēturione vllō apud philomelū confedissent; reliquus exercitus esset in Lycaonia. M. Anneio legato imperaui, vt eas quinque cohortes ad reliquum exercitum duceret; coactoque in vnum locum exercitum, castra in Lycaonia apud iconium faceret. Quod cum ab illo diligenter esset actum; ego in castra ad VII. Kal. Sept. veni; cum interea superioribus diebus ex S. C. & euocatorum firmam manum, & equitatum satis idoneum, & populorum liberorum, Regumque sociorum auxilia voluntaria cōparauissem. interim cum exercitu lustrato iter in Ciliciam facere crepissim; Kal. Sep. legati à Rege Commageno ad me missi, pertumultuosē, neque tamen non vere, Parthos in Syriā trāsisse, nunciauerunt; Quo audito, vehementer sum commotus cum de Syria, tum de mea Prouincia, de reliqua denique Asia: itaque exercitum mihi ducendum per Cappadocię regionē eam, quę Ciliciam attingeret putavi. Nam si me in Ciliciam demissem, Ciliciam quidē ipsam, propter montis Ama-ni naturam, facillē tenuissem (duo sunt enim aditus in Ciliciā ex Syria, quorum vterque paruis prædiis propter angustias intercludi potest; nec est quidquam Cilicia cōtra Syriā munitius) sed me Cappadocia mouebat. quę pater à Syria, Regesque habet finitimos; qui etiam si sunt amici nobis, tamen apertē parthis inimici esse nō audent. Itaque in Cappadocia extrema, nō lōgē à Tauro apud oppidum Cybistra castra feci; vt & Ciliciā tuerer, & Cappadociā tenens noua finitiorum consilia impedire. interea in hoc tanto motu, tantaque expectatione maximi belli, res Deiotarus, cui nō sine causa plurimum semper, & meo, & tuo, & Senatus iudicio tributum est vir cum beneuolentia, & fide erga populū Rom. singulari, et præstanti magnitudine, & animi, & cōsiliis, legatos ad me misit, se cū omnibus suis copiis in mea castra esse venturum. Cuius

ius ego studio, officioque commotus, egi ei per litteras gratias; idque ut maturarer, hortatus sum. Cū autē ad Cybistra propter rationem belli quinque dies essem commoratus; Regem Ariobarzanem, cuius salutem à Senatu, te auctore, commendatam habebam, præsentibus insidiis, nec opinārē liberaui; neque solum ei salutē fuit; sed etiam curavi, ut cū auctoritate regnaret, Metram, & eum, quem tu diligenter mihi cōmendaras, Athenæum; importunitate Athenaidis exilio multatos, maxima apud Regem auctoritatē, gratiaque cōstitul. Cumque magnum bellum in Cappadocia concitaretur, si sacerdos armis se, quod facturus putabatur, defenderet, adolescēs, & equitatu, & peditatu, & pecunia paratus, & sociis, qui nouari aliquid volebant; perfeci, ut è regno ille discederet; Rexque sine tumultu, ac sine armis, omni auctoritate aulæ communita, regnum cū dignitate obtineret. Interea cognoui multorum litteris, atque nunciis, magnas Parthorū copias, & arābum ad oppidum Antiochiam accessisse; magnūque eorū equitatum, qui in Ciliciā transisset, ab equitum meorum turmis, & cohorte prætoria, quæ erat Epiphaneæ, præsidii causa; occisione occisum. Quare cum uiderē à Cappadocia Parthorum copias auersas, nō longē à finibus esse Ciliciæ, quam potui maximis itineribus ad Amanum exercitum duxi. Quo ut ueni, hostem ab Antiochia recessisse, Bibulum Antiochiæ esse cognoui: Deiotarumque confestim, iam ad me ueniēte cum magno, & firmo equitatu, & peditatu, & cum omnibus suis copiis certiorē feci, non uideri esse causam, cur abesset à regno: neque ad eum, si quid forrē non accidisset, statim litteras, nunciosque missurum esse. Cumque eo animo uenissē ut utrique Prouinciæ, si ita tempus ferret, subuenirem: tamē id, quod iam ante statueram uehementer interesse utriusque Prouinciæ, pacare Amanū, & perpetuum hostem ex eo mōte tollere, agere perrexi. Cūq; me discedere ab eo mōte simulassē, & alias partes Ciliciæ petere, abessemque ab Amanō iter unius diei: & castra apud Epiphaneam fecissē; ad IV. Idus Octobris, cū aduersperasceret expedito exercitu itanoctuite feci, ut ad III. Id. Oct. cū lucesceret, in Amanum adscēderem, distributisque cohortibus, & auxiliis, cum aliis Quintus fra-



ter legatus mecum, simul, aliis C. Pontinius legatus, reliquis M. Annecius, & L. Tullius, legati, præfessent, plerosque nec opimantes oppressimus, qui occisi captique sunt, interclusi fuga. Eranam autem, quæ fuit non uici instar, sed urbis, quod erat Amani caput, itemque Sepyrâ, & Commorim, acriter, & diu repugnantibus, Pontinio illâ partem Amani tenente, ex æte luca no tempore usque ad horam diei decimâ magna multitudi-  
 tudine ostium occisa, cæpimus; castellaque sex capta, cõplura incēdimus. His rebus ita gestis, castra in radicibus Amani habuimus apud Aras Alexātri quatrīduū; & in reliquis Amani delendis, agrisque vastandis, quæ pars eius montis meæ Pro-  
 uinciæ est, id tempus omne consumpsimus. Confectis his rebus, ad oppidum Eleutherocilicum Pindenissum exercitum adduxi. Quod cum esset altissimo, & munitissimo loco, ab iis-  
 que incoletur, qui ne Regibus quidem vnquam paruissent cum & fugitiuos reciperent, & Parthorū aduentū acerrimè expectarent, ad existimationem imperii pertinere arbitratu-  
 sum, comprimere eorum audaciam, quo facilius et. a cætero-  
 rum animi, qui alieni essent ab imperio nostro, frangetentur. Vallo, & fossa circūdedi, lex castellis, castrisque maximis se-  
 pstragere vineis turribus oppugnavi: usque tormentis mul-  
 tis sagittariis, magno labore meo, sine ulla molestia, sum-  
 ptuue sociorum, septimo quinquagesimo die rem confeci; ut  
 ōni bus partibus urbis disturbatis, aut incensis, cõpuli in po-  
 te statem meā peruenirent. His erant finitimi, pari scelere, &  
 audacia Tibarani. Ab his Pidenisso capto, obsides accepit: et  
 citū in hiberna dimisi. Quintum fratrem negotio præposui,  
 ut in uicis, aut captis, aut malè pacatis exercitus collocaretur.  
 Nunc uelim tibi sic persuadeas, si de his rebus ad Senatū re-  
 latum sit, me existimaturum summā mibi laudem tributā, si  
 tu honorem meum sententia tua, cõprobaris. Idque, etsi talibus  
 de rebus grauissimos homines, & rogare solere, & rogari  
 scio; tamen admonendum potius te a me, quàm rogandum,  
 puto. Tu es enim is, qui me tuis sententiis læpissimè orna stis:  
 qui oratione, qui prædicatione, qui sūmis laudibus, in Senatu,  
 in concionibus, ad cælū extulisti: cuius ego semper tanta esse  
 verborum pondera putavi, ut vno uerbo tuo cum mea laude

coniuncto, omnia consequi me arbitrarer. Te denique memini, cum cuidam clarissimo, atque optimo viro supplicationē non decerneres, dicere, te decreturum, si referetur ob eas res, quas Consul in vrbe gessisset. Tu idem mihi supplicationem decreuisti rogato, nō ut multis: *Republ. bene gesta*; sed, ut nemi-  
ni, *Repub. conseruata*. Mitto, quod iudiā, quod pericula, quod omnes meas tempestates, & subieris, & multo etiā magis, si per me licuisset, subire paratissimus fueris: quod denique inimicum meum, tuum inimicum putaris; cuius etiam interitū, ut faciliē intelligerem mihi quantum tribueres, Milonis causa in Senatu defendenda, approbaris. A me autem hæc sunt profecta, quæ ego in beneficii loco non pono, sed I ueri testimonii, atque iudicii; non ut præstantissimas tuas virtutes tacitus admirarer, [quis enim id non facit?] sed in omnibus orationibus, sententiis dicendis, causis agendis omnibus scriptis, Græcis Latinis, omni denique varietate litterarum meaturus, te non modo iis, quos uidissemus; sed iis, de quibus audissemus, omnibus anteferrē. Quæ res fortasse, quid sit, quod ego hoc nescio quid gratulationis, & honoris à Senatu tanti æstimem. Agā iam tecū familiariter, ut est, & studiis, & officiis nostris mutuis, & summa amicitia dignum, & necessitudine etiā paternā. Si quisquam fuit unquam remotus, & natura, & magis etiam, ut mihi quidem sentire uideor, ratione, atque doctrina ab inani laude, & sermonibus vulgi; ego profecto is sū testis est Consulatus meus; in quo, sicut in reliqua vita, fateor eam me studiosē secutum, ex quibus uerā gloria nasci posset; ipsā quidem gloriam per se nunquam putaui expectendā; itaque & Prouinciā ornatam, & spem non dubiam triumphi neglexi. Sacerdotium denique, cum quemadmodum te existimare arbitror, non difficillimē consequi possem, non appetui. Idem post iniuriā acceptam, quam tu Reipub. calamitatem semper appellas, meam non modo non calamitatem, sed etiam gloriam; studui quā ornatissima Senatus, Populique Rom. de me iudicia intercedere, itaque. & Augur postea fieri uolui, quod antea neglexeram, & cū honorem, qui à Senatu tribui rebus bellicis solet, neglectum à me olim, nūc mihi expectandum puto. Huic meæ uoluntati, in qua inest aliqua uis

desiderii ad sanandum vulnus iniuriæ, ut faucas, adiutorque sis, quod paulo ante me negaram rogaturum, uehementer te rogo: sed ita, si non ieiunium hoc nescio quid, quod ego gessi & contemnendum uidebitur, sed tale, atque tantum, ut muki nequaquam paribus rebus, honores summos à Senatu consecuti sint. Equidem etiam mihi illud animaduertisse uideor [scis enim, quàm attentè te audire soleam] te non tam res gestas, quam mores, instituta, atque uitam Imperatorum spectare solere in habendis, aut non habendis honoribus. Quod si in mea causa considerabis, reperiēs me effercitu imbecillo contra metum maximi belli firmissimum præsidium habuisse equitatem, & continentiam. His ego subsidiis ea sum consecutus quæ nullis legionibus consequi potuissem: ut ex alienissimis sociis amicissimos, ex infidelissimis firmissimos redderem; animosque nouarum rerum expectatione suspensos, ad ueteris imperii beneuolentiam transducerem. Sed nimis hæc multa de me præsertim ad te, à quo uno omnium sociorum querelæ audiuntur, cognosces ex iis, qui meis institutis se recreatos putant. Cumque omnes uno prope consensu de me apud te ea, quæ mihi opatissima sunt, prædicabunt; tū duæ maximæ clientelæ tuæ, Cyprus insula, & Cappadociæ regnum, tecum de me loquentur. Puto etiam regem Deiotarum, qui uni tibi est maximè necessarius. Quæ si etiam maiora sunt, & in omnibus sæculis pauciores uiri reperti sunt, qui suas cupiditates, quàm qui hostium copias, uincerent; est profecto tuum, cū ad res bellicas hæc, quæ rariora, & difficiliora sunt, genera uirtutis adiunxeris, ipsas etiā illas res gestas iustiores esse, & maiores putare. Extremum illud est, ut quasi diffidens rogationi meæ, philosophiam ad te allegem: qua nec mihi carior ulla unquā res in uita fuit, nec hominum generi maius à Diis munus ullum est datum. Hæc igitur, quæ mihi tecum communis est, societas studiorum, atque artium nostrarum, quibus à pueritia dediti, ac deuincti soli propemodum nos philosophiam illam ueram, & antiquam, quæ quibusdā otii esse, ac desidii uideretur, in forum, atque in Rēpublicam, atque in ipsā aciem pene deduximus, tecum agit de mea laude: cui negari à Catone fas esse non puto. Quamobrem sic tibi persuadeas uelim, si mihi

si mihi tua sententia tributus honos ex meis litteris fuerit: me existimaturum, cum auctoritate tua, tum beneuolentia erga me, mihi, quod maximè cupierim, contigisse. Vale.

## ARGVMENTVM.

*Excusat se, quod Ciceroni supplicationem non decreuerit, & tamen decretam gaudet, seque de illo honorificentius dicit sensisse, quam eos, qui supplicationem decreuerunt.*

M. CATO S. D. M. CICERONI IMP. 9

**Q**uod & Respub. me & nostra amicitia hortatur, libenter facio, ut tuam uirtutem, innocentiam, diligentiam, cognita in maximis rebus domi togati, armati foris: pari industria administrari gaudeam. Itaque, quod pro meo iudicio facere potui, ut innocentia, consilioque tuo defensam Prouinciam, seruatum Ariobarzanis cum ipso Rege, regnum, sociorum reuocatam ad studium Imperii nostri uoluntatē sententia mea, & decreto laudarem, feci. Supplicationem decretā, si tu, qua in re nihil fortuito, sed summa tua ratione, & cōtinentia Reip. prouisum est, Diis immortalibus gratulari nos, quam tibi referre acceptum mauis, gaudeo. Quod si triūphi prerogatiuam putas supplicationem, & idcirco easū potius, quam te, laudari uis, neque supplicationem sequitur semper triumphus: & triumpho multo clarius est, Senatū iudicare, potius mansuetudine, & innocentia Imperatoris Prouinciā, quam ui. militum, aut benignitate Deorum, retentam, atque conseruatam esse; quod ego mea sententia censebam. Atque hæc ego idcirco ad te, contra consuetudinem meam, pluribus scripsi; ut, quod maximè uolo, existimes me laborare, ut tibi persuadeam, & me uoluisse de tua maiestate, quod amplissimum sum arbitratus; & quod tu maluisti, factum esse gaudere. Vale, & nos dilige, & instituto itinere seueritateq̃, diligentiamque focis, & Rei publicæ præsta.

## A R G V M E N T V M.

*Exponit, eximia cum Catonis laude, quantam voluptatem ceperit ex eius sententia, & ex gratulatione litterarum: petique ut sibi in adipiscendo triumpho adiuter sit, aut saltem, si adipiscatur, gaudeat.*

CIC. S. D. CATONI.

6

**L**ætus sum laudari me, inquit Hector, opinor apud Nævium, abs te pater, laudato viro. Ea est enim profecto iucunda laus, quæ ab iis proficitur, qui ipsi in laude vixerunt. Ego uero, uel gratulatione litterarum tuarum, uel testimoniis sententiæ dictæ, nihil est, quod me non assecutum putem. Idque mihi tum amplissimum, tum gratissimum est, te libenter amicitiae dedisse, quod liquido ueritati dares. Et, si non modo unus, uerum etiam multi Catones essent in ciuitate nostra, in qua unum extitisse mirabile est; quem ego currum, aut quam lauream cum tua laudatione conferrem? nam ad meum sensum, & ad illum sincerum, ac subtile iudicium nihil potest esse laudabilius, quàm ea tua oratio, quæ est ad me perscripta à meis necessariis. Sed causam meæ uoluntatis [non enim dicam, cupiditatis] exposui tibi superioribus litteris, quæ etià si parum iusta tibi uisa esset, hanc tamen habet rationem, ut non nimis concupiscendus honos, sed tamē, si deferatur à Senatu, minime aspernandus esse uideatur. Spero autem illum ordinem pro meis ob Rempublicam susceptis laboribus, me non indignum honore, usitato præsertim, existimaturum. Quod si ita erit, tantum ex te peto, quod amicissimè scribis, ut cum tuo iudicio, quod amplissimum esse arbitraris, mihi tribueris, si id, quod maluerò, acciderit, gaudeas. Sic enim fecisse te, & sensisse, & scripsisse uideo; resque ipsa declarat, tibi illum honorem nostrum supplicationis fuisse iucundum, quod scribendo affuisti. Hæc enim S. C. non ignoro ab amicissimis eius, cuius de honore agitur, scribi solere. Ego, ut spero, te propediem uidebo, atque utinam Repub. meliore, quàm timeo. Vale.

AR-

## A R G V M E N T V M.

*Gratulatur Marcello, de fratre patruele, Consule designato: petitque ab eo, ut sibi quam primum anno imperio finito, successor mittatur.*

CICERO PROCOS. S. D. M. MAR-  
CELLO COS.

7

**T**E & pietatis in tuos, & animi in Rēp. & clarissimi, atque optimi Consulatus, C. Marcello Consule facto, fructū cepisse, vehementer gaudeo. Non dubito, quid præsentēs sentiant; nos quidem longinqui, & à te ipso missi in ultimas gentes, ad cælum mehercule te tollimus verissimis, ac iustissimis laudibus. Nam cum te à pueritia tua vnicè dilexerim; tuque me in omni genere semper amplissimum esse, & volueris, & iudicaris; tum hoc vel tuo facto, vel populi Rom. de te iudicio, multo acrius, vehementiusque diligo, maximaque lætitia afficior, cum ab omnibus prudentissimis, virisque optimis, omnibus dictis, factis, studiis, institutis, vel me tui similem esse audio, vel te mei. Vnum verò si addis ad præclarissimas res Consulatus tui, ut aut mihi succedat quamprimum aliquis, aut ne quid accedat temporis ad id, quod tu mihi, & S. C. & lege sinistri, omnia me per te consecutum putabo. Cura ut valeas & me absentem diligas, atque defendas. Quæ mihi de Parthis nunciata sunt, quia non putabam à me etiam nunc scribenda esse publicè, propterea ne pro familiaritate quidem nostrā, volui ad te scribere; ne cum ad Consulem scripsissem, publicè videret scripsisse. Vale.

## A R G V M E N T V M.

*C. Marcello, de Consulatu gratulatur, suamque illi dignitatem commendat.*

CICERO PROCOS. S. D. C. MAR-  
CELLO COS. DES.

8

**M**axima sum lætitia affectus, cum audiui te Consulem factum esse, eumque honorem tibi Deos fortunare vo-

Es 4 Io,

lo, atque a te pro tua, parentilque tui dignitate administrari. Nam cum te semper dilexi, amauique, quod mei amantissimum cognoui in omni varietate rerum mearum; tū patris tui pluribus beneficiis, vel defensus tristibus temporibus, vel ornatus secundis, necesse est, ut & sim totus uester, & esse debeam: eum præsertim matris tuæ, grauiissimæ, atque optimæ fæminæ: maiora erga salutem dignitatemque meā studia quam erant à muliere postulanda perspexerim. Quapropter à te peto maiorem in modum, ut me absentem diligas, atque defendas. Vale.

### ARGUMENTVM.

*Gratulatur C. Marcello de filio Consule factō; erat autem Collega Ciceronis in auguratu: at libros quoque de iure augurali composuit, lib. 2. de Diuin. & Carisius.*

CICERO PROCOS. S. D. C. MAR-  
CELLO COLLEGÆ.

**M**Arcellum tuū, Consulem factum, teque ea lætitia affectum esse, quam maximè optasti, mirum in modum gaudeo; idque cum ipsius causa, tum quod te omnibus secūdis-  
simum rebus dignissimum iudico: cuius erga me singularē beneuolentiam, vel in labore meo, uel in honore perspexit: totam denique domum uestram, uel salutis, uel dignitatis meæ studiosissimam, cupidissimamque cognoui. Quare gratū mihi feceris, si uxori tuæ Iuniæ, grauiissimæ, atque optimæ fæminæ, meis uerbis eris gratulatus. A te id, quod consuevi, peto, ut me absentem diligas, atque defendas. Vale.

### ARGUMENTVM.

*Commendat studiosè suam existimationem Consuli Marcello in supplicatione decernenda.*

M. CICERO IMP. S. D. C. MARCELLO  
C. F. COS.

**Q**uando id accidit, quod mihi maximè fuit optatum, ut omnium Marcellorum Marcellinorū etiam, [mirificus enim

enim generis, ac nominis vestri fuit erga me séper animus ) quando ergo ira accidit, vt omnium vestrum studio tuus cōsulatus satisfacere posset, in quem meæ res gestæ, lausque & honor earum potissimum incideret; peto à te id, quod facillimum factu sit non aspernante, vt confido, Senatu; vt quā honorificentissimum S. C. litteris meis recitatis, faciendū cures. Si mihi tecum minus esset, quam est cū tuis omnibus; allegarem ad te illos, à quibus intelligis me præcipuè diligi, Patri tui beneficia in me tunc aplissima; neque enim salutē meæ, neque honori amicior quicquam dici potest. Frater tuus quāti me faciat, semperque fecerit, esse hominem, qui ignoret, a bi-  
tror neminem. Domus tua denique tota me semper ōnibus summis officiis prosecuta est; neque verò tu in me diligēdo cuiquam concessisti tuorum. Quare à te peto maiorem in modum, vt me per te quam ornatissimum uelis esse meamque, & in supplicatione decernēda, & in cæteris rebus exillimationem satis tibi esse commendatam putes. Vale.

## A R G V M E N T V M.

*Agit gratias Consuli Marcello, quod supplicationem sibi decreuerit.*

CICERO S. D. MARCELLO COS. II

**Q**uantæ tibi curæ meus bonos fuerit, & quam idem extriteris Consul in me orando, & amplificando, qui fueras semper cū parentibus tuis, & cū totā domo, etsi res ipsa loquebatur, cognoui tamen ex meorum omniū litteris. Itaque nihil est tantum, quod ego non tua causa debeam, facturūque sim cum studiosē, tum libenter. Nam magni interest, cui debeas: debere autem nemini malui, quā tibi; cui me cum studia communia, beneficia paterna, tuaque iam ante coniūxerant; tum accedit, mea quidem sentētia, maximum uinculum, quod ita Remp. geris, atque gessisti, qua mihi carius nihil est; vt quantum tibi omnes boni debeant, quominus tantundem ego unus debeā, non recusem. Quamobrem tibi velim si sint exitus, quos mereris, & quos fore confido. Ego, si me nauigatio non morabitur, quæ incurrebat in ipsas Eresias, propediem te, vt spero, uidebo. Vale.

A R.



hi confestim esse eundem viderem, biduum Laodiceæ fui, dein de Apameæ quadriduum; triduum Synadæ, totidem dies, Philomeli. Quibus in oppidis cum magni cōuentus fuissent: multas ciuitates acerbissimis tributis, & grauissimis vsuris, & falso ære alieno liberaui. Cūque ante aduentum meum seditione quadam exercitus esset dissipatus; quinque cohortes sine legato, sine tribuno mil. denique etiā sine cēturione vllō apud philomelū confedissent; reliquus exercitus esset in Lycaonia. M. Anneio legato imperaui, vt eas quinque cohortes ad reliquum exercitum duceret; coactoque in vnum locum exercitum, castra in Lycaonia apud iconium faceret. Quod cum ab illo diligenter esset actum; ego in castra ad VII. Kal. Sept. veni; cum interea superioribus diebus ex S. C. & euocatorum firmam manum, & equitatum satis idoneum, & populorum liberos, Regumque sociorum auxilia voluntaria cōparauissem. interim cum exercitu lustrato iter in Ciliciam facere crepisssem; Kal. Sep. legati à Rege Commageno ad me missi, pertumultuosè, neque tamen non vere, Parthos in Syriam trāsisse, nunciauerunt; Quo audito, vehementer sum commotus cum de Syria, tum de mea Prouincia, de reliqua denique Asia itaque exercitum mihi ducendum per Cappadocię regionem eam, quę Ciliciam attingeret. putaui. Nam si me in Ciliciam demissem, Ciliciam quidem ipsam, propter montis Amari naturam, facile tenuissem (duo sunt enim aditus in Ciliciam ex Syria, quorum vterque paruis prædiis propter angustias intercludi potest; nec est quidquam Cilicia cōtra Syriam munitius) sed me Cappadocia mouebat, quę pater à Syria, Regesque habet finitimos; qui etiam si sunt amici nobis, tamen aperte parthis inimici esse non audent. Itaque in Cappadocia extrema, non longe à Tauro apud oppidum Cybistra castra feci; vt & Ciliciam tuerer, & Cappadociam tenens noua finitimorum consilia impedire. interea in hoc tanto motu, tantaque expectatione maximi belli, res Deiotarus, cui non sine causa plurimum semper, & meo, & tuo, & Senatus iudicio tributum est; vir cum beneuolentia, & fide erga populum Rom. singulari, tum præstanti magnitudine, & animi, & consilii, legatos ad me misit, se cum omnibus suis copiis in mea castra esse venturum. Cuius

ius ego studio, officioque commotus, egi ei per litteras gratias; idque ut maturarer, hortatus sum. Cū autē ad Cybistra propter rationem belli quinque dies essem commoratus; Regem Ariobarzanem, cuius salutem à Senatu, te auctore, commendatam habebam, præsentibus insidiis, nec opinatē liberaui; neque solum ei saluti fuit; sed etiam curavi, ut cū auctoritate regnaret, Metram, & eum, quem tu diligenter mihi commendaras, Athenæum; importunitate Athenaidis exilio multatos, maxima apud Regem auctoritatē, gratiaque cōstitul. Cumque magnum bellum in Cappadocia concitaretur, si sacerdos armis se, quod facturus putabatur, defenderet, adolescēs, & equitatu, & peditatu, & pecunia paratus, & lociis, qui nouari aliquid volebant; perfeci, ut è regno ille discederet; Rexque sine tumultu, ac sine armis, omni auctoritate aulæ communita, regnum cū dignitate obtineret. Interea cognoui multorum litteris, atque nunciis, magnas Parthorū copias, & arabum ad oppidum Antiochiam accessisse: magnūque eorū equitatum, qui in Ciliciā transisset, ab equitum meorum turmis, & cohorte prætoria, quæ erat Epiphaneæ, præsidii causa; occisione occisum. Quare cum uiderē à Cappadocia Parthorum copias auersas, nō longē à finibus esse Ciliciæ, quam potui maximis itineribus ad Amanum exercitum duxi. Quo ut ueni, hostem ab Antiochia recessisse, Bibulum Antiochiæ esse cognoui: Deiotarumque confestim, iam ad me uenientē cum magno, & firmo equitatu, & peditatu, & cum omnibus suis copiis certiorē feci, non uideri esse causam, cur abesset à regno: neque ad eum, si quid forrē non accidisset, statim litteras, nunciosque misurum esse. Cumque eo animo uenissē ut utrique Prouinciæ, si ita tempus ferret, subuenirem: tamē id, quod iam ante statueram uehementer interesse utriusque Prouinciæ, pacare Amanū, & perpetuum hostem ex eo mōte tollere, agere perrexi. Cūq; me discedere ab eo mōte simulassem, & alias partes Ciliciæ petere, abessemque ab Amano iter unius diei: & castra apud Epiphaneam fecissē; ad IV. Idus Octobris. cū aduersperasceret expedito exercitu ita noctuiter feci, ut ad III. Id. Oct. cū luce sceret, in Amanum adscēderem, distributisque cohortibus, & auxiliis, cum aliis Quintus fra-

ter legatus mecum, simul, aliis C. Pontinius legatus, reliquis M. Annicius, & L. Tullius, legati, præfessent, plerosque nec optantes oppressimus; qui occisi captique sunt, interclusi fuga. Eranam autem, quæ fuit non uici iustar, sed urbis, quod erat Amani caput; itemque Sepyrâ, & Commorim, acriter, & diu repugnantibus, Pontinio illâ partem Amani tenente, ex æte luca no tempore usque ad horam diei decimâ magna multitudine ostium occisa, cæpimus; castellaque sex capta, cōplura incēdimus. His rebus ita gestis, castra in radicibus Amani habuimus apud Aras Alexātri quatrīduū; & in reliquis Amani delendis, agrisque vastandis, quæ pars eius montis meæ Pro- uinciæ est, id tempus omne consumpsimus. Confectis his rebus, ad oppidum Eleutherocilicum Pindenissum exercitum adduxi. Quod cum esset altissimo, & munitissimo loco, ab iis- que incoleretur, qui ne Regibus quidem vnquam paruissent cum & fugitiuos reciperent, & Parthorū aduentū acerrimè expectarent; ad existimationem imperii pertinere arbitratum sum, comprimere eorum audaciam, quo facilius et.ā cætero- rum animi, qui alieni essent ab imperio nostro, frangerentur. Vallo, & fossa circūdedi lex castellis, castrisque maximis sepsi; agere viciis turribus oppugnavi; ususque tormentis multis sagittariis, magno labore meo, sine ulla molestia, sumptuue sociorum, septimo quinquagesimo die rem confeci; ut ōnibus partibus urbis disturbatis, aut incensis, cōpulsi in pote statem meā peruenirent. His erant finitimi, pari scelere, & audacia Tibarani. Ab his Pīdenisso capto, obsides accepit; exercitū in hiberna dimisi. Quintum fratrem negotio præposui, ut in uicis, aut captis, aut malè pacatis exercitus collocaretur. Nunc uelim tibi sic persuadeas, si de his rebus ad Senatū relatum sit, me existimaturum summā mihi laudem tributā, si tu honorem meum sententia tua, cōprobaris. Idque, etsi talibus de rebus grauissimos homines, & rogare solere, & rogari scio; tamen admonendum potius te a me, quàm rogandum, puto. Tu es enim is, qui me tuis sententiis læpissimè orna sti; qui oratione, qui prædicatione, qui sū mis laudibus, in Senatu, in concionibus, ad cælū extulisti; cuius ego semper tanta esse verborum pondera putaui, ut vno uerbo tuo cum mea laude

coniuncto, omnia consequi me arbitrarer. Te denique memini, cum cuidam clarissimo, atque optimo viro supplicationē non decerneres, dicere, te decreturum, si referetur ob eas res, quas Consul in vrbe gessisset. Tu idem mihi supplicationem decreuisti rogato, nō ut multis: *Republ. bene gesta*; sed, ut nemini, *Repub. conseruata*. Mitto, quod iudiā, quod pericula, quod omnes meas tempestates, & subieris, & multo etiā magis, si per me licuisset, subire paratissimus fueris: quod denique inimicum meum, tuum inimicum putaris; cuius etiam interitū, ut faciliē intelligerem mihi quantum tribueres, Milonis causa in Senatu defendenda, approbaris. A me autem hæc sunt profecta, quæ ego in beneficii loco non pono, sed i veri testimonii, atque iudicii; non ut præstantissimas tuas virtutes tacitus admirarer, [quis enim id non facit?] sed in omnibus orationibus, sententiis dicendis, causis agendis omnibus scriptis, Græcis Latinis, omni denique varietate litterarum meaturus, te non modo iis, quos uidissemus, sed iis, de quibus audissemus, omnibus anteferrē. Quæ res fortasse, quid sit, quod ego hoc nescio quid gratulationis, & honoris à Senatu tanti æstimem. Agā iam tecū familiariter, ut est, & studiis, & officiis nostris mutuis, & summa amicitia dignum, & necessitudine etiā paternā. Si quisquam fuit unquam remotus, & natura, & magis etiam, ut mihi quidem sentire uideor, ratione, atque doctrina ab inani laude, & sermonibus vulgi; ego profecto is sū æstis est Consulatus meus; in quo, sicut in reliqua vita, fateor eam me studiosē secutum, ex quibus uera gloria nasci posset; ipsā quidem gloriam per se nunquam putauī expectandā; itaque & Prouinciā ornata, & spem non dubiam triumphī neglexi. Sacerdotium denique, cum quemadmodum te existimare arbitror, non difficillimē consequi possem, non appetiui. Idem post iniuriā acceptam, quam tu *Reipub.* calamitatem semper appellas, meam non modo non calamitatem, sed etiam gloriam; studui quā ornatiſſima Senatus, Populique Rom. de me iudicia intercedere. Itaque & Augur postea fieri uolui, quod antea neglexeram, & cū honorem, qui à Senatu tribui rebus bellicis solet, neglectum à me olim, nūc mihi expectandum puto. Huic meæ uoluntati, in qua inest aliqua uis

desiderii ad sanandum uulnus iniuriæ, ut faucas, adiutorque sis, quod paulo ante me negaram rogaturum, uehementer te rogo: sed ita, si non ieiunium hoc nescio quid, quod ego gessi & contemnendum uidebitur; sed tale, atque tantum, ut multi nequaquam paribus rebus, honores summos à Senatu consecuti sint. Equidem etiam mihi illud animaduertisse uideor [sicis enim, quàm attentè te audire soleam] te non tam res gestas, quam mores, instituta, atque uitam Imperatorum spectare solere in habendis, aut non habendis honoribus. Quod si in mea causa considerabis, reperies me effercitu imbecillo contra meum maximi belli firmissimum præsidium habuisse equitatem, & continentiam. His ego subsidiis ea sum consecutus quæ nullis legionibus consequi potuissem; ut ex alienissimis sociis amicissimos, ex infidelissimis firmissimos redderem; animosque nouarum rerum expectatione suspensos, ad ueteris imperii beneuolentiam transducerem. Sed nimis hæc multa de me præsertim ad te, à quo uno omnium sociorum querelæ audiuntur, cognosces ex iis, qui meis institutis se recreatos putant. Cumque omnes uno prope consensu de me apud te ea, quæ mihi optatissima sunt, prædicabunt; tū duæ maximæ clientelæ tuæ, Cyprus insula, & Cappadociæ regnum, tecum de me loquentur. Puto etiam regem Deiotarum, qui uni tibi est maximè necessarius. Quæ si etiam maiora sunt, & in omnibus sæculis pauciores uiri reperti sunt, qui suas cupiditates, quàm quæ hostium copias, uincerent; est profecto tuum, cū ad res bellicas hæc, quæ rariora & difficiliora sunt, genera uirtutis adiunxeris, ipsas etiā illas res gestas iustiores esse, & maiores putare. Extremum illud est, ut quasi diffidens rogationi meæ, philosophiam ad te allegem: qua nec mihi carior ulla unquā res in uita fuit, nec hominum generi maius à Diis munus ullum est datum. Hæc igitur, quæ mihi tecum communis est, societas studiorum, atque artium nostrarum, quibus à pueritia dediti, ac deinceps soli propemodum nos philosophiam illam ueram, & antiquam, quæ quibusdā otii esse, ac desidii uidetur, in forum, atque in Rēpublicam, atque in ipsā aciem pene deduximus, tecum agit de mea laude: cui negari à Catone fas esse non puto. Quamobrem sic tibi persuadeas uelim,

si mihi

si mihi tua sententia tributus honos ex meis litteris fuerit: me existimaturum, cum auctoritate tua, tum beneuolentia erga me, mihi, quod maximè cupierim, contigisse. Vale.

# ARGVMENTVM.

*Excusat se, quod Ciceroni supplicationem non decreuerit, & tamen decretam gaudet, seque de illo honorificentius dicit sensisse, quam eos, qui supplicationem decreuerunt.*

M. CATO S. D. M. CICERONI IMP. 3

**Q**uod & Respub. me & nostra amicitia hortatur, libenter facio, ut tuam uirtutem, innocentiam, diligentiam, congrua in maximis rebus domi togati, armati foris: pari industria administrari gaudeam. Itaque, quod pro meo iudicio facere potui, ut innocentia, consilioque tuo defensam Prouinciā, seruatum Ariobarzanis cum ipso Rege, regnum, sociorum reuocatam ad studium Imperii nostri uoluntatē sententia mea, & decreto laudarem, feci. Supplicationem decretā, si tu, qua in re nihil fortuito, sed summa tua ratione, & cōtinentia Reip. prouisum est, Diis immortalibus gratulari nos, quam tibi referre acceptum mauis, gaudeo. Quod si triūphi prærogatiuam putas supplicationem, & idcirco casū potius, quam te, laudari uis, neque supplicationem sequitur semper triumphus: & triumpho multo clarius est, Senatui iudicare, potius mansuetudine, & innocentia Imperatoris Prouinciā, quam ui militum, aut benignitate Deorum, retentam, atque conseruatam esse; quod ego mea sententia censebam. Atque hæc ego idcirco ad te, contra consuetudinem meam, pluribus scripsi; ut, quod maximè uolo, existimes me laborare, ut tibi persuadeam, & me uoluisse de tua maiestate, quod amplissimum sum arbitratus; & quod tu maluisti, factum esse gaudere. Vale, & nos dilige, & instituto itinere seueritatem, diligentiamque focis, & Rei publicæ præsta.

## A R G V M E N T V M.

*Exponit, eximia cum Catonis laude, quantam voluptatem ceperit ex eius sententia, & ex gratulatione litterarum: petit, que ut sibi in adipiscendo triumpho adiutor sit, aut saltem, si adipiscatur, gaudeat.*

CIC. S. D. CATONI.

6

**L**ætus sum laudari me, inquit Hector, opinor apud Nævium, abs te pater, laudato viro. Ea est enim profecto iucunda laus, quæ ab iis proficiscitur, qui ipsi in laude uixerunt. Ego uerò, uel gratulatione litterarum tuarum, uel testimoniis sententiæ dictæ, nihil est, quod me non asecutum patem. Id, que mihi tum amplissimum, tum gratissimum est, te libenter amicitiae dedisse, quod liquido ueritati dares. Et, si nō modo unus, uerum etiam multi Catones. essent in ciuitate nostra, in qua unum extitisse mirabile est; quem ego currum, aut quam lauream cum tua laudatione conferrem: nam ad meum sensum, & ad illum sincerum, ac subtile iudiciū nihil potest esse laudabilius. quā ea tua oratio, quæ est ad me perscripta à meis necessariis. Sed causam meæ uoluntatis [non enim dicā, cupiditatis] exposui tibi superioribus litteris, quæ etiā si parum iusta tibi uisa est; hanc tamen habet rationem, ut non nimis concupiscendus honos, sed tamē, si deferatur à Senatu, minime aspernandus esse uideatur. Spero autem illum ordinē pro meis ob Rempublicæ susceptis laboribus, me non indignum honore, usitato præsertim, existimaturum. Quod si ita erit, tantum ex te peto, quod amicissimè scribis, ut cum tuo iudicio, quod amplissimum esse arbitraris, mihi tribueris. si id, quod maluerō, acciderit, gaudeas. Sic enim fecisse te, & sensisse, & scripsisse uideo; resque ipsa declarat, tibi illum honorem nostrum supplicationis fuisse iocundum, quod scribēdo affuisti. Hæc enim S. C. non ignoro ab amicissimis eius, cuius de honore agitur, scribi solere. Ego, ut spero, te propediem uidebo, atque utinam Repub. meliore, quā timeo. Vale.

A R.

## ARGUMENTVM.

*Gratulatur Marcello, de fratre patruele, Consule designato: petitque ab eo, ut sibi quam primum annuo imperio finito, successor missatur.*

CICERO PROCOS. S. D. M. MAR-  
CELLO COS.

**T**E & pietatis in tuos, & animi in Rēp. & clarissimi, atque optimi Consulatus, C. Marcello Consule facto, fructū cepisse, vehementer gaudeo. Non dubito, quid præsentēs sentiant; nos quidem longinqui, & à te ipso missi in ultimas gentes, ad cælum mehercule te tollimus verissimis, ac iustissimis laudibus. Nam cum te à pueritia tua vnicè dilexerim; tuque me in omni genere semper amplissimum esse, & volueris, & iudicaris; tum hoc vel tuo facto, vel populi Rom. de te iudicio, multo acrius, vehementiusque diligo, maximaque lætitia afficior, cum ab omnibus prudentissimis, virisque optimis, omnibus dictis, factis, studiis, institutis, vel me tui similem esse audio, vel te mei. Vnum verò si addis ad præclarissimas res Consulatus tui, ut aut mihi succedat quamprimum aliquis, aut ne quid accedas temporis ad id, quod tu mihi, & S. C. & lege sinistri, omnia me per te consecutum putabo. Cura ut valeas, & me absentem diligas, atque defendas. Quæ mihi de Parthis nunciata sunt, quia non putabam à me etiam nunc scribenda esse publicè, propterea ne pro familiaritate quidem nostra, volui ad te scribere; ne cum ad Consulem scripsissem, publicè viderer scripsisse. Vale.

## ARGUMENTVM.

*C. Marcello, de Consulatu gratulatur, suamque illi dignitatem commendat.*

CICERO PROCOS. S. D. C. MAR-  
CELLO COS. DES.

**M**axima sum lætitia affectus, cum audiui te Consulem factum esse, eumque honorem tibi Deos fortunare vo-

Es 4

Io,



enim generis, ac nominis vestri fuit erga me séper animus ) quando ergo ira accidit, vt omnium vestrum studio tuus cōsulatus satisfacere posset, in quem meæ res gestæ, lausque & honor earum potissimum incideret; peto à te id, quod facillimum factu sit non aspernante, vt confido, Senatu; vt quā honorificentissimum S. C. litteris meis recitatis, faciendū cures. Si mihi tecum minus esset, quam est cū tuis omnibus; allegarem ad te illos, à quibus intelligis me præcipuè diligi, Patris tui beneficia in me sunt aplissimæ; neque enim salutē meæ, neque honori amicior quilibet dici potest. Frater tuus quāti me faciat, semperque fecerit, esse hominem, qui ignoret, a bi-  
tror neminem. Domus tua denique tota me semper ōnibus summis officiis prosecuta est; neque verò tu in me diligēdo cuiquam concessisti tuorum. Quare à te peto maiorem in modum, vt me per te quam ornatissimum uelis esse meamque, & in supplicatione decernēda, & in cæteris rebus existimationem satis tibi esse commendatam putes. Vale.

## A R G V M E N T V M.

*Agit gratias Consuli Marcello, quod supplicationem sibi decreuerit.*

CICERO S. D. MARCELLO COS. II

**Q**uantæ tibi curæ meus bonos fuerit, & quam idem extriteris Consul in me orando, & amplificando, qui fueras semper cū parentibus tuis, & cū tota domo, et cū res ipsa loquebatur, cognoui tamen ex meorum omniū litteris. Itaque nihil est tantum, quod ego non tua causa debeam, facturūque sim cum studiosè, tum libenter. Nam magni interest, cui debeas: debere autem nemini malui, quàm tibi; cui me cum studia communia, beneficia paterna, tuæque iam ante coniūxerant; tum accedit, mea quidem sentētia, maximum vinculum, quod ita Remp. geris, atque gessi, qua mihi carius nihil est; vt quantum tibi omnes boni debeant, quominus tantundem ego unus debeā, non recusem. Quamobrem tibi velim si sint exitus, quos mereris, & quos fore confido. Ego, si me nauigatio non morabitur, quæ incurrebat in ipsas Eresias, propediem te, vt spero, uidebo. Vale.

A R.

## A R G V M E N T V M.

*Gratulatur de Consulatu, petitque, ut operam det, ne quid sibi temporis ad annum provinciale munus addatur.*

CICERO IMP. S. D. L. PAVLO COS. DES. 12

**E**TSI mihi nunquā fuit dubium, quin te populus Rom. pro-  
pris summis in Rēpubl. meritis, & pro amplissima fami-  
liæ dignitate; summo studio, cunctis suffragiis Consulem fa-  
cturus esset; tamen incredibili læticia sum affectus cū id mihi  
nūciatum est; eumque honorem tibi Deos fortunare volo,  
atque ex tui, maiorumque tuorū dignitate administrati. At-  
que utinam præsens illum diem, mihi optatissimum videre  
potuissem, proque tuis amplissimis, erga me studiis, atque be-  
neficiis tibi operam meam, studiūque nauare. Quā mihi fa-  
cultatem quando hic nec opinatus, & impronitus Prouinciæ  
calus eripuit; tamen, ut te Consulē, Rēpubl. pro tua dignita-  
te gerentem videre possim, magnopere à te peto, ut operam  
des, efficias, ne quid mihi fiat iniuriæ; neue quid temporis ad  
meum annum munus accedat. Quod si feceris, magnus ad  
tua pristina erga me studia cumulus accedet. Vale.

## A R G V M E N T V M.

*Petit, ut de suis rebus gestis quā honorificentissimè deger-  
nandum curet: quamque illi etiam ceteris in rebus existima-  
tionem commendat.*

M. CICERO IMP. S. D. L. PAVLO COS. 13

**M**AXIME mihi fuit optatum; Romæ esse tecū multas ob-  
causas, sed præcipuè, ut in petendo, & in gerendo. Cō-  
sulatu meum tibi debitum studium perspicere posses. Ac pe-  
titionis quidem tuæ ratio mihi semper fuit explorata; sed ta-  
men nauare operam volebam. In Consulatu verò cupio equi-  
dem te minus habere negotii: sed molestè fero, me Consulē  
tuum studiū adolescentis perspexisse te meum, cū id ætatis  
sim, perspicere nō posse. Sed ita fato nescio, quo cōtigisse ar-  
bitror, ut tibi ad me ornandū semper detur facultas, mihi ad  
remunerandum nihil suppetat præter voluntatē. Ornasti Cō-  
sulatum,

fulatum; ornasti reditum meum; incidit meum tēpus rerum gerendarum in ipsum Consulatū tuum, itaque cū & tua summa āplitudo, & dignitas, & meus magnus honos, magnaque existimatio postulare videatur, ut à te pluribus verbis cōtēdam, ac petam, ut quam honorificentissimū S. C. de meis rebus gestis faciendū cures; non audeo vehementer à te contendere: ne aut ipse tuæ perpetuæ consuetudinis erga me oblitus esse videar, aut te oblitum purem. Quare, ut te velle arbitror, ita faciam: atque ab eo, quem omnes gentes sciunt de me optimè meritum, breuiter petam. Si alii Consules essent, ad te potissimum, Paule, mitterem, ut eos mihi quā amicissimos redderes; nunc, cum tua sūma potestas, summaque auctoritas, notaque ōnibus nostris necessitudo sit, vehementer te rogo, ut & quā honorificentissimè cures decernēdum de meis rebus gestis, & quā celerimè dignas res esse, & honore, & gratulatione cognosces ex iis litteris, quas ad te, & Collegā, & Senat. publicè misi; omniumque mearū reliquarum rerum, maximèq; existimationis meæ procuratiōē susceptā velim habeas; in primisque tibi curā sit, quod abs te superioribus quoque litteris petui, ne mihi tempus prorogetur. Cupio te Consulem videre, omniaque, quæ spero, cum absens, tum etiam præsens, te Consule, assequi. Vale.

## A R G V M E N T V M.

*Significat se ea facturum Fabii causa, qua Cassius rogatur, dolet se Cassium non vidisse ad Urbem ex Prouincia rediuntē, rogat, operam dei, ne quid sibi ad annuam Prouinciam temporis prorogetur.*

CIC. S. D. C. CASSIO PRO Q.

14

**M** Fabium, quod mihi amicū tuā cōmendatione das, nullū in eo facio quæstum. Multi enim anni sunt, cū ille in ære meo est, & à me diligitur propter summā suā humanitatem, & obseruantiam, sed tamen, quod te ab eo egregiè diligi sensi, multo amicior ei sum factus. Itaque quanquā profecerunt litteræ tuæ; tamen aliquantō plus cōmendationis apud me habuit animus ipsius erga te, mihi perspectus, & cognitus. Sed de Fabio faciemus studiosè, quæ rogas. Tu, multis

his de causis, vellem, me conuenire potuisses. Primum vt te, quem tamdiu plurimi facio, tanto interuallo viderem: deinde vt tibi, quod feci per litteras, possem præsens gratulari; tum, vt quibus de rebus vellemus, tu tuis, ego meis, inter nos communicaremus, postremo, vt amicitia nostra, quæ summis officiis ab utroque culta est, sed longis interuallis temporum interruptam consuetudinem habuit confirmaretur vehementius. Id quando non accidit, utemur bono litterarum, & eadē ferē abentes, quasi corā essemus, consequemur. Vnus scilicet fructus, qui in te vidēdo est, percipi litteris non potest. Alter gratulationis est, is quidem exiliior, quia si tibi te ipsum intuens, gratularer: sed tamen & feci ante, & facio nunc, tibi quæ cum pro rerū magnitudine, quas gessisti, tum pro opportunitate temporis gratulor, quod te de Prouincia decedentem summa laus, & summa gratia Prouinciæ prosecuta est. Tertiū est, vt id, quod de nostris rebus corā communicassemus inter nos, conficiamus idem litteris. Ego cæterarum rerum causa tibi Romam properandum magnopere censeo; nā & ea, quæ reliqui, tranquilla de te erant; & hac tua recenti victoria tanta, clarum aduentum tuum fore intelligo. Sed si quæ sunt opera tuorum, si tāta sunt, vt ea sustinere possis: nihil tibi erit lautius nihil gloriosius: si maiora, considera, ne in alienissimum tempus cadat aduentus tuus. Huius rei totum consilium tuū est: tu enim scis, quid sustinere possis. Si potes laudabile, atque populare est: si planē non potes, absens hominū sermones facilius sustinebis. De me autem idē tecum his ago litteris, quod superioribus egi: vt omnes tuos nervos in eo contendas, ne quid mihi ad hanc Prouinciā, quā & Senatus, & populus annū esse voluit, temporis prorogetur. Hoc à te ita contendo, vt in eo fortunas meas positas putem. Habes Paulum nostrū nostri cupidissimū, est Curio; Est Furnius. Sic velim enitare, quasi in eo sint mihi omnia. Extremū illud est de his, quæ proposuerā, confirmatio nostræ amicitiae, de qua pluribus verbis nihil opus est. Tu puer me appetisti, ego autē semper ornamento te mihi fore duxi: fuisti etiā præsidio tristissimis meis temporibus; accessit post tuum discessum familiaritas mihi cū Bruto tuo maxima. Itaque in vestro ingenio, & industria mihi plu-

plurimum, & suauitatis, & dignitatis constitutum puto. Per tu ut tuo studio cōfirmes, te vehementer rogo: litterasque ad me, & cōtinuo mittas, & cum Romam veneris, quam sēpissimē. Vale.

## ARGVMENTVM.

*Probāt suum consiliū de bello ciuili non renouando.*

CICERO S. D. CASSIO.

**E**TSI vterque nostrū, spe pacis, & odio ciuilis sanguinis, abesse a belli pertinaciā voluit: tamē, quando eius consilij princeps ego fuisse videor, plus fortasse tibi præstare ipse debeo, quā a te expectare; etsi, ut sēpē soleo mecū recordari, sermo familiaris meus tecum, & itē mecū tuas adduxit vtrumque nostrū ad id consiliū, ut vno prælio putaremus, si non totam causā, at certē nostrū iudiciū definitū conuenire. Neque quisquam hanc nostram sententiā verē vquam reprehendit: præter eos, qui arbitrātur melius esse deleri omnino Rempublicam, quā imminutam, & debilitatā manere. Ego autē ex interitu eius nullam spem scilicet mihi proponebam; ex reliquijs, magnam. Sed ea sunt cōsecuta, ut magis mirum sit, accidere illa potuisse, quā nos nō vidisse ea futura: nec, cū homines essemus, diuinare potuisse. Equidē fateor meā coniecturam hanc fuisse, ut, illo quasi quodā fatali prælio factō, & victores cōmuni salutī consulere vellēt, & uicti suæ; vtrumque autē positum esse arbitrabar in celeritate victoris: quæ si fuisset, eandem clementiam experta esset Africa, quam cognouit Asia, quam etiā Achaia: & ut opinor ipso legato, ac deprecatore. Amisissis autē tēporibus, quæ plurimum valēt, præsertim in bellis ciuilibus, interpositus ānus alios induxit, ut victoriā sperarent: alios, ut ipsum vinci cōtemnerent: atque horum malorū ōnium culpā fortuna sustinet. Quis enim aut Alexandrini belli tantam morā huic bello adiunctū iri, aut nescio quem istum Pharnacem Asiæ terrorem illaturum putaret? Nos tamen, in consilio pari, casu dissimili vti sumus. Tu enim eam partē petisti, ut & consiliis interesses, & quod maximē curā leuat, futura anjmo prospicere

Quare si iam biennium, aut triennium est, cum virtuti nunc-  
ciū remisisti, delinitus illecebris voluptatis, in integro res nō  
bis erit. Quanquā qui cum loquor? cum vno fortissimo viro:  
qui posteaquam forum attigisti, nihil fecisti, nisi plenissimū  
āplissimæ dignitatis. In ista ipsa *ἀπέου* metuo, ne plus neruo-  
rum sit, quā ego putārim, si modo eam tu plus probas. Quid  
tibi in mentē venit, inquires? quia nihil habebam aliud, quod  
scriberem. De Republica enim nihil scribere possum; neque  
enim, quod sentio, libet scribere. Vale.

## ARGUMENTVM.

*Quæritur de tabellariarum importunitate; scribit de Syllæ  
morte, de rumoribus Hispanici bellī, de Pansa, de Cassi  
commemoratione Brundisina.*

CICERO. S. D. CASSIO.

17

**P**Ræposteros habes tabellarios: et si me quidem non offen-  
dunt. Sed tamen, cum à me discedunt, flagitant litteras:  
cum ad me veniunt, nullas afferunt. Atque id ipsum facerent  
cōmodius, si mihi aliquid spatii ad scribendū darent: sed pe-  
tasati veniunt: comites ad portā expectare dicūt. Ergo igno-  
scēs alteras habebis has breues, sed expecta *πάντα ἀπὸ πάντων*.  
Etsi quid ego me tibi purgo, cum tuī ad me inanes veniāt, ad  
te cum epistolis reuertantur? Nos hic, (tamen ad te scribā ali-  
quid) P. Syllam patrē mortuū habebamus. Alii à latronibus,  
alii cruditate dicebant: populus nō curabat; combustum enim  
esse constabat. Hoc tu pro sapientiā tua feres æquo animo  
quanquā *προσώπων πέλει* misimus. Cæsare putabāt molestē  
laturum, verētem ne hasta refrixisset; Mīndius Marcellus, &  
Attius pigmentarius valdē gaudebāt, se aditer sariū perdidisse.  
De Hispania nihil, sed expectatio valdē magna: rumores  
tristiores; sed *ἀδύσποτοι* Pāsa noster paludatus ad I. I. K. ian. pro-  
fectus est: ut quiuis intelligere posset, id, quod tu nuper dubita-  
re cepisti, *τὸ καλὸν ἂν αὐτὸ αἰρετὸν* esse. Nam, quod multos mi-  
seris leuauit, & quod se in his malis hominē præbuit; mira-  
bilis eū virorū bonorū beniuolentiā prosecuta est. Tu quod  
adhuc Brūdisii moratus es, valdē probo, & gaudeo. Et me her-  
cule

cupiscant, ad bonos peruenire. Difficile est enim hominibus persuadere, τὸ καλὸν δι' αὐτὸ αἰρετέον esse: ἡδονὴν vero, & ἀναλυσίαν, virtute iustitia, τῷ καλῷ, parari, & verum, & probabile est. Ipse enim Epicurus, à quo omnes Catij, & Amasini, mali verborum interpretes, proficiunt, dicit ἐκ εἶεν ἡδονὴ ἀνεῖ τ' καλῶς, καὶ δικαίως ζῆν: Itaque; & Panfa, qui ἡδονὴν sequitur, virtutem retinet: & ij, quia nobis φιλήδονοι vocantur, sunt φιλόκαλοι, καὶ φιλοδίκαιοι omnesque virtutes, & colunt, & retinent. Itaque Sulla, cuius iudicium probare debemus, cum dissentire philosopho videret, non quæsiuit, quid bonum esset; sed omnia bona coemit: cuius ego mortem forti mehercule animo tuli. Nec tamen Cæsar diutius nos eum desiderare patietur; nam habet damnatos, quos pro illo nobis restituat: nec ipse sectorem desiderabit, cum filium viderit. Nunc, ut ad Rempub. redeam, quid in Hispanijs geratur, rescribe. Peream; nisi sollicitus sum, ac malo veterem, & clementem dominum habere, quam nouum, & crudelem experiri. Scis, Cnæus, quàm sit fatuus: scis, quomodo crudelitatem virtutem putet: scis, quàm se semper a nobis derisum putet. Vereor, ne nos rustice gladio velit ἀντίμυκτηρίσαι. quid fiat, si me diligis, rescribe. Hui quàm velim scire, utrum ista sollicito animo, an soluto legas. Sciám enim eodem tempore, quid me facere oporteat. Ne longior sim, Vale: me, ut facis, ama. Si Cæsar vicit, celeriter me expecta.

## A R G V M E N T V M.

*Scribit, se ad illum mittere librum suum. De perfecto Oratore, laudat in Sabina gente fidem, & probitatem: petit ab eo creberrimas litteras.*

CIC. S. D. TREBONIO.

20

**O** Ratorem meum, (sic enim inscripsi) Sabino tuo commendaui, Natio me hominis impulit, ut ei rectè putarem: nisi forte candidatorum licentia hic quoque usus, hoc subito cognomen arripuit? etsi modestus eius vultus, sermoque constans habere quiddam à Curibus videbatur. Sed de Sabino satis, Tu mi Treboni, quando ad amorem meum ali-

F f

quan-

quantulum discedens addidisti, quo tolerabilius feramus igniculum desiderii tui, crebris nos litteris appellato: atque, ita, si idem fiet à nobis. Quanquam duæ causæ sunt, cur tu frequentior in isto officio esse debeas, quàm nos, primum quòd olim solebant; Qui Romæ erant, ad prouinciales amicos de Repub. scribere: nunc tu nobis scribas oportet; res enim publica istic est. Deinde, quòd nos alijs officijs tibi absenti satisfacere possumus; tu nobis, nisi litteris, non video, quare alia satisfacere possis. Sed cætera scribes ad nos postea, nunc hæc primo cupio cognoscere; inter tuum cuiusmodi sit; ubi Brutum nostrum videris; quamdiu simul fueris: deinde, cum processeris longius, de bellicis rebus, de toto negotio: ut existimare possimus, quo statu simus. Ego tantum me scire putabo, quantum ex tuis litteris habebo cognitum. Cura ut valeas, neque ames amore illo tuo singulari.

### ARGUMENTVM.

*Rogat, ut sui absentis desiderium crebris, & longis epistolis leniat: enumerat Trebonij erga se officia: exponit de Caluio iam mortuo, quid sentiat.*

### CICERO S. D. TREBONIO.

21

**E**T epistolam tuam legi libenter, & librum libentissime. Sed tamen in ea voluptate nunc accepi dolorem, quòd cum incendiisses cupiditatem meam consuetudinis augendæ nostræ, (nam ad amorem quidem mihi poterat accedere) cum discedis a nobis; meque tanto desiderio afficis, ut vnā mihi consolationem relinquant, fore, vtriusque nostrum absentis desiderium crebris, & longis epistolis leniatur. Quod ego non modò de me tibi spondere possum; sed de te etiam mihi, nullam enim apud me reliquisti dubitationem quantum me amares. Nam, ut illa omittam, quæ ciuitate teste, fecisti, cum mecum inimicitias communicasti, cum me concionibus tuis defendisti, cum Quæstor in mea, atque in publica causa Consulū partes suscepisti, cum Tribuno pl. Quæstor non paruisti, cui tuis præsertim Collega pareret: ut hæc recentia, quæ meminero semper, obliuiscar; quæ tua sollicitudo de me in armis,

quæ



quæ lætitia in reditu, quæ cura, qui dolor, cùm, ad te curæ, & dolores mei perferrentur, Brundisum denique te ad me venturum fuisse, nisi subito in Hispaniam missus esses; ut hæc igitur omittam; quæ mihi tanti estimanda sunt, quanti vitam æstimo, & salutem meam, liber iste; quem mihi misisti: quantam habet declarationem amoris tui! plurimum, quod tibi facerem viderur, quidquid ego dixi: quod alijs fortasse non item, deinde, quod illa, siue faceta sunt siue sic, fiunt, narrante te, venustissima, quin etiam, antequam ad me veniatur; risus omnis pœne consumitur. Quod si in his scribendis nihil aliud, nisi, quod necesse fuit, de vno me tamdiu cogitauisses; ferreus essem, si te non amarem. Cum verò ea, quæ scriptura persecutus es, sine summo amore cogitare non potueris, non possum existimare, plus quemquam à se ipso, quam me à te, amari. Cui quidem ego amoris, utinam cæteris rebus possem, amore certè respondebo, quo tamen ipso tibi confido futurum satis. Nunc ad epistolam venio, cui copiosè, & suauiter scriptæ, nihil est, quod multa respondeam. Primum enim ego illas Caluo litteras misi, non plus, quàm has, quas nunc legis, existimans exituras; aliter enim scribimus, quod eos solos, quibus mittimus, aliter quod multos lecturos putamus. Deinde, ingenium eius melioribus extuli laudibus, quam tu id vere potuisse fieri putas; primum quod ita iudicabam: accurè mouebatur; genus quoddam sequebatur, in quo iudicio lapsus, quo volebat, tamen assequebatur, quod probaret; multæ erant, & reconditæ litteræ, vis non erat: ad eam igitur adhortabar, in excitando autem, & acuendo plurimum valer, si laudes eum, quem cohortere. Habes de Caluo iudicium, & consilium meum, consilium, quod, cohortandi causa, laudaui, iudicium quod de ingenio eius valde estimari bene. Reliquum est, ut tuam profectioe amore prosequar, reditum spe expectem, absentem memoria colam; omne desiderium litteris mittendis, accipiendisque leniam. Tu, velim, tua in me studia, & officia multum tecum recordere; quæ cùm tibi liceat: mihi nefas sit obliuisci: non modo virum bonum me existimabis, verum etiam te a me amari plurimum iudicabis. Vale.

M. TULLII  
CICERONIS  
EPISTOLARVM

Ad Tironem.

LIBER XVI.

ARGVMENTVM.

*Cum rediret Romam Cicero ex Cilicia, agrum Tironem Patris reliquit, quem his ferè omnibus epistolis rogat, vt valetudinem curet.*

TULLIVS, ET CICERO F.  
ET Q. S. D. TIRONI  
humanissimo, & optimo.

1



IDE, quanta in te sit suauitas; duas horas Thyrei fuimus: Xenomenes hospes tam te diligit, quàm si vixerit tecum. Is omnia pollicitus est, quæ tibi essent opus, facturum puto. Mibi placebat, si firmior esses, vt te Leucadè deportares, vt ibi te planè confirmare, videbis, quid curio, quin Lysoni, quid medico placeat. Volebam ad te Marionem remittere; quem, cum meliuscule tibi esset, ad me mitteres; sed cogitavi vnas litteras Marionem afferre posse, me autem crebras expectare. Poteris igitur, & facies, si me diligis, vt quotidie sit Acastus in portu. Multi erunt, quibus rectè litteras dare possis, qui ad me libenter perferant: equidem patras euntem neminem prætermittam. Ego omnem spem tui diligenter curandi in Curio habeo; nihil potest illo fieri humanius, nihil nostri amantius, ei te totum trade. Malo te paullo post valentem, quàm statim imbecillum videre. Cura igitur nihil aliud, nisi vt valeas: cætera ego curabo. Etiam atque etiam Vale. Leucade proficiscens. VII. Idus Nouemb.

AR.

## A R G V M E N T V M.

*Scribit de aduersis ventis Corcyre teneri, hortaturque Tironem  
ut securet, nec nisi confirmatus nauiget.*

TVLLIVS, ET CICERO S. D. TIRONI SVO. 2

**S** Eptimum iam diem Coreyræ tenebamur, Quinctus autem pater, & filius Buthroti. Solliciti eramus de tua valetudine mirum in modum, nec mirabamur nihil à te litterarum: ijs enim ventis istinc nauigatur; qui si essent, nos Corcyræ non sederemus. Cura igitur te, & confirma, & cum commodè & per valetudinem, & per anni tempus nauigare poteris, ad nos amantissimos tui veni. Nemo nos amat, qui te non dfligat, carus omnibus: expectatusque venies. Cura, ut valeas etiam atque etiam, Tiro noster. Vale. XV. Kalend, Nouembris Corcyræ.

## A R G V M E N T V M.

*Suum Tironis desiderium significat.*

TVLLIVS, ET CICERO MEVS, ET  
FRATER, ET FRATRIS

F. S. D. Tironi suo.

**P** Aulo facilius putavi, posse me ferre desiderium tui, sed planè non fero. Et quamquam magni ad honorem nostrum interest, quamprimum ad Urbem me venire, tamen peccasse mihi videor, qui à te discefferim. Sed quia tua voluntas ea videbatur esse, ut prorsus, nisi confirmato corpore, nolles nauigare; approbaui tuum consilium, neque nunc muto; si tu in eadem es sententia. Sin, postea quàm cibum cepisti, videris tibi me posse consequi, tuum consilium est. Marionem ad te commisi, ut aut tecum ad me quamprimum veniret, aut, si tu morarere, statim ad me rediret. Tu autem hoc tibi persuade, si comodo valetudinis tuæ fieri possit, nihil me male, quàm te esse mecum: sin intelliges opus esse, te Patris: conualescendi caussa, paulum commorari, nihil me male, quàm te valere. Si statim nauigas, nos Leucade consequere; sin te confirmare vis; & comites, & tempestates, & nauem idoneam,

ut habeas diligenter videbis Vnum illud, mi Tiro, videro, si me amas, ne te Marionis aduentus, & hæc litteræ moueât, quod valetudini tuæ maximè conducet, si feceris; maximè obtemperari voluntati meæ, hæc pro tuo ingenio considera. Non ita te desideramus, ut amemus; amor ut valentem videamus hortatur, desiderium, ut quamprimum illud igitur potiùs. Cura ergo potissimum, ut valeas; de tuis innumerabilibus in me officijs erit hoc grauissimum. I I I. Non. Nou. Vale.

### ARGVMENTVM.

*Scribit de sua sollicitudine, suoque ad Alyziam accessu: rogat, ut valetudinem diligenter curet.*

### TVLLIVS S. D. TIRONI SVO.

4

**N**on quo ad te, nec lubet scribere, quo animo. si me affectus; tantum scribo, & tibi, & mihi maximæ voluptati fore, si te firmum quamprimum videro. Tertio die abs te ad Alyziam accesseram: is locus est citra Leucadem stadium CXX. Leucade, aut te ipsum, aut tuas litteras a Marione putabam me accepturum. Quantum me diligis, tantum fac ut valeas, vel quantum te a me scis diligere. Non. Nou. Alyzia.

### ARGVMENTVM.

*Rogat ut omni cura valetudine seruiat.*

### TVLLIVS, ET CICERO, ET Q. PATER, ET FILIVS S. D. TIRONI SVO.

5

**N**os apud Alyziam, ex quo loco tibi litteras ante dederamus, vnum diem commorati sumus, quod Quintus nos consecutus non erat: is dies fuit. Non. Nouemb. Inde ante lucem proficiscentes ante diem IIX. Id. Nou. has litteras dedimus. Tu si nos omnes amas, & præcipuè me, magistratum tuum, confirma te. Ego valdè suspensio animo expecto, primum te scilicet, deinde Marionem cum tuis litteris. Omnes cupimus, ego in primis, quamprimum te videre: sed, mi Tiro, valentem: Quare nihil properaris, satis quotidie te videro, si valebis. Utilitatibus tuis possum carere: te valere tua causa primum volo, tum mea, mi Tiro. Vale.

AR.

## A R G V M E N T V M.

*Ferè tota est hortatio ad curandam valetudinem.*

TVLLIVS TIRONIS VO S. D. ET CICERO.  
ET Q. PATER, ET Q. F. 6

**V**arie sum affectus tuis litteris; valde priore pagina perturbatus, paulum antea recreatus. Quare nunc quidem non dubito, quin quoad planè valeas, te neque navigationi neque viæ committas. Satis te mature videro, si planè confirmatum videro. De medico, & tu bene existimari scribis, & ego sic audio; sed planè curationes eius non probo; ius enim dandum tibi non fuit, cum *ναυσιόμυχος*, esses, sed ramen, & ad illum scripsi accuratè, & ad Lysonem. Ad Curium vero suauissimum hominem, & summi officij, summæque humanitatis multa scripsi: in his etiam, ut, si tibi videretur, te ad se transferret. Lyso enim noster, vereor, ne negligentior sit primum, quia omnes Græci: deinde, quod, cum à me litteras accepisset, mihi nullas remisit. Sed cum tu laudas tu igitur, quid faciendum sit, iudicabilis. Illud, mi Tiro, te rogo, sumptui ne parcas vlla in re, qua ad valetudinem opus sit. Scripsi ad Curium, quod dixisses, daret medico ipsi puto aliquid dandum esse, quo sit studiosior. Innumerabilia tua sunt in me officia, domestica, forensia, urbana, prouincialia in re privata in publica, in studijs, in litteris nostris; omnia viceris, si, ut spero te validum videro. Ego puto, te bellissimè, si rectè erit, cum Quæstore Mescinio decursurum non inhumanus est, teque, ut mihi visus est; diligit, & cum valetudini tuæ diligentissimè consulueris; tum, mi Tiro consulito navigationi. Nulla in re iam te festinare volo: nihil laboro, nisi ut saluus sis. Sic habeto, mi Tiro, neminem esse, qui me amet, quin idem te amet: & cum tua, & mea maximè interest te valere, tum multis est curæ. Adhuc, dum mihi nullo loco deesse vis, nunquam te confirmare potuisti. Nunc te nihil impedit: omnia depone, corpori serui. Quantam diligentiam in valetudinem tuam contuleris; tanti me fieri à te iudicabo. Vale, mi Tiro, Vale, Vale, & Salue. Lepra tibi salutem dicit, & omnes. Vale. Septimo Idus Nouembris. Leucade.

Ff 4 AR-

## A R G V M E N T V M.

*Idem argumentum, ut Tiro valetudinem curet.*

TVLLIUS, ET CIC. ET Q. Q. S. D. TIRONI. 7

**T**ertiam ad te hanc epistolam scripsi eadem die, magis instituti mei tenendi causa, quia nactus eram, cui darem quàm, quod haberem quid scriberem. Igitur illa, quantum me diligis, tantum adhibe in te diligentiam. Ad tua innumerabilia in me officia adde, hoc, quod mihi erit gratissimum omnium. Cum valetudinis rationem, ut spero habueris, habeto etiam navigationis. In Italiam euntibus ad me litteram dabis, ut ego euntem Patras neminem prætermitto. Cura, cura te, mi Tiro. Quando non contigit, ut simul nauigares, nihil est, quod festines: nec quod quidquam cures, nisi ut valeas. Etiam atque etiam Vale, VIII. Idus Nouemb. Actio, vesperi.

## A R G V M E N T V M.

*Etiam Q. Cicero significat, quanta cura sibi Tironi valetudo sit.*

Q. CICERO S. D. TIRONI. 8

**M**agnæ nobis est sollicitudinis valetudo tua, nam tametsi qui veniunt, ἀκίνδυνα μὲν, χρονιώτερα δὲ nunciant, tamen in magna consolatione ingens inest sollicitudo, si diutius à nobis absfuturus est is, cuius usum, & suavitatem desiderando sentimus. Attamen quamquam videre te tota cogitatione cupio; tamen te penitus rogo, ne tam longè navigationi, & viæ per hyemem, nisi bene firmum committas: ne nauiges, nisi explorate. Vix in ipsis tectis, & oppidis frigus infirma valetudine vitatur ne dum in mari, & via sit facilè abesse ab iniuria temporis.

ψυχὸς δὲ λεπτῷ χρωτὶ πλεμνιώτατος inquit Euripides. Cui tu quantum credas, nescio: ego certè singulos eius versus singula testimonia puto. Effice, si me diligit, ut valeas, & ut ad nos firmus, ac valens quamprimum venias. Amas nos, & vale. Q. F. tibi salutem plurimam dicit.

A R-

## ARGUMENTVM.

*Nauigationis descriptio, & ad curandam valetudinem beneuolentia plena cohortatio.*

TVLLIVS, ET CICERO S.D. TIRONI SVO. 9

**N**Os à te, vt scis, discessimus ad IV. Non. Nouembr. Leucadem venimus ad VIII. Idus Nouemb. ad VII. Actium; tibi propter tempestatem ad VI. Id. morati sumus. Inde ad V. Id. Corcyram bellissimè nauigauimus. Corcyrae fuimus vsque ad XVI. kal. Decemb. tempestatibus retenti Ad. XV. Kal. a portu Corcyraeorum ad Cassiopen stadia CXX. processimus. Ibi retenti ventis sumus vsque ad IX. kal. interea, qui cupidè profecti sunt, multi naufragia fecerunt. Nos eo die cœnati soluimus; inde, austro lenissimo, cœlo sereno, nocte illa, & die postero in Italiam ad Hydruntem ludibundi peruenimus eodemque vento postridie (id erat ad VII. kal. Decembris) hora quarta Brundisium venimus, eodemque tempore simul nobiscum oppidum introijt Terentia, quæ te facit plurimi. Ad V. Kal. Decembris seruus Cn. plancij Brundisij tandem aliquando mihi à te expectatissimas litteras reddidit, datas Idibus Nouembr. quæ me molestia valde leuauerunt, vtinam omnino liberaissent, sed tamen Asclapo medicus planè confirmat, prope diem te valentem fore. Nunc quidem ego te hortor, vt omnem diligentiam adhibeas ad conualescendum. Tuam prudentiam, temperantiam, amorem erga me noui; scio te omnia facturum, vt nobiscum, quamprimum sis; sed tamen ita velim, vt ne quid properes. Syphoniam Lysonis velim vitasses, ne in quartam hebdomadam incideres; sed quando pudori tuo maluisti obsequi, quam valetudini, reliqua cura. Curio misi, vt medico honos haberetur, & tibi daret, quod opus esset; me, cui iussisset, curaturum; equum, & multum Brundisij tibi reliqui. Romæ, vereor, ne ex kalen. Ianuarij. Magni tumultus sint: nos agemus omnia modice. Reliquum est, vt te hoc rogem, & à te petam, ne temerè nauiges. Solent nautæ festinare, quæstus sui causa; cautus sis mi Tiro; mare magnum, & difficilem tibi restat. Si poteris; cum Mescinio (cautè is solet nauigare) sint minus, cum honesto aliquo

aliquo homine, cuius auctoritate nauicularius moueatur. In hoc omnem diligentiam si adhibueris, teque nobis incolumen præstiteris, omnia a te habeo. Etiam, atque etiam noster Tiro, Vale. Medico, Curio, Lysoni de te scripsi diligentissimè, Vale.

### ARGVMENTVM.

*Rogat ut præter valetudinem nihil curet addit de aduentu suo ad Urbem, de statu Reip. ciuilibus discordijs perturbato de triumpho suo: de præfectura Campana.*

TVLLIVS, ET CICERO, TERENTIA, TVLLIA,  
Q. Q. S. D. TIRONI. 10

**E** T si opportunitatem operæ tuæ omnibus locis desidero: tamen non tam mea, quam tua causa doleo, te non valere. Sed quando in quartanam conuersa vis est morbi (sic enim scribit Curius) spero te diligentia adhibita, etiam firmiorem fore. Modò fac id, quod humanitatis tuæ est, ne quid aliud cures hoc tempore, nisi ut quam commodissimè conualescas. Non ignoro, quantum ex desiderio labores: sed erunt omnia facilia, si valebis. Festinare te nolo, ne nausæ molestiam suscipias æger, & periculosa hyeme nauiges. Ego ad Urbem accessi pridie Nonas Ianuarij. Obuiam mihi sic est proditum, ut nihil fieri potuerit honoratius. Sed incidi in ipsam flammam ciuili discordiæ, vel potius belli: cui cum cuperem mederi, & ut arbitror, possem; cupiditates certorum hominum (nam ex utraque parte sunt, qui pugnare cupiant) impedimento mihi fuerunt. Omnino & ipse Cæsar, amicus noster, minaces ad Senatum, & acerbis litteras miserat: & erat adhuc impudens, qui exercitum, & provinciam inuito Senatu teneret: & Curio meus illum incitabat. Antonium quidem noster, & Cassius, nulla vi expulsi, ad Cæsarem cum Curioni profecti erant, postea quam Senatus Consulibus, Prætoribus, Tribunis pleb. & nobis, qui proconsules sumus, negotium dederat, ut curaremus, *ne quid Reipubl. detrimenti caperet*. Nunquam maiore in periculo ciuitatis fuit: nunquam improbi ciues habuerunt paratiorem ducem. Omnino ex hac quoque parte diligentissimè bellum comparatur, id sit auctoritate, & studio Pompeij nostri, qui Cæsarem

sero



seſo cœpi timere. Nobis inter has turbas, Senatus tamen frequens flagitauit triumphum: ſed Lentulus Coſ. quod maius ſuum beneficium faceret, ſimulatque expeditiſſet, quæ eſſent neceſſaria de Republica, dixit ſe relaturum. Nos agimus nihil cupidè; eoque eſt noſtra pluris auctoritas. Italiae regiones deſcriptæ ſunt, quam cuiuſque partem tueretur: nos Capuam ſumpſimus. Hæc te ſcire volui. Tu etiam atque etiam cura vt valeas; litteraſque ad me mittas, quotieſcumque habebis, cui deſ. Etiam atque etiam Vale. Datum Pridie Idus Ian.

## A R G V M E N T V M.

*Deplorat ſtatum Reip. & initia bellorum ciuiliũ exponit, tum ſuam in Tironem beneuolentiam ſignificat.*

## TVLLIVS S. D. TIRONI SVO. II

**Q**Vo in diſcrimine verſatus ſalus mea, & bonorum omnium, atque vniuerſæ Reipublicæ, ex eo ſcire poteſ, quod domos noſtras, & patriam ipſam, vel diripiendam, vel in flammandam reliquimus. In eum locum reſ deduſta eſt, vt, niſi quis Deus, vel caſus aliquis ſubuenerit, ſalvi eſſe nequeamus. Equidem, vt veni ad Urbem, non deſiti omnia, & ſentire, & dicere, & facere, quæ ad concordiam pertinerent. Sed mirus inuaſerat furor, non ſolum improbis, ſed etiam ijs, qui boni habentur, vt pugnare cuperent: me clamante nihil eſſe bello ciuili miſerius. Itaque cum Cæſar amentia quadam raperetur: & oblitus nominis, atque honorum ſuorum, Ariminum, Piſaurum, Anconam, Arretium occuparet, Urbem rei reliquimus, quam ſapienter, aut quàm fortiter, nihil attinet diſputare. Quo quidem in caſu ſumus, vides. Feruntur omnino conditiones ab illo, vt Pompeius eat in Hiſpaniam: delectus qui ſunt habiti, & præſidia noſtra dimittantur: ſe vltiorem Galliam Domitio, citiorem Conſilio Noniano (his enim obtigerunt) traditurum: ad Conſulatus petitionem ſe venturum, neque iam velle abſentis rationem haberi ſui: ſe præſentem trinundinum petiturum. Accepimus conditiones: ſed ita, vt remoueat præſidia ex ijs locis, quæ occupauit, vt ſine metu de his ipſis conditionibus Romæ Senatus haberi poſſit. Id ille, ſi fecerit, ſpes

spes est pacis, non honestæ (leges enim imponuntur) sed quiduis est melius, quam sic esse, ut sumus. Sin autem ille suis conditionibus stare noluerit: bellum paratum est; eiusmodi tamen, quod ille sustinere non possit, præsertim cum a suis conditionibus ipse fugerit; tantum modo ut eu non intercludamus ne ad Urbem possit accedere, quod sperabamus fieri posse, delectus enim magnos habebamus; putamusque illum metuere, si ad Urbem ire cœpisset, ne Gallias ammitteret, quas ambas habet inimicissimas præter Transpadanos, ex Hispaniaque sex legiones, & magna auxilia Afranio, & Petreio ducibus, habet à tergo. Videtur, si insaniet, posse opprimi; modo, ut Vrbe salva, Maximam autem plagam accepit, quod is, qui summam auctoritatem illius exercitu habebat, T. Labienus, socius sceleris esse noluit; reliquit illum, & nobiscum est, multique idem facturi esse dicuntur. Ego adhuc oræ maritimæ præsum a Formijs. Nullum malus negotium suscipere volui, quod plus apud illum meæ litteræ, cohortationesque ad pacem valerent. Sin autem erit bellum, video me castris, & certis legionibus præfuturum. Habeo etiam illam molestiam, quod Dolabella noster apud Cæsarem est. Hæc tibi nota esse volui; quæ caue, te perturbent, & impediunt valetudinem tuam. Ego A. Varroni quæ cum amantissimum mei cognoui, tum etiam valde tui studiosum, diligentissimè te commendavi; ut & valetudinis tuæ rationem haberet, & navigationis & totum te susciperet, ac tueretur. Quem omnia facturum confido recepit etiam, & me cum locutus est suauissimè. Tu quando eo tempore mecum esse non potuisti, quo ego maximè operam, & fidelitatem desideravi tuam; caue festines, aut committas, ut aut æger, aut hyeme nauiges: nunquam ego serò te venisse putabo, si saluus veneris. Adhuc neminem videram, qui te postea vidisset, quam M. Volusius, à quo tuas litteras accepi: quod non mirabar; neque enim meas puto ad te litteras tanta hyeme perferri. Sed da operam, ut valeas; & si valebis, cum recta navigari poterit, tum nauiges. Cicero meus in Formiano erat, Terentia, & Tullia Romæ. Cura ut valeas. IV. Kal. Febr. Capua.

## A R G V M E N T V M.

*Narrat quàm periculosum sit Tironi post morbum in viam  
sedare, exigitque solitam eius operam in studijs.*

## TVLLIVS S. D. TIRONI.

12

**E**Go vero cupio te ad me venire; sed viam timeo gravissimè ægrotasti: inedia & purgationibus; & vi ipsius morbi consumptus es; graues solent offensiones esse ex grauib; morbis, si qua culpa commissa est. Iam ad id biduum, quod fueris in via, dum in Cumanum venis, accedent continuò ad reditum dies quinque, Ego in Formiano ad III. kalend. esse volo: ibi te vt firmum offendam, mi Tiro, effice. Litterulæ meæ, siue nostræ, tui desiderio oblanguerunt: hac tamen epistola, quam Acastus attulit, oculos paulum sustulerunt, Pompeius erat apud me, me cùm hæc scribebam. Hilare, & libenter ei cupienti audire nostra, dixi, siue te omnia meæ mûta esse. Tu mus nostris para vt operas reddas; nostras ad diem dictam fient docui enim te fides *ἰτρονον*, quod haberet. Fac plane, vt valeas nos ad sumus. Vale. XIV. kalendas Ian.

## A R G V M E N T V M.

*Suam de Tironis valetudine sollicitudinem significat.*

## TVLLIVS S. D. TIRONI.

13

**Æ**Gypta ad me venit Pridie Id. Apr. Is etsi mihi nunciavit, te planè febricære, & bellè habere; tamen, quod negavit te potuisse ad me scribere, curam mihi attulit; & eò magis, quod Hermia, quem eodem die venire oportuerat, non venerat. Incredibili sum sollicitudine de tua valetudine; qua si me liberaris, ego te omni cura liberabo. Plura scriberem, si iam putarem libenter te legere posse. Ingenium tuum, quod ego maximi facio, confer ad te mihi, tibi que conseruandum, cura te etiam atque etiam diligenter. Vale. Scripta iam epistola, Hermia veni. Accepi tuam epistolam vacillantibus litterulis: nec mirum, tam graui morbo. Ego ad te Ægyptam misi, qui nec in humanus est, & te visus

est

est mihi diligere, ut is tecum esset, & cum eo coquum, quo vteretur. Iterum. Vale.

ARGUMENTVM.

*Tirone egrotante litterarum suauitate, & fructu se carere dicit: eumque rogat: ut omnem curam ad conualefcendum adhibeat.*

TVLLIVS S. D. TIRONI.

14

**A**ndricus postridie ad me venit, quàm expectaram: itaque habui noctem plenam timoris, ac miseriæ. Tuis litteris nihilo sum factus certior, quomodo te haberes; sed tamen sum recreatus. Ego omni delectatione, litterisque omnibus careo, quas ante, quam te videro; attingere non possum. Medico mercedis, quantum posset, promitti iubeto: id scripsi ad Mumium. Audio te animo angi, & medicum dicere, ex eo te laborare; si me diligis, excita ex somno tuas litteras, humanitatemque, propter quam mihi es carissimus: nunc opus est te animo valere, ut corpore possis: id cum tua tum mea causa facias, a te peto. Acastum recine, quo commodiùs tibi ministretur. Conserua te mihi. Dies promissorum adest, quem etiam repræsentabo, si adueneris. Etiam atque etiam vale. III. Id. hora III.

ARGUMENTVM.

*Hortatio ad morbum depellendum.*

TVLLIVS S. D. TIRONI.

15

**O**mnia à te data mihi putabo, si te valentem videro. Summa cura expectabam aduentum Menandri, quem ad te miseram. Cura, si me diligis, ut valeas: & cum te bene confirmaris, ad nos venias, Vale IV. Id. April.

ARGUMENTVM.

*Gratias agit, & gratulatur de Tirone manumisso.*

QVINTVS S. D. MARCO FRATRI.

16

**D**E Tirone, mi Marce, ita te, meumque Ciceronem, & meam Tulliolam, tuumque filium videam, ut mihi gratissimum

tissimum fecisti, cum eum, indignum illa fortuna, nobis amicum, quam servum, esse maluisti. Mihi crede, ruis, & illius litteris perlectis, exsilii gaudio, & tibi, & ago gratias, & gratulor. Si enim mihi Statim fidelitas est tantæ voluptati: quanti esse in isto hæc eadem bona debent, additis litteris, sermonibus, humanitate, quæ sunt his ipsis commodis potiora? Amo te omnibus equidem maximis de causis: verum etiam propter hanc, ut quod mihi sic, ut debuisti, nunciasti; te totum in literis vide. Sabini pueri & promissi omnia, & faciam. Vale.

## ARGUMENTVM.

*Reprehendit Tironem, quia scripserat. Valetudini fideliter inserviundo, eumque rogat ut omnino valetudini inserviat.*

TVLLIUS S. D. TIRONI.

17

**V** Ideo, quid agas; tuas quoque epistolas vis referam in volumina. Sed heus tu, qui κατὸν esse meorum scriptorum soles. Vnde illud tam ἀνυπό: *Valetudini fideliter inserviundo?* Vnde in istum locum, *Fideliter* venit? Cui verbo domicilium est proprium in officio, migrationes in alienum multæ. Nam & doctrina, & domus, & ars, & ager etiam fidelis dici potest; ut sit, quo modo Theophrasto placet, verecunda translatio. Sed hæc coram. Demetrius venit ad me quo quidem comitatu ἀφωμίλῃσα, satis scis. Tu eum videlicet non potuisti videre: cras aderit: videbis igitur; nam ego hinc perinde mane cogito, Valetudo tua me valde sollicitat: sed ei inservi, & fac omnia: tum te mecum esse, tum mihi cumulatissime satisfacere putato. Cupio, quod operam dedisti, mihi gratum est: valde enim eius causa volo. Vale.

## ARGUMENTVM.

*Scripserat Cicero in titulo epistola. Tullius Tullio Tironi, quod Tiro mittendum rescripsit ad invidiam vitandam. De hoc aliusque de rebus scripta est hac epistola.*

TVL-

## TVLLIVS S. D. TIRONI.

18

**Q**uid igitur? non sic oportet? Equidem censeo sic; addendum etiam, *Suo* Sed, si placet, invidia vitetur, quam quidem ego sæpe contempsit. Tibi *διαφύσσει* gaudeo profuisse. Si verò etiam Tuscullanum: Dij boni, quanto mihi illud erit amabilius! Sed, si me amas [quod quidem aut facis, aut perbellè simulas? quod tamen mirum in modum procedit] sed ut est, indulge valetudini tuæ; cui quidem tu adhuc, dum mihi de seruis, servisti non satis. Ea quid postulet, non ignoras *πέψεν, εὐλασῶν, περὶ τῶτον, σύμμετρον, τέψεν, εὐλασῶν, οἷον, κοιλίας*. Fac bellus reuertare: non modo te, sed etiam Tusculanum nostrum plus amem. Paredrum excita, ut hortum ipse conducat; sit olitorem ipsum commouebis. Heluo nequissimus sestertia ducenta dabat, nullo aprico horto, nullo emissario, nulla maceria, nulla casa. Iste nos tanta impensa derideat? calface hominem, ut ego M. Othonem; Itaq; abutor coronis. De Crabra quid agatur, etsi nunc quidem etiam nimium est aquæ, tam velim scire, Horologium mittam, & libros, si erit sudum. Sed tu nullos ne tecum libellos? an pangis aliquid Sophocleum? Fac opus appareat A. Ligurius, Cæsaris familiaris mortuus est, bonus homo, & nobis amicus. Te quando expectemus, fac ut sciam cura te diligenter. Vale.

## A R G V M E N T V M.

*De litteris, de Demetrio, de Aufidiano nomine.*

## TVLLIVS S. D. TIRONI.

19

**E**xpecto tuas litteras de multis rebus, te ipsum multo magis. Demetrium redde nostrum, & aliud, si quid potes boni. De Aufidiano nomine nihil te horror scio tibi curæ esse: sed confice: & si ob eam rem moraris, accipio causam; si te id non tenet, aduola litteras tuas valde expecto. Vale.

## A R G V M E N T V M.

*De valetudine curanda, de libris componendis, de olitore, de reddito Tironis.*

TVL-

## TVLLIVS S. D. TIRONI.

20

**S**ollicitat, ira vnam, me tua, mi Tiro, valerudo, sed confido, si diligentiam, quam instituisti, adhibueris, citò te firmum fore. Libros compone; videlicet, cum Merodoro lubebit; quando eius arbitratu viuendum est. Cum olitore, vt videbitur. Tu potes Kal. spectare gladiatores, postidie redire, & ita censeo; verum, vt videbitur. Cura te, si me amas, diligenter. Vale.

## A R G V M E N T V M.

*Propensionem animi, studiumque ad virtutem significat, & de prædio empto gratulatur.*

## CICERO S. D. TIRONI SVO DVLCISS.

21

**C**um vehementer tabellarios expectarem quotidie, aliquando venerunt post diem quadagesimum, & sextum, quam à vobis discesserant; quorum mihi fuit aduentus optatissimus. Nam cum maximam cepissem læticiam ex humanissimi, & carissimi patris epistola; tum verò iucundissimæ tuæ litteræ cumulum mihi gaudij attulerunt. Itaque me iam non pœnitebat, intercapedinem scribendi fecisse, sed potius lætabar. Fructum enim magnum humanitatis tuæ capiebam ex silentio meorum litterarum. Vehementer igitur gaudeo, te meam sine dubitatione accepisse exultatione. Gratos tibi, optatosque esse, qui de me rumores affertuntur, non dubito, mi dulcissime Tiro præstaboque, & curat, vt in dies magis magisque hæc nascens de me duplicetur opinio. Quare, quod polliceris te buccinatores fore existimationis meæ: firmo id, constantique animo facias licet. Tantum enim mihi dolorem, cruciatumque attulerunt errata ætatis meæ, vt non solum animus à factis, sed aures quoque à commemoratione abhorreant; cuius te sollicitudinis, & doloris participem fuisse, notum exploratumque est mihi. Nec id mirum; nam cum te omnia mea causa velles tu, etiā tua; socium enim te meorum commodorum semper esse volui. Quando igitur tam ex me doluisti: nunc, vt dupliciter tuum ex me gaudium, præstabo. Cratippo me scito non vt discipulum, sed vt filium esse coniunctissimum; nam cum audio illum

G g

liben-

libenter, tum etiam eius propriam suauitatem vehementer amplector; sum totos dies cum eo, noctisque sæpe numero partem; exoro enim, ut mecum quam sæpissimè cœnet. Hac introducta consuetudine, sæpè inscientibus nobis, & cœnantibus, obrepit; sublataque seueritate philosophiæ, humanissimè nobiscum iocatur. Quare ad operam, ut hunc talem, tam iucundum, tam excellentem virum videas quamprimùm. Nam quid ego de Bruto dicam: quem nullo tempore à me patior discedere; cuius cum frugi, seueraque est vita, tum etiam iucundissima conuictio: non est enim seinctus iocus à Philologia, & quotidiana συζήτηση. Huic ego locum in proximo conduxì, & ut possum, ex incis angustijs, illius sustento tenuitatem. Præterea declamitare Græcè apud Cassium institui: Latine autem apud Brutium exerceri volo. Utor familiaribus, & quotidianis conuictoribus, quos secum Mytilenis Cratippus adduxit; hominibus & doctis, & illis probatissimis. Multum etiam mecum est Epicrates, princeps Atheniensium, & Leonides, & horum cæteri similes τὰ μὲν οὖν καὶ ἡμᾶς τὰδε. De Gorgia autem, quod mihi scribis, erat quidem ille in quotidiana declamatione vrilis: sed omnia postposui, dummodo præceptis patris parerem, διαρρήδην, enim scripserat, ut cum dimitterem statim. Terguerfari nolui, ne mea nimia σπουδή suspicionem ei aliquam importaret: deinde illud etiam mihi succurrebat, graue esse me de iudicio patris iudicare. Tuum tamen studium, & consilium gratum, acceptumque est mihi. Excusationem angustiarum tui temporis accipio; scio enim quàm soleas esse occupatus. Emisse te prædium, vehementer gaudeo: feliciterque tibi rem istam euenire cupio. Hoc loco me tibi gratulari, noli mirari! eodem enim ferè loco tu quoque, emisse te; fecisti me tertiorè. Habes, ubi deponendæ tibi sint vrbauitates: rusticus Romanus factus es. Cum ego mihi nunc ante oculos tuum iucundissimùm conspectum propono, videre euentem te rusticas res, cum villico loquentem, in lacinia seruantem ex menta secunda semina. Sed, quod ad rem pertinet, me tum tibi deuisse, æquè ac tu, doleo. Sed noli dubitare, mi Tiro, quin te subleuaturus sim, modò fortuna me: præsertim cum sciatur, communem nobis emprum esse istum fundum. De mandatis quod



quod tibi curæ fuerunt, est mihi gratum; Sed peto à te, vt quam celerrimè mihi librarius mittatur, maxime quidem Græcus; multum enim mihi eripitur operæ in exscribendis hypomnematis. Tu, velim, in primis cures, vt valeas, vt vanà *σιμυλο- λογιῇ* possimus. Antherum tibi commendo. Vale.

## ARGUMENTVM.

*Prima pars huius epistolæ est de valetudine curanda, reliquæ varijs de rebus.*

## TVLLIVS S. D. TIRONI SVO.

22

**S** Pero ex tuis litteris tibi melium esse; cupio quidem certè, cui quidem rei omne ratione cura vt insetuias. Et, caue suspiceris, contra voluntatem meam te facere, quod non sis mecum: mecum es, si te curas, quare malo, te valetudini tuæ seruire, quam meis oculis & auribus. Etsi enim, & audio te, & video libenter: tamen hoc multò erit, si valebis, iucundius. Ego hic cesso, quia ipse nihil scribo: lego autem libentissimè. Tu istic, si quid libratij mea manu non intelligent: monstrabis, vna omnino interpositio difficilior est; quam ne ipse quidem facile sorceo, de quadrimo Catone. De triclinio cura, vt facis. Tertia adicit; modò ne Publius rogatus sit. Demetrius iste nunquam omnino Phalereus fuit; sed nunc planè Billienus est; itaque te illo vicarium, tu eum obseruabis. *Et si, Verumtamen de illis: noli cætera.* Sed tamen, si quem cum eo sermonem habueris, scribes ad me, vt mihi nascatur epistolæ argumentum, & vt utas longissimas litteras legam. Cura, mi Tiro, vt valeas, hoc mihi gratius facere nihil potes. Vale.

## ARGUMENTVM.

*Mortatur, vt professionem conficiat: scribitque sibi esse in animo amicitiam Antonij conseruare.*

## TVLLIVS S. D. TIRONI.

23

**T** V verò confice professionem, si potes, etsi hæc pecunia ex eo genere est, vt professione non egeat. Verumtamen albus ad me scripsit, tanta se epiphora oppressum, vt loqui non possit, Antonius de lege quid egerit: liceat modò rustica. Ad Bytinicum scripsi. De Seruilio tu videtis, qui senectute

tem non contemnis, etsi Atticus noster, quia quondam me commoueri *παυνοῖς* intellexi, idem semper putat, nec videt quibus præsidijs Philosophiæ septus sim & hercle, quod timidus ipse est, *δορυβόροισι*. Ego tamen Antonij inueteratam sine vlla offensione amicitiam retinere sanè volo scribamque ad eam; sed non antè, quam te videro; nec tamen te auoco & syngrapha, *γόνυ κνήμης*. Cras exspecto Leptam. Etenim ad cuius rutam pulegio mihi tui sermonis vtendum est. Vale.

### ARGUMENTVM.

*Argumentum huius epistolæ est de rationibus.*

### TULLIUS S. D. TIRONI.

24

**E** T si mane Harpalum miseram, tamen cum haberem, cui recta darem litteras, etsi noui nihil erat, iisdem de rebus volui ad te sæpius scribere; non quin considerem diligentiatuæ; sed rei me magnitudo monebat. Mihi prora, & puppis, vt Græcorum prouerbum est, fuit à me tui dimittendi, vt rationes nostras explicares. Osilio, & Aurelio utiq; satisfiat, A Flama, si non potes omnem, partem aliquam velim extorqueas; in primisque vt expedita sit pensio Kal. Ian. De attributione conficies; de repræsentatione videbis. De domesticis rebus hactenus; de publicis omnia mihi certa, quid Octavius; quid Antonius; quæ hominum opinio? quid futurum putes. Ego vix reneor; quin accurram: sed scilicet litteras tuas exspecto. Et scito Balbum tuum fuisse Aquini, cum tibi est dictum, & postridie Hirtium, puto vtrumq; ad aquas. Sed quid egerint Dolabellæ procuratores fac vt admoneantur, appellabis etiam Papiam. Vale.

### ARGUMENTVM.

*Litteras quam creberrimas requirit.*

### CIC. F. S. D. TIRONI SVO.

25

**E** T si iusta, & idonea vsus excusatione intermissionis litterarum tuarum; tamen, id ne sæpius facias rogo. Nam, etsi de Reip. rumoribus, & nuncijs certior fio, & de sua in me voluntate semper ad me perscribit pater; tamen, de quauis mini-

ma

ma rescripta à te ad me, epistola semper fuit gratissima. Quare, cum in primis tuas desiderem litteras: noli committere, ut ex-culatione potius expleas officium scribendi, quam assiduitate litterarum. Vale.

## A R G V M E N T V M.

*Suauiter Tironem accusat quia, litteras non miserat; rogatque, ut omnino etiam sine argumento scribat.*

## Q. CIC. S. D. TIRONI SVO.

26

**V**erberaui te cogitationis, tacito dumtaxat conuitio, quod fasciculus alter ad me iam sine tuis litteris perlatus est. Non potes effugire huius culpæ pœnam, te patrono. Marcus est adhibendus: isque diu, & multis lucubrationibus commentata oratione, vide, ut probare possit te non peccasse. Planè te rogo, sicut olim matrem nostram facere nemini, quæ lagenas etiam inanes obsignabat; ne dicerentur inanes aliquæ fuisse, quæ furtim essent exsiccatæ; sic tu, etiam si quod scribas, non habebis, scribo tamen, ne furtum cessationis quam fuisse videaris: valde enim mihi semper, & vera, & dulcia tuis epistolis nunciantur. Ama nos, & Vale.

## A R G V M E N T V M.

*Inuehitur in Consules designatos, Hirriū, & Pansam: beneuolentiam suam in Tironem significat.*

## CIC. S. D. TIRONI SVO.

27

**M**irificam mihi verberatione-cessationis epistola dedisti. Nam quæ parcius frater perscripserat, verecundia videlicet, & properatione, ea tu sine assentatione, ut erant, ad me scripsisti, & maximè de Consulibus Dets. quos ego penitus noui libidinū, & languoris effeminatissimi animi plenos: qui, nisi à gubernaculis recesserint, maximū ab vniuerso naufragio periculum est. Incredibile est, quæ ego illos scio, oppositis Gallorum castris, in æstiuis fecisse; quos ille latro, nisi aliquid firmitus fuerit societate victorum deliniet. Res est aut tribunitijs, aut priuatis consilijs muniendā, nā isti duo vix sunt digni, quibus alteri Censenam, alteri Cossutianarum tabernarū fundamēta credas. Te, ut dixi, fero oculis. Ego vos ad 3. Kal. video tuosq; oculos, etiā si te veniens in medio foro videro, dissuauabor. Me ama. Vale.

## F I N I S.

# VERBA GRÆCA

Latinis Expressa.

## EX LIBRO II.

Epist. 8. pag. 60. πολυπώτερον, peritiorē administrandæ  
Reipublicæ.

Epist. 13. pag. 67. κωμικός μάρτυρ. Comicus testis.

## EX LIBRO III.

Epist. 7. pag. 90. ἑξοχή, excellentia, εὐγένεια, nobilitas.

Ibidem. παρ' ἐμοῖς καὶ ἄλλοις.

Οἱ καὶ με τιμῆσουσι, μάλα δὲ με τιμῶσι ζεῦς.

Apud me quidem, & alijs, qui me colent;  
maximè verò consiliarius Iupiter.

Ibidem. φιλαίτιος, querulus.

Epist. 9. pag. 95. Ἐπικυρεῖον, Epicureum.

## EX LIBRO IV.

Epist. 4. pag. 114. αἰρωεύεσθαι, dissimulare,

Ibidem. αἰρωευσόμενος, simulans.

## EX LIBRO VI.

Epist. 3. pag. 164. γλαῦκαίς Ἀθήνας, noctuam Athenas.

Epist. 19. pag. 182. τῆς δὲ ἀρετῆς ἰδερῶτα, virtutis vero sudorē.

## EX LIBRO VII.

Epist. 12. pag. 197. συλλέγεσθαι, res publicas regi.

Epist. 16. pag. 199. φιλοθέων, spectandi cupidum.

Epist. 20. pag. 203. Νίκωνος περί πολυπραγίας, Niconis de eda-  
citate.

Epist. 25.

- Epist. 25. pag. 207. *χίλωτα σαρδώνιον*, risum Sardonium,  
 Epist. 26. pag. 207. *δυσουρικά, καὶ δυσεντερικά πάθη*, vesicae,  
 & viscerum termina,  
 Ibidem. *δυσεντερίαν*, viscerum morbum.  
 Ibidem. *λιτότητα*, frugalitatem.  
 pag. 210. *διάρροια*, profluuium.  
 Epist. 29. pag. 211. *χρησσεμεν*, vsu quidem.  
 Ibidem. *κτῆσι δέ*, mancipio autem.  
 Epist. 32. pag. 213. *ἀτρωτελία*, festiuitatis.  
 pag. 214. *ἄκυρον*, improprium. Alij legunt, *ἀκυβηρον*,  
 igneustum.  
 Ibidem. *ἀμφιβλία*, ambiguum.  
 Ibidem. *ὑπερβολή*, superlatio.  
 Ibidem. *παράγραμμα*, commutatio litteræ.  
 Ibidem. *παραπρόσδοκίαν*, præter expectationem,  
 Ibidem. *ἐντεχνα*, artificiosa.

## EX LIBRO VIII.

- Epist. 3. pag. 219. *σύνταγμα*, opus elaboratum.  
 Ibidem. *διδασκαλίαν*, disciplinam.

## EX LIBRO IX.

- Epist. 2. pag. 240. *ῥαλος*, obsoleta.  
 Ibidem. *λεληθώς*, sensim.  
 pag. 241. *πολιτείας*, rerum publicarum rectiones,  
 Epist. 3. pag. 242. *γλαῦκ Ἀθήνα*, noctuam Athenas.  
 Epist. 4. pag. 242. *φεῖ δινατῶν*, de ijs, quæ fieri possunt.  
 Ibidem. *κατὰ Διόδωρον κρίνειν*, ex Diodori sententia  
 iudicare.  
 Ibidem. *τῶν ἀδυνατῶν*, ex ijs, quæ fieri non possant.  
 Ibidem. *κρίσις*, iudicium.  
 Ibidem. *κατὰ Χρύσιππον δύνατόν*, ex Chrisippi sen-  
 tentia quod fieri possit.  
 Epist. 7. pag. 244. *σύντε δύ ἐργαζόμενῳ*, simulque duo cuntes.  
 pag. 245. *ἀπσπορηγμένον*, reiectum.

Ibidem. πολλοὶ μαθηταὶ κρείττονες διδασκάλων; multi  
ti discipuli meliores magistris.

Epist. 10. pag. 247. ὀβελίζη, veru notat.

Ibidem. τέποιητῶ, poetæ.

Ibidem. παρεμβεβλημένοι, interiecti.

pag. 248. συμβιάτην, conuictorem.

Epist. 16. pag. 255. ἀπορθεγμάτων, acutè dictorum.

Epist. 18. pag. 258. προλεγόμενα, ante dicta.

Epist. 20. pag. 259. ἐψιμαθεῖς, sero discennes.

Epist. 21. pag. 260. ἀπόρθεγμα, acutè dictum.

Epist. 22. pag. 262. ὁσοφύς ἐρυρήμων ἔση, sapiens rectiloquus  
eris.

Epist. 24. pag. 264. συμπύσια, computationes.

Ibidem. σύνδειπνα, concœnationes.

Epist. 25. pag. 265. Κύρι παιδείαν, Chiri disciplinam.

Epist. 26. pag. 266. ζήτημα, quæstionem.

## EX LIBRO X.

Epist. 13. pag. 280. πτολίπορθον, vrbis direptorē Hom. in Od. i.

## EX LIBRO XI.

Epist. 14. pag. 332. ἔργον, instrumentum.

Ibidem. σκιασμάχια, umbratiles pugnae.

Epist. 25. pag. 340. λακωνισμὸν, laconismum, breuitatem.

Epist. 27. pag. 341. φιλοσοφούμενα, disputationes de philosophia.

## EX LIBRO XII.

Epist. 13. pag. 357. Παλτοῖ, Palti, ad Pakum, Laodiceæ opi-  
dum. Strabo lib. 15.

Epist. 14. pag. 359. πατρίδα ἐμὴν μᾶλλον φιλῶν, patriam meam  
magis amans.

Epist. 16. pag. 364. ἀθυρήμωνες θερος, apertior in loquendo.

Epist. 20. pag. 367. πάντα περὶ πάντων, omnia de omnibus.

Epist. 22. pag. 368. τυραννοκτόνοι, tyrannicidæ.

EX

## E X L I B R O X I I I.

- Epist. I. pag. 379. ὑπομνηματισμὸν, decretum, quod ad rei memoria non litteris mandatum sit.
- Epist. 15. pag. 390. ἀλλ' ἐμὸν ἵπποτεθυμὸν ἐνέστηθεσιν ἔπειθεν, sed meum nunquam animum in pectore persuadebar.
- Ibidem. ὀλίγος ἐστὶ, ἴνα τί σε καὶ ὀφειγόνων δέεισθαι, fortis esto, ut aliquis te & posterorum laudet.
- Ibidem. ὥς λεφέλην ἐκάλυψε μέλαινα, sic nebula involuit atra.
- Ibidem. Μὴ μὲν ἀσπεδῆγε καὶ ἀκλειῶν σπολάμιν, ἀλλὰ μέγας τί· καὶ εὐνομένοισι πύθῃσθαι, ne negligenter, & sine gloria peream, sed magno aliquo edito facinore, & posteris audiendo.
- Ibidem. Εὐριπίδης, Euripidis.
- Ibidem. Μισῶ σοφιστὴν, ὅστις καὶ αὐτὸς σοφός. Odi sapientem, qui non est sibi sapiens.
- pag. 391. αἶμα φέρωσιν, καὶ ὀπίσω. simulantes, & pone.
- Ibidem. αἰὲν ἀριστὸν. καὶ ὑπερχόν τιμῆναι ἄλλων, semper antecedere, & principem esse aliorum.
- Epist. 53. pag. 413. διέκτισιν, iurisdictionem, diæcesim.
- Epist. 56. pag. 415. ὑποθήκας. pignora.
- Epist. 67. pag. 421. τρεῖς διοικήσεις, tres iurisdictiones.

## E X L I B R O X I V.

- Epist. 7. pag. 437. χολὴν ἄκρατον, bilem putam.

## E X L I B R O X V.

- Epist. 16. pag. 464. κατ' ἑωλὸν φαντασίας, per spectorum visum.
- Ibidem. διανοητικὰς φαντασίας, intelligentiæ visum.
- Ibidem. ἡδῶλον, imago.

pag. 465. αἰρεσις, secta.

Epist. 17. pag. 465. πάντα περὶ πάντων, omnia de omnibus.

Ibidem. προσώπον πόλεως, faciem civitatis.

Ibidem. ἀδέσποτος, sine auctore.

Ibidem. τὸ καλὸν δὲ αὐτὸ αἰρετὸν, honestum per se  
oportabile.

pag. 466. ἀκενὸς πονδὸς, non inanis homo studij.

Epist. 18. pag. 466. φλύτρον, garrulum.

Ibidem. σπεδάζειν, serio agere.

Epist. 18. pag. 467. τὸ καλὸν δὲ αὐτὸ αἰρετὸν, honestum per se ex-  
petendum.

Ibidem. ἡδονήν, voluptatem.

Ibidem. ἡνυχισίαν, indolentiam.

Ibidem. τὸ καλῶ, honesto.

Ibidem. ἢ κ' εἴεν ἡδέως ἀνδ' ἢ καλῶς, καὶ δικαίως ζῆν,  
non potest iucundè, nisi honestè, & iustè  
vivere.

Ibidem. ἡδονήν; voluptatem.

Ibidem. φιλόδοξοι, cupidi voluptatis.

Ibidem. φιλόκαλοι καὶ φιλοδίκαιοι, cupidi, honesti, & cu-  
pidi, iusti.

Ibidem. ἀντιμυκτιρίσαι, vicissim deridere.

## EX LIBRO XVI.

Epist. 6. pag. 473. κακὸς ἔμπαχος, stomacho non bono.

Epist. 8. pag. 474. κίνδυνα μὲν, χρονιῶτερά δ' ἔ, tuta quidem,  
sed diuturniora.

Ibidem. ψυχὸς δὲ λεπτὴ χρωτὶ πολεμιώτατον, frigus  
autem tenuit inimicissimum.

Epist. 12. pag. 479. ἔτυμον, notationem.

Epist. 17. pag. 481. κανὼν, regula.

Ibidem. ἀκυρον, improprium.

Ibidem. ἐρωμίλησα, me à colloquio segregavi.

Epist. 18. pag. 482. διαδρόσιν, gestationem.

Ibidem. πέψιν, ἀλυπίαν, περίπατον, σύμμετρον,  
πέρψιν, ἐυλυσίαν, κυρίως, concoctionem, hila-  
ritatem.



ritatem, ambulationem modicam, oblecta-  
tionem modicam, oblectationem, facilita-  
tem alicui.

Epist. 21. pag. 484. συζητήσῃ, mutua quaestione.

Ibidem, τὰ μὲν εἰς καθ' ἡμᾶς τὰ δὲ, quæ igitur ad nos  
spectant, hæc sunt.

Ibidem. διαρρήδην, aperte.

Ibidem. σπεδὴ, contentio.

pag. 485. συμφιλολογεῖν, de litteris inter nos disputare.

Epist. 23. pag. 486. πανικῶς, panicis terroribus.

Ibidem. θορυβοποιεῖν, tumultuatur.

Ibidem. γόνυ κνήμης, genu tibia, subaudi propius est.





# EPISTOLARVM SINGVLARVM G E N E R A.

LIBRI PRIMI. 1. & 2. Nunciatoriæ. 3. Commendatitia.  
4. 5. 6. 7. Nunciatoriæ. 8. 9. Hortatoriæ, & excusatoriæ. 10.  
Iocosa.

LIBRI SECVNDI. 1. Excusatoria, & Hortatoria. 2.  
Consolatoria. 3. 4. Hortatoriæ. 5. Gratulatoria. 6. Commen-  
datitia, & petitoria. 7. Gratulatoria, hortatoria, petitoria. 8.  
Expostulatoria, & hortatoria. 9. Gratulatoria. 10. Accusato-  
ria, & nunciatoria. 11. Nunciatoria. 12. Hortatoria. 13. Mi-  
sta, ad varia respondens. 14. Commendatitia. 15. Mistra, ad  
diuersa respondens. 16. Purgatoria, & nunciatoria. 17. Mi-  
sta ad diuersa respondens. 18. Hortatoria. 19. Gratulatoria,  
& hortatoria.

LIBRI TERTII. 1. Nunciatoria, & commendatitia. 2. 3.  
Petitoria. 4. Nunciatoria cum gratiarum actione. 6. 7. Ex-  
postulatoria, & purgatoria. 8. Excusatoria, & recriminatoria.  
9. Gratulatoria, & petitoria. 10. Iudicialis, & excusatoria. 11.  
Gratulatoria, & petitoria. 12. Gratulatoria, & excusatoria.  
13. Gratiarum actionis.

LIBRI QVARTI. 1. & 2. Deliberatiuæ. 3. Consolato-  
ria, & Hortatoria. 4. Mistra, ad varia respondens. 5. Consola-  
toria. 6. Mistra, ad consolationem respondeas. 7. 8. 9. 10. Hor-  
tatoriæ. 11. Nunciatoria. 12. Mistra, & Nunciatoria. 13. Con-  
solatoria, & Hortatoria. 14. Mistra. 15. Hortatoria.

LIBRI QVINTI. 1. Criminatoria, siue Accusatoria. 2  
Recri-

Recriminatória, ad singula respondens. 3. Excusatoria. 4. Petitoria. 5. Accusatoria, & Commendatitia. 6. Nunciatoria. 7. Expostulatoria. 8. Purgatoria, & officiosa. 9. Petitoria cum commendatione. 10. Nunciatoria, & Postulatoria. 11. Responsoria. 12. Postulatoria. 13. Responsoria ad Consolationem. 14. Hortatoria, & Consolatoria. 15. Mesta. 16. Consolatoria. 17. Excusatoria, & Hortatoria. 18. Consolatoria. 19. Hortatoria. 20. Excusatoria, & Purgatoria. 21. Hortatoria.

**LIBRI SEXTI.** 1. Consolatoria, & Hortatoria. 2. Excusatoria, Nunciatoria, Consolatoria. 3. Consolatoria, & Hortatoria. 4. Consolatoria, admissa desperatione. 5. 6. Consolatoria, & Hortatoria. 7. Excusatoria, & Postulatoria. 8. Nunciatoria, & Suasoria. 9. Commendatitia. 10. 11. Officiosa, & Consolatoria. 12. 13. Gratulatoria, & Hortatoria. 14. Consolatoria, & Hortatoria. 15. Nunciatoria, & Consolatoria. 16. Gratulatoria. 17. Petitoria. 18. Familiaris. 19. Nunciatoria, & Responsoria. 20. Dissuasoria. 21. Monitoria, & Consolatoria. 22. Consolatoria, & officiosa. 23. Excusatoria, & Hortatoria.

**LIBRI SEPTIMI.** 1. Nunciatoria, & responsoria. 2. Responsoria ad gratulationem. 3. Narratoria, & Consolatoria. 4. Nunciatoria, & Iocosa. 5. Commendatitia. 6. Hortatoria. 7. Familiaris, & Iocosa. 8. Obiurgatoria. 9. Hortatoria. 10. Iocosa, cum reprehensione. 11. Iocosa, & Hortatoria. 12. 13. 14. Iocosa. 15. Familiaris, & Gratulatoria. 16. Iocosa. 17. Hortatoria. 18. Hortatoria, & Iocosa. 19. Nunciatoria. 20. Suasoria. 21. Commendatitia. 22. Narratoria. 23. Nunciatoria. 24. Conquestoria. 25. Responsoria. 26. Nunciatoria. 27. Responsoria, & Obiurgatoria. 28. Laudatoria. 29. Petitoria. 30. Conquestoria, & Narratoria. 31. Responsoria, & Hortatoria. 32. Iocosa, & Petitoria. 33. Responsoria, & Nunciatoria.

**LIBRI OCTAVI.** 1. Nunciatoria. 2. 3. Nunciatoria, & Petitoria. 4. Nunciatoria. 5. Dehortatoria. 6. 7. 8. Nunciatoria. 9. Nunciatoria, Petitoria, & Commendatitia. 10. 11. Nunciatoria. 12. Conquestoria. 13. Gratulatoria, & Nunciatoria.

12. 14. 15. Nunciatoria. 16. Suasoria. 17. Conquestoria.  
**IBRI NONI.** 1. Nunciatoria. 2. Excusatoria, & Hortatoria. 3. Nunciatoria. 4. Iocosa. 5. Excusatoria. 6. Nunciatoria, & Laudatoria. 7. Iocosa, & Nunciatoria. 8. Petitoria, & Hortatoria. 9. Hortatoria. 10. Iocosa, & Narratoria. 11. Mista. 12. Familiaris. 13. Commendatitia. 14. Laudatoria, & Hortatoria. 15. Responsoris, & mista. 16. Nunciatoria, purgatoria, iocosa. 17. Responsoris, & nunciatoria. 18. Nunciatoria, & iocosa. 19. 20. Iocosa. 21. Confutatoria, seu contentiosa. 22. Disputatoria, & iocosa. 23. 24. Familiares, & iocosa. 25. Iocosa, & commendatitia. 26. Excusatoria, & familiaris.  
**IBRI DECIMI.** 1. Criminatoria, & hortatoria. 2. Excusatoria. 3. Laudatoria, & hortatoria. 4. Excusatoria, & promissoria. 5. Hortatoria. 6. Dissuasoria. 7. Excusatoria, & promissoria. 8. Excusatoria, & nunciatoria. 9. Promissoria. 10. Laudatoria, & hortatoria. 11. Gratiarum actionis, nunciatoria, promissoria. 12. 13. Nunciatoria, & hortatoria. 14. Gratulatoria, & hortatoria. 15. 16. 17. 18. Nunciatoria. 19. Hortatoria. 20. Petitoria, & hortatoria. 21. Nunciatoria, & postulatoria. 22. Nunciatoria. 23. Excusatoria, nunciatoria, petitoria. 24. Gratiarum actionis, petitoria, accusatoria. 25. 26. Dissuasoria. 27. Accusatoria. 28. Expostulatoria, & nunciatoria. 29. Officiosa. 30. Nunciatoria, & 31. Excusatoria, seu purgatoria. 32. Accusatoria, & nunciatoria. 33. Querula, & nunciatoria. 34. Nunciatoria, & gratiarum actionis. 35. Purgatoria.

**IBRI VNDECIMI.** 1. Nunciatoria. 2. Petitoria, & excusatoria. 3. Expostulatoria. 4. Petitoria. 5. Nunciatoria, & hortatoria. 6. Officiosa, & narratoria. 7. Hortatoria. 8. Nunciatoria. 9. Petitoria, & monitoria. 10. 11. Nunciatoria. 12. Conquestoria. 13. Excusatoria, & nunciatoria. 14. Responsoris ad multa. 15. Laudatoria. 16. 17. Commendatitia. 18. Accusatoria. 19. Petitoria. 20. Monitoria. 21. Responsoris ad varia. 22. Commendatitia. 23. Nunciatoria, & Suasoria. 24. Responsoris. 25. Postulatoria. 26. Monitoria. 27. 28. Excusatoria, seu purgatoria. 29. Laudatoria, & narratoria.

**LIBRI DVODECIMI.** 1. Querula, & hortatoria. 2. 3. 4. Criminatoriæ, & nunciatoriæ. 5. 6. 7. Nunciatoriæ. 8. Querula, & hortatoria. 9. 10. 11. Nunciatoriæ, & hortatoriæ. 12. Nunciatoria, & commendatoria. 13. Gratulatoria, laudatoria, nunciatoria. 14. 15. Nunciatoriæ, & petitoriæ. 16. Gratulatoria. 17. 18. Miſſæ, ac Variæ. 19. Gratulatoria, & monitoria. 20. Incoſa. 21. Commendatoria. 22. 23. Nunciatoriæ. 24. Hortatoria, & commendatoria. 25. Miſſa, & varia. 26. 27. Commendatoriæ. 28. Familiâris. 29. Commendatoria. 30. Purgatoria, & reſponſoria.

**LIBRI DECIMITERTII.** Huius libri Epistolæ, vel commendatitiæ tantum ſunt: in quibus vel perſonam tantum, vel vniuerſè negotia alicuius commendat, vt 3. 4. 6. 10. 12. 13. 15. 16. 17. 19. 20. 21. 22. 23. 25. 31. 32. 33. 34. 35. 38. 39. 40. 43. 44. 45. 46. 47. 48. 49. 50. 51. 52. 53. 59. 60. 63. 66. 67. 70. 71. 74. 78. 79. Vel præter commendationem, petitoriæ quoque ſunt, quibus peculiare aliquid pro quopiam petit; vt 1. 2. 5. 7. 8. 9. 11. 14. 26. 28. 29. 30. 36. 37. 53. 54. 55. 56. 57. 61. 64. 65. 69. 72. 75. 77. Vel interdum commendatione gratiarum aliquam actionem adiungunt; vt 18. 24. 27. 28. 41. 42. 54. 62. 64. 73. Purgatoriæ etiam, ſi excuſatoriæ ſunt 24. 29. Reſponſoria, ac nunciatoria ep. 68. Nunciatoria ſimul, ac promiſſoria 77.

**LIBRI DECIMIQUARTI.** 1. Flebilis, nunciatoria, diſſuaſoria. 2. Excusatoria, & flebilis. 3. Flebilis, & reſponſoria. 4. Flebilis, & nunciatoria. 5. Nunciatoria, & varia. 6. Excusatoria, & reſponſoria. 7. Nunciatoria. 8. Petitoria. 9. Mœſta. 10. Mandatoria. 11. Nunciatoria. 12. Diſſuaſoria. 13. Mandatoria. 14. Deliberatiua. 15. Nunciatoria. 16. Miſſa. 17. Mœſta. 18. Deliberatiua, & hortatoria. 19. Mœſta. 20. 21. Mandatoriæ. 22. 23. 24. Nunciatoriæ.

**LIBRI DECIMIQUINTI.** 1. 4. Nunciatoriæ, ac petitoriæ. 2. 3. Nunciatoriæ. 5. Excusatoria, & Gratulatoria. 6. Reſponſoria. 7. Gratulatoria, & petitoria. 8. 9. Gratulatoriæ. 10. Petitoria. 11. Gratiarum actionis. 12. 13. Gratulatoriæ, ac petitoriæ. 14. Reſponſoria, Gratulatoria, hortatoria. 15.

Nun=

Nunciatoria, ac deliberatiua. 16. Iocosa. 17. 18. Excusatoria,  
& nunciatoria. 19. Responsor, laudatoria, iocosa. 20. Lau-  
datoria, petitoria. 21. Gratiarum actionis, & responsor.  
**LIBRI DECIMI SEXTI.** 1. 2. 3. 4. 5. Nunciatoria,  
& hortatoria. 6. 7. 8. Hortatoria, officiosa, familiares. 9. 10.  
11. Nunciatoria, & hortatoria. 12. 13. 14. 15. Officiosa, fa-  
miliares, hortatoria. 16. Gratulatoria. 17. Obiurgatoria, fa-  
miliaris. 18. Responsor, hortatoria. 19. 20. Mandatoria, &  
hortatoria. 21. Responsor, nunciatoria, gratulatoria. 22. 23.  
Hortatoria, mandatoria, nunciatoria. 24. Mandatoria. 25.  
26. Petitoria. 27. Nunciatoria.

**F I N I S.**



